



11799/B


~~glt. info~~
glt. 2/10/1

1802.
Test. 13
26. 13
4.5
Kafu

D. IV

18/6

complete



THE
RIGHT
HONORABLE
JAMES OGLETHORPE
ESQ;
GOVERNOR OF THE PROVINCE OF GEORGIA
IN AMERICA
TO WHOM THESE PRESENTS COME
AND BY WHOM THEY ARE TO BE
DELIVERED TO THE SAID
JAMES OGLETHORPE
ESQ;
GOVERNOR OF THE PROVINCE OF GEORGIA
IN AMERICA
IN WITNESS WHEREOF
I HAVE HEREUNTO SET
MY HAND AND SEAL
AT THE CITY OF LONDON
THIS 15TH DAY OF MAY
1734



CASPARUS
DOMI -

*S.R.I. Comes de Wol-
L.B. in Neuhaus, Domi -
Præfect, in Gusidawn, Greifen-
S.C.R.C. Maiestatis Consiliarius
Capitaneus ad Athesin,
nec non Principalis Comitatus
ac Structor*

PARIS
-NICUS

*-ckenstein et Trastburg,
-nus de Sigmunds = Cron,
-stein, Genesien, et Melten etc.
Intimus Actualis, Camerarius,
et Præfectus Tyroleos,
Tyroleos stabulj Præfectus,
hæreditarius.*

HIERONYMI LEOPOLDI BACCHETTONI
 PRECENSIS ROMANI, A. A. L. L. PHILOSOPHIÆ, CHIRURGICÆ, AC ME-
 DICINÆ DOCTORIS, S. C. R. C. M. &c. IN ALMA CÆSAREO-ARCHIDUCALI VNIVERSITATE OENI-
 PONTANA IN ANATOMIIS, ET CHIRURGICIS PROFESSORIS PVBLCI ORDINARIJ, AC P. T. FACVLTATIS ME-
 DICINÆ DECANI, INCLYTÆ PROVINCIÆ TYROLENSIS PHYSICI, ET CHIRVRGI, NEC NON INSTI-
 TUTI SCIENTIARVM BONONIÆ ACADEMICI.

ANATOMIA

MEDICINAE THEORETICAE

ET

PRACTICAE MINISTRA, CAUTELISQVE
 IN PRAXI OBSERVANDIS ILLUSTRATA.

PRIVS

**MEDICINAE AUDITORIBVS IN DEMONSTRATIONIBVS ANATO-
 MICIS ET COLLEGIIS PVBLICIS TRADITA.**

NUNC VERO


AD VTILITATEM PVBLICAM, ET MAXIME AD DI-
 SCENTIVM COMMODVM PVBLICIS TYPIS SVBIECTA.

DVPLICI INSTRVCTA INDICE,

ALTERO SCILICET CAPITVM

ALTERO RERVM MAGIS NOTABILIVM.

**VNA CVM FIGVRIS AENEIS ADVMBRATA, PARTIM
 EX VARIIS AVCTORIBVS DESVMPPTIS, PARTIM PROPRIA
 INDVSTRIA AD VIVVM EX CADAVERIBVS EXTRACTIS.
 CVM SVPERIORVM PERMISSV.**



OENIPONTI,

**SVMPPTIBVS IOANNIS IACOBI CREMERI,
 BIBLIOPOLAE NORIMBERGENSIS. MDCCXL.**



SUB
FELICISSIMIS AUSPICIIS
ILLUSTRISSIMI
ET
EXCELLENTISSIMI DOMINI
DOMINI
CASPARI PARIDIS
DOMINICI,

S. R. I. COMITIS DE WOLCKEN-
STEIN ET TROSTBURG, L. B. IN NEIHAVS,
DOMINI DE SIGMVNDS-CRON, PRAEFECTI
IN GVFFIDAVN, GREIFENSTEIN, GENE-
SIEN ET MELTEN &c. &c.

S. C. C. MAIESTATIS
CONSILIARII INTIMI ACTVALIS, CAME-
RARI CAPITANEI AD ATHESIN ET PRAEFECTI
TYROLEOS, NEC NON PRINCIPALIS COMITATVS
TYROLEOS STABVLI PRÆFECTI AC STRV-
CTORIS HAEREDITARII:
DOMINI DOMINI
AC

PATRONI GRATIOSISSIMI &c. &c.

LIBRVM HUNC

VNA

CVM IN FINE ANNEXIS PARERGIS

SVB IPSIVS AVCTORIS PRAESIDIO

IN ALMA CAESAREO - ARCHIDVCALI VNIVERSITATE OENIPONTANA
PVBLICAE SUBIECIT DISPVTATIONI

PRAENOBILIS ET DOCTISSIMVS

DOMINVS

QVIRINVS LEONARDVS STEGER

MONACENSIS BOIVS A. A. L. L. ET PHILO-
SOPHIAE DOCTOR, NEC NON PRO SVPRE-
MA MEDICINAE LAVREA CANDIDATVS

MENS. AVG. DIE V, HORIS ANTE ET POMERIDIANIS.

Illu-

ILLUSTRISSIME EXCELLENTIS-
SIME DOMINE DOMINE
COMES &c. &c.

QUod has theses medicas Tuis po-
tissimum auspiciis confecro, mag-
na Te inter & saluberrimam, quam profi-
teor, artem coniunctio facit. Num infe-
rius Excellentia hoc tua, an pro facultate
mea iactantius esse dictum videtur? Neu-
(3 trum,

trum, opinor. Accipe, qua soles, facilitate perbreuem pronuntiati mei anatomen. Et quidem scientiæ medicæ originem, ipsis adeo mundi incunabulis coæuam, non, credo, dedignabitur Nobilitas tua peruestusta, plurimisque Auorum & Atauorum ceris non magis ac meritis longe illustrissima. Ipsum vero medici officium si requiras, istud est: vt vel corpus a morbis intactum seruetur consulendo, vel morbi a corpore proscribantur medendo. Iam autem quod corpus aut maius, aut pluribus (vt ex instituto loquar) obnoxium symptomatis, quam Romanum Imperium, & annexarum huic prouinciarum, tamquam membrorum, compages?

Cuius morbis & vulneribus, quo accideret in hac rerum humanarum vicissitudine, necesse quodammodo fuit, quis alios tot inter præstantes Archiatros fidelius feliciusue medebatur, quam Domus WOLCKENSTEINIA?

Hæc

Hæc prouidos Cæsaribus Confiliarios, hæc
fortes Archistrategos dedit, qui mitioribus
consiliis domi, militiæ autem seueriore manu
pro re communi decertarent, vt Apollinea
quadam arte quum profutura ex domesticis
iisque viuis lapidibus in pace pharmaca,
tum metuenda gentilitiis ex nubibus in bello
fulmina, victoriæ partum vtique optatissi-
mum promotura, depromerent. Super-
fedeo hic singillatim commemorare de TVIS.
De TE pauca ex plurimis vt subiungam,
patere. Quam solerter iam inde ab ineunte
ætate ad publicam olim salutem procuran-
dam TE compararis, testis est Oenipontana
ciuitas; quæ optimis florentem disciplinis
cum ipso hoc, quod agimus, seculo, in spes
Patriæ TE maximas vidit adulescere. Ne-
que expectationis huius de TE suo dulcissimo
fructu iam caret, dum TE manum admo-
uente quasi medicam, ab ægritudine qua-
dam sua cum reliqua, *CÆSARI* semper fide-
lissima, Tyroli, non nihil incipit respirare.

) () (

Vt

Vt enim aliorum præclara de TE iudicia file-
antur, illud instar omnium fane grauissimum
est magnificentissimumque, quod AVGV-
STISSIMVS ROMANORVM IM-
PERATOR CAROLVS, quum Ty-
rolensium suorum, suorum inquam, com-
modis prospectum optime vellet, TE pro-
uinciæ sibi charissimæ Profectum & in comi-
tiis prouincialibus Præsidem nominarit, con-
stitueritque. Intellexit nempe PRINCEPS
omnium Prudentissimus, eum Virum,
quem non frustra suis intimis consiliis adhi-
bisset, quem difficili nuper ad Grifones
legatione perfunctum accepisset, eaque
fidei atque integritatis laude perfunctum,
vt & suo se Majestati probarit abunde, &
Grifonibus iucundam sui, diuturnamque
memoriam reliquerit, eum Virum intelle-
xit AVGVSTISSIMVS CAROLVS
non posse non dilecto sibi Tyroli prodesse
præsertim quamplurimum; quum ex Aui glo-
riosissimis de eadem provincia eadem dinig-
nitate

nitate meritis de Nepote coniecturam capere non esset difficile. Quamquam quid coniectura hic opus? Non, quid facturus sis, PRÆTOR EXCELLENTISSIME! cogitandum est, quum palam omnibus iam sit, quid feceris. celebratur secundis admurmurationibus, hodieque personat Oratio illa tua, quam pro solemni Comitiorum auspicio ad boni communis emolumentum omnino accommodatam grauiter copioseque dixisti. Non in labiis TIBI, sed in animo, rerum publicarum studiosissimo, nota esse verba illa, communi suffragio existimatum est. Ex quibus id ego conficio: non maiore sedulitate Medicos subleuandis corporibus, quam TE curandis Patriæ persanandisque quibus quibus vulneribus inuigilare, magnamque (id quod initio dixi) cum arte medica TIBI coniunctionem intercedere.

Admitte igitur benignis manibus & oculis hunc, quem TIBI cum Parergis meis medicis dedico ac deuoueo, librum, auctore

suo dignissimum. Et quoniam rebus mederi
publicis vnice cupis, me quoque ad publicæ
salutis aliquod adiuumentum gratiis tuis foue
& protege. Ita submisissimis votis preca-
tur

**ILLUSTRISSIMÆ ET EXCEL-
-LENTISSIMÆ DOMINA-
-TIONIS TVÆ**

**DEVOTISSIMVS, DESEQUENTISSIMVS
CLIENS AC DEVINCTISSIMVS
SERVVS**

QVIRINVS LEONARDVS STEGER

**A. A. L. L. ET PHILOSOPHIÆ DOCTOR,
MEDICINÆ CANDIDATVS**

AP-



APPROBATIO THEOLOGICA.

Praesentem lucubrationem anatomicam, siue *Medicine Practicae Ministram* pro munere perlustraui, in cuius euentilatione Clarissimus Auctor non solum fidem orthodoxam & bonos mores nec in minimo offendit, verum etiam in exponendis, naturam humanam, qua talem, spectantibus materiis adeo modestis, utitur verborum phrasibus, ut praeter suam praecelaram scientiam chirurgico-anatomicam (quam viris in arte peritis pro meritis extollendam relinquo), summam honestati simul studuisse videatur. Videat itaque hic primus partus lucem publicam, crescat, ac se multiplicet in incrementum Vniuersitatis, augmentum saluberrimae Facultatis, honorem Auctoris Clarissimi, utilitatem denique omnium D. D. Saluberrimae Medicinae Candidatorum. Ita censet Oeniponti d. 25. Junii. 1740.

(L. S.)

Nicol. Tol. Wille S. S. Theol.
& J. V. Doctor. Controuerf. fidei
Professor Publicus, nec non p. t. S.
Facultatis Decanus.

X X 3

Сеп-



CENSURA MEDICA.

Miraberis forte, Beneuole Lector! quod Clarissimus Auctor, vt Professor Anatomiae, & qui eius laudibus perquam vigil est, hanc tibi sistat vt *Medicina Practica Ministram*, sed mirari desines, dum considerabis, quod publico seruire, vere sit regnare; cæteri enim Dominationis tituli potius tyrannum sapiunt. Verus & magnus Dominus est, qui publicum dirigit & ei ministrat. Anatomia simpliciter, qua speculatiua, sua quidem non caret laude, sed saltem quædam philosophiæ pars est, & alios procos vix numerat, nisi vel otiosos, vel quorum talenta se altius non erigunt, quam vt sibi prosint. Dum vero Anatomia Medicinæ Practicæ ministrat, vel verius loquendo eam dirigit, vera est Domina, neque amplius eius laus extendi potest. Legi itaque prælaudati Domini Auctoris præsentem lucubrationem, quam non tantum ob stili breuitatem, comitatem, veritatem, atque contentas curiositates in aliis auctoribus non adeo obuias, quam potissimum ob fructum in medicinam dogmaticam redundantem, Tyronibus quidem necessariam, practicis vero perexoptatam, commendandam, & ideo luce publica dignissimam censeo. Dat. Oeniponti d. 12. Junii. 1740.

(L.S)

Franciscus Fridericus Payr ad
Turrim, Phil. & Med. Doctor, Institut.
medic. atque p. t. Aphorism. Hippocr.
Professor Publicus, nec non p. t. Fa-
cultatis Medicæ Decanus.

Can-



Candido & Erudito Lectori.

Salutem & summam (quæ DEVS est) felicitatem.

Du animo hæsi & multum deliberaui, an præsentēs demonstrationes anatomicas (quas Dominis meis medicinae Auditoribus anno proxime elapso publice & præsentē cadauere proposui) publicis vellem subiicere typis, quum una ex parte mihi ignotum non sit, totam iam rempublicam anatomicam tot tantisque præstantissimorum virorum voluminibus superbire, quæ volumina tum recentiorum, tum veterum, tam exacte & dilucide rem pertractant anatomicam, ut superfluum mihi videretur, alios huius rei libros conscribere. Alia autem dubitandi causa est, quod in hac cathedra ac professura anatomica iuuenis adhuc constitutus præsumam præstantissimorum Virorum vestigia subsequi. Interim tamen, an multi eorum sint, qui doctrinam anatomicam adeo ad praxin direxerint, merito est, ut dubitem: Quare occasio, quæ se representauit, inextricabilis erat, & voluntati potius aliorum, quam meo satisfeci desiderio. Hinc demonstrationes has anatomicas, Lector Beneuole! figuris æneis adornatas eo suscipe fauore, quo tibi offero feruore; non enim otii gratia has conscripsi, sed ut publico inservirem, nec, ut spero, impensi laboris te poenitebit lectio. Figuras æneas, quas repræsentō, non omnes meas esse scias, sed ex variis auctoribus, BARTHO-LINO nempe, VALVERDA & VERHEYENIO, quæ mihi magis naturæ correspondentes videbantur, una cum explicatione desumpsi, reliquas vero, quæ tibi novæ videntur, uti
sunt



sunt intestina, mesenterium, hepar dissolutum, vesica fellis cum poris biliaris, pulmones a substantia separati, bronchia, systema arteriosum venosum, & nervosum, has omnes ex cadaueribus propria industria excerptas & ad viuum depictas esse iudica. Interim crede, has demonstrationes vniuersae destinatas esse ad summum Dei ter optimi maximi honorem & gloriam, & utilitatem publicam. Procuravi in conscribendo hoc opere, ut maior haberetur claritas, breuitas, quam elegantia; hoc autem ideo, ut addiscentes maius caperent anatomiae fundamentum. Hinc nunquam mea praesumptio fuit, ut opus hoc anatomiae columnis, Virisque hac in arte doctissimis (cum quibus usus mihi non est, ut possim incedere) censurae subiiciatur, sed tantummodo, ut hoc perlecto opere ab addiscentibus alia ingeniosissime conscripta volumina facilius intelligantur. Fruere proin, Lector beneuole! tu praesertim anatomiae Tyro! hoc libro, & fauente DEO pauco temporis interuallo chirurgiam huic anatomiae commixtam aequali tibi offeram animo. Interim vale meque continuo affectu prosequi non dedignare, & operi tandem faue.

Conspectus totius operis.

Oratio inauguralis, cuius thema:

Ideo studium anatomicum est excolendum, quia alias singulariter illustrat scientias.

LIBER PRIMVS.

De cauitate naturali.

Demonstratio Prima

De Corporis humani diuisione externa.

Caput I. De enumeratione partium externarum corporis humani.

Pag. I.

II. De partibus similaribus & vniuersalibus in specie. 4

Demonstratio Secunda

De integumentis.

Cap. I. De cuticula.

7

II. De cute

10

III. De pinguedine.

19

Demonstratio Tertia

De musculis in genere & infimi ventris.

Cap. I. De musculis in genere.

21

II. De musculis abdominis.

25

III. De motu & operatione musculorum.

28

Demonstratio Quarta

De musculis in specie.

Cap. I. De musculis capitis.

34

II. De musculis colli.

40

III. De musculis scapulæ.

40

IV. De musculis thoracis.

41

V. De musculis dorsalibus.

43

VI. De musculis artuum superiorum.

44

VII. De musculis cubiti.

46

VIII. De musculis manus.

47

IX. De musculis digitorum.

49

X. De musculis femoris.

52

XI. De musculis tibiæ.

53

XII. De musculis pedis.

54

XIII. De musculis digitorum pedis.

56

)()()(

De-

Index Capitum.

Demonstratio Quinta.

De partibus continentibus internis.

Cap. I. De peritonæo.	Pag. 57
II. De omento.	61

Demonstratio Sexta.

De partibus coctioni destinatis & intestinis.

Cap. I. De œsophago.	70
II. De ventriculo.	75
III. De intestinis in genere.	78
IV. De intestinis tenuibus.	82
V. De intestinis crassis.	83
VI. De chylicatione.	88

Demonstratio Septima.

De partibus chylo appropriatis, vasis lacteis, lymphaticis
& glandulis.

Cap. I. De mesenterio.	90
II. De vasis lacteis & ductu thoracico.	92
III. De vasis lymphaticis.	95
IV. De glandulis.	98

Demonstratio Octava.

De partibus ulteriori concoctioni & bilis secretioni propriis.

Cap. I. De hepate.	102
II. De liene.	108
III. De pancreate.	110
IV. De usu & officio hepatis, lienis & pancreatis.	112

Demonstratio nona.

De partibus urinæ secretioni & expulsiōi inferuiētib.

Cap. vnicum. De renibus, vreteribus & vesica urinaria.	115
--	-----

Demonstratio Decima.

Caput vnicum de partibus generationis virorum.	123
--	-----

Demonstratio Undecima.

Cap. I. De partibus generationis mulierum externis & internis.	133
II. De vtero.	138

Demonstratio Duodecima.

De foetu.

Cap. I. De ouuli foecundatione.	143
Cap. II.	

Index Capitum.

Caput. II. De membranis foetum inuoluentibus, placenta vteri & funiculo vmbilicali. Pag. 146

LIBER SECUNDUS.

De cauitate media seu de pectore.

Demonstratio Prima

Cap. 1. De partibus thoracem constituentibus in genere.	153
II. De mammis,	154
III. An vir lac generare possit?	157
IV. De partibus thoracis continentibus.	161
V De mediastino,	163
VI De pleura.	165
VII. De thymo.	167
VIII. De diaphragmate.	168

Demonstratio Secunda

De partibus respirationi inferuientibus in specie.

Cap. 1. De pulmonibus.	171
II. De trachea & fistula pulmonali.	174

Demonstratio Tertia

De corde & vasis sanguiferis.

Cap. 1. De corde & circulo sanguinis.	179
II. De cordis capsula, seu pericardio.	188
III. De humore pericardii.	191
IV. De arteriis.	193
V. De venis seu veneologia.	207

LIBER TERTIVS.

De cauitate suprema.

Demonstratio Prima

Caput. 1. De partibus capitis externis.	Pag. 225
II. De Partibus caput constituentibus.	228
III. De membranis cerebrum inuoluentibus & primo de dura matre,	230
Cap. IV. De membrana arachnoidea,	236
V. De pia matre.	238

Demonstratio Secunda.

De Cerebro, medulla oblongata & neruis.

Cap. 1. De cerebro.	240
	Cap. II.

Index Capitulum.

Cap. II. De cerebello.	Pag. 244
III. De medulla oblongata, spinali & nervis.	245
IV. De officio cerebri.	250

Demonstratio Tertia.

De nervis.

Cap. I. De nervorum principio & cauitate.	252
II. Nervorum tabula generalis	261

Demonstratio Quarta.

De oculo.

Cap. I. De oculi descriptione externa.	265
II. De musculis oculorum.	267
III. De oculorum membranis.	269
IV. De oculorum humoribus.	272
V. De oculorum vsu.	274

Demonstratio Quinta.

De aure

Cap. I. De auris externæ descriptione.	276
II. De auris internæ descriptione.	280
III. De vsu & officio auris.	286

Demonstratio Sexta.

De lingua & naribus.

Cap. I. De lingua.	288
II. De vsu & officio linguæ.	292
III. De naribus.	294

LIBER QUARTUS.

De Osteologia.

Demonstratio Vltima.

Cap. I. De ossium descriptione generica.	297
II. De cartilagine	301
III. De ossibus in specie, vbi traditur ossium descriptio & numerus, siue de sceleto, & in specie de ossibus capitis.	305
IV. De ossibus trunci.	307
V. De ossibus artuum.	308
VI. De ossium connexione.	309
<i>Parerga Medico-Chirurgico-legalia.</i>	314



PROOEMIUM.

Laudatissimus omnium auctorum mos est, ut cuius operi inscriptionem, seu prooemium statim in principio adiungant, quod rei illius describendæ excellentiam præfiguret; hinc nullum ego libro huic prooemium iudicaui aptius apponi posse, quam orationem inauguralem habitam in præsentia totius Amplissimi Senatus Academici in hac alma Cæsareo - Archiducali nostra vniuersitate Oenipontana docentis, dum anno millesimo, septingentesimo, trigésimo nono in saluberrima Facultate Medica anatomiae publicæ initium daretur, quam tu, Lector beneuole, prooemii loco fuscipe. Sit igitur

THEMA

Ideo studium anatomicum est amplectendum, quia alias singulariter illustrat scientias.

ITa est, Prænobilis ac Magnifice D. Rector, Illustrissimi D. D. Comites, Perillustres ac Generosi D. D. Barones, Patres Academici Amplissimi, D. D. Hospites, virtute, religione, doctrina, nobilitatis genere, vnde vnde spectatissimi! Ita est, inquam, totus iam iam variarum scientiarum luminibus illustratus orbis, de quibus diu disputatum habemus, quænam scientiarum primatum sibi vindicare

PROOEMIUM.

dicare posset: ad tantum enim excellentiæ statum euectæ sunt, vt non tantummodo naturalia inuestigare, sed & ea, quæ intellectum humanum superare videntur, perlustrare summa cum speculantis voluptate conentur. Et reuera animus noster, quum semper ad bonum propius accedat, ad nil, nisi scientias acquirendas, sese defatigat, & merito quidem: Quid enim iucundius, quid pulchrius, quid amoënus, quam omnia hucusque inuenta, omnia producta ratione scientifica comprobare? ratio enim in homine optimum est, per hanc enim animalia antecedit, & deos sequitur: hinc SENECA: ratio ergo perfecta proprium hominis bonum est; per rationem vero perfectam aliud nil intellexisse videtur, quam scientiam.

Verum enim vero non ego vos huc conuocaui, vt scientiarum elogia audiretis, neque ipse cathedram ascendi, vt earum præstantiam, dignitatem nobilitatemque exponam, sed potius vt nobis discernere liceat, quænam illa scientiarum sit, quæ alias singulariter illustrare videatur. Veniam hinc dabitis, Auditores litteratissimi! si hodie tam arduum, & viribus meis minime accommodatum proponere præsumam argumentum, neque credatis, me

me hac in re alias velle scientias vilipendere, vel annihilare, sed id potius efficere conabor, vt alia scientiarum genera magis magisque semper elucescant.

Magna profecto est illa, quæ summo iure sacrosancta nuncupatur: hæc enim in diuinis speculationibus, & in his, quæ longe intellectum superant humanum, summum sibi quærit bonum. Magna iurisprudentia, quum hæc nullo habito respectu unicuique suum tribuit. Magna est scientia medica: hæc enim sanitatem amissam recuperat & præsentem conseruat. Magna denique est philosophica, quæ sua subtilitate omnia creata hucusque inuenta & producta mirum in modum dilucidare conatur. Magna hæc sunt, maior tamen, imo maxima est scientia anatomica: per hanc enim aliæ scientiæ & artes, pene dixerim omnes, vel maius capiunt incrementum, vel saltem magis illustrantur, hicque totius orationis meæ finis fit & cardo, quod scilicet *ideo anatomica scientia sit eligenda, quia alias singulariter illustrat scientias.*

Vt igitur propositum nostrum magis magisque elucescat, ex triplici fonte hanc anatomici præstantiam & prærogatiuam eruere oportet, & primo quidem ex nobilitate obiecti; 2^{do} ex multiplici fine; tertio

tertio denique ex illius vtilitate. Vos vero, Auditores litteratissimi! breuiter peroranti benignas, vti sæpius fecistis, fauete aures.

Res mihi plane euidens & certa nimis videtur, quod scilicet ex nobilitate obiecti artis & scientiæ quoque nobilitas & claritudo eruenda veniat; quam ob rem pictoria inter nobiles reducitur artes, quia hæc naturæ vestigia supra tabulas, penicilli ope, variorum colorum mixtura nititur adumbrare: nil dicam vltius de aliarum artium præstantia, quæ mirifica sane promunt suæ nobilitatis obiecta, quæis tam stupenda producunt arcana, ac si natura ipsa summa cum voluptate ea elaborasset; & in his mens delectatur humana.

Ista vero artium scientiarumque obiecta longe superat anatomia, quæ pro vnico obiecto tenet creatum nobilissimum, quod ipsi creatori simile est, vti sacræ testantur paginæ, hominem scilicet, obiectum plane inæstimabile! & hæc quidem minime contenta videtur in consideratione humanæ formæ exterioris, cuius trinam, perfectamque dimensionem summe admiramur intuemurque omnes; non dicam de adaptata partium externarum locatione: quid enim aspectu pulchrius, quam oculo-
rum

rum elegantia, qui in loco sublimiori siti, ut eis
 tanquam speculis vteremur? quid ore formosius,
 cui linguam veluti mentis interpretem inclusam ha-
 bemus? nil dicam de naribus, quas certe odorum
 moderatrices omnes mecum nominabunt; nil di-
 cam de auribus, queis percepta mirabili modo
 menti communicamus; nil denique dicam de reli-
 qua totius hominis dispositione externa, quæ tali
 abundat excellentia, ut ad eam declarandam verba
 differtissimo etiam oratori deficient. Si hæc tam
 alte mirantur, licet externa sint, maioris certe
 erunt admirationis ea, quæ his inclusa cancellis in-
 ueniuntur. Quemadmodum terra rariora metal-
 lorum genera in interiori sinu recondita tenet, sic
 & ipsa natura partes hominis principales secun-
 dum ipsarum exigentiam his inclusit compagibus,
 & quum curiosum homini ingenium natura dede-
 rit, & nouitatis auidum, vnius felicitas multos ex-
 citat, qui laudis cupidine illecti de natura genere-
 que mortalium bene mereri cupiunt, hinc cultris
 certatur, cruentantur manus, acuuntur ingenia,
 labor indefessus impenditur, usque ad inutilem,
 ut ita dicam, subtilitatem! & profecto ad tantum

() () () () in

in anatomicis culmen ventum est, ut noui quid amplius vix reperiri posse credatur.

Minime vero suffecisse videtur humano ingenio ruminatio, perscrutatio & partium solidarum contemplatio, sed ut motum tum solidarum, tum liquidarum partium facilius perciperet, animalia viva in auxilium petit & inuenta ibi analogice saltem ipsi adaptat homini. Mira sane, stupenda & admiranda obiecti anatomici perscrutatio! Licebit, Auditores Litteratissimi! in huius anatomia publicæ decursu, quantum quidem vires meæ ferre vlla ratione possunt, omnia hucusque a me allata oculis conspicere, patebit tunc admiranda partium structura, regularis & adoptata harum configuratio, partis cum parte connexio & usus: ut paucis denique multa includam, videbitis in homine totum, quidquid in se continet mundus, imo & ipsum mundum, & scientiarum scientiam; non mihi præstetur fides, sed audite BOVRCHOTIVM, Mundiaspectabilis scientia concludi non potest aptius, quam contemplatione eius corporis, quod cætera velut in compendio continet, quodque omnium postremum ob omnipotente Deo conditum legitur: equidem in totius hominis, non in solius humani corporis
crea-

creatione substitit, & ab omni, quod patrarat, opere, requieuit Deus: quam igitur bene TVLLIVS de officiis: Illa autem sapientia, quam principem dixi, rerum est diuinarum, atque humanarum scientia, in qua continetur deorum & hominum communitas, & societas inter ipsas: ergo hæc cognitio anteponenda est. Quis enim hominem dignoscere poterit sine anatomiae interuentu? quis diuinitatis essentiam rite ruminari poterit, nisi ab exacta corporis humani cognitione? Ex his iam clare elucescit, quod, si homo per anatomiae scientiam non tantum se ipsum, sed & ipsum Deum, tunc mirum plane non erit, si & mundana, quæ homine longe sunt inferiora, modo faciliore noscere discat, hinc MANILIUS: quid mirum noscere mundum si possunt homines, quibus est & mundus in ipsis, exemplumque Dei est, quisquis sub imagine parua.

Audisti, vti opinor, Auditores Litteratissimi! obiecti nobilissimi scientiæ anatomicae descriptionem, nunc vero eruendus erit multiplex anatomiae finis, quem tanquam secundam sermonis partem comprehendam.

Prudenter anatomici multiplicem anatomiae finem statuunt, hunc etiam in varias diuidunt clas-

ses; finis vero primarius est gloria Dei: quum enim per hanc operum supremi Numinis mirabilium in corpore humano non tantum habeatur cognitio, sed & ut existentia Dei, & immensa stupendaque sapientia manifestissime contra atheos demonstretur, ut cum HEISTERO loquar, hanc vero anatomiam speculatiuam dicimus, siue theologicam, aut philosophicam, in paucissimis his verbis vestrarum scientiarum habetis illustrationem: quæ plane omnibus veræ sapientiæ ac theologiæ cultoribus utilissima. Aliam dicimus anatomiam forensensem, & iuridicam: & est, quando ex iussu Magistratus ad causas violentæ mortis indagandas secantur cadavera, hæcque iuris consultis perquam utilis, ne dicam, necessaria habetur, sed non in hoc tantum modo consistit finis anatomiae iuris consultorum. Quis enim iudex, Deum immortalem! poterit casus medico-legales rite dilucidare, ipsorumque sententiam dicere? quid de sterilitate, quid de impotentia, quid de causis diuortii, quid de vitalitate foetus, & ut sexcenta alia præteream, quid de his omnibus pronuntiabit, nisi cognita prius hominis constitutione, quæ alia via, nisi per anatomiam addisci nullo modo potest? qua de re perlustrent

isti

isti tot clarissimorum auctorum volumina, maxime, qui criminalia tractant aliosque casus medico-legales dilucidant, & clare elucescet, eosdem, si non practice, speculative tamen fuisse & anatomicos.

Medicis vero, quis dubitabit, quod anatomia sit maxime necessaria, imo salua conscientia ea & quidem practice carere nullo modo potest, quæ tertia anatomix species est: quis enim, amabo! causas morborum latitantes potuisset detegere, nisi per reiteratas cadauerum sectiones? quis tuta conscientia manus cuidam morbo applicare poterit, nisi cognita prius totius corporis structura, partium conformatione, consensu, situ, & usu? quis medicorum erit, qui sanum, & adaptatum de homine discursum formare poterit, nisi hominis constitutionem per anatomiam funditus calleat?

Nil dicam de philosophiæ peritis, quantum sit utilitatis scientia anatomica, quum & ipsa sufficienter in physica de corpore humano dicat. Non plus hic morabor, tota enim respublica litteraria innegabile testimonium dare poterit, quomodo anatomia antecellat, quantos qualesue fructus mirifice ad hanc usque diem produxerit? testis mihi est Batavium, cuius Vniuersitas ob rem anatomicam

ita excellit, vt aliæ quoque scientiæ ab ipsa nutriri videantur; testis mihi est Bononia, quæ ob rem anatomicam hoc attributum promeruit: *Bononia docet*; testis est mea Italia; testis est Gallia, testis denique vestra est Germania, quantam vtilitatem tum litterariæ, tum civili reipublicæ afferat & attulerit anatomia. Vno verbo: sola anatomia vnice ad alias scientias illustrandas comparata videtur.

Vt autem anatomici vtilitas (quæ vltimam huius orationis partem conficit), magis semper appareat, percipiendum erit a quouis facultatis medicæ incrementum, dummodo leuiter perpendamus tum recentiorum, tum veterum scripta medica, illudque magis ex illorum comparatione, quam ex oratione mea vosmetipsi recognoscetis vberimum. Et si rem altius ab ipsis scientiæ medicæ primordiis repetere liberet & ostendere, quantum vtilitatis, quantumque facilitatis anatomia medicinæ attulerit, tunc plane maximus mihi existeret campus, in quo excurreret sermo, & in ipsa excursionem sua licet minima se exaltaret. Vniuersam enim medendi facultatem ita distribuerunt sapientes viri, vt illius pars altera prostratam iacentemque valetudinem ab actis morborum causis erigeret, altera integram atque
illiba-

illibatam sine vlla ægritudinis suspitione confer-
uaret.

Et huius autem communis vtilitatis viam longe
nobis planiorem certiolemque fecere tum veteres,
tum recentiores quidam sapientissimi: GALENVS,
VESALIVS, CASSERIVS, FALLOPIVS, VIR-
SVNGIVS, PEQVETVS, MALPIGHIVS, RVY-
SCHIVS, BARTHOLINVS, VERHEYENIVS,
MORGAGNIVS, VALSALVA, HEISTERVS,
VESLINGIVS, alique quam plurimi, vt, si eorum
recensionem inire vellem, nullum orationi meæ fi-
nem imponere si eorum possem, qui nunquam inte-
ritura sui nominis gloria rem anatomicam omnem
vniuerso mortalium bono & vtilitati illustrarunt.

Quæ quum ita sint, decet, Auditores litteratissi-
mi! non leuem operam ad scientiam anatomicam
capeffendam impendere, vt dein alias quoque sci-
entias & artes liberales modo faciliore apprehende-
re possitis.

Antequam autem rem ipsam aggrediamur, ad
te modo mea se conuertit oratio, Deus vere, trine
& vnice ! infabilis veritas est, te hominem creasse,
non tantummodo ad Deitatis tuæ, sed & Trinifa-
tis immensæ similitudinem. En ipsissimum hominem

tibi

PROOEMIUM.

tibi ipsi offero, & dedico, vnum hominem, tripartitum hominem, tibi vni Deo, trino in personis, respice oculis clementiæ hoc meum oblatum, & tibi præprimis Pater æterne, omniumque rerum creator primordia corporis humani, regionem scilicet naturalem, e qua homo nudus progreditur, humillime offero; tibi, qui te ipsum vitam nominasti, regio vitalis summo debetur iure: tu enim morte crucis vitam dedisti homini; tibi, qui spiritus diceris veritatis, regionem animalem dico, ibi anima, vt spiritus omnes actiones proprias, & spiritus ipsos dirigit; hoc vnicum rogans, vt meis his laboribus adesse, quas ad maiorem tuæ tremendæ, & incomprehensibilis maiestatis honorem & gloriam, & ad totius publici vtilitatem præstare & perficere conabor, non dedigneris. Sub tanti ergo nominis auspicio meum laxabo rete anatomicum. Sit igitur

DEMONSTRATIONUM ANATOMICARUM LIBER PRIMUS.

DE

CAVITATE NATURALI. DEMONSTRATIO PRIMA

DE

CORPORIS HUMANI DIVISIONE EXTERNA.

Caput Primum.

De

Enumerationem partium externarum cor- poris humani.

Generaliter diuiditur totum corpus humanum ab omnibus anatomicis in duas partes, in *truncum* scilicet & *artus*. Per truncum intelligimus totam partem, *quæ est a supremo vertice ad puden-*
da usque inclusive; artus vero sunt *brachia & crura* cum annexis *manibus & pedibus*; ab aliquibus vero *extremities superiores & inferiores* dicuntur.

Divisio ge-
neralis
partium
externa-
rum cor-
poris,

A

Trun-

Trunci di-
uisio in re-
gionem
supremam,

mediam

et infimam.

Partes ex-
ternæ,

Partes me-
diæ regio-
nis,

Infimæ re-
gionis sub-
diuisio in
regionem
epiga-
stricam,
umbili-

Truncus denuo in tres *regiones* diuiditur, nempe in *su-
premam, mediam & infimam*. Suprema regio, *quæ cranio
circumvallata & ad clauiculas usque extensa*, quæ & caput di-
citur, continet in se cerebrum, cerebellum, meninges una
cum principio neruorum. Hanc inter & mediam ea pars,
quæ caput a thorace diuidit, collum dicitur. Media a *cla-
uiculis usque ad cartilaginem mucronatam* communiter etiam
pectus seu *thorax* nuncupatur: includit illa cor, pulmones,
mediastinum, partem œsophagi, asperæ arteriæ, & majo-
ra vasa sanguifera. Infima & vltima regio, a *cartilagine mucro-
nata ad pudenda usque exposita*, *abdomen* dicta comprehen-
dit ventriculum, hepar, lienem, intestina, mensenterium, pan-
creas, renes, vesicam vrinariam & partes ad generationem,
in viris virorum, in mulieribus vero mulierum, destinatas.

Harum regionum diuersæ partes diuersis quoque inscri-
buntur nominibus. Sic pars anterior capitis, quæ in non bar-
batis glabra est, dicitur *facies*, cuius pars superior *frons*, su-
prema jam capillata *sinciput*, posterior *occiput*, media vero
& gibbosa *vertex* nuncupatur; partes vero laterales frontis,
seu inter oculos & aures sitæ, *tempora* dicuntur. Colli pars
anterior *jugulum*, posterior vero *cervix* vocatur.

Thoracis, seu mediæ regionis pars anterior *pectus*, la-
terales proprie *latera*, fossula illa in medio sita, *scrobiculus
cordis*, prominentiæ illæ, maxime in feminis in pubertate
constitutis observabiles, *mammæ* dicuntur; tota pars poste-
rior *dorsum* nominatur.

Infimæ regionis pars anterior *abdomen* audit, quod in
tres potissimum partes seu regiones subdividitur; quarum
prima seu superior regio *epigastrica* denominatur, & hæc ter-
minatur circiter duos digitos supra *umbilicum*; hinc suc-
cedit *umbilicalis*, & hæc secunda est, quæ infra umbili-
cum

cum definit, tertia denique dicitur *hypogastrica*, & hæc comprehendit etiam *partes generationi inservientes*, licet ista regio ab aliquibus pro quarta numeretur. Epigastrica regio diuiditur in duo hypochondria, *dextrum* scilicet & *sinistrum*: media seu vmbilicalis in *mesaræon* & *mesocolon*, tertia denique eaque hypogastrica, in lateralem *iliacam*, & *pubem*, cujus partes sunt *penis* & *vulva* inter *inguina* sita.

calem, & hypogastricam. Harum regionum vltior diuisio.

Posterior autem abdominis pars in *superiorem* & *inferiorem* subdiuiditur; pars superior *lumbi*, inferior vero *nates* dicuntur. Infima autem abdominis pars, vbi collocata sunt vesica vrinaria, intestinum rectum, & in sexu sequiori vterus, *pelvis* appellatur. Partibus quoque pudendis nomina propria ab anatomicis fuerunt imposita, de quibus suo loco dicetur.

Dinumeratis modo trunci partibus externis ad dinumerationem artuum transeundum. Artus igitur superiores in *brachium*, *cubitus* & *manum* diuiduntur. Brachium strictè sumtum est illa pars, *quæ a summo humero usque ad flexuram cubiti extenditur*. Cubitus a *flexura* incipit & ad *carpum* usque protrahitur: *carpus* est illa pars, *vbi manus vario modo mouetur*, in qua Medici pulsum vt plurimum explorare, & mulieres nobilioris conditionis armillas gestare solent: *reliqua pars vero usque ad digitos metacarpus* dicitur, cujus pars inferior *vola*, superior autem *dorsum manus* nuncupatur: denique sunt *quinque digiti*, quorum primus dicitur *pollex*, secundus *index*, tertius *impudicus*, quartus *annularis*, & quintus *auricularis*.

Diuisio artuum superiorum in brachium,

cubitus, carpus,

metacarpum & digitos.

Artus inferiores in duas partes generaliter diuiduntur, nempe in *crus* & *extremum pedem*: *crus* denuo in duas partes, *superiorem* & *inferiorem* scilicet, subdiuiditur; pars superior ab *inguine* ad *genu* usque dicitur *femur*, a *genu* usque

Artuum inferiorum diuisio.

Crus.

Tibia.
Sura.
Malleolus.
Tarsus.
Calcaneum.
Metatarsus.
Planta.
Quinque
digiti.

ad pedem tibia, posterior vero ejus pars, quæ crassa est, *sura* vocatur, eminentia autem in extremo tibiæ sita *malleolus* dicitur, quorum alter est *internus* & alter *externus*: malleolo immediate subternitur *tarsus*, & est illa pars, cujus ope pes diuersimode flectitur & mouetur. Pars pedis posterior *calcaneum*, superior *metatarsus*, & inferior *planta* vocatur, ac denique *quinque digitis* terminatur, qui nullo alio nomine præditi sunt.

Partes
corpus
constitu-
entes.

Partes totum corpus constituentes juxta HIPPOCRATIS effatum diuiduntur in *continentes* & *contentas*, vel in *solidas* & *fluidas*: Per continentis vel solidas, quæ denuo in duas classes diuidendæ, nempe in *duras* & *molles*, *similares* & *dissimilares*, intelligimus *ossa*, *cartilagine*s, *fibras*, *membranas*, *neruos*, *ligamenta*, *tendines*, *arterias*, *venas*, & *vasa lymphatica*. Per fluidas vero vel contentas intelligimus *sanguinem* ceterosque humores & *spiritus*. Vt vero partium internarum major habeatur notitia, necessarium esse duxi, in capite subsequenti de partibus superius declaratis, nempe de *similibus*, agere.

Caput Secundum.

De

Partibus *similaribus*, & *uniuersalibus* in specie.

Partes
similares.

Similarium partium nomine veniunt communi sensu eæ, quæ sibi semper similes in alias differentes subdiuidi non possunt.

Dissimi-
lares.

Dissimilares vero, quæ in alias plures scindi, aut diuidi possunt; vt v. g. manus, quæ in digitos, ungues, venas, arterias,





terias, nervos, ligamenta & ossa, dissolvitur. Similares, (si recte & proprie loqui volumus, ut notat clarissimus Anatomicus *LAURENTIUS HEISTERUS*) solum fibræ dici possunt, ex quibus vario quidem, sed miro sane artificio, ceteræ omnes partes sunt compositæ; vñtato tamen anatomicorum sensu latius partes similes accipiuntur, quæ scilicet ad sensum simplices & similes (respectu saltem ad alias) apparent. Acriter tamen de iis etiam frequenter disputabatur apud veteres, communius autem referebant inter similes, arterias, venas, nervos, membranas, ligamenta, musculos, tendines, pinguedinem, vasa lymphatica, lactea, excretoria, ossa, cartilagine, ungues, pilos & glandulas; reliquas vero omnes dissimiles & organicas dicebant.

Fibra est *partium omnium simplicissima, tenuissima & subtilissima fili instar*, ex qua omnes corporis partes componuntur, quæ pro vario texturæ, complicationis & vnionis modo, succorum diuersorum affluxu, vel excursu ab inuicem discriminantur; hinc non abs ratione fibrarum harum quasdam esse duras, pro ossibus, reliquas vero molliores, pro aliarum partium constitutione, destinatas, *HEISTERUS* annotauit. Ex his factæ primo intelliguntur membranæ, quasi telæ & tunicæ, quæ prout vno vel altero modo complicantur, vel dispositæ sunt ad continendum, retinendum, vehendum, reuehendum, separandum, varia sortita sunt nomina & officia: Sic arteria est *vas elasticum, pulsans, sanguinem ex corde ad reliquas corporis partes vehens.* Fibra quid? Definitio arteriæ,
 Vena est *vas sanguinem reducem a partibus cordi committens.* venæ,
 Nervus est *pars albicans, teres, a suprema regione orta,* nervi,
singulis partibus pro motu & sensu destinata. Membrana & tunica illud dicitur, quod ad modum lintei pro diuer- membranz,

Definitio
ligamenti,

musculi,

vasorum
lymphati-
corum, &
lacteo-
rum,

ductus
excretorii,

glandula-
rum.

sis vñbus expanditur ; ligamentum quoque vix a membrana differt, nisi respectu vñs, & maxime hoc nomen acquirit, quia ossa firmiter conjungit & ligat. Musculus est pars illa rubicunda, quæ alias & communiter caro dicitur, per quam motus instrumentum constituitur : in hujus vtraque extremitate sunt partes quædam albicantes, firmæ, tenaces, & hæ tendines dicuntur. Vasa lymphatica & lactea sunt canaliculi diaphani & subtiles, horum priores liquidum quoddam tenue & fere aquosum ad massam sanguinis transferunt ; vasa lactea vero chylum elaboratum ex intestinis susceptum ad suum ductum peculiarem deducunt. Ductus excretorius ille dicitur canaliculus, qui liquidum quoddam in certis quibusdam glandulis & aliis visceribus secretum suscipit, & ad alia loca destinata transportat atque excernit. Glandulæ sunt quædam vascula diversæ molis, figuræ & consistentiæ ex omni vasorum genere & tunicis conflata ad humores secernendos destinata.

Verum plenior exactiorque notitia de his omnibus, sicut & de ossibus & eorum articulationibus, habebitur tunc, quum singulariter & membratim de iis sermo instituetur: hæc tamen præmittere volui, ut saltem eorum habeatur notitia, de quibus in descriptione anatomica sæpius fit mentio; nunc vero ad illas partes transeamus, quæ corruptioni, hinc etiam putredini maxime sunt obnoxia, quæ in infimo ventre habentur.

DEMONSTRATIO SECUNDA.

DE INTEGUMENTIS.

Caput Primum

De Cuticula.

COrpus humanum (præcipuum nostræ facultatis objectum) recepta a veteribus diuisione in tres regiones, ventres, seu cauitates diuiditur. Illarum prima cranio comprehensa, caput; media inter clauiculas & diaphragma, pectus, thorax; vltima demum ac infima a diaphragmate ad os pubis & coccygis producta abdomen nuncupatur, in quo (si brachia & pedes hinc inde diducamus) vmbilicum veluti totius corporis centrum videbimus constitutum, a quo tanquam puncto primas incisionis lineas, evitandæ putredinis causa, ducere anatomici consueuere.

A textura, situ & officio varias partium diuisiones deriuarunt primæ memoriæ anatomici; hinc partes aliæ similes, dissimiles aliæ, aliæ principes, ministræ, necessariae, commodæ, demum vitales, naturales & animales dicuntur, de quibus in hoc doctissimorum amplissimorumque virorum conuentu superfluum arbitror disceptare.

In ventre seu regione qualibet, aliæ partes cauitatem constituunt vel circumdant; aliæ intra cauitatem conduntur, quæ viscera appellari consueuerunt.

Inter *partes abdominis continentes* aliquæ sunt *proprie*, quæ proximis demonstrationibus lectionibusque more maiorum committimus; aliæ huic regioni ac vniuerso corpori sunt

sunt *communes*, quæ *tegumentum* vbique appellatæ, præsen-
ti dissertationi exhibent argumentum.

Integu-
menta
commu-
nia quot?

Tria tantummodo contra antiquorum & etiam ali-
quorum recentiorum mentem, communiter recensentur te-
gumenta : *cuticula* scilicet, *cutis* & *membrana adiposa*, seclu-
so *panniculo carnosio*, qui in homine reuera non datur; in
brutis vero & ceteris animalibus inter cutim & membra-
nam adiposam, vt motus faciliior, ad muscas & alia anima-
lia molesta abigenda, habeatur, membranam quandam na-
tura statuit muscularem, quæ recte musculus membranaceus
nuncupari potest.

Cuticula
quid?

Primum igitur, quod oculis considerantium occurrit
in humano corpore, *cuticula* dicitur : scilicet *pellicula te-
nuis, translucida & nullo sensu donata, cutim omnem, ac
propterea uniuersum corpus, exterius tegens*; hinc primum
nostri corporis tegumentum vulgata quadam opinione sta-
tuitur. A Græcis dicitur epidermis, a *GALENO* cutis su-
perficie, siue ejus efflorescentia & complementum, quia ita
arcte illi confidet & adhærescit, vt citra vim, vel morbum
minime queat separari.

Hujus
Substan-
tia.

Cuticulam cum HIPPOCRATE plures, ex erumpenti-
bus vaporibus, calore, frigore, condensatis fortuito, genitam
opinantur; alii communipartium genere productam arbi-
trantur, quæ opinionum diuortia eum facile compositurum
esse arbitror, qui mecum cuticulæ generationem considera-
uerit.

Etenim, quæ e subiecta cute & præcipue a papillis &
corpore reticulari innumeræ exeunt fibrillæ, mutuo occur-
su inuicem reflexæ & complicatæ, relictis spatiis, pellicu-
lam quandam suæ speciei (quæ cuticula dicitur) retis instar
efformant. Hujus vacuitates & areæ ab erumpentibus ha-
litibus,

litibus, & a succo corporis reticularis copiosius repletæ, si ab externis objectis fortius premantur, ipsam cuticulam reddunt læuigatissimam.

Hinc veluti *duplicem lamellam* grauißima auctoritate *LAURENBERGII, AQUAPENDENTIS, BAUHINI, GLISSONII, MUNICHII*, ac *FANTONI* considerabimus, quarum vna interior fibrillosa, cutis operimentum, ex femine cum aliis corporis partibus generatur, quæ vere cuticula est; exterior altera, ex condensatis humoribus, seu halitibus producta, quæ, si vitro optico intueatur, squamulis ab expositis areis erumpentibus (quæ piscium squamis non absimiles sunt) conflata, iucunde videtur.

Cuticulæ (si *PASCUALUM* aliosque, sed perpaucos exceperis) *vasa sanguinea* anatomici pene omnes denegant; hinc apud non nullos speciosius, quam res postulat, de cuticula sensisse videntur illi, qui non statuerunt, eam peculiare corporis tegumentum esse, sed potius cum *GALENO* plurimisque veteribus, cutis complementum esse existimant. Quam quidem opinionem etiam a clarissimo *MALPIGHIO* indicatam hac nostra ætate viri grauißimi jure & merito reuocare contendunt; quare non desunt præclarissimi *RUYSCHII* & *FANTONI* tentamina, quæ nobis cuticulæ a cute facilem separandi modum demonstrant, quibus mediantibus, cuticulam reuera membranulam esse cute plane distinctam substantiaque diuersam, docemur.

Quotus-
plex?

(PASCUALUS)

Caput Secundum

De Cute.

Cutis
quid?

DEtracta cuticula, quod proxime sequitur, cutis dicitur, *pellis scilicet crassa, robustum totius corporis velamentum, quod ex variis construitur filamentis tendineis, membranosis, nerveis, papillisque inde enatis, glandulis præterea, & omnis generis vasis, quorum talis est in cutem deriuatio & concursus, vt non nulli cutem omnem, licet iam descripta cuticula sextuplo crassiorem, solis duntaxat vasis compositam esse arbitrati sint; hinc RUYSCHIVS ostensurus vasorum sanguiferorum copiam vniuersam cutim sic sane præparat injectionibus suis, vt tota eleganter rubescat.*

Crassities
varia?

Quum autem cutis connexio pro diuersitate filamentorum e subjectis partibus prodeantium variet, ita cutis crassities & consistentia pro ratione crasseos, sexus, ætatis, regionis, sibi inconstans est, vel in diuersis ejusdem corporis partibus diuersa sæpiissime tenuitas aspicitur: nam in capite crassima, in collo crassa, ad latera tenuis, tenuior in facie, in labiis tenuissima reperitur.

Reflexio
cutis.

Neque ipsam cutem in ore, naribus, oculis, auribus, pudendis, aliisque, si quæ sunt, humani corporis caveis perforari quidem, sed potius introflecti *MORGAGNIUS* censet; dum illi in dissectione prædictarum partium cum tunicis succingentibus ita continuatam sese obtulit, vt in illarum multis ipsa cutis structura non prorsus oblitteretur.

Quoniam vero cutem ex pluribus & quidem dissimilibus partibus admiranda naturæ solertia compositam diximus,

mus, eas singulas maiori, quantum in nobis erit, perspicuitate exposituri, eam feruabimus methodum, quam natura nobis ostendere & res ipsa postulare videtur.

Ablata cuticula supra alias cutaneas partes aliquantum eminent *papillæ*: etenim quum plurima neruea filamenta per vniuersam cutim mirabili reptatu pererrantia, postquam singulis cutis partibus debitas fibrillas dimiserunt, in se conuoluuntur atque crispantur, & hac ratione contorta papillas efformant, hoc est, *parua quædam ex filamentis nerueis conflata corpora, quæ e basi latiori in acumen desinunt*, hinc *papillæ pyramidales* nuncupantur, quæ e cute sub qualibet ejus ruga in apice digiti duplici incedentes ordine excretoria sudoris vasa interstitiis suis complectuntur, & per corporis reticularis mox describendi foramina firmatæ, inde transgressæ in cuticulam apice deficiunt.

Papillæ
nerueæ
quid?

Est autem corpus reticulare expansio quædam membranosæ, cutim inter & cuticulam quasi media, ex fibris scilicet per extimam cutis faciem excurrentibus conflata, pluribus crebris foraminibus peruia, ut expositæ papillæ foras assurgerent & firmatæ sustentarentur. Humore quodam lento corpus hoc reticulare oblinitur, cujus exortum primus (quod sciam) celeberrimus FANTONUS a subiecto adipe detexit. Præfato autem humore, ne expositæ papillæ nimis exsiccarentur (quod sane vsibus fuisset incommodum) inungi easdem prouidens natura voluit, ut cute ipsa oblinita, cuticulæ grata venustas enasceretur, ita, ut sic minus a varietate hujus humoris varius quoque corporis color petendus sit, sed potius ex certo fibrillarum contextu iuuante aeris appulsu, ut LITTRIO placet; illud tamen certum ratumue est, in hoc reticulari corpore primario diuersitatem colorum consistere, uti & nigredinem, qua tincti sunt æthiopes, positam esse;

Corpus re-
ticulare
quid?

Ejus hu-
mor.

Finis hujus
humoris.

se; licet non raro & ipsa cuticula, & subiecta cutis nigredine infecta obseruetur: quam ob rem laudatus *MORGAGNIUS* testatur, cum amicis Venetis in cuiusdam æthiopis anatome vtramque hanc membranam communem non albo, sed nigro, aut certe nigricante aut fusco colore infectam se vidisse. Ceterum, si quis adhuc plura ad vberiore doctrinam de corporis reticularis structura & usu intelligere cupiat, *RUYSCHIIUM* in epistola prima, ac figuris quarta, quinta, sexta, ac septima vtiliter consulat.

Glandulæ
miliares.

Multis porro foraminulis peruia est cutis, quorum singulis *glandulam cutaneam* subiacere detexit *STENONIUS*. Glandulæ autem istæ ob similitudinem *miliares* dictæ, per vniuersam cutim respersæ, tenuiorem humorem per arterias delatum ex sanguine secernunt, ac foras per paruum vas excretorium ad extimam cuticulam assurgens (cui propriam quandam valuulam obstare *MALPIGHIUS* suspicatur) modo sensibiliter guttatim sub nomine sudoris, modo insensibiliter, sed adhuc copiosius, sub halituum seu vaporum forma emittunt, vt cuilibet manu applicata speculo patebit, & manifestius adhuc fiet, si miranda illa a præstantissimo *SANCTORIO* legerit videritque, plus vna die per insensibilem transpirationem emitti, quam per cetera totius corporis emundatoria quindecim dierum spatio excerni consuecat, cuius quidem insensibilis perspirationis causæ a Clarissimo *WOLFIO* in suis physicis meditationibus per mechanica principia ex organorum structura desumpta elegantissime exponuntur, adeo, vt inter vniuersas glandulas, cutim omnium maximam vocare possimus, per quam sicuti natura assidue maiorem euacuationem molitur, sic etiam (vt inter alios *MARTINUS LISTER*, & *PITCARNIUS* sen-

sentiunt; & quotidiana quasi experientia docemur) tutius & citius grauiissimos morbos superare consuevit.

Sebaceæ supersunt *glandulae* per cutim dispersæ, vtile clarissimorum *VALSALVÆ* & *MORGAGNII* inuentum, quod commodius & fufius alibi referemus. Glandulae sebaceæ,

Porro alii in cute & in ipsam extimam cuticulam hiantes reperiuntur pori nulla lege nulloque peculiari naturæ artificio formati, quibus sicuti nulla interne correspondet glandula, ita neque tanta in iis inuenitur resistentia, vt extrinsecus applicata medicamenta in sanguinem sæpissime valeant introire, quod tum ex *BOYLEI* experimentis, tum ex communi balneorum & inunctionum sæpe mercurii praxi satis abunde colligitur, qua constat, mercurium per cutis poros ingressum aliquando ad ossa, præsertim cariota, colligi atque deponi, adeo, vt separatis inde ossium frustulis fricata numismata argenteo colore referta viderim.

Descriptis demum miliaribus cutis glandulis, analoga quædam alia in cute reperiuntur corpora, quæ sæpe laudatus iam, sed nunquam pro merito satis laudandus *MALPIGHII* eorum inuentor ex figura nominauit *oualia*, in quibus (vt ipsius verbis vtar) tanquam in testa florali, pili implantantur, qui quum ad cutim pertineant, quasi ad ornatum & munimem appendiculæ, nostram modo considerationem exposcunt. Corpora oualia,

Pili siue *congeniti*, siue *postgeniti*, quædam corpora sunt *teretia*, *tenuia*, *flexibilia*, quæ in cute potissimum ab expositis oualibus bulbosis corporibus, veluti radices pullulant, & illic humorem nutritium glandularum ministerio (vt *CHIRAC* obseruauit) secretum suscipiunt, quo nimirum, sui generis plantæ (si *BLANCARDO*, *BIDLOO*, *VERHEYENIO* Pili quid?

credimus) nutriuntur, augeſcunt. Hinc non mirandum, ſi in plicæ Polonicæ morbo ex capillorum extremitate floridus ſanguis extillare ſoleat; ſi hæc vero omnimode ſcindatur, tunc enormis & periculofa ſubſequitur ſanguinis hæmorrhagia.

Radicatio
pilorum,

Verum etſi paulo ante innuimus, pilos in cute e bulbosis corporibus pullulare, non omnes tamen e cute proprie excrescunt: Non nullis in locis (obſervante *MORGAGNIO*) ſebaceis glandulis, vti illis circum auriculam & carunculam lachrymalem poſitis, ſi quis recte ſciat inſpicere, pili innascuntur, ac præterea ex *COLUMBO* & *RUYSCHIO* quam plurimas pilorum radices sæpius in pinguedine ipſa implantatas eſſe docemur; neque quidquam facilius, quam in oſſe hebetioris præſertim mulieris integumentis alte diſſectis id demonſtrare; hinc *HEISTERO* placuit, pilorum originem infra cutim in pinguedine probabiliter ex nervis ſtatueri, ob dolorem, qui in eorum euulſione percipitur, cujus rei obſervatio quum a recentioribus anatomicis non ſemel, atque iterum confirmata fuerit, non leuioris argumenti illis fuit, vt crederent (ſi modo inueſtigari aliquid a conjectura poteſt), pilos non ſolum nutrimentum, mollitiem, & flexibilitatem a pinguedine ſumere, quin imo inferuire pro ductu quaſi excretorio ipſius pinguedinis, vt ex eorum vinctuoſitate habetur, aut ſaltem conjicitur. Quæ quidem ſententia, quamvis a nobis prorſus non improbetur, facit tamen, vt interim pendeamus animis, donec vltioribus obſervationibus illuſtretur.

Pili quam mirabiliter beſtiis ad pulchritudinem faciunt, exprimi non poteſt, quibus ſi detrahas, vt naturalem ſui corporis veſtem, nec ſpecioſa poterunt adeſſe, nec tuta, ac mirabiliter, ſi vtilitatem cogites, inſtructa, ſi ſpeciem, orna-

ornata videantur, miro fane modo consentit cum decore utilitas. Hominem vero non admodum naturæ Auctor his corporalibus texit munimentis, quum præsertim pulchritudinem humano corpori impedirent.

Capiti vero, sensuum rationisque arcu, multiplicatos capillos, & ad usum aptos, & ad ornamentum decoros, videtur natura concessisse, ut *GALENUS*, atque ante ipsum *ARISTOTELES* testantur, partim ut affluxum humorum subrepentium non nihil ebiberent; partim ut eo quasi velleris tegumento aduersus aeris iniurias vteretur: quod modo recentiorum industria præstat, dum decorem capillorum arte & elegantia in utiliore ordinem redigimus.

Vfus pilorum.

Curiosa hic oriri posset quæstio, cur pueri, eunuchi & sexus sequior barba sint destituti, quum pili in congenitos & postgenitos a nobis fuerint diuisi? Huic quæstioni respondendum iudicarem, cum *HIPPOCRATE*, quod nempe in istis subiectis deficiat pilorum principium & nutrimentum, quod esse debet spermaticum, ut *HIPPOCRATES Lib. de natura puer: num. 17.* habet: hoc enim duplici ratione probari potest; primo pili postgeniti, qui obseruantur in mento & circa pubem, eo tempore augmentum sumunt, quo materiam aptam ad generationem natura disponit, & tunc pili quoque congeniti maiorem acquirunt firmitudinem, teste experientia. Secundo probamus, quod materia spermatica principium pilorum postgenitorum esse debeat, quum eunuchi barba sint destituti, maxime si ante pubertatem ipsis partes materiam spermaticam generantes adimantur: ut *HIPPOCRATES* ipse *Libro supra citato n. 18.* confirmat dicendo: quicumque vero eunuchi, dum pueri sunt, fiunt, propterea, neque in pube, neque

Cur pueri, eunuchi, & sexus sequior barba destituantur?

lævesque

neque in mento pilos producant, *lævesque* toti exsunt, quod via genituræ non facta cuticulam non rarefacit per totam superficiem: intercepta est enim ac conclusa genituræ via. Cur autem feminæ barba sint destitutæ, idem *HIPPOCRATES* prosequitur, dicendo: at vero mulieres læves fiunt, & mento & corpore, quod in coitu ipsarum humiditas non similiter agitata, velut viri, cuticulam raram non facit, & hac forsan ratione pili his in partibus non possunt erumpere.

Eunuchi autem neque calui fiunt, vt ipse *HIPPOCRATES* loco supra citato n. 19. asserit; verum eunuchi propterea calui non fiunt, quod vehementem motum non faciant, neque pituita in coitu calefacta pilorum radices exurit, hac forsan ratione pressus ista adhuc per aphorismum magis comprobare videtur; habet enim *sectione sexta, aphor. 28. Eunuchi podagra non laborant, nec calui fiunt &c.* Sed objici hic potest, quod & mulieres quandoque barbatae inueniantur: hoc negare non possum, quum ipsa experientia hac in parte sit testis: Sed huic objectioni respondeo primo, tales mulieres esse inter casus rariores recensendas, de cetero iis potissimum expurgationes menstruæ sunt suppressæ, vt *LENTILIUS* plures hac de re producit historias *Lib. 2do cap. 23.* Posito vero, quod tales mulieres, seu feminæ, vt menstruantes etiam barbatae inueniantur, tunc dico, esse quid intermedium inter feminam & virum; & tunc *viragines* vocantur, vt habet *HIPPOCRATES de dieta Lib. Imo n. 22.* Sed ista tantummodo pertransennam dicta sint.

Vngues
quid?

A pilis, susceptæ materiæ ordo deducit ad vngues, qui corpora sunt alba, in exortu mollia, postea dura, inter substantiam cartilagineam & osseam in extremitate digitorum

rum pedum & manuum posita. Duplici potissimum fiunt corpore, papillis nempe per longum ductis exsiccatisque, & fistulis quibusdam membranaceis, quæ in plura veluti strata & lamellas coordinantur, vt strias quasdam longitudinales, modo magis, modo minus patentibus efforment, relictis hinc inde eminentiis & inæqualitatibus, quod vnguium abrasione (vt *SCHELHAMMERVS* docet) cuique perspectum esse poterit. Vnguium substantia,

Omnis generis vasa ad vngues eorumque radices excurrere nemo amplius dubitabit, contra ipsius *GALENI* auctoritatem & communem anatomicorum observationem, præsertim si sedulo eorundem nutritionem & augmentum animaduërterit: monet enim *HEISTERVS* ad hæc papillas e cute magna saltem ex parte ortas, tanquam ad radices vnguium per vasa sanguifera, mirabili sane ordine ramificata, succum nutritium deferri, vnde ex illis præfatore imbutis, simili modo ac in pilis, fibræ induratae emergant, & eadem ratione impofterum nutriantur. vasa,

Idcirco prouido sane naturæ consilio genitos vngues arbitror, vt homines & animalia, quæ sine vnguibus ad quemlibet solidorum, vel acrium obsectorum contactum forte dolerent, res tactiles firmiter manibus præhendere & tenere, & denique terræ pedibus securius meliusque insistere possent. vfu,

In vnguibus præterea non nulli maculas quasdam, modo albas, modo nigras, non leui animi contentione, observant, fortis modo felicitis, modo tristis præfagia inde enuntiaturi: de quo, nisi vere, docte saltem atque diserte integrum librum scripsit *CAMILLVS BALDVS*, quem, si non ad doctrinæ captum, ad animi saltem voluptatem legere Auditores poterunt. maculæ,

Lineæ ma-
nuum.

de præfagiis, & de inspectione vnguium incidimus, adducam (quod mihi de cute loquenti in tanta rerum dicendarum copia exciderat memoria) quorundam hominum opinionem, quibustam alte insita est a natura sciendi cupiditas, & qui tam facile in diuinationem feruntur, specie diuinitatis, vt intolerabili sciendi desiderio veritatem ipsam vix mente perceptibilem, ac semper lubricam manibus tenere, arcteque constringere opinentur. Etenim quum in manu & fronte fulcos quosdam, seu lineas ad varios angulos sese interfecantes conspiciant, planetis tum nominibus, tum potestatibus assignant, & factorum interpretes de rebus vel prospere vel triste futuris, ac de ipsa morte aperitissime pronuntiant jactantque, infantes in hanc mundi auram recenter expositos fortunæ manus prius explicare, quam Soli oculos, vt parentibus futuras vitæ vicissitudines, quas verbis adhuc non possunt, hac veluti manus ostentatione, pronuntient.

Hujusmodi autem homines gratias quidem maximas Domino *DE LA CHAMBRE*, sed præ cæteris vni præclarissimo debent *LANCISIO*, qui nuperis suis dissertationibus, an eruditione, doctrina, & eloquentia præstantior? certe ex omni parte præstantissimus, & chiromantiæ, & metoscopiæ lapsas pene artes erexit & confirmavit. Exploratos illic anatomice & solide explicatos consensus linearum manus cum foetus constitutione, fulcorum frontis cum cerebro, libentissime referrem, nisi tempus ad vsum cutis reuocaret.

Quemadmodum autem cutim non solum ex peculiari multiplicium filamentorum & vasorum ordine eleganti conflata vidimus, sed papillis præterea, atque glandulis & foraminibus copiosissime conspersam obseruauimus, ita pro-

propter diuersa suarum partium munia, cutis multiplices Vfus cutis
 vſus in humano corpore præſtat. Cui, vt vniuerſale quod-
 dam veluti ſpiraculum (vt cum *GLISSONIO* loquar) cor-
 poris emunctorium adest, huic præſertim vſui præſto ſunt
 cutaneæ glandulæ, & excretoria ſudoris vaſa, quæ per
 vim cutis modo magis, modo minus potentia fiunt.

Subjectas præterea corporis partes tegit, & ab iniu-
 riis extrinſecis defendit, papillis nerueis, atque pilis robur
 & tutelam præbet, aliqualem pulchritudinem conciliat, &
 denique, vt cætera ſilendo afferam, quod primum eſſe de-
 buerat, tactilium ſentationibus famulatur.

Caput Tertium

De

Pinguedine.


D Etracta cute, alterum ſe prodit vniuerſale corporis Membra-
na adipo-
ſa quid?
 integumentum, membrana adipofa, *expaſſio ſcilicet*
celluloſa totum pene ambitum circumambiens, in qua
materia vinctuoſa recolligitur, & in pluribus cellulis non ali-
ter fere, quam ſuccus aurantiorum & limonum in membra-
noſis ſuæ pulpæ cauitatibus continetur. Hæc autem vinctuo-
 ſa ſubſtantia neque libere per ipſam tumultuarie fluctuat,
 neque in marſupiiis racematim inuicem cohærentibus re-
 collecta perpetuo remanet; per hanc membranam propa-
 gantur arteriæ & venæ a mammariis præcipue lumbari-
 bus & epigaſtricis, quarum extremitatibus membranofa Vaſa ſan-
guifera,
 pinguedinis marſupia, vt arborum folia, adnaſcuntur.

Cæterum de vfu pinguedinis & propagatione, aliisque etiam ad naturam & exortum pertinentibus alibi, quemadmodum oportunius, ita etiam vberius inquiremus, ne modo cum humanitate vestra certare pergat proluxitas dissertationis meæ; solum hic adnotasse sufficiat, pinguedinis in foetu substantiam diuulsam, minus mollem, minusque oleosam a plerisque anatomicis obseruari.

Descriptis hucusque (breui, quod datum est, ad dicendum tempore) humani corporis tribus integumentis, remanet, vt de *sensu tactus* aliqua proferamus, circa quem temporis angustia cogit esse breuiorem, vbi res longiorem sane sermonem exspectaret, exigeretque, vt primo de sensitiua animi facultate, & de eius percipiendi modo fufius loqueremur; sed quoniam alibi plenior pro viribus discussionem instituemus, breui in argumento versabimur tactus organum inquirentes.

Quis enim nescit illud in scholis ab omnibus philosophis tantopere jactatum & celebratum, quod ab *ARISTOTELE* summo naturæ interprete sumserunt, in omni sensus externi organo primarium & sensorium dici illam determinatam partem, quæ receptam extrinsecus a proportionato obiecto impressionem immediate animæ pro sensatione communicat? Tactus igitur sensorium *MALPIGHIO* duce plures tum philosophi tum anatomici in descriptis jam papillis nerueis reponunt: Nos his adhæremus, putantes, tactus organum in papillis residere & in illis propter earum formam eminere: etenim papillæ neruæ sic configuratæ, vt commodius supra cutim elevantur, ita melius obiectorum tangibilium species & impressiones recipiunt, animæque communicant, quales nunquam exprimerent, si organum diuersimode conformaretur; hinc forte

elevantur.



forte ratio illorum, quæ aliquibus lenia sunt, & placida, cur aliis iniucunda & molesta percipiuntur.

Sensus tactus ad animalium tutelam adeo perutilis est, ut plures philosophi animalia illo nequaquam destituta esse posse crediderint, cuius quanta sit veritas, nihil modo attinet inquirere.

DEMONSTRATIO TERTIA.

DE MUSCULIS IN GENERE ET INFIMI VENTRIS.

Caput Primum

De

Musculis in genere.

CUm multa sunt, quæ admirabilem conditoris Dei sapientiam potestatemque in homine loquuntur ac prædicant, tum nihil æque, ac *animalis motus* philosophorum mentes admiratione percellit: cuius rationem si quis animo mature versat celeritate, promptitudine, facilitate vndique admirandam tacita potius admiratione suscipiet.

Sapientissimus enim naturæ parens pro motu machinas quasdam (*musculos* appellatas) mirabili artificio construxit, quæ vim quandam insensibilem artificiosi diuinique operis testantur; eas vero ossibus alligauit atque constrinxit, ut, si excurrere homo, aut resistere vellet, eorum ministerio

uteretur, & quidem nulla industria, nulloque conatu, sed vel minimo nutu totius corporis molem regere, flectere & mouere prompta facilitate posset. De quibus hodierna dissertatione acturus perspicuitatis gratia (si quid tamen perspicui in re adeo obscura esse vnquam poterit) sermonem meum in tres partes diuidam: primo hinc de *communi musculorum structura* dicam, *abdominis musculos* altero sectionis ordine describam, de *musculorum* denique *operatione* quærens dissertationem conficiam. Musculi, quasi mures, (vt Græcis placuit) quod excoriatum murem formâ imitentur, vel quod pisces, quem musculum dicunt, similes sint, à Latinis *lacerti* sunt nuncupati.

Definitio
musculi.

Quemadmodum musculi duplex est consideratio, structuræ scilicet & compositionis, vsus inde ac officii, sic duplex definitio veterum auctoritate poterit assignari. Si structuram spectes, ætati nostræ propiores doctè diligenterque partem dixerunt *organicam*, *dissimilarem*, *fibris*, *fibrillisque*, *venis*, *arteriis*, *pinguedinis sacculis* & *tunica propria pro motu contextam*. Quamuis præfatæ singulorum musculorum tunicæ non desint, tamen ex anatomicis quam plurimi sunt, qui communem aliam, in ambitu præsertim corporis sub pinguedine, hacque de causa ab illis perperam pro communi tegumento descriptam, superiniicere student, qua musculi omnes cingi dicuntur; verum hanc membranam *HEISTERVS* & fere omnes moderni, qui exactissimi sunt dissectores, omnino negant, solummodo concedentes, nonnullis in locis tantum latas, tendineas expansiones pluribus musculis superinductas reperiri, seu quædam vincula, ad musculos in sua sede detinendos & roborandos, instructa; ab officio denique *musculus immediatum*

Structura,

motus organum vocatur. Vt autem musculorum structuram ple-

musculi

plenius ad liquidum ostendamus, omnia, quæ musculum adintegrant, minutim atque diuissim ex ordine considerare-remus. Fibrilla motrix (quæ antiquis dicebatur *villus*) simplicissimum motus animalis organum, minutissimum, tenuissimumque est filamentum, quod *prima stamina* merito nuncupares. Densa ac copiosa harum fibrillarum congeries & fasciculi mire inuicem, ac ineffabili prorsus artificio contexti *fibræ motricem*, seu *carneam*, constituunt, quam, adhuc nescio, vtrum ex tot fasciculis conflata, vel, vt magis arridet, ex decussatis, contortis, implicatisque villis constructam, *funiculosam* pronuntiem. Intermedia vero fibræ motricis pars, quæ *venter* dicitur, a suis extremis differt consistentia, crassitie & colore, vnde musculus, fibrarum motricium collectio, ita confirmata, vti sensibus nudis apparet, vt medium quoque carneum, duo vero extrema tendinosa sint, & veluti chordæ, quæ vicinis partibus annectuntur, vnde illud musculi extremum, quod parti immobili nequitur, *musculi caput*, seu *principium* dixerunt, oppositum *cauda*, seu *finis* nominatur, in quibus propterea tendinosi musculi extremis hoc vnum superest animadvertendum, quod, licet pro partibus hætenus exsanguibus habita fuerint, talia reuera non sint, quoniam ex copioso sanguine turgida & rubra exhibet famigeratissimus *RVYSCHIVS* in thesauro suo anatomico post curas posteriores nuperrime renouato. Eædem adeo fibræ motrices neque plures, neque pauciores in ventre carneo, quam in tendinibus reperiuntur, licet illic diulsæ ac dispersæ, in tendinibus vero connexæ arctiusque unitæ, inter quas sanguis, vt diximus, prouide illabatur; neque diuersus in iis color, sed albus in omnibus reperitur: nam sanguineus & rubicundus muscularium fibrarum color adscititius ab affluente sanguine

tenuissimum

ne deriuatur, quo *SPIGELIVS* musculum tendinem diuulsum nominabat.

Quinquaginta, vel sexaginta lacertis solidissime constat, vt fileam quam plurimos alios, qui ratione ponderis elevandi, distantiae, resistentiae, articuli, dissimillimo inter se mechanismo construuntur, hacque de causa *BORELLVS* exactius fane atque elegantius, quam in biuentres, aut triuentres, musculos in tria genera, ex eorundem fabrica intimius perspecta, distribuit, quorum primum *musculos columnæ similes* comprehendit, e fibris inter se parallelis compositos; alterum *musculos rhomboidales simplices*, quorum fibras obliquas ossi annexas trahere ad se aliud os, vel tendinem, cogitat; tertium denique *musculos ad instar pennæ radiatos* complectitur, duplici fibrarum ordine firmo perimetro annexos, ex qua inde diuisione ad singulorum vim calculo mathematico commensurandam ingeniosissime progreditur.

Variae musculorum denominationes.

Musculorum vero nomina ac differentias a fibrarum tractu, figura, parte, mole, situ & officio primæ memoriæ anatomici deriuarunt: vnde dicitur *rectus*, *obliquus*, *alter*, *crassus*, *temporalis*, *externus*, *sublimis*, *extensor*, sed hæc in tam breui temporis circulo non attinet recensere. Ab actione denique postremum & omnium forsan maximum oritur musculorum discrimen, quo vel sunt *congeneres*, qui scilicet in vnum idemque opus conspirant, vt respiratorii, si inuicem conferantur; alii *contrarii* & *antagonistæ*, qui scilicet contrarias & sibi inuicem succedentes actiones edunt: musculo enim pene omni, si sphincteres & cremasteres excipias, alter actionis contrariæ auctor est attributus, vt flexori tensor, leuatori depressor est constitutus. Congeneres magnitudine, numero & robore ferme semper æquales, anta-

antagonistæ vero non semper numero, magnitudine & viribus correspondent, sed pro partis mouendæ pondere, situ, aut actione sunt varia diuersaque ratione & numero constituti: sic caput flectentes musculi duo tantum, extendentes duodecim; maxillam multi claudunt, duo vero tantum aperiunt. Huc autem, Auditores! quum nonnullas musculorum actiones tum congenerum, tum antagonistarum breuiter ex occasione numerauerimus, pertinet sane, vos admonere de eo, quod *WINSLOW* super hoc meditatur: nimirum in quacunque actione, vbi musculi soli agunt absque vlla virtute (vt ait) peregrina, omnes musculos ad eandem partem pertinentes in talem motum influere, ita, vt, si brachium flectatur, actio non tribuenda sit solis flectentibus, verum etiam extendentibus: extendentes enim relaxari pro ratione contractionis flectentium, adducentes & abducentes brachium in æquilibrio tenere, pluribus argumentis contendit. Sed ne singula prolixius prosequamur, his modo prælibatis, alteram dissertationis partem aggrediar, qua musculos abdominis tantum recepta consuetudine descripturus sum.

Caput Secundum

De

Musculis abdominis.

INter abdominis partes proprias continentes *decem* numerantur *musculi*, qui post tegumenta sectione ablata sequuntur, ex utroque lateres congeneres quinque, figura, magnitudine, robore & actione pares, quibus diuersi fibrarum ductus nominum quoque diuersitatem pepererunt.

Musculi
abdomi-
nis.

latere

D

Primi

Musculi
oblique
descenden-
tes.

Primi omnium inter secundum occurrunt *oblique descen-
dentes*, aliis *obliqui externi*, qui admodum lati totum ab-
domen & aliquam thoracis partem obvelant. Principium
trahunt tendineo - carnosum sub ferrato pectoris musculo
maiore, dentatis productionibus firmiter adhærentibus, ex
parte inferiore costæ sextæ, septimæ, octavæ, nonæ, deci-
mæ, undecimæ: retro quoque dicebantur oriri a ligamen-
to e transversis lumbarium vertebrarum processibus enato:
costæ item ossis ilei & ossi pubis adhærent atque tendine ad-
modum lato in *lineam albam* desinunt.

Linea alba
quid?

Est autem linea alba *locus ex concursu tendinum muscu-
lorum abdominis transversorum & obliquorum candicans*,
carne expers (vnde difficilis in vulneribus cura) a cartilagine
ensiformi usque ad os pubis per medium abdominis excurrentes.

Musculi
oblique
ascenden-
tes,

Alterum par *oblique ascendentes musculi* præbent, qui ten-
dineo - carnosio principio ab ossis ilei margine, atque mem-
branoso a vertebrarum lumborum transversis processibus,
ossisque sacri spinis exorti, fibris suis motricibus, contraria
serie, ac oblique descendendum, excurrentes, quatuor ul-
timis costis sese iungunt, & lato pariter, ac diuiso ad rectos
musculos tendine, illis veluti thecam constituentes, ad lineam
albam transeunt.

*illis veluti the-
cam constitu-
entes.*

recti,

Tertium par exhibent *recti*, qui tres vel quatuor digi-
tos lati tendineo - carnosio principio prope sternum ad car-
tilagines trium quatuorue costarum exorti, recta per abdo-
minis longitudinem deducti, in ossibus pubis terminantur.
Intersectionibus tendinosi binis, ternis, interdum & qua-
ternis in plures veluti musculos dirimuntur.

pyramida-
les,

Quartum par faciunt musculi *pyramidales*, quibus fi-
guræ qualiscunque similitudo nomen dedit: tendineo - car-
nosi oriuntur ab ossibus pubis præsertim ad eorum iunctu-
ram,

ram, & excursu sensim gracilescunt, donec in angustum & pene rotundum desinant tendinem, qui quandoque ad umbilicum productus in linea alba desinit. Neque vero perpetuo musculos pyramidales in omnibus subiectis adesse, plures cum *HEISTERO* animaduertunt, sed modo penitus desiderari, modo vnicum tantum musculum, modo vtrumque reperiri.

His denique omnibus subsunt *transuersi*, quantum par transuersi, suppeditantes, sic dicti, quoniam eorum fibræ secundum latitudinem excurrunt: principio membranoso ab ipsis transuersis lumbalium vertebrarum processibus, ac tendineo-carnoso ab osse ilii, pariter a cartilaginoso sex inferiorum costarum confinio interius profecti, peritonæo subiecto firmiter adhærent & in eadem, cum præcedentibus, linea alba terminantur.

Ad quinque hæc musculorum paria *vasa sanguifera*, Vasa sanguifera, arteriæ scilicet, & venæ ab intercostalibus, mammariis, epigastricis; *nerui* a dorsalibus & lumbalibus satis magni deferuntur.

Non nulla, hic forte aliquis dixerit, quod sint adhuc adnotanda: perforatio nempe, siue *annulus* versus partem inferiorem in tendinibus oblique descendents, ascendentis, & transversalis musculi pro transitu processuum peritonæi cum vasis spermaticis in viris, & ligamentis vteri rotundis in mulieribus. *Lapsus* præterea *POVPARTII*, qui ligamentum robustum ac validum a spina anteriori ossis ilii, ad supremam pubis partem, extensum assignat, cuius vero loco a *COWPERO*, *MORGAGNIO*, *DUGLASIO* atque *HEISTERO* ima tantum ora describitur tendinis oblique descendents; sed hæc consulte prætergredimur, quum fusius videri pro lubitu possint apud præ-

Vfus mu-
sculorum
abdomi-
nis.

dictos auctores, quumque alio per temporis angustiam voce-
mur, ad vsum nempe eorundem musculorum.

Anatomici fere omnes de vfu & officio musculorum
abdominis (si pyramidales excipias) conueniunt: respira-
tioni nempe, præsertim obliquos, nutrimenti distrubutio-
ni, excrementorum expulsionem, in feminis vteri exonera-
tioni maxime transuersos inferuire, & vomitum adiuuare.

Præter ante dictos vfus videtur, quod muscoli recti ad
saltum quoque multum contribuant.

dissentienem

De pyramidalium vfu dissentiunt auctores, & dissenfio-
nem auget crebrior illorum absentia, aut familiaris vnitas,
qua inuentoris *FALLOPII* (qui ad vrinæ excretionem da-
tos illos credebat) opinio omnino conuellitur.


VERHEYENIUS vero, pyramidales musculos antero-
rem potius partem abdominis in obsequium diaphragma-
tis trahere, adeoque potius impedire, quo minus vesica &
intestinum rectum in forti inspiratione premerentur, ele-
gantius & verius est arbitratus.

Caput Tertium.

De

Motu & operatione musculorum.

AD ultimam modo dissertationis partem deuenien-
dum, in qua inquirendum erit, quomodo *motus* &
musculorum operatio perficiatur; Ardua plane &
difficultatis plena disquisitio! De hac enim musculorum
operatione tam diuerso olim consilio disputatum est &
hodie in medicorum scholis tanta disceptatione differitur,
vt



vt aberrandum mihi in præsentia sit a scholasticorum consuetudine, qua aliena suis referunt, tum, vt veriora dicant, tum, vt gratiosius iucundiusque audiantur (apud *COLBERTVM* in sua veteri nouaque philosophia videnda) ne frustra per tenebras inextricabiles diuagari & sapientum virorum sententias inani eruditione laceßere videamur.

Quid enim repetam modo *WILLISII* efferuescentiam, *BORELLI* aliorumque virorum fermentationem, in quam chemicorum operationibus innixi diu multum inclinauimus, si amplius non satisfaciunt? neque magis arridet, vt *STENONIVS* aiebat, diuersa in fibris muscularibus angulorum inclinatio.

Quemadmodum nec fatis dixerim veritate comprobata præclarissimi *BERNOLVII* hypothesin, quam ad istud singulare *BORELLI* aliorumque fermentationis genus luculentius explicandum excogitauit; globulos videlicet sanguineos muscolum percurrentes nihil aliud, quam tenues quasdam bullulas esse, vel aerem includentes, vel quandam aliam elasticam materiam magis, quam externum aerem, compressam, hancque materiam ab ipsa bullularum tenacitate impediri, quo minus se expandere in maius spatium possit, at requirere spirituum animalium per nervos influxum, qui spiculis, vt ait, suis, atque ingenti quadam vi perforare & diffringere queant latera globulorum sanguineorum ad insiti aeris egressum in cavitatem fibræ, quam præsupponit cylindricam, vnde aer ibi sese expandendo acbulliendo cum sanguine & spiritibus inflationem fibrarum inducat, necesse est, donec foras e muscutorum poris erumpat, quo casu musculus detumescere obseruatur; inter musculi autem inflationem fibras motrices (quæ ab intermediis filamentis in æqualia internodia diuidi ipsi videntur)

Bernolvi

circularem formam acquirere contendit. Porro neque anatomicorum obseruationibus satis respondere creditur pulcherrima illa in muscutorum extremis fibrarum transuersalium circumligatio, qua viri celeberrimi, a quibus inuitus recedo, muscutorum inflationem ingeniose explicabant: quamobrem proximiores quidam philosophi viri præclari nuperrime per nova experimenta & rationes novas, alias & proprias vias, & ad libitum inuenerunt, dulcitatemque magnam quærentibus veritatem reliquerunt.

Quæ recensitæ opiniones quum tam variæ sint, tamque inter se dissidentes, ne maiorem dubitandi ansam præbeam, melius mihi videtur, de his modo abstrahere; & licet viri grauissimi, qui me hoc in loco præcesserunt, præclara de hoc argumenta cum benedicendi arte multa, & memoratu digna dictarunt, quæ, vt æquum esset, longa nimis oratione possem commemorare, meam tamen minimam liceat quoque mentem aperire.

Ad me igitur quod attinet, quamquam altum de eo non sapiam, vt in re tam ardua, post tot præsertim magni nominis viros, audacter dicere aggrediar, conabor tamen *SENECÆ* auctoritate erectus, & meo muneri, & multorum desiderio, qui hoc a me petierunt, aliqua saltem ratione satisfacere.

Motus
musculo-
rum,

Motus omnis, recepta a *GALENO* diuisione, aut *naturalis* est, aut *animalis*, qui scilicet liber & voluntarius imperio subiacet voluntatis; naturalis vero non obsequitur, proptereaque membratim per distincta sermonis capita exponemus; sed quoniam mihi iam integrum non est, nec alteri cuidam in hac temporis mensura esse censeo, omnia, quæ ad muscutorum operationem attinent, longius explanare, neque in retrusis scholarum adytis sermonis mei firmamenta

menta conquirere, dabitis mihi hanc veniam, vt prænотemus tantum, & per summa capita delibemus aliqua ex his, quæ nobis fusius explicata sunt alibi.

Cuiuslibet itaque motus minister est musculus, cuius *operatio in inflatione consistit*, qua brevior fit musculus & decurtatur, adeoque caput musculi caudæ appropinquat, & sic pars alligata, veluti vectis tertii generis, vt mechanici dicunt, trahitur, & mouetur; vt autem musculus pro motu infletur & intumescat, fluidum aliquod requiritur, cuius affluxu, & copia ac intumescencia musculus ipse turgeat, contrahatur, & sic partem alligatam adducat, eundem fere in modum, quo *STVRMIUS* per inflatas vesiculas pondera elevabat.

Operatio
musculo-
rum.

Quoniam vero *WILLISII* & *BORELLI* testimonio musculus in motu durior euadit & crassescit, a sanguine eius inflatio dependet: spiritus enim (forsan, quia salinæ naturæ, vt *WILLISIVS* & chimici norunt) illam intumescencia perficere nequeunt, quemadmodum nec nerui ligati tumescunt. Restat itaque, vt aperiāmus, qua ratione, exacte & apposite pro voluntariis motibus sanguinis fluxum moderantes opportunam musculi inflationem comparemus.

Quemadmodum ad hominis constitutionem duo, corpus nimirum atque anima, admirabili coniunctione consentiunt, in quorum nexu, naturæ, siue potius Dei, manu comparata vitæ totius ratio posita est, sic eodem nexu anima & corpus in motibus voluntariis operantur, & vtrumque sua ratione concurrat.

Et quidem, quum corpus machina quædam hydraulico-pneumatica sit, quæ scilicet ex solidis partibus constructa, per fluidi & spirituosum tamen alicuius concursum & operam actiones suas exequitur, & ad spontaneos motus sanguinis affluxu

affluxu concurrat ; anima vero spiritualis spirituum animalium utitur ministerio , qui (ut aliquorum opinio est) quasi inter corpus & animam natura medii , animæ influxum & commercium cum corpore mirifice sustinent, & animæ nutus promptissime exequentur. Præclarum omnino animæ & corporis vinculum, & ubique mirificum, quo coniunctis utrinque viribus in humani generis beneficium mutua charitate, necessaria consociatione conspirat. Inter sanguinem itaque & spiritus animales quandam æquilibrii speciem intercedere suppono, quo sanguis per sibi propria vasa ac carneas musculorum fibras debite excurrit & affluit, & spiritus, per nervos & illorum undique dispersa filamenta, membranaceasque musculorum fibras irradiat, adeoque, ut *PLATONIS* verbis & auctoritate dicam, mutua contentione, exæquatis inuicem viribus insurgentibus bona totius corporis valetudine fruitur homo, sed sine motu voluntario consistet.

Quoties itaque anima partem vult motam, maiores pro libitu & exigentia affluentis sanguini vires concedit, unde vberius copiosiusque accurrens inflationem producit in musculo (unde obseruante *BAGLIVIO* rubescit) & voluntarios motus exercet. Eadem quoque ratione constantem ac perpetuam sphincterum constrictionem (& ut longiorem coccinnam sermonem) violentos quoque motus ab externo agente, reluctante nostra voluntate, productos adeo obscure (ut *MANGETVS* ait) ab auctoribus explicatos, si non vere, proxime tamen vero, atque mediocriter, crederem exploratos.

Motus naturalis musculorum.

De motu naturali adhuc maior est, quam de spontaneo, difficultas, ac undique operosum ac arduum, explicare, quomodo peragantur in nobis etiam nolentibus constantes

stantes quidam motus, cordis scilicet, arteriarum, ventriculi, intestinorum, alique plures, quos nulla ratione possumus cohibere. Et licet ista tam ardua sint explicatu, pro viribus tamen conabor (ne in aliquo deficere videar) secretiora etiam ipsius naturæ exponere, dummodo vltius a vestra humanitate suscipiar.

Animo itaque reputabam, quemadmodum sanguis a cordis impetu per arterias vniuerso corpori communicatur, sic spiritus animales in cerebro geniti a valido duræ meningis impulsu (vt grauissimi viri sentiunt) a cerebro per nervos in vniuersum corpus diffunduntur; qui influxus, quum interceptus sit, non continuus propter interruptum pulsantis meningis impetum habetur; sic spiritus non assidue, sed interrupte affluens & impellens excurrenti sanguini (ablato inter ipsos æquilibrio) moram & resistantiam facit, vnde alternatis vicibus sanguis modo redundans & musculum inflans actionem in illo producit, modo aduenientibus spiritibus cedit, adeoque deficiente inflatione musculus ab operatione desistit.

Vnde reciprocatis per æqualia fere tempora viribus, inter spiritum & sanguinem, æquilibrio tollitur, & mira reciprocatione remittitur, sic remissis liberatisque per intervalla viribus hac mirabili alternatione conseruatur, adeoque congruo structuræ opificio, quot fere partes corporis actione naturali mouentur, exposita ratione successive, & motu interrupto operantur.

DEMONSTRATIO QUARTA.

DE

MUSCULIS IN SPECIE.

Caput Primum

De

Musculis capitis.

Musculi
capitis.Frontalis
origo

terminus

Occipita-
liumprincipi-
um.
terminus.Supercilio-
rum de-
pressores.

EXposita modo generali musculorum descriptione, ad horum *descriptionem particularem* transeundum erit, & primo in capite sese manifestant musculi duo ferme membranacei, qui *frontales* dicuntur, ex vtraque enim parte v-nus; isti ortum ducunt, secundum *HEISTERI* declaratio-nem, in ipsa cute frontis, & horum extremitates mobiles obseruantur, isti ex vtraque parte a superciliis oblique ex-trorsum sese extendunt, deinde tendines suos super cranii partem superiorem expansos cum aponeurosi occipitalium coniungunt, his mediantibus cutis frontis moueri & su-percilia attolli possunt. *Occipitales* iterum duo numeran-tur, sed sunt valde graciles & tenues, ab ipso occipitis os-se enascuntur, vbi nempe ossibus temporalibus adhæret, ascendunt recte, & in ipsis frontalibus terminant; notan-dum tamen, quod præ tenuitate vix obseruentur, vt *BROWNE* in sua myologia notat. Diximus, quod median-tibus musculis frontalibus supercilia attollantur, hinc natu-ra semper prouida alios ad ea deprimenda substituit muscu-los, & quidem in vna parte vnum, ~~est~~ iste dicitur *super-ciliorum depressor*, seu *corrugator*. Iste in radice narium ex-oritur, in superciliis terminat, & a frontalibus vix discer-nitur.

Bal.

Palpebrarum musculi ab aliquibus *duo*, ab aliquibus *tres* numerantur, nempe *orbicularis* seu *palpebras claudens*, qui acuminato principio enascitur ab interno oculi cantho, & vsque ad externum circulariter lato fine sese extendit, sicque totam palpebram ambit; Musculus iste ab aliquibus anatomicis in duos diuiditur, vtrum autem talis diuisio locum habeat, mihi nondum est decidendum.

Tres mus-
culi pal-
pebrarum.

Secundus musculus *elevator palpebræ*, seu attolens est: hic principium suum agnoscit a fundo orbitæ, vbi scilicet nervus opticus ingressum suum habet, & denique tendine lato, sed admodum tenui, ad marginem ipsius palpebræ progreditur.

Tertius palpebrarum musculus *palpebræ inferioris depressor* dicitur, qui iuxta mentem *HEISTERI* aliquando ex cute genarum, aliquando vero ex osse iugali prouenit, & in orbicularis oram inferiorem sese inserit, qui modo ex crassioribus fibris carneis construatur. His mediantibus palpebra inferior manifeste deorsum trahitur, dum oculum aperimus, licet auctorum aliqui palpebram hanc immobilem esse volunt. Secundum descriptionis ordinem de musculis oculorum internis agere iam deberemus; sed de his suo loco, dum de oculis demonstratio erit, fusius dicetur, vti & de auricula.

Musculorum labiorum incertus habetur numerus: interim tamen sequentes numerantur; quorum primus est *orbicularis*, seu *constrictor*, aut *sphincter*, iste labia claudit, & ipsarum substantiam constituit: Alii deinde sunt *abductores*, alii *elevatores*, & alii *depressores*; inter abductores primo numeratur *zygomaticus* ita dictus, quia ab ipso osse zygomatico principium habet, finis vero implantatur in ipso orbicularis angulo. Secundum par efformat *buccina-*

Musculi
labiorum.

Sphincter.

Zygoma-
ticus.

Buccina-

Musculi
incisores,

canini,

triangula-
res,quadra-
tuseorumque
usus,

tor, duplex habet principium, nempe tum a processu coronoidæo maxillæ inferioris, tum etiam, vbi gingivæ dentium molarium finem habent: notandum enim, quod buccinatores ad masticationem multum faciant: finis vero cum superiore, zygomatico scilicet, consentit. Inter eleuatores primum par dicitur *incisorium*, prope orbitam incipit, terminat vero prope dentes incisores in musculo orbiculari; secundum par est *caninum*, huius originem efficit cauitas ossis maxillaris, sub osse iugali, finem vero ipse labri angulus. Inter depressores, qui tres numerantur, primo se offert par quoddam *triangulare* dictum, hoc ortum ducit a parte lateris maxillæ inferioris, finem vero ad angulum ipsius labri; denique notandus est musculus *quadratus*, qui secundum *HEISTERVM* vnicus habetur, hic originem ducit a parte anteriore maxillæ inferioris, finem vero in tota parte inferiore musculi orbicularis ponit: usus autem horum musculorum ex ipsa tripartita denominatione patet.

Musculi
narium
pyramida-
les & myr-
tifformes.

Narium aliquibus *tria*, aliquibus vero *quatuor* numerantur *musculorum paria*, & sunt, qui nares dilatant & simul eleuant, *pyramidales*, & *myrtiformes* vtrinque duo; nares vero constringentes & claudentes, vbique vnus; qui vero *quartum par* adiiciunt, constrictores in *externos* & *internos* diuidunt, consequenter vnicuique parti duos adscribunt musculos.

Pyramida-
lis princi-
pium, finis,

Pyramidalis igitur a radice narium, vbi cum corrugatore superciliorum communis est, ortum agnoscit, finem vero, seu terminum, implantat in cartilagine narium inferiores; *Constrictor*, seu depressor, aut sphincter, qui & orbicularis dicitur, hic valde exiguus est, & vix perceptibilis in homine, in brutis vero maior, vti perbene *HEISTE-*

RVS

RVS notat, obseruatur, maxime in continua, vt ita dicam, narium tum dilatatione, tum constrictione. Musculus iste oritur a radicibus dentium incisorum, statim sub naso, in alis vero narium terminat: in hoc notandum, quod ab orbiculari labrorum sustentetur & admodum fulciatur.

Maxillæ inferiori sex musculorum paria attribuntur, nempe primum par est *crotaphites*, seu *temporale*; secundum *masseter*, seu *manforium*, *mandibulare*, vti & *molitorium*; tertium *pterygoidæum*, seu *alare*, *externum*; quartum *pterygoidæum*, vel *alare*, *internum*. Dum omnes illi muscoli simul agunt, mandibulum attollunt, vicissim vero ad latera antè & in gyrum pro commodo masticationis eam ducunt. Quintum par dicitur *digastricum*, seu *musculi biuenter*, qui maxillam deprimunt; sextum denique par *quadratum*, *platysmamyoidæum*, seu *subcutaneum*, quod cum aliis musculis par commune est; huius etiam officium est deprimere. Crotaphites seu muscoli temporales in regione temporum principio fere carneo exsurgunt, terminant vero tendine nervoso valido, sed breui, in processu acuto ipsius maxillæ inferioris. Masseter seu manforius oritur duplici capite, altero carnosio & altero nervoso, ab osse iugali & maxillæ superioris osse primo, inferitur in maxillæ partem inferiorem lata satis & valida connectione: Musculi pterygoidæi primi, seu alares externi principio partim nervoso, partim carnosio, exoriuntur ab osse sphenoide & a processu alari externo: implantantur forti & lato tendine parti internæ mandibulæ inferioris; pterygoidæi secundi, seu alares interni, breue quidem, sed latum habent principium a cavitæ interna processus alaris, seu pterygoidæi, & tendine longo latoque inferuntur parti internæ & posteriori maxillæ inferioris. Digastricum, seu

Musculi
maxillæ
inferioris,

eorum
principi-
um, & fi-
nis.

biuentre, quod etiam par graphoidæum dicitur, ab appendice styloide, vel vt alii desiderant, a postica parte processus mammiformis, membranofum & latum egreditur, mox teres & carnosum factum in medio tendinosum redditur, hinc denuo in substantiam carnosam transiens in synchondrosin, vel in cartilagineam menti partem inferitur, vbi deinde terminat, & ex hac tendinea coniunctione, posteaque carnosae diuisione, biuentris nomen obtinuit. Vltimum denique par est quadratum, seu platysmanyoidæum, quod & commune dicitur, quia etiam aliis faciei partibus inseruit: hoc circa clauiculam a musculo pectorali & deltoide oritur, & in maxilla inferiore finem ponit, ita tamen, vt membrana sua totam faciem inuestire videatur, hinc veteres hoc musculorum par a cute non distinxere. Circa hunc musculus notandum, quod fibras habeat obliquas, hinc chirurgus eas non transuersim & temerarie incidat, ita, vt buccas (cum quibus & istud par connexionem habet) ad alteram partem auulsas reddat, sicuti per bene *BARTHOLINVS* notat. Deberemus hic quoque de musculis ossis hyoidis, linguæ, laryngis, pharyngis & vuulæ loqui, sed de his fusius dicetur, quum demonstratio de his partibus in specie habebitur, nunc autem ad musculos capiti vltcrius inseruientes, quorum decem paria numerantur, progredimur; horum primum par dicitur *mastoideum*; oritur hoc a summo sterno & anteriore parte ipsius clauiculæ, hinc oblique ascendit, & sine carnosio atque crasso inferitur in processus mastoidei partem externam, a quo nomen acquirit. Secundum par *rectum maius anticum* nuncupatur, quod in parte anteriore ceruicis sub musculo eius longo situm est; hoc ortum habet principio neruoso a transuersis vertebrarum colli processibus, definit in osse occipitis

Capitis
decem musculorum
paria,
mastoideum,

rectum maius anticum,

capitis ante processum condyloideum; horum musculorum munus est *caput flectere*.

Hos subsequuntur muscoli *caput extendentes*, horum primus est *splenicus* ex utraque parte unus, hic initium sumit a tribus vertebra inferioribus colli & quinque superioribus dorsi, & supra processum mastoideum implantatur. Hunc subsequitur *complexus*, qui tali modo denominatur, quia fere intricatus procedit: quoad principium diuersus est, & vix certitudo huius haberi potest, iuxta mentem *BAR-THOLINI* incipit in septima ceruicis, prima, tertia, & quarta thoracis vertebra, & varia intricatione in occiput implantatur, videturque, quod iste musculus in plures, nempe in tres vel quatuor simplices, diuidatur, licet re ipsa sit unus.

Musculus
splenicus,

complexus,

His separatis succedit *rectus maior posticus*; hic oritur ab apophysi spinosa epistrophæi, seu a secunda colli vertebra, & finem habet in ipso osse occipitis. Extendentium quartum par est *rectum minus posticum*, originem ducit a prima vertebra, seu atlante, finem habet sub priore in osse occipitis. Quintum par constituit *obliquum minus*, hoc enascitur ab obliquo primæ vertebræ processu, terminat in occipite, & recto maiori superiacet. In gyrum caput mouent *obliqui maiores*, ideoque *rotatores* dicuntur, oriuntur a secunda colli vertebra, dein processui transuerso primæ vertebræ, seu atlantis inseruntur. Ad latus denique flectit *rectus lateralis*, incipit in parte superiore processus transuersi ipsius atlantis, & recte ascendendo corpore breui, sed crasso, implantatur ossi occipitis iuxta incisuram processus mastoidei, vt *COWPERVS* in myotomia figura tertia notat.

rectus maior posticus,

rectus minor posticus,
obliquus minor,

obliqui maiores,

rectus lateralis,

Caput

Caput Secundum.

De

Musculis colli.

Musculo-
rum colli

4. paria,

Scalenum,
& longum.

Horum
principi-
um & fi-
nis.

Transuer-
sum & spi-
nale.

deinde tendi-
ne

Collum mouentia quatuor numerantur musculorum pa-
ria, quorum duo paria, *scalenum* scilicet & *longum*,
collum anterieus flectunt. Scalenus oritur a prima & secun-
da costa & terminat in processu transuersali vertebrarum
colli, ex hac ratione pro musculo thoracis ab aliquibus
habetur; longus a quinque dorsi vertebris ortum trahit *et*
tendine acuto in ipsis colli vertebris terminans.

Collum extendunt, & posterius flectunt duo paria, *trans-*
uersum scilicet & *spinale*: Horum primum a sex superiori-
bus thoracis vertebris enascitur & inseritur in omnes trans-
uersos processus vertebrarum ceruicis. Secundum par to-
tum ceruicem inter spinas occupat, oritur a quinque spinis
vertebrarum, colli, septemque thoracis, & in totam par-
tem inferiorem spinæ secundæ vertebræ fortiter implanta-
tur, vt cum *BARTHOLINO* sentiam.

Caput Tertium.

De

Musculis scapulæ.

Musculo-
rum scapu-
læ 5. paria.

Sepositis colli musculis, vt recto ordine procedamus, oc-
currunt modo *musculi homoplatae*, seu *scapulæ* exami-
nandi, quorum paria quinque numerantur: & primum par
con-

constituit *musculus patientiæ*, seu *elevator scapulæ*, iste oritur a processibus transuersis quatuor vertebrarum colli primarum, & implantatur in angulo superiore ipsius scapulæ, & hic scapulam sursum trahit. Secundum par dicitur *trapezius*, seu *cucullaris*, ob figuram cucullæ monachorum, quam præ se fert, incipit in osse occipitis, hinc ad octauam thoracis vertebram descendit, inde sensim attenuatus spinæ ipsius scapulæ, summo humero & clauiculæ inferitur; ab hoc vario modo mouetur scapula, modo sursum, modo deorsum, modo oblique lateraliter.

Elevator
res,

Trapezius.

Tertium par *rhomboides* nuncupatur, qui sub priore situs, tenuis & latus inuenitur, principium habet a vertebris tribus inferioribus colli, & tribus superioribus thoracis, finem vero in basi scapulæ, & hic scapulam retrorsum mouet. Quartum par efficit *serratus minor anticus* seu *pectoralis minor* sub pectorali maiore situs, oritur principiis dentatis a secunda, tertia, quarta & quinta costa vera, finem ponit in apophysi coracoidea scapulæ. Quintum & vltimum scapulæ par *serratus maior anticus* appellatur, principium æque dentatum agnoscit ab omnibus costis veris, & duabus primis spuriiis, & in basi ipsius scapulæ terminat: vltimorum duorum parium officium est, scapulam antrorsum & deorsum mouere.

Rhomboides.

Serratus
minor anticus

Serratus
maior
anticus,

Caput Quartum.

De

Musculis thoracis.

His musculis perspectis sequuntur modo, qui *respirationi inserviunt*, quorum aliqui *dilatando*, alii vero *con-*

Musculi
thoracis.

F

strin-

Diaphrag-
ma.
Interco-
stales.
Horum
principi-
um & finis.

Subclauii

principi-
um, & fi-
nis.

Serrati po-
stici supe-
rioris prin-
cipium &
finis.

stringendo officium exercent; & inter dilatatores, qui con-
iunctim agunt, est primo *diaphragma*, sed de hoc suo loco
fufius dicetur; huic fuccedunt *musculi intercoftales*, qui qua-
draginta quatuor numerantur, viginti duo nempe externi,
& viginti duo interni, horum principium obferuatur in mar-
gine inferiore costæ fuperioris, finis vero in margine fupe-
riore costæ inferioris & fequentis. Quum autem officium
horum mufculorum fit, costas eleuandi; hinc natura dota-
uit hos mufculos fibris e diuerfo ordine productis, hinc fi-
bræ externorum mufculorum antrorfum, internorum vero
oblique retrorfum excurrunt, vti optime *HEISTERVS*
notat. His modo enarratis mufculis *subclauius* fuccedit
ideo fic dictus, quia fub clauicula positionem habet & spa-
tium illud intermedium clauiculæ & primo costæ occupat;
oritur ifte ab inferiore parte ipsius clauiculæ iuxta acromi-
on, & terminat in fterno & in parte anteriore costæ fupe-
rioris.

Serratus posticus fuperior, feu *minor* tendine lato, fed
tenui, a duabus vertebris inferioribus colli, & duabus fu-
terioribus dorsi originem ducit, implantatur vero fecun-
dæ, tertiæ & quartæ costæ. Inter pectus dilatantes nu-
merantur quoque ab aliquibus *serratus maior anticus* & *scal-
lenus*, quia cum pectore quoque communes funt, fed de
his fuperius iam fuit dictum. A celeberrimo *VERHEYE-
NIO* alii adhuc adduntur mufculi, *supercoftales* ab ipfo no-
minati, fed videtur, quod ifti potius intercoftalibus adnu-
meranti fint, ideo filentio eos præterimus.

Descriptis modo mufculis pectus attollentibus & di-
latantibus, ad *constrictores* & *depressores* deueniendum, &
primo numerantur mufculi abdominis, de quibus iam di-
ctum est. Præter iftos mufculos inter constrictores habe-
tur

tur *serratus posticus inferior*, seu *maior*: membranofus est & latus, hic fere in medio dorfi sub musculo eius latissimo, seu a spinis vertebrarum dorfi inferiorum, ortum habet, insertionem vero in intervallo quatuor costarum inferiorum, ac si esset in digitos diuisus, vbi vaginam quasi componit, in qua retinentur muscoli dorfi extensores, ne eorum fibræ in motu vehementiore a se inuicem recedant & disiungantur. Secundus adnumeratur quoque musculus *triangularis sterni*, qui ab ipso sterni nascitur & vtrique in cartilagine costæ quartæ, quintæ, sextæ & septimæ veræ inseritur. Musculus iste a præcitato *VERHEYENIO* in plures adhuc diuisus est, quos dein *sterno-costales* vocat.

Serratus posticus inferior, eius principium & finis.

Triangularis.

Tertius *sacrolumbus* vocatur, hic a posteriore parte ossis sacri & lumborum spinis interius carnosus, exterius vero nervosus progreditur, & costis inferioribus duplici tendine implantatur. Musculus iste tam thoraci, quam dorso inferuire videtur: huic denuo a supracitato *VERHEYENIO* alii muscoli, *infracostales* ab ipso dicti, assignantur, quos vero ab intercostalibus internis distinguendos esse non iudicarem.

Sacrolumbus.

Caput Quintum.

De

Musculis dorsalibus.

His in ordine succedunt muscoli dorfi, & lumborum communes: tria extendentium paria numerantur, & primo quidem *sacro-lumbaris*, de quo iam superius dictum est, secundus musculus est *longissimus dorfi*, huius origo cum

Musculi dorsales & lumbares, sacrolumbaris.

longissimus dorfi,

semispino-
sus.

quadratus
lumbo-
rum.

facrolumbari correspondet, finem vero habet in omnibus vertebrae spinæ ipsius dorsi; hunc excipit *semispinosus*, incipiens in osse sacro & lumborum vertebrae, terminat vero in superioribus thoracis vertebrae. Dorsum & lumbos præter musculos abdominis (qui etiam flexioni inseruiunt) proprium musculorum par flectit, *quadratus lumborum* dictus, originem ducit a posteriore & superiore ilei processu, principio lato & carnosum, & in apophysibus vertebrarum lumbalium & vltima costa spuria terminat; situm suum habet prope lumborum vertebrae a latere muscoli psoas: notandum vero circa hunc musculus est, quod motui quoque ossium innominatorum in deambulando inseruiat. Oporteret iam quidem, vt de musculis vesicæ vrinariæ, vethræ, ani, & partium generationi inseruientium hic ageremus, quum vero isti potius interni, quam externi habeantur, de his dicemus tunc, quum istas partes seorsim demonstrabimus.

Caput Sextum.

De

Musculis artuum superiorum.

Musculi
humeri.

Absolutis iam trunci musculis ad musculos artuum, & primo superiorum ascendamus: *Novem* numerantur *musculi humeri*, quorum ope humerus diuersimode mouetur & flectitur: Motus autem primarii ipsius humeri sunt quatuor, nempe mere antrorsum, mere retrorsum, introrsum & extrorsum, licet his alii quoque motus, secundarii dicti, adnumerentur: & primus est inter motus secundarios,

darios, quando humerus *sursum mouetur* vel *elevatur*; ad hunc motum perficiendum tres a natura substituuntur muscoli, nempe *deltoides*, *supraspinatus* & *coraco-brachialis*, vel *coracoideus*, horum primus, deltoides scilicet, ob figuram litteræ Græcæ Δ ita dictus, vel etiam *triangularis*, suum habet exordium a media clavicula, ab acromio & tota ferme spina scapulæ, & desinit antè ad latitudinem circiter quatuor digitorum sub collo humeri: musculus iste valde magnus & validus est, & hanc forte ob rationem *STENONIVS* hunc in duodecim musculos simplices diuisit. Huic succedit *supraspinatus*, incipiens in cauitate supra spinam ipsius scapulæ, terminans vero in collo humeri. Tertius denique eleuatorum est *coraco-brachialis*, seu *coracoideus*, ob eius principium, quod habet a processu coracoideo scapulæ, ita dictus, implantatur vero in medietate ipsius brachii. Tres quoque numerantur muscoli humerum *deprimentes*, *infrascapularis* scilicet, *rotundus*, seu *teres maior*, *latissimus dorsi*, seu *aniscalptor*; horum primus principium suum agnoscit a parte interna scapulæ, implantatur vero parti interiori capitis ipsius humeri. Rotundus seu teres maior, oritur a basi inferiore scapulæ, & ossis humeri, & interius infra humeri collum tres circiter digitos desinit. Latissimus dorsi, seu aniscalptor, maximam dorsi partem occupat, ideo latissimus dorsi dicitur: principium huius, quod valde tendinosum est, exsurgit ab osse ilei, a spinis superioribus ossis sacri, vertebrarum lumborum & sex inferiorum dorsi, & sensim sine sensu angustatus cum superiore eidem loco infigitur.

Elevato-
res.

Depresso-
res.

Humerum adducit *pectoralis maior*, quia præcipuam pectoris partem anteriorem inuestit, ita denominatus, & æque oritur a clavicula, sterno, omnibus costis veris &

Addu-
cens.

Abducen-
tes.

primis spuriiis, finitur in ossis humeri latere externo, inter deltoidem & bicipitem. Duo denique humerum abducunt, & isti vocantur *infraspinatus* & *rotundus*, seu *teres minor*; *Infraspinatus* originem ducit in cauitate infra spinam scapulæ, ideoque hoc nomine insignitur, & terminum in ceruice ossis humeri. *Rotundus* seu *teres minor* ortum habet a costa inferiore scapulæ, & parti posteriori colli humeri implantatur: Isti duo muscoli vero tum *VERHEYENII*, tum *HEISTERI* testimonio vnicum tantum efformant musculum, quia unicum tantum tendinem efficiunt.

Caput Septimum

De

Musculis cubiti.

Musculi
cubiti
flexores,

AB humero ad *cubitum* transeundum, cui *sex muscoli* ad motum facilitandum adscribuntur, quorum *duo flexores*, *biceps* scilicet & *brachialis internus* numerantur: *biceps*, quia duo habet principia & capita, ita dictus a summo humero, sub tendine pectoralis ad cubitum excurrit, principium partim habet a processu coracoideo, partim a capite scapulæ, hinc fit carnosus & cauda iungitur superiori & anteriori ulnæ parti; *brachialis* sub anteriore situs originem ducit circa medietatem humeri, finem vero habet anterieus prope articulationem radii cum ulna, & sic suo modo radio quoque adhæret. *Quatuor sunt muscoli*, qui *cubitum extendunt*, *longus* scilicet, *brevis*, *brachialis externus* & *anconæus*. *Longus*, qui iuxta *VERHEYENIVM* etiam *biceps externus* nuncupari posset, duplici gaudet principio, quo-
rum

extensores

rum prius superius circa scapulæ principium, posterius vero inferius sub capite ossis humeri egreditur, finem vero habet in olecrano, seu parte gibbosa cubiti; huic succedit brevis, qui originem agnoscit a parte posteriore humeri supra eius medium, finem vero habet cum superiore communem. Brachialis externus iuxta brevem a spina interiore humeri procedit, & cum superioribus duobus finem ponit; hinc *HEISTERVS*, quum isti tres musculi in vnum tendinem abeant & quasi vnum musculum efforment, hos unitos *tricipitem brachialem* vocandos esse autumat. *Anconæus*, qui iuxta *RIOLANVM* & *VESLINGIVM* quartum occupat locum inter cubitum extendentes, enascitur ab exteriori condylo, seu tuberculo humeri, finem autem cum supradictis communem facit.

Caput Octauum

De

Musculis manus.

QUot sunt cubiti, tot etiam sunt radii musculi; horum duo, *rotundus* scilicet & *quadratus pronatores*, *longus* & *brevis*, duo *supinatores*, dicuntur. Pronator rotundus descendit extrorsum a parte interiore fere per medium cubiti, suum habet principium in condylo seu tuberculo interno brachii, finem in parte exteriori ipsius radii, ubi implantatur; quadratus positionem habet anterieus & inferius prope carpum, hic in parte exteriori vlnæ incipit & parti inferiori radii infigitur. Supinator longus originem ducit a spina exteriori humeri, terminatur autem in capitulo

Musculi
manus
pronato-
res & supi-
natores,

tulo inferiore radii ; supinator brevis exsurgit a tuberculo exteriori humeri & parte superiore vlnæ, & transportatur vsque ad latus anterior radii, vbi circa eius medium finitur & terminatur.

Musculi
carpi,

* et.

Quinque attribuuntur *musculi* carpo, metacarpo & volæ manus, *palmaris* scilicet, seu *caro quadrata*, *cubitæus internus*, *radiæus internus*, *cubitæus externus* & *radiæus externus*. Palmaris musculus tenuis est ferme membranofus, ab aliquibus pro membrana carnosâ habitus ; natales suos debet interno tuberculo ossis brachii, & secundum longitudinem cubiti excurrit, ~~per~~ tenui tendine per volam manus totaliter expanditur, vbi finem & terminum ponit. Reliqui quatuor musculi diuiduntur in *flexores*, & isti sunt cubitæus & radiæus internus, externi vero sunt *extensores*; horum primi, seu interni originem habent a tuberculo brachii interno, radiæus tendinem officulo carpi prope pollicem, cubitæus vero interno carpi officulo implantat. Musculi externi ab externo brachii tuberculo enascuntur : horum primus radiæus coniungitur primis duobus metacarpi ossibus ; secundus seu cubitæus terminatur in ossè metacarpi, quod os digitum minimum, seu auricularem, sustinet. Præter flexionem & extensionem, manus introrsum, extrorsum & in gyrum mouetur, adeoque notandum, quod, si musculi radiæi per se agunt sine cubitæis, seu vlnaribus, tunc manus extrorsum ; si cubitæi, quiescentibus radiæis, tunc manus introrsum ; si vero omnes quatuor simul agunt, tunc manus in gyrum mouetur.

Caput

Caput Nonum

De

Musculis digitorum.

Digiti quatuor modis *mouentur*, nempe per *extensionem*, per *flexionem* & *ad latera*, hos vero motus diuersi *musculi* efficiunt, quorum aliqui sunt *communes*, & aliqui *proprii*; inter communes *flectentes* primo numeratur *sublimis*, seu *perforatus*, oritur iste a condylo, seu tuberculo interno humeri & radii, & in quatuor tendines diuiditur, qui in secunda phalanga quatuor digitorum terminantur. Secundus dicitur *profundus*, seu *perforans* sub priori latitans, suum habet principium prope carpum in anteriore & superiore parte ulnæ & radii; in quatuor etiam partitur tendines quatuor tendines musculi sublimis perforantes, & sic in principio tertiæ phalangæ quatuor digitorum desinit. Ambo hi musculi transeunt sub *ligamento transuersali* carpi, & horum tendines vagina forti membranacea inclusi ossibus digitorum iunguntur. Cur autem tendines horum musculorum vaginæ huic includantur, addit *VERHEYENIUS* rationem, ne ibidem extrorsum cedentes aut nimium corrugati aliorum musculorum actionem impediant, quod, liberi si essent, facile euenire posset. His quoque adnumerantur & *HEISTERO* primi sunt quatuor musculi, graciles & teretes, qui ob figuram, quam præ se ferunt, *lumbricales* dicuntur. Oriuntur isti a tendinibus musculi profundi, seu perforantis principio valde tendinoso, hinc carnei facti abeunt in caudam satis tendinosam, teretem ac tenuem, qua mediante inferuntur lateribus pollicem resipientibus phalangæ primæ, pro cuius flexione sunt destinati.

Musculi
digitorum
commu-
nes,

flectentes.

Extensor

nati. Extensor digitorum vnicus est, sed magnus, & dicitur *extensor communis*, suum principium habet a tuberculo, seu processu ossis humeri, & a parte posteriore radii & ulnæ, hinc in quatuor tendines diuisus per ligamentum carpi transeuntes finem ponit in parte gibbosa seu posteriore

adductores,

omnium phalangarum digitorum. His remotis muscoli adductores, qui *interossei interni* vocantur, se repræsentant, & horum *tres* numerantur, enascuntur autem ab ossibus metacarpi, & in latere externo primæ phalangæ definunt,

abductores.

horum beneficio digiti versus pollicem ducuntur. *Tres interossei externi* digitos abducunt, hinc *abductores* nominantur: principium æque, vt priores, ab ossibus metacarpi ducunt, lateri vero interno primæ phalangæ implantantur, vbi etiam terminantur, isti muscoli digitos a pollice abducunt.

Musculi proprii pollicis,

Explicatis modo musculis digitorum communibus, ad musculos digitis proprios transeundum; sunt igitur pollicis quinque musculi proprii, quorum primus est *flexor*, hic ortum agnoscit a parte anteriore radii circa medium, & sub ligamentum annulare carpi transiens, tertiæ phalangæ pollicis inferitur. Huic contrarius est *extensor*, alias etiam *bicornis*, seu *tricornis* dictus, a parte posteriore & media ulnæ radiique erumpit, & in prima, secunda & tertia phalanga definit. Tertius pollicis musculus est *thenar*, seu *abductor*: huius origo est ligamentum transuersum, quod ossa carpi coniungit, finis vero prima & secunda phalanga. Hic notandum esse *HEISTERVS* docet, quod in isto musculo *ossa sesamoidea* pollicis hæere soleant. Quartum musculum efficit *hypothenar* iuxta præcedentem ab eodem ligamento, quod vero magis volam versus inclinatum est, exsurgens, definit in condylo inferiore primæ phalangæ.

gæ. Nota, quod musculus iste ab aliquibus auctoribus omis-
sus sit, quia pro parte musculi antecedentis reputatur. Ulti-
mus denique musculorum pollicis est adductor, seu *antithe-*
nar, hic ab osse metacarpi digiti medii, seu longissimi pro-
pullulat, & primæ secundæque phalangæ implantatur,
vbi etiam finem ponit. *Duo sunt musculi Indicis proprii*, Indicis
quorum primus est *extensor*, seu *indicator*, huius origo est
medium vlnæ, finis autem communis cum extensore com-
muni. Secundus est *adductor*, nullo alio nomine dotatus,
hic a primo internodio pollicis & a primo metacarpi osse
exsurgit, & in primum indicis internodium finem constituit.
Auricularem extendit musculus non quidem determinatus, Auricula-
ris
nec recte proprius, quia extensori communi adnumerari
potest; vnus vero abducit, qui abductor dicitur, incipit
ab osse interiore metacarpi, & terminat in latere interno
primi internodii. His alius adhuc musculus ab aliquibus
additur, sed circa hoc cum *HEISTERO* sentiendum, quod
talis musculus porius sit pars antecedentis. Notandum au-
tem circa digitorum musculos, quod nulla exacta, deter-
minata & infallibilis descriptio dari possit: musculi enim,
qui pro vno descripti sunt, aliquando in plures diuiduntur,
& qui in descriptione diuiduntur, pro vnico tantum nume-
rantur. Sed de musculis artuum superiorum iam satis;
nunc ad musculos artuum inferiorum, & primo quidem ad
musculos femoris descendendum.

Caput Decimum

DE

Musculis femoris.

Musculi
femoris
flexores,

Tres femoris flexores numerantur, nempe *psoas*, *iliacus*, & *pectineus*, seu *liuidus*, horum primus a primis quatuor lumborum vertebrae, secundus vero, seu *iliacus* a cavitate interna ilei enascitur, & vterque trochanteri minori, seu minori femoris processui implantatur & illic desinit. Pectinæi, siue horum ultimi, principium pars ossis pubis constituit, desinunt autem circiter quatuor digitos infra musculos superius declaratos. Os femoris tres quo-

extensores,

que *musculi extendunt*, qui communiter *glutæi* dicuntur, & in *maximum*, *medium*, & *minimum* diuiduntur; omnes hi tres muscoli originem ducunt a superficie externa ossium ilii & sacri; maximus vero ad quatuor digitorum distantiam infra trochanterem maiorem, medius & minimus trochanteri ipsi inferuntur. Quatuor musculi femori ab-

abducto-
res,

tores attribuuntur, *quadratus* scilicet, *pyramidalis* & *gemelli* duo ex vtraque parte; quadratus exsurgit a condylo ischii, & inter vtrumque trochanterem quiescit; pyramidalis natales concedit interna pars ossis sacri, quæ ileo iungitur, & cavitati intra trochanterem maiorem inferitur; gemellorum primus, seu superior a spina posteriore, & inferiore ilei, inferior autem a tuberculo ischii procedit, & finem cum pyramidali communem vterque habet. Ab uno

adductor,

musculo *adducitur* femur, qui *triceps* dicitur, hic duobus primis principiis enascitur iuxta insertionem cartilaginosa, seu *synchondrosin* pubis, tertio vero ab ipso tuberculo, seu condylo ischii, & denique in tota spina femoris

termi-

terminatur. *Rotatores* denique, seu *obturatores*, a quibus fe- rotatores,
mur in gyrum mouetur; *duo* notantur, *internus* nempe, &
externus, primus seu *internus* prodit ab interna circumfe-
rentia ossis pubis, & cavitati magni trochanteris implanta-
tur; *externus* autem ab externa pubis circumferentia ori-
tur, & in situ præcedentis terminat.

Caput Vndecimum.

De

Musculis tibiæ.

Tibiam quatuor muscoli extendunt, qui in anteriore fe- Musculi ti-
biæ exten-
sores,
moris parte siti sunt, & vocantur *rectus*, *cruralis*, *va-*
stus internus & *vastus externus*.

Rectus protenditur ab anteriore, & inferiore spina ilei;
cruralis, qui priori substernitur, enascitur a parte anteriore
femoris; *vastus internus* ab eiusdem latere interno; *vastus*
externus a memorati femoris latere externo. Hi quatuor
musculi unicum tantummodo, sed robustum & validum con-
stituunt tendinem, qui *patellam* firmat & inseritur condylo
tibiæ.

Septem muscoli tibiam vario modo flectunt, horum pri- Flexores,
mus est *sartorius*, secundus *gracilis*, tertius *semimembranosus*,
quartus *seminervosus*, quintus *biceps*, sextus *membranofus*,
seu *fascia lata*, septimus denique *popliteus*. *Sartorius* ab
anteriori & superiore ilei spina exoritur; *gracilis* a con-
centratione cartilaginosa, seu *synchrodrofi* pubis progredi-
tur, vltimi vero duo, *semimembranosus* & *seminervosus* a
tuberculo ischii enascuntur, in fine quatuor isti muscoli
coniu-

coniunguntur, & in parte interiore & superiore tibiæ terminant. Biceps, quia duplex habet caput, cuius primum a tuberculo ischii, secundum vero a parte inferiore femoris exorditur, pars autem fibulæ superior pro fine inservit. Poplitæus denique parvus quidem musculus est, a tuberculo exteriori femoris tendine tereti principium habet, hinc tendineus oblique sub poplite introrsum transit, vbi carneus fit, & sic interiori & superiori tibiæ parti implantatur. Musculus iste tibiam extrorsum, sartorius autem & gracilis introrsum mouent. Musculus membranofus, seu fascia lata, carneus quidem in anteriore & superiore ilei spina incipit, mox membranaceus progreditur & parti tibiæ superiori implantatur, qui & *abductor tibiæ* alias nuncupatur.

Caput Duodecimum

De

Musculis pedis.

Musculi
pedis tarsi
flexores.

extensores.

His modo musculis sepositis ad musculos pedis deueniendum & primo ad musculos tarsi, quorum octo numerantur: horum duo sunt *flexores*, *tibialis anticus* scilicet, & *peronæus anticus*: Primus enascitur ab exteriori & superiore facie tibiæ, qui dein ossi cuneiformi & metatarsi interno inseritur. Secundi musculi, peronæi nempe antici origo est pars anterior quidem, sed media fibulæ, finis os metatarsi exterius. Quatuor musculi *extensores* nuncupantur, qui sunt *gastrocnemii*, ex vtraque parte duo, seu *gemelli*, aliquibus etiam *suralis externus* dicitur, *plantaris* & *solaris*. Primus ab utroque tibiæ processu sub poplite enascitur, habetque

betque ventrem valde carnosum, qui dein infra suram in magnum & validissimum tendinem desinit. Huic proxime substernitur *solæus*, *solaris*, seu *suralis* externus, qui a processu posteriori tibiæ enatus in ventrem valde latum & carnosum in suo descensu extenditur, postmodum infra suram in tendinem validum cedit, qui priori tam arcte coalitus est, ut vnus propemodum efficiatur tendo, qui *tendo magnus*, secundum *HIPPOCRATEM*, secundum alios vero, *chorda Achillis* dicitur, & forsan ideo, quia hac mediante chorda pondus totius corporis vix non sustentari debet. Musculus *plantaris*, qui ad eundem vsum destinatus est, vt musculus palmaris manus, ex sua natura gracilis est, posterius prope poplitæum ab inferiore femoris parte ortum ducit, statim vero carnosus euadit, ventre vero admodum breui statim in tendinem, sed tenuem inter duos surales musculos descendente ad plantam pedis protensum vsque se diffundit, vbi per modum membranæ tenuis extenditur, ibique terminat.

Tarsum *tibiæus posticus* adducit, cuius origo est vtrum- adductor
que os tibiæ, & ligamentum, quod ista ossa connectit, finis est in osse cymbiformi, seu nauiculari. Pedem, seu tarsum abducit.

Peronæus posticus a parte fibulæ superiore enascitur, infra tarsum pedis reflectitur, & illi ossi metatarsi pollicem sustentanti implantatur, vbi desinit. abductor,

Caput Decimum tertium

De Musculis digitorum pedis.

Musculi di-
gitorum
pedis com-
munes,


extensores,


flexores,

Interossei
interni &
externi
adducen-
tes
abductores


DEductis modo tarfi, seu pedis musculis ad musculos *digitorum pedis* progrediendum, qui vel *proprii*, vel *communes* habentur: inter communes duo numerantur *extensores*, *tensores*, *longus* nempe & *brevis*. Longus a superiore tibiæ, & anteriore parte ligamenti inter tibiā & fibulam positi productus, recte deorsum descendit & vix media tibiæ parte superata aliquibus in quatuor, aliis vero in quinque tendines diuiditur. Horum quatuor superius quatuor digitorum internodiis, quintus vero ossi extimo metatarsi inferitur. Brevis a superiore & anteriore calcanei parte egreditur, in tres tendines diuisus, tribus digitis pollicis proximis implantatur. Duo musculi digitos pedum flectunt, *perforans* nempe & *perforatus*, vel vt aliis dicuntur, *flexor magnus* & *paruus*; flexor magnus seu perforans a posteriore tibiæ & fibulæ parte enatus in quatuor tendines partitur, qui mox dicendum perforant, & in tertio digitorum internodio desinunt; perforatus seu flexor minor ab inferiore & anteriore calcanei parte exsurgit, in quatuor quoque tendines a superiore perforante diuisus, secundæ digiti phalangæ, seu internodio secundo implantatur. Primam phalangam quatuor *lumbricales* flectunt: hi enascuntur a tendine musculi perforantis, & ab interiore calcanei parte, postmodum primæ phalangæ inferuntur, & ibi terminant. Octo adhuc numerantur *musculi interossei*, quatuor scilicet *interni*, & quatuor *externi*; horum primi digitos adducunt, vltimi vero eos abducunt, hinc dicuntur *adductores* & *abductores*, isti informantur musculis interosseis manus. Inter musculos

























musculos digitorum proprios septem *HEISTERO* numerantur, muscoli pollicis proprii, duo scilicet extensores *longus & brevis*, duo flexores *longus & brevis*, abductor unus, seu *thenar*, adductores duo, *antithenar & transversalis*. Extensor longus a parte media ligamenti interossei & fibulae oritur, & extensor brevis a parte superiore & anteriore calcanei exsurgit, & ambo primo & secundo internodio inferuntur. Flexor longus parti posteriori fibulae natales debet, finem vero habet in parte inferiore ultimae phalangae. Flexor brevis ab osse cuneiformi medio producitur, & in duobus ossibus sesamoideis terminat. Abductor seu thenar oritur ab interna parte calcanei, & secundo ossi pollicis implantatur. Antithenar, seu adductor principium suum habet osse cuneiformi tertio, & ossi sesamoideo externo inferitur. Alius adductor, seu transversalis propullulat ab osse quarto metatarsi, & iuxta priorem desinit. Digitus minimus vnico tantummodo musculo proprio dotatus est, *abductore* scilicet, huius principium constituunt pars calcanei exterior & quintum os metatarsi, a quo minimus digitus sustentatur, finem vero pars exterior primi internodii seu phalangae.

Proprii pollicis extensores, flexores, abductor, adductores

Digiti minimi abductor

DEMONSTRATIO QVINTA

DE

PARTIBVS CONTINENTIBVS INTERNIS.

Caput Primum

De

Peritonæo.

DEscriptis modo omnibus totius corporis musculis externis, sectionis ordo postulat, vt ad abdominis partes reuertamur.

H

Remotis

Peritonæ-
um quid?

Eius figura,

numerus,

crassities,

connexio,

duplicatura

Remotis igitur abdominis musculis in conspectum venit *membrana* quædam, prima inter continentes abdominis partes, *tenuis & mollis, densa quidem, sed facile laxabilis, totam abdominis cavitatem succingens, omniaque huiusce ventris viscera blande inuestiens*, hinc maiores accepto ab *HIPPOCRATE* nomine *peritonæum* dixere. Eius *figura*, prout naturaliter conspicitur, ovalis est, ventrisque cavitati longitudine & latitudine correspondet.

Aliis simplex, aliisque multiplex, omnibus fere saltem duplex hac nostra ætate videtur membrana, qualis in feminis manifeste infra umbilicum patet, quod ita evidens ex omni parte asserit *LAVRENTIUS*, ut summopere aliter de ipsa anatomicos sensisse miretur. Non ubique sibi æquale est peritonæum, nam aliquibus in locis validius inuenitur, in feminis præsertim infra umbilicum, quo facilius tempore gestationis dilatari queat, in masculis vero aliquantulum supra umbilicum crassescere idem testatur *LAVRENTIUS*, ad ventriculi in multa, tum cibi, tum potus ingurgitatione, extensionem. In concaua vero parte leue, & tersum est & aqueo humore naturaliter madefactum, qui secretus a minimis quibusdam porulis transfudat; in exteriori parte asperum non nihil & fibrosum est, præsertim in antica & laterali parte, ubi transversalibus musculis firmissime ne-ctitur.

Vnitur peritonæum superius diaphragmati, inferius ossi pubis & ischio, lateralibus ossibus ilii, retro ossi sacro, & demum omnibus abdominis partibus, quæ ab hac membrana vestiuntur & obvelantur, circa quam viscerum obvelationem & duplicaturam, in qua vesica, & partes aliæ contineri dicuntur, rem attigisse videntur ii, qui cum *BARTHOLINO* & *FANTONO* opinantur, peritonæum viscera abdomi-

abdominis eo prorsus modo, quo chirotheca ad velandos digitos extenditur, circumuestire.

Peritonæum duos habet ad inguina processus, vtrinque ^{processus,} scilicet vnum; fiunt hi ex lamella peritonæi exteriori, quæ elongata canalem, seu tubulum (vt claritatis gratia dicam) efficit, qui in viris vasa spermatica continens & arcte involvens per transmissa sepimenta membranacea inter se nexa ad scrotum descendit, vbi aliquantulum dilatatur, adeo, vt tunicam efformet, quæ testes dein per modum vaginæ excipit, proptereaque *tunica vaginalis* nuncupatur; in feminis vero *ligamenta uteri rotunda* complectitur.

Interior peritonæi lamina, vbi altera expositis modo processibus efformandis extenditur, perforatur pro vasorum seu ligamentorum transitu, ibi strictum & angustum foramen efficit, ne disrupta tunica intestinis prolabantibus herniæ procrearentur. Quæ facilius, licet aliquando occulte, obseruante *NUCKIO*, eueniunt, vbi in inguinibus peritonæum corrugatum quasdam efformat capsulas, quas *diuerficula* iste nominat, in feminis frequentius obseruatas; hinc mirabili prouidentis naturæ consilio descripti processus non patenti ductu directe, vt in canibus præsertim, a ventre feruntur in scrotum, sed tortuose & oblique.

Illud autem, quod *VERHEYENIUS* & *GRAAFIUS* de peritonæi processibus scripserunt, explicaturi, quare in viro sint clausi, minus quidem *MORGAGNIO* probatur: ipse enim doctissime animaduertit, si propter erectum hominis incessum a superiore peritonæi lamina processus ipsi clauderentur, quæ nempe causa ab utroque auctore adducitur, fore, vt non minus in muliere, quam in viro, clausi reperirentur,

Vasa fan-
guifera,

nerui &

Peritonæo sanguis in superiore parte a mammariis & a diaphragmatis arteriis, inferius ab epigastricis & sacris, lateraliter ab intercostalibus & lumbaribus satis abunde affluit, qui per focias venas cordis iter reassumit. Nerveos vero furculos medulla lumborum & ossis sacri, nonnullos etiam intercostalis & diaphragmatici subministrant.

vsus.


Triples est peritonæi vsus, primus, ut abdominis contenta in se contineat; secundus, ut primam, seu extimam tunicam, seu membranam omnibus visceribus in hac cavitate contentis largiatur ac præbeat; tertius denique, ut processus peritonæi, hinc tunicam quoque vaginalem testium constituat.

Vmbilicus
quid?

Diximus statim in primo huius anatomiae ingressu, quod in medio abdominis fosseus quidam nodulus, vmbilicus dictus, obseruetur, de isto etiam ut in particulari quid dicamus, necesse erit: *Est igitur vmbilicus nodus formatus ex aggregatione vasorum vmbilicalium*: quatuor sunt vasa in duplicatura peritonæi sita, quæ nodum istum efformant, *arteriæ scilicet duæ, vena una, & vrachus*. Arteriæ vena longe sunt tenuiores, oriuntur ut plurimum vtrinque ex arteriis iliatis, quandoque etiam ex ima parte aortæ, ut cum *HEISTERO* loquar, & hæ in utroque vesicæ latere progrediuntur ad vmbilicum. *Vena vmbilicalis* est, quæ ab hoc nodulo per fissuram hepatis venæ portæ inferitur, & hepatis tanquam ligamentum inferuit. Arteriæ vero duæ ab vmbilico in arterias iliacas sese insinuant; vrachus tandem fundo vesicæ iungitur, illique pro suspensorio est. Horum vasorum vsus in homine iam extra vterum posito ex ipsa descriptione patet.

Eiusdem
connexio

& vsus.



Caput Secundum

De

Omento.

EXaminato & disrupto peritonæo intuentium oculis primum omnium in suo naturali situ ante cætera sese offert *omentum*, quasi *operimentum*, aliis *zibus*, Græcis *epiploon*, passim vero *rete*, vel *reticulum* nuncupatum: hoc est *membrana reticularis, quæ pinguedine multa instructa sub peritonæo sita intestinis proxime incumbit*. Duas membranas possidet, anteriorem scilicet, quæ fundo ventriculi, pyloro, intestino duodeno, partique concauæ lienis alligatur, & posteriorem, quæ intestino colon connectitur: propterea iunctis membranis figuram marsupii cuiusdam, seu manicæ efformat, hinc ab aliquibus *manica HIPPOCRATIS* nuncupatur; in parte vero inferiore liberum absolute cernitur & conspicitur omentum.

Omentum
quid?

Eius situs,

membrana
duæ,
earum
connexio.

figura,

Membrana hæc intestinis immediate superinducitur, eorumque sinuositatibus mediante sua pinguedine facile sese accommodat. Extenditur autem a ventriculi fundo (vti iam supra dictum est) alligatur ad umbilicum vsque, penes quem vt plurimum terminatur, quod vero non in omnibus statuendum esse existimamus: siquidem in aliquibus etiam euenit, vt ad infimam hypogastrici partem descendat, imo etiam in viris ad scrotum vsque protendatur, vnde *herniæ omentales*, seu *epiplocele* procreatur. Quoad pondus, iuxta communem auctorum mentem, semilibræ esse solet; *VE-SALIVS* vero se vnum reperiisse testatur omentum ponderis quinque librarum; hinc determinatum omento pondus assignari non potest, quod & in feminis constat, quum hoc

extensio,

pondus,

inter vterum & vesicam prolabatur. Mirandum igitur non erit, si ab *HIPPOCRATE* omentum quoque tanquam vna sterilitatis causa agnoscat, qui *aphor. 46. sect. 5ta* ita se declarat : *quæcunque præter naturam crassæ non concipiunt vtero, his omentum os vteri comprimit.* Hoc effatum intelligendum existimamus, quia præ nimia pinguedine, qua dotatum est omentum, ponderosum nimis redditum, os vteri facile comprimit. Item *ARISTOTELES* libr. 2do *de partium animalium historia, cap. 5to* nimiam pinguedinem sterilitatis causam esse asserit.

tunicarum
substantia.

Tunicarum omenti substantia, etsi præ nimia pinguedine crassescat, admodum tamen tenuis est & pellucida, imo luci exposita in locis, vbi nihil pinguedinis habetur, poris & foraminulis minimis *HEISTERO* testante, referta, vt per eam etiam duplicatam accensum lumen extinguiqueat. Vt vero clarius ac facilius omnibus omenti substantia innotescat, quærenda est peculiaris *omenti apertura* a *WINSLOW* descripta, vti *Historiæ Academiæ Regiæ, 1715. pag. 316.* referunt, per quam omentum ipsum flatu distendi potest, quæ (vt clarissimus auctor docet) sub magno hepatis lobo reperitur inter ligamentum illud membranaceum, quod iungit principium duodeni & collum vesicæ felleæ cum hepate a latere eminentiæ, quæ radix dicitur parui lobi *SPIGELII*, & inter aliud ligamentum, quod colon necit pancreati: hæc enim duo ligamenta, dum sese vniunt, aperturam quinque linearum diametri relinquunt in infante quatuor, vel quinque annos nato, quam aperturam antedicta eminentia transit. Immisso in hanc siphunculo tota omenti cauitas flatu distenditur, vt facculum, quem *bursam* Galli vocant, sed inæqualem, epiploon optime repræsentet, quæ tamen cauitas non a solo omento, verum etiam in superficie superiore mesocoli a parte intestini

testini colon & ventriculi constituitur, ac denique ea membrana, quæ inter duo ventriculi orificia intercedit, quam *paruum epiploon* appellant. Hoc autem foramen laudatus *WINSLOW* datum esse existimat, ut humores, qui in cauo omenti recolligi possunt, per id, homine præsertim dorso incumbente, effluere queant.

Dum hæc de omento scribo, occurrit mihi nobilis inter auctores *controuersia circa tympanitidis causam*, num ista hæreat in defectu influxus spirituum animalium, ut *WILLIS* de tympanitide scribit, vel an causa potius sit flatus in abdomine retenti? si hoc vltimum, dubium certe subesse poterit, annon flatus, qui in ista omenti bursa retinentur, pro causa, saltem inchoatiua, tympanitidis adstrui possint, quod mihi plane verisimile videtur: morbus enim iste primo extensionem quandam producit circa omenti regionem, & ibi etiam tumor magis accrescit magisque durus percipitur, quam in alia abdominis parte. Sit etiam, ut flatus maxime oriantur a succis, bilioso & pancreatico, vitiosis; ob correspondentiam tamen & cohæsionem, quæ istis partibus est cum omento (ut superius iam declarauimus) facillime possunt flatus isti cavitati communicari, consequenter & retineri: hinc videmus, quod omentum statim compatiatur, dum in corruptionem abeat: per talem enim vasorum compressionem circulus ipsius sanguinis suo modo intercipitur, neque particulæ oleosæ possunt ipsi sanguini communicari, vnde obstructions in abdomine & totius corporis, subsequitur emaciatio, ut in tympanitide fieri obseruamus. Quod autem & spiritus tum animales, tum vitales destruantur, vel debilitentur, de hoc non est dubium: si enim hæmatosis est a suo statu naturali peruersa, tunc certe & pneumatosis debet a suo statu laudabili dege-

degenerare. Insuper obſeruamus, eos, qui hernia omentali laborant, eſſe flatibus maxime ſubiectos; ſi ergo flatuſ hic detineri non poſſent, talis effectus plane explicari non poſſet. Ex huc uſque dictis nollem tamen affirmare, cauſam tympanitidis conſiſtere in retentione flatuum in omento, quod autem iſta retentio ſit cauſa ſuo modo inchoatiua, vel ſaltem, quod multum conferat ad tympanitidem generandam, hoc ſemper affirmabo, donec alio fundamento edoctus fuero.

Quod modo de retentione flatuum diximus in omento, hoc etiam poſſumus aſſerere de illis humoribus, qui in paruo epiploo (vt *WINSLOW* ſcribit) colliguntur, quod nempe iſti humores, ſi retineantur & non iterum effluant, poſſint eſſe *cauſa inchoatiua aſcitis*, ex iisdem rationibus ſupra allatis.

Tanta uero pinguedinis copia donatur omentum, vt illius metropolis paſſim nuncupetur, quæ non eadem ſemper, ac ubique, ſed varia eſt quoad ſexum, ætatem & ſitum. Mirabile ſane naturæ artificium pro pinguedinis ſeparatione, (quod pro materiæ qualitate, colore, operis denique ſubtilitate nullus auferat indigitare) a ſolo *MALPIGHIO* uidimus accuſatum. Nos igitur præſtantiffimi uiri hac in parte ueſtigia, vt etiam ab oculatiſſimo *MORGAGNIO* pulchre & accurate oſtenſa, quam maxime poſſumus, aſſequi contendamus: hinc, vt ueſtra humanitate meam explicationem benigne ſuſcipiatis, efflagito.

Dum vaſa ſanguinea ex variis abdominis partibus deriuantia, & (quemadmodum diximus) retis inſtar inſimul intertexta omenti tunicis intercluduntur, omenti membranæ, ad latera præſertim vaſorum, copioſe criſpatae & corrugatae prima ſui complicatione ueſiculas quaſdam minimas

Cellulae
adiposæ.

nimas (fere illis affimiles, quæ in pulmonibus obseruantur) efformant, & vasorum lateribus, sicuti vuae grana racemis appenduntur: tot cellulæ sunt pinguedinem continentes, quæ *globuli*, fortassis propter illorum formam, a *MALPIGHIO* nuncupantur.

Ex his autem vesiculis, veluti plicatis globulis plures simul agglomerantur, & communi quadam membrana clauduntur, qua veluti in sacculo, seu marsupio continentur; hinc enatæ vesicularum agglomerationes *marsupia* & *sacculi* dicuntur, & vt omnia *MALPIGHII* nomina afferam, etiam *lobuli* vocitantur. Hæc sacculorum, seu lobulorum vnio distinctas pendentes illas spectabiles pinguedinis portiones efformant, quæ insita vestium segmenta in intestinis, aliisque in locis, quodammodo referre videntur.

Adhærent propriæ communi membranæ, cui vesiculæ istæ adnascuntur, crassiori veluti fulcimento ac basi, a qua si euellantur, enatas inde foueolas microscopio inspicias, mellis fauum plurimis foueolis conflatum repræsentare inuenies: in cadaueribus vero hominum insigniter emaciatorum loco globulorum & cellularum exinanitas vesiculas, veluti pellicularum complicationes, facillime poteris reperire. Si autem in sua sede & statu naturali, per debitam diligentiam & artificium, lobuli inspiciantur, extremis vasorum præsertim sanguineorum perbelle appensi cernuntur, vt, quum vasa ad arborum instar explicentur, appositis proportionaliter globulis, veluti folia ramis adnata, exactam arborum figuram dices complere.

Oleosa itaque, seu pinguedinosa substantia ex sanguine secreta in omento non penitus, ac indistincta in vno eodemque membranæ spatio confusa iacet, sed diuisiones & subdiuisiones patitur, non aliter ac succus limonum &

aurantiorum diuifus in membranofis fuæ pulpæ cauitatibus continetur; etenim ex fanguine feperata pinguedo paulatim ab vna in aliam veficulam per quofdam poros & meatus tranfit, & fic inuicem per communia exilia quidem, fed peruia foramina veficulæ communicant, & per quandam contractionem contentam pinguedinem vicinioribus committunt.

An vero ex facculis pinguedinofis corpora quædam, feu *vasa* peculiararia *adipofa* dicta exeant, per quæ veluti per proprios canales pinguedo diffuens peculiarem fuam circulationem reuera peragat, poft diligentiffimi *MALPIGHII* (qui iam illa descripferat) dubitationes in opere pofthumo expreffas, non audeo ftatuere, cuius ingenuitas iacturæ nos admonet, quam bonarum artium ftudia in properata tanti viri morte fecerunt. Non rationi tamen diffonum eodem præmonente viro affirmarem, per venas in fanguinem remeare pinguedinem, quum id euidenter in ranis, aliisque *SEVERINI* & *CHARLETONI* obferuationibus pene confirmari poffe videatur.

Quod modo de omenti pinguedine diximus, id pari prorfus ratione de membrana adipofa per vniuerfum pene corpus diffufa pro veftra diligentia cogitare, itemque fere de aliis partibus pinguedine fcotentibus: pleræque enim membranæ facculos aptos ad congregandam pinguedinis quantitatem, & poros ad tranfitum facilem ex arteriis in cellulas habent; hinc aliquando contingit, vt homines præ nimia pinguedine nequeant dimoueri, id quod inter alios Ludouico, cognomento Craffo, eueniffe teftantur hiftoriæ.

Origo
pinguedi-
nis.

Vnde vero pinguedo nafcatur, ambigue hætenus difputatum eft: aliqui ex colliquata carne congeri crediderunt; *PETRVS GASSENDVS* de natura nutritionis ex fanguine

guine genitam opinatur, cui opinioni sese plures adiiciunt; alii verosimilius ex chylo pinguedinis materiam natam arbitrantur, quam opinionem ex *HIPPOCRATE* deriuatam vobis libentius commendarem, tum, quia pars oleosa in chylo, veluti in lacte (vt *LOWERI* obseruationibus constat) copiose continetur, quia dulce oleum est, adipis instar concrelescibile, tum, quia reliqua, quæ ad proprietates & usus pinguedinis spectant, magis dilucide, vt arbitror, erimus prosequuturi.

Vasa sanguinea multa, imo plurima, omentum recipit, arterias nempe a coeliaca copiosissimas, quæ dein epiploicæ dicuntur; venas habet a vena portæ & ramo splenico; nervos possidet ab inter costali & pari vago. Præter ista hucusque recensita vasa, lymphatica quoque numerantur copiosissima, horum vasorum lymphaticorum ruptura (si *DIONYSIO* credimus) hydropem in cavitate naturali generat; an vero hydrops rupturæ tantummodo istorum vasorum attribui possit, vobismet ipsis considerandum relinquo, quum temporis dicendi ratio admoneat, vt ad usum omenti descendamus. Veterum curiosæ sane distractæque sententiæ nihil nobis certum definitumque reliquerunt. *ARISTOTELES* & *GALENVS* omentum ex leuibus fabrefactum membranis voluerunt, vt innatam caliditatem includeret. Alia demum vsque adeo constans de omenti usu exactis retro sæculis inoleuit opinio, vt oraculis etiam locum fecerit: omentum scilicet flatuum hypochondriacorum sedem esse, ex quo etiam aliquando articulatae veluti voces erumperent. Miror postea *BAVHINVM*, *LAVRENTIVM*, *CARDEVVM*, aliosque plures ita facile elapsos, vt intestinorum humorum æstuarium, lienis illuviei facculum, & alterum veluti ventriculum arbitrarentur,

Omenti
vasa sanguifera,

nervi,
vasa lymphatica,

Vsus.

Sapientius igitur mea quidem opinione , & ad rei naturam accommodatius arbitrantur illi , qui animaduertentes , omentum variis intestinorum flatibus vtiliter accommodari , eorundemque intestinorum motibus & officiis pre-mendo , illiniendo , hinc etiam fouendo & calefaciendo inservire opinantur. Alter vsus , qui recte cum antiquis attribui potest, est , vt venæ portæ ramos in lienem , ventriculum , duodenum intestinum & colon distribuendos tuto suffulciat, arterias quoque ac nervos sustentet. Insuper secundum doctissimos *PASCOLI* & *HEISTERVM* (cum quibus & mihi mens est) vt ea pinguedinis portio (quod non tantummodo de pinguedine omenti, sed de pinguedine vniuersali dictum sit) quæ a venis reassorbetur, ipsam sanguinis aliorumque humorum acrimoniam contem-peret, hinc & bilem particulis suis vinctuosis & oleosis imprægnat : scimus enim , quod sanguis ab omento redux & per venam portæ hepatis pro bilis secretionem communicatus cætero sanguine venoso pinguior sit.

Vsus pin-
guedinis
universa-
lis &

Quum modo de omenti pinguedine quid diximus, oportet, vt ad munera pinguedinis vniuersalis transeamus, quæ perspicuitatis gratia in duas distinguemus classes, quorum alia sunt publica, quæ in sanguine præstant, alia priuata, quæ in diuersis corporis partibus exercere videmus. In sanguine retinet actiuas volatilesque cruoris partes, earumque impetum moderatur, salium insuper (vt iam superius dictum est) acredinem impetumque retundit, ne nimia libertate, effrænique motu ferantur, vnde plures, iique grauiissimi euenirent morbi pro diuersitate temperamenti varii, vt in deficientibus omento *BARTHOLINVS* & *WARTHONVS* pluries observasse testantur & quotidiana expe-

experientia docemur, graciles præ cæteris tabe, phthysi, catarrho, lienteria & huiusce generis morbis esse affectos.

Demum si per vniuersas corporis partes respersæ pinguedinis vsus inquiramus, non tam facile erit singulas recensere, quum præter vniuersalia alia quædam particularia munera insuper in quibusdam corporis partibus habere videatur: nam copiosa conglobata in nates pinguedo quam sedendi officio apta? & ibi, vti in vola manus, & planta pedis firmior, quam in cæteris membris, ne premente corporis mole ossibus cederet: hinc recte veteres adiposam membranam voluerunt tanquam puluinar & propugnaculum ad partes molliter defendendas, vel quasi stragulum iisdem partibus muniendis propagandisque destinatum.

particularis,

Quoniam porro pinguedo præter alias partes, intimos quoque musculos & muscularium fibrarum interstitia, & cor ipsum penetrare & distribui obseruatur, præter iam exposita officia tueri etiam & inservire videtur, ne tam libere & prompte contentæ spirituosæ particulæ transpirarent, & vt pro exercendis motibus motrices musculorum fibras satis vtiliter obliniret; hinc *ARISTOTELES* scripsit, præ multa pinguedine oculos in suis motibus non vigere.

Ex hucusque de omento dictis facile quoque in cognitionem venire possumus ex ipsis principiis anatomicis, qua ratione illi, qui hectica omentali laborant, præter symptomata febris hecticæ familiaria, tententur primo fluxu alui & vomitu sæpius recurrentibus, cum excretionem humoris porracei: quia scilicet ex defectu particularum vinctuosarum particulæ salinæ & acres prædominio potiuntur, hinc fit irritatio & maior humorum resolutio. Secundo obseruamus, in iisdem abdomen circa regionem vmbilicalem, vbi omentum situm suum habet, esse suo modo duriusculum:

hoc ideo fieri existimamus ; quia consumpta pinguedine fibras emolliente ob huius defectum fibræ exarescunt, & corrugantur, & exsiccantur, vti omnibus in rebus fieri obseruamus, quæ per vinctuosa conseruari debent, hæ, si non statò tempore materia apta inungantur, vel corrumpuntur, vel exsiccantur, & indurescunt. Difficilior præterea ipsis est decubitus in latus dextrum, imò sæpe sæpius de dolore conqueruntur : hoc autem ideo fit, quia omnis pars consumptis spiritibus fit grauior, & prouti omentum ex parte sinistra est annexum, ita in decubitu in latus dextrum versus illam partem concidit, & sua grauitate & pondere partis sinistræ fibras intendit & attrahit, & sic necessario molestam & tristem illam inducit sensationem.

DEMONSTRATIO SEXTA

DE

PARTIBVS COCTIONI DESTINATIS ET


INTESTINIS.

Caput Primum

De

Oesophago.

QVoniam communi fato ea humanarum rerum vicissitudo est, vt leui quamuis, iugi tamen decremento per continuam partium deperditionem homines indefinenter deficient, & vt *SENECÆ* verbis vtar, assidue moriantur, præstanti idcirco naturæ opera factum est, vt succo aliquo



quo de cibis & potibus alerentur, sicuti terra ipsa pluuiis, imbribus & pruinis nutritur: Prouidentissimus ideo artifex in medio pene corpore receptaculum cibis fecit, qui potus humore permixti, quum iam concocti fuerint, per membra diffusi vitales latices singulis partibus dispartirent, quo naturalis vigor vel deperditus redderetur, vel perseveraret antiquus.

Quoniam vero cibaria, antequam sanguinem pro nutritione attingant, multiplices canales percurrunt, nunc primas eorum duntaxat vias, quantum temporis mensura patitur, perscrutabimur, reliquum itineris proxima dissertatione completuri.

Quum autem sublato omento intestina oculis intuentium variis circumuoluta gyris prima in sectione appareant, ordo tamen & dicendi ratio exigunt, vt locum in dissertatione habeant postremum, ab initio vniuersam cibariorum viam pro maiori addiscentium facilitate exposituri.

Quos itaque contritos & emollitos dentibus cibos lingua colligit, & conglobata vi quadam deprimit atque transmittit, canalis accipit *oesophagus*, siue *gula*, communiter nuncupatus, qui a faucibus ortus modo recta deorsum asperæ arteriæ subtenso perforato diaphragmate ad vndecimam vertebra in sinistro ventriculi orificio terminatur, modo etiam in oesophagi situ ludere natura, nec sibi constare videtur: nam aliquando non nihil ad sinistram trachæ latus inclinare *WINSLOW* acriter contendit, alias vero ad dextrum in thorace præsertim ob aortam inflecti se non raro deprehendisse scribit *HEISTERVS*.

Oesophagus quid? situs eiusdem.

Tribus conflatum *membranis* vna pene sententia anatomici opinantur: quarum *exterior* cæteris vicinis partibus communis fibris tantum membranaceis perquam exilibus prædita

Structura.

prædita œsophago integumento esse videtur; media vero membrana carnosæ & crassæ est, multiplici enim fibrarum ordine gaudet, hinc diligentissimus *VERHEYENIUS* tribus ab anatomicis communiter assignatis tunicis duas alias adiunxit, quarum primam ab ingenti vasorum ramificatione *vasculosam*, alteram vero a glandularum copia *glandulosam* nominavit.

Si fibrarum ordines in homine spectentur, duo fibrarum longitudinalium strata vno spirali, seu cum clarissimis viris *MERYO*, *VERHEYENIO* & *FANTONO* melius loquens, vno fibrarum transversalium ordine interiecto conspiciuntur, quorum ope requisiti pro cibariis transitu motus opportune peraguntur.

Post musculosam tunicam, cui tertio loco ponit *cellulosam* laudatus *HEISTERVS*, fere vt in intestinis sub extrema eorum tunica *RUYSCHIVS* detexit; succedit intima omnium vltima, quæ *neruea* dicitur, valde subtilis ac prorsus neruea, fibris varii generis & diuersimode contextis donata, ori, faucibus & labiis continuata apparet.

Variis referta est glandulis; ex conglomeratis octo paria numeravit *VERCELLONIUS*, ex quibus serosus emanat humor, canali lubricando inferuiens ad faciliorem cibariis transitum. Ibi vero præfatus auctor ductus quoque excretorios novos & subtilissimos delineavit in œsophagum desinentes, ex glandulis conglomeratis sinistro ventriculi orificio assitis, ex dorsalibus circa quintam thoracis vertebram positis, bronchialibus, trachæalibus, atque etiam thyroidæa prouenientes, per quos humorem fere digestiuium œsophago & ventriculo infundi arbitrat: Imo ex thyroidæa præcipue ouula verminosa pro caractere vitali chylo impertiendo, atque digestionem promo-
uenda

uenda transmitti (nescio, an ex obseruationibus) affirmat. Quam in rem quum sæpius inquisiuerit *HEISTERVS*, neque ouula obseruare, neque ductulos excretorios deprehendere potuit, sed tantum thyroideam liquore limpido, qui sphaerulis flauescentibus admodum repletus erat, turgidam inuenit, qua pressa ne guttula quidem aut in oesophagum, aut in tracheam impelli potuit. Simile ei accidit in bronchialium glandularum occurfu inquirenti eorum memoratos ductus, dum solummodo fibras satis notabiles ab his glandulis ad oesophagum exporrectas reperit, quæ vero nunquam tam magnæ erant, vt cauitas in his se manifesta-uerit, vel fetam admiserit; vnde res hæc anatomicis adhuc incerta vltioris indaginis reputatur. Pluribus autem rugis per longum oesophagi extensis membrana ista notatur, ac si cæteris oesophagi tunicis maior præ amplitudine corrugaretur: In interna facie præterea quoddam quasi velum habet fibris, seu villis tenuissimis conflatum, quod vniuersam oesophagi cauitatem, velut adnata lanugine, inuestit.

Quoniam autem opus fuerat, vt oesophagus cibum & potum ab ore facillime absumeret; prouidentissimus idcirco naturæ magister *oesophagi initium*, quod *pharynx* dicitur, apposite dilatauit, & veluti contractile infundibulum pluribus musculis ea arte mirifice instruxit, vt illum nunc magis, nunc minus, arbitrio nostro arctare & relaxare valeamus, quo cibum & potus assumpti non in nasi cauitatem, non in os redirent, sed deorsum recto itinere ad ventriculum facilius repellerentur.

Hi musculi (apud veteres septem) a parte, vbi initium, & ab altera, vbi finem habent, receptam appellationem conseruarunt, donec clarissimi *VALSALVÆ* diligentia eorum originem non clarius profecto, quam verius non modo

Musculi.

adumbravit, verum etiam nitidissimis coloribus adinuentam expressit & illustravit, vnde primo originem, postea finem proprio composito nomine designantes, primum par *pharyngo-staphilinum*, secundum *pharyngæum*, tertium *stylo-pharyngæum*, quartum par integrum auctoris inuentum, *hyo-pharyngæum*, quintum par *thyro-pharyngæum*, vltimus denique veluti sphincter *crico-pharyngæus* appellatur. Prædicti vero *VALSALVÆ* musculi non ab omnibus æque admittuntur, quum nonnulli sint anatomici, & quidem magni nominis, qui novos in parte addunt, in parte etiam aliquos detrahunt; hinc *HEISTERVS* par *cephalo-pharyngæum* addit a *SANTORINO* *azygos* appellatum, quod prodit ab apophysi anteriore ossis occipitis, & desinit in partem illius posteriorem; dein *pterygo-pharyngæum*, *salpingo-pharyngæum* & tandem *milo-pharyngæum* par a maxilla inferiore pone vltimum molarem tonsillas maxime complectens. Vltima autem musculorum paria a laudato *VALSALVA* adnotata, scilicet *hyo-pharyngæum*, *thyro-pharyngæum* & musculus *crico-pharyngæus* a memorato auctore *HEISTERO* contrahuntur in vnum musculum, quem ipse *œsophagæum*, siue *gulæ sphincterem* appellat; quia nempe fibræ talium musculorum vt plurimum connexæ sunt, nec sine difficultate ab inuicem diuiduntur. Vltiorem de his explicationem ex modo habenda ostensione intelligetis, cui perspicuitatis gratia committo cætera, quandoquidem tempus (quod me cogit circa hæc esse breuiorem) ad ventriculi examen aduocat, in quo immediate œsophagus terminatur.

Caput Secundum.

De

Ventriculo.

ESt igitur ventriculus *corpus membranaceum instar sacculi, cibi & potus receptaculum, omne, quod accepit, retinens & confundens, ut concocta atque confecta in reliquum corpus diuidantur*, hinc non statim post os situm obtinuit, tum, quia respirationis organa elatius collocari oportuerat, tum, quia in locum imum releganda erat ciborum officina, quasi ne tetris nidoribus cor, cerebrum, principum facultatum sedes, atque sensus ipsos contaminaret conturbaretque; sed sub diaphragmate inter hepar & lienem locum pene medium obtinuit, maior tamen eius pars sinistrum occupat hypochondrium, quasi, ut sinistrum latus dextro foret omnino æquabile, & hepatis pondus ad lienem compensaretur. Verum ne, dum multis oppletur cibis, pondere suo decumberet, aut diuelleretur, eum vicinis partibus firmiter alligauit natura, superiore quidem parte diaphragmati, inferiore omento, posteriore dorso, dextro duodeno, sinistro lienem. Vnicus est in homine & animalibus vtramque maxillam dentatam habentibus, duplex in pennatis, & quibusdam etiam triplex: in ruminantibus & plerisque infectis etiam quadruplex. Figuram vero quasi rotundam obtinet, quia hæc omnium capacissima, ut pro variis omnium animalium indigentis esse debuerat, sed propter adnexa orificia aliquantulum oblongam, instar cucurbitæ, seu vtriculæ lusoriæ pastorum, maxime si cum exposito œsophago & mox describendo intestino duodeno consideretur.

Ventriculus quid?

situs,

connexio,

figura.

Fundus.

Orificia
duo.

In ventriculo præcipue consideratur *fundus*, seu cauitas, pars scilicet amplior ad sinistram partem magis inclinans, & *orificia duo*, quorum *sinistrum* superius dictum in œsophagi termino ortum, magnitudine conspectius, proprie *stomachum* nuncuparunt veteres, quod cibum & potum admittit; alterum vero, quod dextrorsum vergit, *inferius* dicitur, licet non tam proprie orificium, *pylorum* veteres, seu *ianiterem* vocarunt, quum per hoc veluti per portam digestus cibus ad intestina proxima dimittatur.

Circa dextrum ventriculi orificium, interiorem tunicam nerueam multis rugis & sulcis inæqualem factam, veluti epistomium, *WILLISIVS* pro opportuna orificii clausura attolli scribit, quod si in suis constans sit, in humano tamen cadauere admodum rarum esse iam sæpius laudatus *MORGAGNIUS* obseruauit. *Circulus* quidem exstat *carneus*, veluti sphincter, quem ex duplicata carnea ventriculi membrana diceres efformatum, cuius resistentia in transitu chyli a ventriculi contractione, motu, fluiditate, aut quantitate alimentorum facile vincitur, quia canalem sua contractione non obstruit, neque eius tam rigida contractio est, vt facile laxari non valeat, hinc illius inuentor multum gloriatus *SPIGELIVS* potius *valvulam* voluit denominatam.

Structura.

Ventriculus ex tribus construitur *membranis*, quarum exterior *communis* dicta a peritonæo accepta, cuius fibræ ab vno orificio ad alterum excurrentes visceris fundum & latera circumdant: estque tunica hæc ventriculi totius integumentum, nec non carneas membranæ substratæ fibras inuestit, easque tendineis suis fibris vi, & veluti viminibus, ad fundum & orificia præsertim simul crassioribus fibris circumducit, sic, vt illic aliquatenus musculosæ & motrices esse videantur.

Altera

Altera, quæ succedit tunica situ media, tota car-
nosa est & vere *musculosa*, duplici patenti fibrarum mo-
triciū ordine constans, quarum superiores exterius ab
vno ad alterum orificium in longitudinem protensæ plus
minus pro loci distantia rectæ sunt, aut curuilineæ; infe-
riores, quæ sequuntur, oblique sub prioribus decussatim
ascendunt atque descendunt, quibus *WEPFERVS* alias ab
ipso obseruatas multiplices fibras euntes, & mox in opposi-
tam partem redeuntes adiunxit, quæ variis ventriculi mo-
tibus famulantur; vnde membrana hæc una præ cæteris
motu suo non tantum confectum chylum blande producere,
& per pylorum versus intestina propellere, verum etiam a-
gitare & assumptam ciborum massam subigere, chylicare,
credebatur.

Tertia, quæ remanet, vltima ventriculi tunica, intima
& neruosa dicta in duas diuiditur lamellas, vt cum *VER-
HEYENIO* non aliter, ac de œsophago diximus, in plu-
res distinctas membranas haud difficile multiplicaretur:
nam exterior lamella tunicam muscularem respiciens glan-
dulis innumeris vbique confita est, vt inter alias clarissimo-
rum *WEPFERI*, *PEIERI* & *MORGAGNII* obseruationes
fuerint, qui in illa circa pylorum plurimas lenticulares ob-
seruarunt, quæ humorem illis destinatum cibariū vfi-
bus inferuentem immediate a sanguine excipiunt, & com-
pressione a ventriculo excitata deponunt; interior vero la-
mella vere *neruea* multas habet *rugas*, siue *plicas* in conca-
ua ventriculi superficie eminentes, quæ totidem quasi sepi-
menta sunt, siue sulci, quibus chyli portiones hic illic te-
nuiter dispersæ melioris chylicationis gratia ab inuicem
detinentur, ne simul in massam spissiore confluant, aliis-
que vfiibus remorarentur: hæ autem plicæ, sicuti in muscu-

losæ membranæ contractione apparent, sic eius magna relaxatione in maxima ventriculi bibonum & edonum inflatione oblitterantur.

Crusta vil-
losa.

Ne autem exposita neruea ventriculi tunica incongruis cibariis particulis læderetur, obducta videtur illa *crusta villosa*, quæ ad modum veli sic in superficie intima extenditur, vt non minus *WILLISIO*, quam cuicunque illam in aquam frigidam immergenti altera tunica se repræsentabit, vbique enim filamentis rectis, & perpendiculariter insertis mirifice obuelatur.

Vsus.

Quod ad ventriculi vsus attinet, neminem latet, ventriculum cibum & potum ab œsophago dimissum per sinistrum orificium sumere, chylicationis gratia continere & chylicata ad intestina per pylorum detrudere.

Caput Tertium

De

Intestinis in genere.

Intestina
in genere
quid?

VT œsophago ventriculus, sic ventriculo intestina continuantur: de quibus cibariis viam prosequuturi quam breuissimi agere aggredimur. Sunt autem intestina corpora oblonga, rotunda, membranacea & concaua, seu verbo dicam: *canalis quidam oblongo-rotundus, varie circumgyratus, a ventriculo ad podicem vsque extensus, ducendo chylo, fecibus continendis & transmittendis destinatus*. Intestinorum omnium longitudo sexies circiter superat, vel æquat longitudinem corporis, & si ab ore ad terminum metiatur, viginti circiter italicas æquare vlnas obseruabimus.

Eorum
longitudo,

Pluri-

Plurimis gyris, tum, vt paruo spatio excipi possint, circumducta sunt, tum vero, vt contenta diutius remorari atque debite asseruari queant.

Ne vero incongrui elaberentur & circumfusa iacerent, ^{connexio,} membranosis mesenterii fibris, tamquam validissimis vinculis, firmanur & per varios anfractus pene vndique colligantur, eoque mediante lumbis alligata & subiecta ilei ossibus non nihil fulcita manent.

Intestina constructione ventriculo paria sunt: ^{substantia.} tribus enim & ipsa componuntur *membranis*, quæ structura parum, tenuitate vero aliquantulum dissimiles, quarum *extima* peritonæo deriuata tenuissima est, & pinguedine nonnunquam largiter profusa, integumentum & quasi tendineum subiectarum fibrarum fulcimentum esse videtur; post hanc *cellulosam tunicam* obseruauit *RUYSCHIVS*; quæ sequitur, *secunda* dicitur intestinorum *tunica* crassior & penitus carnosâ, duos fibrarum motricium habens ordines, vnum alteri superpositum: exteriorem transuersales constituunt fibræ, mesenterii fimbriis veluti tendini alligatæ, has ad angulos pene rectos secant ordo rectarum fibrarum, seu longitudinalium, quas tamen in parte tantum mesenterio opposita adesse scribit *ALBINVS*, neque aliud esse, quam fila per totam intestinorum longitudinem extensa, ab ipso docemur, sed interrupta, ad similitudinem quasi musculorum rectorum abdominis; licet contrarium sustineat *HELVETIVS*, & longitudinales prope mesenterium moneat esse fortissimas; a diuersa harum fibrarum actione inuersi itidem intestinorum motus peragi facile intelligemus.

Tertia intestinorum tunica cum *WILLISIO* ab omnibus *neruosa* dicitur, hæc velut cæteris tunicis multo longior crispatur & in plurimas transuersas rugas, seu pelliculas

las eminentes eleuatur, potissimum in ieiuno intestino, ideoque *valuulae* a *KERKRINGIO* inuentore *conniuentes* nominantur, figura crescentem lunam repræsentantes, in quibus indefessus *RVYSCHIVS* glandulas plurimas adinuenit; licet quasi vbique tot chyli remoræ sint, certis tamen intestinorum locis, acutis villis, gradibus & fulcris contentorum cursus facile promouetur. Verum tamen, quia adacto flatu tota in mirabilem cauernulam & inextricabilem texturam confestim explicatur, tunica cauernulosa, & cellulosa altera, & interna a præstantissimo *ALBINO* nuncupatur, in eo ab externa *RVYSCHII* distinguenda, quod hæc inter membranam communem & muscularem intersit pinguedine referta, ad lubricandas fibras musculares subiacentes, nec totum canalem intestinorum cingat, sed deficiat in parte mesenterio auersa, cuius quidem est propago; illa vero inter muscularem & vltimam, seu, vt aiunt, villosam contineatur, omni pinguedine orbata & coercendis ac ordinandis vasis sanguiferis dicata constituat ipsam nerueam, cingatque totum intestinale tubum.

Crusta
villosa.

Quoniam vero neruea est & pro motibus intestinorum agendis admodum sensilis, ne incongrue à contentis læsa ad intempestiuas motiones stimularetur, *crusta villosa*, vt de ventriculo diximus, obducitur, quæ per se satis crassa, adeo, vt altera membrana videri posset, & quidem per *LEWENHOECKIUM* congeries vasculorum sanguineorum, ob innumeras tamen glandulas, quibus eius exterior superficies scatet, *tunica glandulosa VERHEYENII* auctoritate diceretur. Porro circa hanc tunicam villosam dictam, de qua inter anatomicos controuersia est, illud sane prætereundum non est, quod ab oculatissimis nonnullis ex recentioribus anatomicis per multas, easque varias intesti-

norum

norum præparationes & experimenta sæpius oculo microscopio armato instituta de villorum positu & structura compertum est: villos nempe nullos in œsophago, vt multi imponere studuerunt, quosdam autem in ventriculo, confertissimos vero in intestinis tenuibus, at paucos admodum, & fere dicerem, nullos in crassis adesse, aut reperiri figura, vt apparet, pyramidali dotatos, ac supra extimam intestinorum superficiem propendentes, qui inde muco adhærenti intimæ tunicæ nerueæ fulciuntur: quam ob rem potius, quam villi quidpiam deferunt ad cauum intestinorum, ex præfatis experimentis coniicitur, eos absorbere aliquid, nempe chylosam materiam, secus quidem, ac *ALBINUS* putat, qui villos, sive maus per ipsum, *papillas* nihil aliud esse arbitratur, quam extremitates arteriarum & venarum ibidem pendulas & apertas, tenuem, biliosam & lymphaticam magis chyli partem recipientes in meseraicas venas, ac inde in venam portam deducendam; verum probabilius loquendo videntur *initium lacteorum*, canaliculi scilicet tubulosi, ac pluribus foraminulis peruii, ex quibus veluti chylus exfugatur, postmodum in lactea vasa demittatur, quæ res ratione & experimentis comprobata, non dubito, quin etiam apud vos laudem & approbationem mereatur.

Verum iam ad peculiare intestinorum reticulum, a prædictis solertissimis viris nuper inuentum breuiter indigtandum progrediamur, quod detectum est in membrana intestinorum intima, quæ non alicubi (vt *MALPIGHIUS* per transcenam monet), sed vbique perforata est ad instar cuiusdam reticuli plurimis foraminulis correspondentibus totidem siphunculis in intestinorum substantia positis, & ad eadem foramina terminantibus, ita, vt illi merito iudicentur,

L

tur,

tur, quasi totidem oscula excretoria muci internam intestinorum superficiem oblinientis, quæ quidem foramina non modo plura in crassis, verum etiam in quibusdam locis lacunas quasdam ex confertissima ipforum aggerie productas in recto intestino præsertim conspicuas efformant, vbi maior apparet prædicti muci necessitas.

Caput Quartum

De Intestinis tenuibus.

Intestina
tenuia.

Eorum nu-
merus,

Principi-
um duode-
ni.

Cur dicatur
duode-
num?

Situs eius
&

substantia.

Jeuni
principi-
um,

situs.

QUamquam autem *intestina* a pyloro ad anum vsque eademque continuata fistula sint, a tunicarum tamen crassitie, vel tenuitate, nec non a magnitudine & figura diuiduntur apud omnes in *tenuia* & *crassa*. *Tenuia* numero sunt *tria*, *duodenum*, *ieiunum* & *ileon*: totidem *crassa*, *cæcum*, *colon* & *rectum*. Ab inferiore ventriculi orificio primum omnium oritur *intestinum duodenum* a duodena digitorum mensura sic a veteribus appellatum, deorsum paululum flexum, recta fertur spinam versus, cuius lumborum vertebris transuersum incumbit: circa medium *habet du-
ctum biliarium* atque *pancreaticum*.

Tunicarum eius crassities & cauitas maior, quam reliquorum tenuium est, valuulas, siue rugas in principio habet nullas, in progressu vero plurimas a *SANTORINO* iuga nominatas: vbi circumuoluitur ad renem sinistrum, *ieiunum* incipit appellari, alterum ex tenuibus multo longius duodeno: circa umbilicum, medium pene abdominis, suis circumuolutionibus locum possidens, maiorem abdominis musculorum actio-

actionem patitur; unde materiam iam probe bilis salibus dissolutam, in copiosissima sua lactea vasa bilis acrimoniam laceffitam nulla cunctatione vrget: hinc contentis vacuum ac ieiunum vt plurimum reperitur: ab ingenti porro vasorum sanguineorum copia omnium rubicundissimum & *valuulis conuiuentibus* refertissimum.

Cur dicatur ieiunum? Valuulae.

Vbi vero vasorum minor fit numerus & valuulae deperduntur, paulo angustior canalis *Ileum* incipit, tertium intestinorum tenuium a circumuolutionum gyrorumque multitudine sic nuncupatum, subter vmbilicum locum tenet, vtrinque ad ilium ossa, caeteris angustius est, sed maxima omnium longitudine compensatur, unde ab ipso facilius herniae producuntur.

Ilei principium, situs, longitudo.

Caput Quintum

De

Intestinis crassis.

Tenuia intestina tria crassa sequuntur, a tunicarum & contentae materiae crassitie nominata, quorum primum *cæcum* dicitur, vel ab obscuro & pene ignoto vsu, vel quod altero extremo peruium non sit. Cæci intestini nomine veteres partem istam globosam intestini coli sapientius forsan intellexisse videntur, quæ ab ilei regione reni adnexa pendet. Apud recentiores vero intestini cæci nomine venit *appendix* illa in adultis admodum pusillis intra ilei finem & coli initium vltra eius valuulam *lumbrici* instar appensa, longitudine quinque circiter transuersos digitos æquans, crassitie paruo digito minor. Appendicula hæc mo-

Intestina crassa cur dicantur? Numerus, Cæcum unde dicatur?

Situs, figura, longitudo, crassities.

Valuula se-
milunaris
& glandu-
la.
Colon cur
ita dicatur?
fitus,
principium
& finis,

do sursum spectat, modo deorsum pro varia subiectorum diuersitate, modo pariter vacua reperitur, modo fecibus plena, modo etiã humore veluti aquoso turgida, semper vero ad eius initium *valuula* reperitur *semilunaris* & *glandulæ* per totum eius tractum ab *HEISTERO* notatæ. Alterum, quod huic succedit ex intestinis crassis, colon (vel a colando feces, vel quia vt plurimum in hoc dolores colici excitantur) dicitur: situm habet in circumferentia tenuium intestinorum, principium vero infra dextrum renem, vbi ileum definit, & in osse sacro, vbi rectum incipit, terminatur.

connexio,

Connectitur intestinum hoc vtrique reni, vesiculæ felleæ, hepatis & ope omenti ventriculi fundo atque lieni, & diuersis circumuolutionibus in osse sacro, vti superius dictum fuit, terminum ponit. Ipsius longitudo septem, vel octo spithamas non superat, omnia vero intestina in amplitudine excedit: in huius cauo maxime & in magno quidem numero obseruantur *valuulae*, eo forsan destinatæ, vt excrementa facilius in illo detineri possint.

longitudo,

valuulae.

In interstitiis harum valuularum *cellulae* magnæ conspiciuntur, hæque a ligamentis, seu melius iuxta clarissimos *VALSALVAM* & *MORGAGNIUM* a triplici fibrarum carnearum quasi fasciculo a musculo intestini recti in eius longitudinem excurrente, & in cæco intestino terminante efformantur, & continentur adeo, vt si arte dirumpantur, oblitteratis cellulis ad duplam longitudinem & ultra intestinum facile distendi possit. In huius externa facie *appendiculæ* quoque hinc inde obseruantur *pinguedinosæ*, quæ ad intestinum hoc lubricandum inferuire videntur.

Valuula
Baubini.

Sub coli principio, vbi intestino ileo iungitur, insignis obseruatur *valuula* a *BAUHINO* inuenta, hinc & inuentoris

ris gaudet nomine, licet a *VAROLIO* prius inuentam aliqui sustentare desiderent, quam iam sæpius laudatus *MORGAGNIUS* in exercitationibus clarissimi *BIANCHI* impugnata[m] studuit pristinae conditioni restituere & adhuc additis duobus ligamentis confirmare.

Tandem vltimum, quod ex intestinis superest, rectum vocatur: hoc recte spithamæ longitudine circiter ab osse sacro ad anum descendens terminatur; crassitie & carnositate cætera superat intestina, media enim membrana penitus carnosæ, ac verus pene musculus, qui delabentes feces constrictione identidem protrudit & foras tandem expellit. Vltima vero & intima tunica adeo corrugatur, vt non solum per longum extensas columnas concursu carnosarum fibrarum efformet, sed diuersas ordine irregulari plicas, inter quas plurima ora vasorum hæmorrhoidalium hiant, quæ a sanguinis copia & qualitate inflata contumacissimos procreare solent dolores.

Recti longitudo, principium finis,

substantia,

Vbi ad anum intestinum rectum terminatur, plures *valvule* formam *semilunarem* præ se ferentes, totidemque fecum remoræ persæpe extant, a *GLISSONIO* primum, a *MORGAGNIO* latius memoratæ. Orbiculari porro munitur musculo, quem a fibrarum ordine & diuersitate, & prope anum crassitie duplicem & triplicem volunt, *sphincterem* communiter appellant, cuius fibræ infimis partibus ossis sacri insertæ, atque ano carneis transuersis fibris late circumductæ, quum vndique adstringant prohibantque, ne feces (quod molestum sane fuisset incommodum) pro lubitu elabantur.

Quoniam vero a pressione ventris & conatu excrementorumque grauitate in excretionem anus deprimitur, gemini quoque extant *musculi leuatores* ab officio sic dicti,

Musculi leuatores.

Principium
finis & vsus.

qui ab ossium coxendicis sacrique ligamentis orti distincta portione ad sphincterem descendunt & radici penis in viro, in femina vero vteri vaginæ sese iungere videntur, qui in deiectione relaxati, contracti vero anum in proprio loco retinent.

Glandulæ.

Porro per interiorem intestinorum faciem plures ex-
tant *glandulæ*, ab inuentore *BEYERO*, *Beyerianæ* passim nuncupatæ, quæ duplici classe discriminatæ potissimum obseruantur, quarum aliæ in aceruum & plexus, aliæ solitariae morantur. Quæ in plexus collectæ tenuibus donantur intestinis, in parte opposita ut plurimum mesenterii locantur, licet circa ieiuni initium, & in ileo frequentiores appareant; *BRUNNERI* tamen diligentia habemus, per vniuersam pene duodeni cavitatem disseminari numerum quasi infinitum glandularum diuersi ordinis, figuræ & magnitudinis. Nam circa duodeni initium maiores, quas minores aliæ sequuntur, tertio demum omnium minimæ totum intestini ambitum denso, ut dicam, agmine stipant, ad ductum usque choledochum, vbi præ numero & exilitate visum omnem paulatim fugiunt. Has autem glandulas tum ex structura, tum ex vsu *secundarium pancreas* nominauit, easque valde magnas & conspicuas esse in infantibus diarrhœa, vel dysenteria mortuis, monet *HEISTERVS*. Solitariae vero aliis grandiores, & fere lenticulares, licet aliquando in tenuibus, potissimum tamen in crassis intestinis, ac si illorum propriæ essent, locantur. Humorem ex sanguine separant, qui intrinsecus intestina oblinat, ut contenta ad cursum & exitum perlubricum facile mitterentur, & ut a fecum duritie, ac siluestrium salium acredine possint esse munita.

Vsus ha-
rum glandularum.

Haftenus

Haftenus descriptæ partes sanguinem a maioribus vicinis arteriarum truncis accipiunt, & proximioribus venis denuo restitunt; sic œsophagus a carotidibus atque ex aortæ trunco descendente, qui paruulas arterias ad œsophagum mittit a paucis notatas, quas tamen non semel, sed sæpius duas, imo tres tales arteriolas distinctis principiis ex aorta oriundas vidit ac demonstraui *HEISTERVS*, item ab intercostalibus, & coeliaca arterias accipit, venas vero a iugularibus, a vena sine pari, seu azygos, & ventriculi coronaria possidet. Ventriculus a ramo coeliaco sanguinem abunde recipit, quem venæ portæ, ramo splenico & mesenterico restituit. Ex his *vena* quædam maior assurgens & per longitudinem ventriculum cingens, *coronaria* dicitur: altera ad lienem versa *vas breue* a veteribus dicebatur, per quam a liene perperam humorem melancholicum ad ventriculum depluere opinabantur.

Vasa sanguifera,

Nervos a pari, quod vagum dicitur, abunde accipiunt, quippe vterque nervus in duos ramos, exteriorem & interiorem diuisus, exteriores insimul vnit, simulque pariter internos in vnum neruum colligat, vt fusius suo loco dicemus. Ab vtroque isto neruo numerosi sane furculi per orificii sinistri parietes reticuli instar disseminantur, vnde illic nisi famis, vt multi credunt, sensus certe exquisitissimus oboritur. *Vasa* autem *lymphatica* ex parte præsertim superiore ventriculi oriuntur numerosa, quæ lympham chyli receptaculo committunt. *Lactea* vero *vasa*, quæ propria solis intestinis competunt, proximæ dissertationis erunt argumentum.

Nervi,

Vasa lymphatica,

Vasa lactea.

Quum tenuia & crassa intestina habeantur, hinc eorum vsus quoque diuersus videtur: intestina enim tenuia primo chyli elaborationem adiuuant, eiusque secretionem perficiunt:

Vsus tenuium &

ciunt, secundo feces ad intestina crassa transmandant.
crassorum Intestina vero crassa feces colligunt & adunant, statoque tempore eas expellunt & e corpore eliminant.

Caput Sextum

De

Chylificatione.

His iam expositis videndum modo, quomodo *concoctio ciborum* in ventriculo peragatur. Persuaserunt sibi antiquiores (vti passim videre est) quod hæc a calore stomacho innato perficiatur; inter recentiores vero nonnulli sunt, qui existimant, concoctionem fieri a particulis chylosis, quæ rugis membranæ adhærent, & ab vltima concoctione peracta parietibus membranæ intimæ affixæ remanent; per hanc vero sententiam probari non potest, quomodo prima concoctio peracta fuerit, quum antea nullus chylus in ventriculum pernenerit: oportet igitur, vt in re tam obscura mentem nostram aperiamus.

Chylifica-
tio quo-
modo fiat?

Explicanda igitur & trutinanda illorum opinio erit (cum quibus & nostram statuimus opinionem,) qui volunt, digestionem fieri per succum illum a tot glandulis separatum, in interna ventriculi superficie dispersis, qui humor, quum sit acidus, ideo ciborum partes compenetrando dissoluit, quemadmodum aqua fortis ferrum penetrans in plures scindit partes. Opinio hæcce variis rationibus comprobatur, quarum vna ab acidis deducitur ructibus ex ore digestionis tempore erumpentibus, ex quo fit euidens, acidum reperi humorem in ventriculo coctioni destinatum, quæ opi-
nio

Fig. 1.




Fig. 2.







Fig. 3.



Facies posterior *Facies anterior*






Fig. 1.




Fig. 4.




Fig. 2.





Fig. 3.



nio *HIPPOCRATIS* etiam aphorismo confirmari potest, in quo ipse ait : bonum esse, si acidi ructus superueniant illi morbo, quo cibaria adhuc indigesta ab intestinis eliminantur: idque ideo fit, quia, quum perfecta ciborum non habeatur coctio, fortassis propter dicti succi paucitatem superuenientes ructus acidum augeri ostendunt, vnde breuiter perfecta expectanda sit digestio; hisce addatur, quæcunque acida auxiliari coctioni, oleosa vero e contrario eam reddere difficiliorem: hæc enim liquore illo commixta eam admodum debilitant. Adhæc experimentum quoque addendum censeo a *BOYLE* institutum, qui vitrioli spiritu quendam elaborabat liquorem, qui pane aliisque cibis mixtus eos, vt ventriculus, digerebat, vnde, quum vitrioli spiritus sit acidus, per hoc sane probatur, in ventriculo ope acidi liquoris ciborum coctionem absolui. Peracta iam tali concoctione in ventriculo chylus adhuc impurior a dextro orificio, pyloro scilicet, mediante motu peristaltico & partium vicinarum pressione ad intestinum duodenum transportatur, vbi aliis humoribus, pancreatico nempe & bilioso, permixtus purior & magis fluxilis redditur, hinc colorem quoque album lactis instar acquirit, donec denique pars purior per vasa lactea sanguini, impurior vero intestinis crassis, pro excretionem communicetur.

Hæc sunt, quæ pro tenuitate mea in re tam ardua, obscura & ferme imperscrutabili, vt ita dicam, exponere potui; licet circa hanc materiam plures & diuersæ habeantur sententiæ, interim tamen genuinam me exposuisse existimo.

DEMONSTRATIO SEPTIMA

DE

PARTIBVS CHYLO APPROPRIATIS, VASIS
LACTEIS, LYMPHATICIS ET GLANDVLIS.

Caput Primum

De

Mesenterio.

QUod a *PLINIO* acerrimo operum naturæ scrutatore sapienter scriptum legimus, naturam scilicet nunquam, quam in minimis, prouidam magis esse, id luculenter apparet in illis viis, quas purior cibarium portio a fecibus secreta, antequam sanguinem ingrediatur, mirabili prouidentia percurrit; quæ, etsi tam minimæ, vt, nisi materia referatæ atque turgidæ, omnem oculorum aciem fugiant, tamen naturæ opificio ita elaboratæ sunt, vt omnium vel leuiter considerantium admirationem, non merere dicam, sed merito superare posse videantur. Vt autem de iis maiori (quantum in me fieri vlla ratione potest) perspicuitate differamus, operæ pretium erit, vt primo de mesenterio dicamus.

Ne intestina, ob eorum longitudinem, in multiplicatis gyris inuicem, non leui animalium læsione, confunderentur, *mesenterio* prouidentissimus naturæ opifex illa alligauit, vt hoc veluti vinculo lumborum vertebris suspensa singula suo loco seruantur. Est autem mesenterium *pars membranacea, non multum eleuata, admodum vero expansa & in plurimas disposita plicas*, vt rusticorum Tyrolensium collare dices,

Mesenterium quid?

res, quo melius valeat intestina colligere. Donec vero inter illa manet, mesenterii nomen accepit, hinc etiam, vbi tenuibus alligatur intestinis, *mesaræum*, & vbi crassis, *mesocolon* appellatur. Eius diu-
sio,

Duabus constat peritonæum membranis, quæ a primis substantia, lumborum vertebris ortæ vniuntur tali quidem ordine, vt simplex vsque ad intestina appareat, ad quorum contactum pro firmiore connexionem diuiduntur. Inter has membranas aliam propriam crassiore, vasa & glandulas in se fulcientem, *WARTONI & RVYSCHII* detexit industria, quam non leui coniectura membranam adiposam iudicat *VERHEYENIVS*.

Quum vero totum hominem præsertim mesenterium soleat pinguefacere, dispersæ sunt per mesenterium humanum *glandulæ*, numero, mole, magnitudine variæ, plurimo glandulæ, adipe immersæ; in canibus vero vna est ad centrum eius *glandula magna* dicta, quæ *ASELII pancreas* vocitatur, cui solent aliæ minores cohærere; in aliis animalium speciebus diuersæ occurrunt harum glandularum differentiæ, ita tamen, vt, vbi pauciores sunt numero, ibi magnitudine numerus compensetur.

Mesenterio prospiciuntur *arteriæ duæ* ab aorta, & vasa san-
guifera, venæ, quæ portæ inferuntur, quæ accepto a mesenterio nomine inter membranas eius decurrentes, in minores ramos plures diuisæ, tenuioribus ramulis numerosissimis ad intestina propagantur, aliæ vero propagines enarratis glandulis distribuuntur, ibique per mesenterium varias inuicem anastomoses, arcus & insulas constituunt, ab *EVSTACHIO*, *DRACKIO & CHESELDENO* suis in tabulis, vt *HEISTERVS* notat, optime eleganterque delineatas; quod eo consilio a sapientissimo conditore factum esse animaduertit

plexus ner-
ueus.

MORGAGNIUS, vt, quum venæ cauæ & spermaticarum venarum aliorumque vasorum inflexionibus inferuiant, sanguinis sic ascensus per plana, vt loquuntur, inclinata facilius habeatur. *Nervi* quoque plures ab intercostalibus nervis & pari vago producti, efformato quodam peculiari plexu (qui dein *mesentericus* dicitur) disseminatur.

Caput Secundum

De

Vasis lacteis & ductu thoracico.

PRæter hucusque exposita ad mesenterium, præ cæteris singulari profecto mentione digna, chyli pertinent vasa ab *ASELLIO* perperam (vt fertur) detecta, quæ chylum deferentia ab albo eius colore *vasa lactea* communiter nuncupantur: Non enim primo *ASELLIO*, sed multo ante eum chylifera vasa veteribus ipsis innotuere, quos inter *ERISISTRATVS*, vt taceam *HIPPOCRATEM*, & Arabes, *VESALIUM*, *FALLOPIUM*, *VAROLIUM*, quos vasa lactea vidisse docet *ROLFINCKIUS*, *ERISISTRATVS* inquam, notauit lactea, quamuis eadem pro arteriis lacte plenis habuerit; sed, quod caput est, in hominibus illa ante omnes, referente *MORGAGNIO*, Venetiis priuatim & publice se ostendisse testatus est *CECILIVS FOLIVS*.

Vasa lactea
quid?

Longa autem sunt & teretia vascula, tenui membrana prædita, pluribus intersepta valuulis, seu totidem nodulis, vt suscepti chyli regressus ad intestina impediatur: minutissimis enim radicibus ab intestinis tenuibus, & præcipue, si Domino DVVERNOY credimus, ab eorundem valuulis oriuntur,



Fig. 2



tur, vbi aperta osculis suis chylum, puriorem scilicet cibi materiam, accipiunt; feruntur inde obliquo ductu per mesenterii duplicaturam & sæpe iunctis in itinere osculis, glandulis contentum liquorem deponunt, vltiorem illic ibidem attenuationem & elaborationem a lymphæ præsertim commixtione accepturum.

Porro ab his glandulis denuo alii noui oriuntur lactei rami, qui aliis iuncti maiores truncos constituunt, *vasa lactea secundi generis* dicti, quæ chylum lymphæ copiosa dilutum tandem in vnum communem latiore locum, *receptaculum* dictum, deponunt.

Ab hoc autem loco peculiaris assurgit canalis, *ductus chyliferus*, & ab inuentore, vel saltem illustratore *PE. QVETO, dequestianus* dictus, tenuis ac pellucida tunica constans pleuræ membrana contactus per pectus, vt plurimum vnico ramo, aliquando duplici, quandoque triplici & multiplici in ramos diuisione, denuo in medio itinere consociatus ascendit inter arteriam aortam & venam azygos, vsque ad eius insertionem in cauam, inde sub œsophago & aorta flectitur, inceditque sub arteria subclauia ad venam subclauiam sinistram, in quam, vbi oritur vena iugularis interna, modo simplici, modo duplici ramo hiat & contentum exonerat chylum sanguini commiscendum. In hac canalis apertura *semilunaris* adstat *valvula*, qua dicti canalis ostium quasi operculo obduci, & ab irruentis sanguinis per iugularem & axillarem venam affluxu fortissime præmuniri vsque adeo creditum est, donec clarissimus *JO. ADOLPHVS WEDELIVS* in peculiari de hac valvula edito programme demonstrauerit, nullum sanguinem in ductum thoracicum intrare posse, si vel maxime hæc valvula abesset, neque valvulæ huius positionem talem esse, vt in-

Vasa lactea
secundi generis,

Ductus
Pequetianus
quid?

Eius
situs,

terminus,

valvula,

Vfus.

gressum sanguinis impedire valeat, si alias thoracici ductus conditio id admitteret. Hinc potius præfatus auctor cogitat, valuulam hanc cum adstante simili valuula socia in latere opposito idem præstare, quod valuulæ venarum aliis in locis præstant, nimirum, ne sanguis e vena caua, dum cor contrahitur, per hanc viam retrocederet, sicut pluribus apud ipsum videri potest.

Valuulæ
aliæ.Vfus ea-
rum,

Plurimas quoque alias in suo decursu intus obtinet valuulas, easque geminatas figura semilunulas referentes, quæ ascendentis chyli & lymphæ descensum præcauent, ita, vt neque vi deorsum trudi contentus liquor vlla ratione possit, sed chylus iam lymphæ admixtione attenuatus ab adueniente liquido impellatur, quemadmodum in fontibus & fluuiis aquæ ab adueniente aquarum mole celeri motu facillime traducuntur: a propriis interim valuulis adiumentum suscipiens, repetitis arteriarum pulsationibus, vrgetur, & compressuo diaphragmatis ac muscutorum abdominis motu in sanguinem vsque per subclauiam exoneratur, vt sanguini commixtus per arterias ad omnes corporis partes pertinentes diuisus mirabili distributione vniuerso corpori dispensetur.

Vfus lym-
phæ.

Quoniam autem per hæc vasa chyli fluxus perpetuus non est & constans, sed in longis inediis ad multum tempus interpellitur, singulari conditoris prouidentia limpidam quandam aquam, quæ *lymphæ* dicitur, ex intestinis aliisque vicinis partibus deriuatam per vasa eadem chyli deducit, ne contractæ vasorum membranæ coalescerent, & via chyli omnino clauderetur.

Caput Tertium

De

Vasis lymphaticis.

Est autem lymphæ *serosus quidam, tenuis ac pellucidus humor*, ex omnibus pene corporis partibus ortus, in proprio vasorum genere contentus & in antea memoratum communem chyli locum ut plurimum exoneratus. Vasa lymphatica autem sunt *vascula tenuia, pellucida*, quæ ob eorum tenuitatem & contenti humoris diaphaneitatem, nisi artificiosa in vivis animalibus ligatura reddantur, turgidiora oculos solent fugere vel sagacissimos. In animalibus tamen grandioribus ampla satis apparent, ut aliquando anserinam pennam æquantia viderit *MALPIGHIUS*, & quo maiora magis etiam ductui, vel *cisternæ* chyli accedunt, eo crassiore tunica gaudent, hinc *NUCKIUS* eorum aliquando tunicam in duas lamellas separavit, & in exteriori præterea *globulos* racematim inter se cohærentes observavit, ut pro vasis sanguiferis acceperit. Externa lymphaticorum superficies non æqualis semper, sed veluti nodosa apparet, ideo frequentibus angustiiis proximisque monticulis interrupta, ob frequentem valuularum obicem, veluti capsulæ, morante liquido, aut influxum tentante, turgescunt. Ab omnibus vero corporis partibus vasa lymphatica prodeunt, nullam tamen ad viscerum molem proportionem servant, quæ modo recta producuntur, modo circulariter maiores venas ambiunt, passim anfractuosa, sæpius reticulariter propagantur: sic in canibus venam portæ observantur amplexari. Quæ infra diaphragma lymphatica adsunt vasa, in chyli cisterna aperiuntur; reliqua in thoracicum ductum, in

Lymphæ
quid?

Vasa lym-
phatica
quid?

Eorum fi-
gura exter-
na,

principi-
um & pro-
pagatio.

in iugulares, axillares atque subclauias venas exonerantur. Vnde autem limpidum hunc humorem lymphatica hauriant, nondum satis video constitutum: nam si ad experimenta obseruationesque recurramus, non expediri forsan, sed intricari magis res ipsa videtur, adeo enim sunt lymphatica in suo exortu subtilia, vt omnem pene oculorum aciem fugiant, cultri operam, vtilem commodamque liquorum ac aeris immiſſionem ob frequentes valuulas eludant, quo facilius eorum vsus accusaretur. Si vero & mihi hac in re tam obscura mentem aperire liceret, iudicarem certe, liquorem in vasis lymphaticis contentum nihil aliud esse, quam illum humorem sanguini commixtum, qui sanguini illam conciliat tenuitatem, vt vasa exilia penetrare possit, quique in arteriarum exosculationibus per glandulas appositas fecernitur & in glandulas, vel vasa lymphatica transit, vnde sanguis venosus, quo magis hoc liquore est deorbatus, eo fit spissior sanguine arterioso; & hic ipse liquor beneficio caloris fecernitur & secretus supernatat sanguini per venæsectionem emisso, qui vero saporis est magis falsi & coloris citrini, quam liquor in vasis lymphaticis contentus (de quo modo sermo est) quia pori glandularum, in quibus fecernitur, sunt minores, quam vt salia & sulphur recipiant; hinc, quod hic liquor adeo prompte spissescat, nontribuendum particulis salinis & sulphureis in eo contentis, vt *BARTHO-LINVS* autumat, quum in statu naturali talis lymp̃ha omni sit sapore & odore destituta. Constat autem hæc ex particulis racemosis & gelatinosis, vt oui albumen, quod pariter motu fit tenue, calore vero non tantum spissum, sed etiam solidum, quia eiusmodi particulæ racemosæ, nisi per particulas actiuas a se inuicem separentur, prompte ad se coeunt & sese inuicem amplectuntur,

Pro-

Probabile hinc quoque est, *crustam sanguinis* per venæ sectionem in *pleuriticis*, aliis etiam inflammationibus, educti aliud non esse, nisi eiusmodi lympham, in qua per præcedentem maiorem transpirationem & calorem febrilem fuerunt istæ particulæ consumptæ, vel quem sanguinem spiritus nunquam satis imprægnauerunt. Hac quoque ex ratione talis sanguis crusta obductus non infrequenter obseruatur in affectibus hypochondriacis, quod & arguendum credimus in ossium fracturis, quomodo callus generetur.

Experimentum autem Domini *DV VERNON*, quod in hydropicorum hepate vasa lymphatica gypsea materia turgida inuenerit, pari ratione demonstrari potest, quod & iudicandum in podagra confirmata. Hinc nullo pacto adduci possum, vt credam, lympham residuum esse spirituum animalium, neque ita facile *GLISSONIO* concedam, a vaporibus sanguineis cum succo nerueo inspissatis ortam; iis potius assentiar, qui *MALPIGHII* auctoritate volunt, quod vasa lymphatica ex glandulis conglobatis lympham, residuum nutritionis & separationum materiam, accipiant, quæ a glandulis, si non succum, vim certe maximam & robur acquirit, vt chyli elaborationem & plurima munera præstare valeat. Lympham præcipue chylo commixtam in sanguinem remitti, nemini mirum erit, arbitror, si nouas alterationes a glandulis, a mora, a spiritibus acceptas animaduernerit cognoueritque, semen aliosque succos a sanguine secretos denuo in illum maxima ipsius vtilitate reafundi,

Caput Quartum

De

Glandulis.

Glandulæ
quid?

JAm vero non abs re erit, ut de glandulis, de quibus antea sæpe diximus, & sæpius imposterum dicturi erimus, quantum temporis mensurâ patitur, aliquid producamus. Ea igitur corpuscula, quæ in humano corpore variæ quidem magnitudinis, figuræ tamen ut plurimum globosæ, aut oualis, observantur, apud Græcos *ἰσίδες*, apud nos olim propter similitudinem *glandes*, nunc vero *glandulæ* vocantur.

Glandularum disquisitionem veteres recentiorum diligentia reliquerunt, qui de earum natura plura ingenio & diligentia scripserunt, quæ consulto omittimus, ne vana quadam eruditionis ostentatione omnibus nota & manifesta referre videamur.

Structura,

Ante cætera circa glandulas aduertenda est generalis, seu communis earum structura, quæ mihi nihil aliud unquam visa fuit, quam membrana quædam, siue simplex, siue composita, per quam vasa arteriosa & venosa varia quidem, sed opportuna distributione, disseminantur, quæ maiori semper diuisione tandem (ut observationes *WINSLOWI* fuere) in lanuginem quædam, veluti muscum desinere videntur. *Nervi* pariter in qualibet glandula persæpe conspicui feruntur. *Ductus* præterea ut plurimum *peculiaris*

Nervi.

Vas excretorium.

accedit, qui *vas excretorium* dicitur, quo secretus a glandula succus exoneratur. Pro diuersitate figuræ & substantiæ *glandulæ* diuersa sortita sunt nomina & differentias, vnde

vnde modo *miliares*, modo *vesiculares* (quales *pinguedinis* diceret), modo *simplices* appellantur; si vero plures infimul associantur glandulæ, & proprios excretorios ductus in commune vas, quasi vna esset glandula, vniant, tunc *glandula composita* nuncupatur. Ex compositarum genere sunt illæ, quæ vulgo *conglomeratae* dicuntur, id est, *congeries plurium glandularum vesicularium excretorio ductu inuicem communicantium*, quæ per fibras carneas formatæ membranæ vt plurimum superficie inæquali concluduntur: huius generis sunt *glandulæ maxillares* sub lingua positæ, *innominatæ*, *pancreas*, *thymus*, *mammæ* &c. Ex eodem compositarum genere *glandulæ conglobatae*, quæ a conglomeratis differunt maxime per fibrarum carnearum maiorem numerum & crassitiem, quibus maior earum substantiæ pars integratur & roboratur. Harum fibrarum itidem ope minimæ vesiculares glandulæ in earum interstitiis copiose locatæ firmantur. Densiore pariter & compactiore membrana velantur perforata pro transitu vasorum sanguinis, neruorum ac lymphaticorum, quæ conglobatarum substantiam modo penetrare, modo lateraliter excurrere videntur, ita tamen, vt nulla fere ex conglobatis vase lymphatico deriuante, vel transeunte destituatur, tales sunt mesenterii glandulæ, quæ in diuisione venæ cauæ & innumeris locis aliis obseruantur.

Glandula
conglomerata,

conglobata.

Post glandularum expositionem *secretionis* modum vos iam video expectare, cuius consideratio clarissima ingenia contemplando, manusque doctissimorum virorum scribendo defatigauit. Veteres quidam dispersis, nescio quibus, per glandulas *separandi facultatibus* ab operosa secretionum explicatione paucis sese verbis liberabant. Accuratioribus alii quorundam *fermentorum* ope peculiare ex sanguine

fuccos arbitrantur separari, & quemadmodum nigerrimum atramentum ab affuso spiritu nitri rectificatissimo, nigredine in fundo vasis deposita, pellucidum fieri videmus; sic dum peculiaria fermenta sanguinis vniuntur particulis, ratione ponderis, motus, figuræ aliarumque affectionum, a cæterarum consortio quasdam in sanguine particulas liberabant & liberatæ proprium canalem subintrant.

Secretio-
nis expo-
sitio.

Omissis autem istis opinionibus, verius sapientiusque opinati fuerunt recentiores, quorum profecto opinioni (inquit Seneca) inferuias, oportet, dum separationes solis mechanicis legibus fieri contendunt. Cum iis itaque statuo, secretiones humorum, qui ex sanguine separantur, bilis ab hepate, succi pancreatici a pancreate, lotii a renibus & reliqua huiusmodi, ob certam proportionem, ac vniuniformitatem succi separandi cum poris, seu foraminibus illarum partium, quas sanguis prouide perluit, adeoque omnis secretionis diuersitatem, a varietate molis, ponderis, motus & figuræ vniuniformitate & adaptatione peti debere. Qua vero ratione quædam solum particulæ accommodentur, & accommodatæ secedant, istud est in hoc argumento potissimum, quod artis operam maxime requirit, & nullius pene ingenii (vt erudite *BITCARNIVS* fatetur) videtur esse contentum: nihilominus tamen meam, licet minimam, in re & explicatione tam ardua mentem opinionemque aperiam. Alte vero, vt oportet, a capite repetam, quod quærimus. Per glandulas vasa sanguinea multiplici &, pro diuersitate separationum, varia distributione feruntur, vt sanguis non solum per multiplicatas superficies maiore pororum numero accommodetur & opportune pro exigentia diuersimode moueatur, verum vt requisita dispositio & peculiaris segregatio in particulis sanguineis habeatur, vnde
facilior

facilior promptiorque particularum poris accommodatio, & ab vrgente liquido dispositio proficiscatur, eo fere dicerem modo, quo chymici per varium ignis motum ab eadem substantia diuersos liquores separant, & vt vulgato & apud omnes recepto cribrationum exemplo, innitamur, quemadmodum per varios in cribris motus diuersa grana ab vna eademque massa aspicimus separata, denique vt in fluminibus ipsis luculenter, vt arbitror, omnibus apparebit, quæ arenam, saxa, ligna, aliaque corpora, licet inæqualia, secum confusa rapiunt, donec velocissimo motu feruntur, quum vero aquarum currentium impetus remiserit, paulatim iuxta deperditionem motus, saxa primum ingentia, minora inde ad certam loci distantiam, arenam, denique limum maiore motus decremento deponunt: tali ordine separationes etiam in corpore humano fieri existimamus.

Si non primariam, maximam certe, opem separationibus afferunt *nerui*, qui maiore fane copia, quam pro sensu requiruntur, ad glandulas delati non eandem omnibus, sed pro separationum diuersitate, variam spirituum afferentes quantitatem, opportunum pro separationibus motum efficiunt, atque integrum separationis opus adiuuare, melius vero dicerem, complere videntur: *NVCKII* enim observationibus habemus, quod obstructis oppressisque neruis, separationes aut deficient, aut omnino cessent, vt clare demonstratur in cachecticis, vbi spiritus deficient, secretio cessat. Ita etiam in parte quadam particulari, cuius tonus est relaxatus, e.g. in luxationibus, si non recta fit articuli repositio, tunc motus deficit non aliam ob rationem, nisi quod spiritus non possint influere, hinc & ipsa secretio in illa parte deficit, quare partis tabescentia subsequitur. Idem

etiam sentiendum in obstructionibus, & vicissim in febre, vbi tonus est auctus & secretio fit maior; vbi autem deprauatus, & ipsa secretio est deprauata; hinc eruitur, quod pars glandulosa & vasculosa inter se conueniant, quatenus vtriusque structura est membranacea, intus caua, vt liquorem contineat a massa sanguinea separatum; differunt vero, quatenus illius figura sit vel rotunda, vel oualis, prouti ex priore demonstratione patet, vt contentum liquorem diutius retineat; huius vero figura est longior, vt contentum humorem potius aliorsum transmittat; hoc vtrumque in hepate deprehenditur, & ex hac ratione dicitur viscus vasculofo-glandulosum. Plura adhuc hac de re confirmationis argumenta inseri possent, quæ tamen, ne Lectori beneuolo molestus sim, silentio præteream.

DEMONSTRATIO OCTAVA

DE PARTIBVS VLTERIORI CONCOCTIONI ET BILIS SECRETIONI PROPRIIS.

Caput Primum

De

Hepate.

CHyli quoque elaborationi præter ventriculum & intestina famulantur hepar, lien & pancreas præcipua infimi ventris viscera, quæ iuxta sectionis & doctrinæ ordinem

nem præsentem exigunt considerationem. *Hepar* igitur & mole & usu magnum est viscus, maximum vero veteribus, apud quos pars corporis princeps, naturalis facultatis sedes, officina sanguinis, spiritus naturalis auctor, & tandem omnium venarum radicatio erat, quibus veluti riuis vniuersam membrorum familiam prouide irrigabat. Sed nostra hac ætate (o temporis vicissitudo!) e pristina sede depulsum ereptæ portat funera dignitatis; hinc merito a viris grauissimis vidimus illi parentatum. *Hepar* itaque sub diaphragmate in dextro hypochondrio situm obtinuit tutissimum, costis quippe nothis quasi obuelatum. Validis plurimis *ligamentis* in proprio loco firmatur, quorum alterum latum *suspensorium* ab officio dicitur, quod *MORGAGNIUS* inuenire non potuit, vt a *GLISSONIO* proponitur; videlicet non solum extimæ hepatis membranæ affigi, sed etiam substantiam eius penetrans communi vaginæ valide annecti: sæpius enim inter secandum laudatus *MORGAGNIUS* deprehendit ligamentum suspensorium in membranam iecur inuestientem fatiscere, & fibras ad illam plures albas ac validas dimittere; *teres* alterum, vtrumque a peritonæo productum, quorum ope diaphragmati alligatur. *Vena* pariter *umbilicalis* in adultis ligamenti non formam solum (vt opinatur *FANTONVS*) sed usum etiam exhibet aliquem: nam barbari, vt homines nouo supplicii genere crudeliter occidunt, orbiculatim umbilicum secant, quo statim suffocati pereunt: concidente enim umbilicali hepatis vinculo, collabitur hepar, cuius pondere trahitur diaphragma, quod alias ad respirationem plurimum facit.

Hepar
quid?

Istius situs,

connexio.

De numero huius visceris nunquam fuit adhuc disputatum, quum naturaliter vnicum tantum reperiatur hepar: figuram

Numerus

Figura.

figuram vero propemodum rotundam habet, & in duas partes, conuexam scilicet & concuam, diuiditur; harum prima recuruata leuitate diaphragmati sese accommodat, secunda inferior & magis inæqualis in lobulum exuperans sinu gemino excauatur, quorum alter *bilis vesiculam* recondit, alter superiorem anterioremque ventriculi partem complectitur.

Substantia.

Visceris huius substantiam cum *ERISISTRATO* hactenus omnes parenchymatosam ex sanguine circa vasa grumefcente concretam voluerunt; *MALPIGHIUS* vero eiusdemque affecclæ ab imperfectioribus animalium sectionibus ad perfectiora progressus iecoris structuram ex mirifica glandularum conglomeratorum congerie conflata summa olim sui laude demonstrauit. *RUYSCHIVS* eam mere vasculosam asserit, cui opinioni quidem non omnimode contradicendum existimamus; nos vero hepatis substantiam (ne vni contradicamus, alteri vero non totaliter adhæreamus) tali ordine describimus: *substantiam, seu viscus vasculofo-glandulosum esse in hypochondrio dextro sub costis spurriis immediate sub diaphragmate situm, ad humorem biliosum secernendum maxime destinatum.*

Venz.

Obuelatur porro hepar membrana simplici satisque tenui a peritonæo producta, quæ hepatis substantiæ modo descriptæ arctissime adhærescit. *Vasa* numero & specie diuersa habet hepar: primo enim *venæ* fere ab omnibus abdominis visceribus deriuatæ in truncum coëuntes *venam*, quam *portæ* appellant, constituunt, quæ proprio quodam priuilegio officio arteriæ fungens, hepatis centrum ingressa membrana quadam ab illa hepatis propria instruitur, quæ *vaginam vel commune inuolucrum GLISSONIO* dicitur, quod alia etiam vasa præfertim

fertim cholidocha inuoluit, mox ab ingressu simul efformat: in quinque inde diuiditur ramos, quorum vnus per gibbum hepatis, cæteri vero per totam visceris substantiam longe lateque diffusi in propagines ferme abeunt infinitas, minutissimis totidem glandulosis acinis contentum sanguinem communicantes. Refluum vero a bilis secretione sanguinem pares itidem venæ cauæ furculi excipiunt, quem illius trunco committunt, qui posticam hepatis partem ita percurrit, vt efformato sinu exceptus accedentes ramos commode valeat admittere.

Arteriam obtinet hepar pro molis magnitudine par- Arteria vna
uam quidem, sed pro eius nutritione sufficientem ab aortæ dextro coeliaco ramo, tum a diaphragmaticis, tum etiam a mesenterica superiore deriuatam, quæ prope hepar in duplicem propaginem diuiditur; harum vnam cystidi felleæ largitur, altera venæ portæ sociata ipsum subit hepar, vbi in furculos pene innumeros distributa sanguinem toti hepatis substantiæ distribuit, & ex hac ipsa distributione color ille rubicundus apparet, quum alias hepatis color potius albus, quam ruber, habeatur.

Ab iisdem tandem vasculis tertium vasorum genus emergit, secretam in illis bilem deferens, huius autem furculi satis in exortu tenues furculis portæ per commune antea expositum inuolucrum arctius hærentes & concomitantes, deinde in maiores furculos excrecentes tandem in vnum ductum abeunt, qui non procul a trunco portæ erumpens *ductus hepaticus*, aut *porus biliaris* communiter appellatur: huic ductui lateraliter ad acutum angulum occurrit alter bilis canalis a vesica fellea deriuatus & valuulis in cochleæ modum eleganter circumductis instructus, qui Ductus hepaticus,
meatus

Ductus cy- *meatus cysticus* audit, & cum eo tertium *ductum*, siue
sticus: *communem* constituit, qui ulterius recta descendens inter
Ductus
communis, intestini duodeni tunicas oblique circa ipsius medium infe-
 ritur, & vna cum ductu pancreatico aperitur, sic bilem
 tum ab hepate, tum a vesicula fellea defluentem com-
 mittit.

Vesiculæ
felleæ situs,

Vesica autem *fellea* in parte hepatis inferiore recondi-
 tur, in pluribus autem animalibus præsertim aquatilibus &
 serpentibus, vt observauit *RHEDIUS*, non hepati, sed
 intestino adhærescit; in leonibus *RUYSCHIVS*, *ME-*
RIVS & *DVVERNEVS* in cellulas viderunt diuisam,
 quo diutius agitata bilis feruidissimum ac febricitantem
 leonem fieri vel doctissimi viri crediderunt. Vesicæ huius
 figura est pyriformis: fundum enim habet pendulum ac
 ampliolem, superior autem pars strictior est, *cervix* dicta,
 hepati nexa, aliquantulum incuruata & descripto cysti-
 co ductui continuatur.

figura,

connexio
& conti-
nuatio,

substantia,

Tribus componitur membranis, quarum exterior te-
 nuis peritonæo adscribitur, sub qua cellulosam alteram
 adiposis acervulis confertissime substratam, atque vasis
 sanguiferis irrigatam toties laudatus *MORGAGNIUS*
 detexit. Media carnosæ & musculosa, vt bilis acredine
 pro ipsius expressione contrahi facile possit, quæ tamen,
 an vera tunica dici debeat, dubitant plerique, quum
 potius muscularis reticuli formam habere videatur, quod
 reticulum per cysticum ulterius ipsumque choledochum &
 hepaticum ductum quantumvis exilius produci atque con-
 spici affirmat *BLANCUS*. Tertia porro crassior & multis
 rugis inæqualis, glandulis minutissimis omnique vasorum
 genere pertexta, mucosa quoque crusta aduersus bilis acri-
 moniam defensa.

Arterias

Arterias fortitur exiles, *cysticas* nuncupatas, a coelia- Vasa san-
ca dextra, *venas* a vena portæ binas, hinc *gemellas* dixe- guifera,
runt; *neruulos* cum hepate communes habet; pari ratio- nerui,
ne *lymphatica*, quæ insignia ab hepate emersa (lactea vasa lym-
olim credita) portæ trunco adhærentia sæpius coeunt, phatica.
& dein ad principium ductus thoracici abeunt.

Bilis, dum gratia chyli a ventriculo defluentis in ve-
fica remoratur, flaua fit & amara, quæ vero ex hepate, si
non dulcis, vt multi affirmant & *VIRIDETVS* in fœ-
tu persensit, longe certe diuersa: nam (si *VERDVCHIO*
& *BOHNIO* credimus) modice colorata, non amaritu-
dinem, sed potius falsedinem referebat; sic Amsteloda-
menses bilem ab hepate viridem, a cystide vero nigrican-
tem effluere in anate obseruarunt, in quo solent bilis ca-
nales seiuncti ad intestina terminare. Etenim dum bilis in
vesicula stagnans otiari videtur, in ea viget intestinus mo-
tus, quo particularum dissolutio oritur, vnde subtiliores
sulphureæ particulæ, quæ copia per portæ radices ab
omento deriuata bili hepaticæ dulcedinem conciliabant,
paulatim secedunt, dum salia bilis numerosa exaltantur,
& bili nascitur acredo & amarities, quemadmodum in
olei, seu pinguedinis combustionem fieri obseruamus, & in
ipso saccharo apparet, quod, si concoquatur diu, eius
dulcedinem in amaritiem summam videbimus transmutatam.
Cæterum bilem illam, quam e glandulis cysticis per pro-
prias arterias secretam deducunt, ex se amaricantem esse
arbitrantur plerique.

Licet autem eius, quæ sensim in suo folliculo colligi-
tur bilis, magnam partem canalis cysticus, nonnulli ta-
men cum *BLANCO* anatomici peculiare ductus in ho-
mine quoque, vt in bobus *VERHEYENIVS* & *GLIS-*

SONIVS describere, se inuenisse testantur, partim a ceruice vesiculæ, quos maiores & *cysti-hepaticos* vocant, partim a fundo, quos minimos & *hepati-cysticos* vocant, cum hepatico ductu communicantes, qui ex parte vesiculæ pluribus hiant foraminulis, cum circumpositis lenticularibus carunculis. At vero, licet eos *MORGAGNIUS* & *HEISTERVS* sæpius quæsiuerint, nunquam tamen inuenerunt, quin potius ab arteriolis cysticis horum ductuum fautores deceptos esse merito iudicauerint. Sed de his pro nunc fatis.

Caput Secundum

De

Liene.

Lienis situs,

Bilis quoque generationi inseruit lien, aliud abdominis viscus, ex aduerso hepatis in sinistro hypochondrio inter spurias costas & ventericulum collocatum.

figura

Lienis figura pro ratione partium, quibus accumbit, varia est & multiplex: namque diaphragmatis cauitatem attingit & aliquando cohæret, leuiter gibbus, quo ventriculo, modice concavus, cui etiam lateri omentum iungitur, & vasa inferuntur; splenem autem secus, ac hepar fissuris & rimis quibusdam ad oras præsertim scissum, nonnullis quoque, haud raro profundis, & ad medium vsque alterius faciei pertinentibus obseruamus, quas illud præstare in utroque viscere non dubito, vt viscus inter diaphragma & ventriculum altius interiusque, quam plures medici videntur credere, interpositum, ibi pro re nata facilius

Fig 2.







Fig. 1.





cilius flecti ac cedere queat. Licet communis eius longitudo septem digitorum, latitudo trium, crassities vero pollicis naturaliter soleat existimari, lienis tamen non vna omnibus crassities ac magnitudo inest, vti neque color vnus.

longitudo,
latitudo,
crassities,

Lienis substantia apud veteres in arcanis naturæ habita componitur ex congerie fibrarum membranacearum, quæ glandularum instar sunt dispositæ, ita tamen, vt lymphæ loco sanguinem contineant, quæ in cellulas multiplices inuicem patenti orificio communicantes mirifice sunt dispositæ, vti iam sæpius laudatus obseruauit *MALPIGHIVS*. Videntur autem lienares istæ cellulæ a venoso inferius describendo ductu, vndique in ramos diffuso propagari non dissimili ratione, ac a trachæa in vesiculas abeunte pulmonum compages concamerata obseruatur. Sed inter has lienis cellulas minutissimæ quædam innumeræ, modo simpliciter, modo racematim dispositæ locantur glandulæ ad extremos arteriarum neruorumque fines appensæ in boue, capra, oue, præ cæteris nullo artificio conspicuæ, quemadmodum quoque a clarissimo *MERY* inuentas ostensas habemus.

substantia,

glandulæ,

Per lienis substantiam innumera disseminantur vasa lymphatica, quæ rursum venæ splenicæ inferuntur ad maiorem sanguinis rarefactionem, præterea a ramo coeliacæ sinistro deriuatæ plures lienem subintrant arteriæ, quæ vna cum venis ac neruis excurrentes subdiuisæ in extremam deinde ramificationem & vltima filamenta abeunt partim in interiorem membranam dispersa, reliquum vero sanguinem in cellularum spatia effundit. Sanguinem autem in cellularum spatia effusum excipit amplius *venosus ductus* per totum lienem excurrentes, emissis ramis fere vndique pro transitu

vasa lym-
phatica,

vasa san-
guifera,
nerui.

situ sanguinis stigmatibus, atque foraminulis peruiis, sic sanguis per hæc foramina venosas propagines ingressus per venæ tubum in ramum splenicum exoneratus venæ portæ committitur hepatis transmittendus.

Arterias, venas ac nervos lienis inuestit communis quædam membrana, *capsula* ab inuentore *MALPIGHIO* nuncupata, quæ vasorum ramificationes sequuta, iisdem quoque venosi ductus foraminibus peruia exoriri videtur, ab interiore visceris membrana, vbi hæc ad vasorum ingressus inflectitur.

Duabus etenim membranis laxior lienis moles coercetur, exterior vna a peritonæo producta, altera interiore prædicta, quæ mirabili fibrarum textura construitur. Ab hac autem transuersaliter plures propagantur fibræ, quibus tota firmatur debilis & ob expositas cellulas, laxa huius visceris compages. Huiusmodi musculosam structuram prælaudatus *MALPIGHIUS* comparat illi, qua cordis auriculæ excitantur, qua non solum lienis structuram firmatam existimat, sed vltius contenta fluida quasi a corde misceri & exprimi arbitratus est.

Caput Tertium

De

Pancreate.

Pancreas
quid?

Eius con-
nexio,

INter hepar & lienem sub ventriculo corpus quoddam in-
forme, molle, laxum liuido-album, magna glandularum
quantitate compositum existat, quod pancreas nuncupatur.
Hoc ad primas lumborum vertebrae, per membranas & vasa.

vasa cum ventriculi fundo, intestino duodeno, liene atque mesenterio neſtitur; in homine octo circiter transuerſos digitos longitudine, vnum vel alterum craſſitie æquat; in canibus autem, felibus, plurimisque animalibus valde longior exiſtit; figuram habet oblongam, circa duodenum figura, tamen latioreſſimamque, prope quod inteſtinum pancreatis ima ora in quemdam lobulum, quaſi in appendicem, ſolet excreſcere, eo ipſo in loco, vbi in cane, aliisque eiſmodi animantibus eadem ora quaſi in alterum produciſſimè pancreas, cuius in nobis lobulus iſte leue quoddam eſt rudimentum, dum vero lienem verſus tenuior, anguſtiorque obſervatur.

Membrana a peritonæo producta exterius obuelatur & quaſi ſuſpenditur: ſingulæ autem minutiffimæ glandulæ ſubſtantia, glanduloſum hoc viſcus conſtituentes proprio quodam gaudent inuolucro exteriori membranæ annexo, quocum laxè admodum vniuntur glandulæ, laxum quoque ac molle pancreas efficitur inſignis infimi ventris glandula conglomerata.

A cœliacæ ramo ſiniſtro arterias habet, quarum ſanguis ſingulis diſtribuitur glandulis; & per venarum radices ramo ſplenico remittitur; a plexu abdominis ſuperiore contiguo neruei ſurculi plurimi diſtribuuntur. Ex ſingulis porro glandulis vaſculum oritur excretorium, vnde ex vniōe plurium maiora efformantur vaſa in truncum ſeu canalem concurrentia, qui a *VIRSVNGIO* inuentore *virſungianus* dictus paulatim decurſu ampliatus, tandem in duodenum quatuor aut quinque digitis a pyloro vna frequenter cum choledocho oſtio in homine aperitur, per quod in pancreate ſolito glandularum machinamento ſecreta vaſa ſanguifera, nerui, ductus Virſungianus.


creta peculiaris lymphæ non admodum acida, sed aqueæ pene salinæ similis in duodenum mox exponendis vsibus exponeratur.

Caput Quartum


De

Vsu & officio hepatis, lienis & pancreatis.

Post viscerum historiam eorum officia proposito ordine prosequuturi veterum monumentis parcemus: neminem etenim in hac tanta nostræ ætatis luce video, qui hepar non generando sanguini, sed bilis separationi a natura concessum nesciat: sanguis enim (vt experimentis habemus) per venam cauam ex hepate refluus, dimissis in ipso salibus, dulcis reperitur; eo prorsus modo, quo falsa maris aqua, dum sabulosam ageriem pertransit, depositis vbique salibus, dulcescit. Bilis enim, vt ex *BOHNII*, *BAGLII VII*, omniumque pene chymicorum destillationibus & experimentis habemus, olei quidem non parum, plurimum vero salis cum pauca terra in larga aquæ quantitate continet, quibus plures apud pictores & mulieres domesticos vsus obtinere consuevit. Ad bilis autem generationem concurrunt lien, cuius obscurus & pene ignotus est, tum apud veteres, tum apud recentiores, vsus, quorum variæ & multiplices sunt opiniones, quibus non tam dubitationem soluerem, quam curis animum implicarem. Quapropter quum in re dubia omnibus liceat cogitare, quid ipse sentiam, bre-



F. III.



breuiter exponam, vt pleniore beneuolentia te beneuolum lectorem vincam, atque adeo, vt Fabius docet, ne vulgarem viam ingressi, alienis demum vestigiis semper insistamus.

Suppono itaque, secundum *BOERHAAVE*, notabiles in lienem inferi neruos; secundo sanguinem in vena splenica contentum esse inter omnem sanguinem venosum tenuissimum, floridissimum ac proxime ad arteriosum accedentem; ex quibus concludit præfatus auctor, bilem suas particulas spirituosas maxime actiuas, ac balsamicas mutuas habere a liene, vnde & illi, qui lienem habent infarctum, aut fibras relaxatas, bilem habent non spirituosam, sed salinam.

Notat præterea *STAHLIVS*, quod & experientia confirmatur, quod illi, qui in splene laborant, non facile sustineant vnctuosa, non tantum grassa, vt butyrum, adipem, olea expressa, sed neque subtilia, vt v. g. macerem, caryophyllos, & cætera aromatica oleosa; sed conducere vel aromatica macra, vt radices ari, zedoariæ, zingiberis, vel alkalina, vt radices graminis, cortices capparum, herbas scolopendrii, cuscutæ, rutæ, murariæ; flores borraginis, buglossæ &c. vel salia neutra, & enixa, vt sal Anglic. Sedlicenf. arcanum duplicatum, tartarus vitriolatus &c. hoc me persuasit, quod vnctuosa nimis præcipitem & minus genuinam efficiant in liene lymphæ secretionem.

Ratio autem, cur animalia bruta liene dempto fiant alacriora, esse poterit, quod circulatio sanguinis, quæ proinde in liene vt exsecto non fit, citius absoluitur; quod autem voraciora sint, fit a prædominantibus salibus, vnde & sæpius vomunt, hinc ipsa salia hepar magis friabile efficiunt.

His iam suppositis colligerem , præcipuum officium lienis esse , vt bilis secretionem perficiat , quod confirmat autapsia clarissimi *PAULI WEINHARD*, qui obseruauit in animalibus brutis, quod , quæcunque bruta habent lienem parum, eo maius habeant hepar , & vicissim: hinc vtique fides indubitanter præstari debet , quod hepar & lien in officio vitalitatis conspirent. Et hæc circa vsum huius partis , qui alias obscurus videtur, coniecturaliter dicta sint satis.

Ad intestina tandem dimissa postea præfata bilis salia, licet pancreatico succo diluta, chylum acriorem, & hinc procliuem ad subeundam in sanguine fermentationem reddunt, vnde augetur hilaritas , & ad motum facilitas & promptitudo ; hæc autem omnia, quum lienis officium magna probabilitate suadeant, reliquum tandem erit, vt naturalia bilis munera prosequamur.

Præmittenda autem sunt aliqua ex his, quæ ex chymicis alibi commemorauimus , oleosas scilicet & sulphureas substantias (vti omnibus notum) aqua non commisceri, nisi alkalicis salibus abunde aqua referatur, quorum solutione exacte, atque acrius aqua , & oleum commiscentur. Prænotemus denique, chyli substantiam oleosam admodum esse , vt ex colore , analysi, & in lacte ex ipso genito apparet, & præter flammam ex calido animalium ventriculo accensam sæpe, *LOWER* ostendunt experimenta, quibus chylum supra sanguinem animalis recenter emissum innatare scimus. Nequiret propterea, arbitror, chylus succo pancreatico (vti necessario debet) dilui, neque magis lymphæ vniretur, neque tandem , quod præcipuum est, sanguine misceretur, nisi larga bilis salium dissolutione aquæ illæ oleorum mixtionibus aptæ fierent , & vt chymice loquar,

quar, lixiuiales redderentur, quo corrigi & infringi siluestria ciborum salia queant ac dissolui, & commisceri possit sulphurea chyli substantia, qua abundant alimenta ex vegetabilibus præsertim desumpta, quibus ex instituto naturæ (quemadmodum cæteris animalium speciebus pene commune videmus) salubrius multo, multumque naturalius hominibus videtur vti, quam carnibus, vt, contra *CARTESIVM*, *GASSENDVS* sentit, quibus, vt sacrae & profanae testantur historiæ, primi nostri parentes longam & athleticam ætatem, vitam incolumem, atque tranquillam felicissime traducebant.

Nam, vt inquit Poeta:

Vetus illa ætas, cui fecimus aurea nomen,
Foetibus arboreis, & quas humus educat herbas,
Fortunata fuit, nunc polluit ora cruore.

DEMONSTRATIO NONA

DE
PARTIBVS VRINÆ SECRETIONI ET EX-
PULSIONI INSERVIENTIBVS.

Caput Vnicum

De

Renibus, vreteribus & vesica urinaria.

Renes ita dicti, quasi riui ab illis oriantur, vt sentit *VARRO*, singulari profecto consideratione sunt dignif- Renes
quid?

dignissimi, qui quanquam in aperto latent, sensus tamen atque intelligentiam latere non possunt, etenim: quoniam opus fuerat, ut animalium liquores larga humidi copia diluti suis usibus distribuerentur, opportunum inde erat, superfluum dimittendo, providere, ne nimia feri alluvie oppressi impedirentur ab opere; providentissimus idcirco naturæ artifex renes fecit, quorum machinamento superflui humidi portio & dissoluta salium recrementa possent e corpore eliminari.

Renum
numerus,
figura,
magnitudo,
longitudo,
latitudo,
crassities,

*Re*nes numero *bini* sunt, raro unus, figura passim vasculo comparantur, exterius gibbi ac recurvi sunt, interius concaui & sinuosi; magnitudo utriusque pro raro æqualis, plerumque tamen eorum longitudo solet transversos quinque digitos, tres vero latitudo, crassities unum cum dimidio æquare; externe rubent durioresque, quam habet hepatis & lienis, fortiusque consistentiam, licet in adulto homine externa renum superficies læva appareat & continua, in foetu tamen pluribus eminentiis & sulcis conformata cernitur, quorum vix in adulto remanent vestigia.

Situs,

Locum sortiti sunt sub iecore & liene in lumbis iuxta ultimas costas, quo loco corpus cingimus ad constringendas vestes.

membranae,

Dexter ob magnitudinem hepatis humilior, sinister situ vero altior; contrarium in boue, aliisque fere ruminantibus, quum in sinistra potissimum abdominis regione amplis cibi receptaculis sinister locum cedere videatur. Duplex *membrana* renes obducit, *exterior* a peritonæo producta late admodum, unde & *fascia renalis* dicitur, & ambo diaphragmati lumbisque commiscuntur. *Adiposa* dici consuevit, quod in obesitate præsertim brutis adipe copiosa referatur.

Inte-

Interior membrana tenuissima renum propria est, quorum combagem arcte ambit & fortissime colligat, concavam renum partem vasa includendo subintrat & inter renes ipsos comitatur.

Substantiam renum veteres non minus, quam in he. ^{substantia.} pate & liene, parenchymatosam reputarunt. Verum clarissimus *BELLINIVS* (vt, quantum circa hoc viscus a veteribus erratum sit, ostendat) viriliter *ERISISTRATI*, *ASCLEPIADIS*, *ARISTOTELIS* & *GALENI* sententias circa substantiam concordēs, sed circa vsum varias imo illustrium inter recentiores anatomicorum, *VESALII*, *FALLOPII*, *LAVRENTII*, *BARTHOLINI* opiniones hoc in eodem argumento refellit, propriisque tandem observationibus renum *stru-cturam ex pluribus minimis fistulis compositam* ostendit tot veluti canaliculos habentem, per quos vrina in peluim delabitur.

Ex integro autem renum compaginem nobis detexit famigeratissimus *MALPIGHIVS*, dum singulis canaliculis, seu tubulis a *BELLINO* detectis *glandulas* in exteriore præsertim substantia locatas correspondere observavit, quibus separatur serum præfatis canaliculis excipendum.

Hæc autem extima *glandulosa* renum *substantia* crassitie dimidium circiter digiti attingit, intra quam tamen *tortuosa* quædam instar vermium *vascula* occurrunt, quorum obscura propago est, quæ sanguineis vasis, aut forte excretoriis continuantur, & fortasse cum vasculo sanguiferæ aortæ, & cavæ propagine, quas *RVVSCHIVS* in modum vermiculorum illic contortas dicit, & quid simile *MORGAGNIVS* in terrestri & marina testudine, & vi-

peris vidisse memorat, quæ in semet flexa decussatim diuarricata circa externam superficiem glandulis sanguinem prouide distribuunt.

Ab expositis itaque glandulis emergunt *ductus excretorii* prænarati, nempe tubuli valde exigui, instar tenuium fibrarum carnis musculosæ pallescentis (vt *VERHEYENIUS* loquitur) sed magis leues & æquales, qui dum a glandulosa renum circumferentia ad peluim circa renis medium feruntur, in fasciculos colliguntur, iunctisque artius extremis constituunt *corpora papillæ figuram referentia*, quæ partim ob formam, partim ob substantiæ speciem *carunculæ papillares* appellantur, quæ ut plurimum duodecimum solent numerum complere.

Carunculæ
papillares,

Peluis,

Singulæ istæ carunculæ excipiuntur sigillatim a quibusdam *fistulis membranaceis* in cauitatem quandam terminatis, quæ omnes breuissimæ sunt, crassitie vero inæquales, quæ tamen stylum excipere commode possunt. Sunt autem tot veluti dicam parua quædam *infundibula*, quibus iam secretum e glandulis & per canaliculos delatum serum excipitur, & in cauitatem circa medium renis deponitur. Hæc autem cauitas prope concauum renis marginem sita *peluis* dicitur, estque *membranaceus veluti sacculus*, quo serum omne secretum excipitur, quemadmodum chylus in communem commodioremque locum per vasa lactea transportatur.

Vreter
eiusque

A renis autem pelui ad vesicam *canalis fere cylindricus* oritur, *minori calamo scriptorio similis*, *vreter* communiter appellatus, qui continuatio ipsius peluis apparet, vti ductus thoracicus est continuatio receptaculi chyli, in formam canalis producti. Vteterum diameter inæqualis, vt *NVCKIUS* asserit, & inflatione (testante & ipso *MORGAGNIO*)

GAGNIO) facile apparet. Ad vesicam fertur, vbi lotium deponit, non directe, sed non nihil inflexus instar litteræ S.

Inferitur vreter vesicæ admodum obliquo & arcto intra Inferio eius tunicas ductu non longe ab eius collo, vbi productis ex se fibris, vt indefessus vidit *MORGAGNIUS*, vnum vtrinque crassiusculum, teres & compactum corpus excitant, quod solet posterius intra vesicæ collum protuberare & postmodum concurrere. Membrana a peritonæo propagata vestitur, cuius substantia ex fibris longitudinalibus & circularibus constat, vnde vim obtinet contractilem. Interna eius superficie lubrica est, & aduersus vrinæ acrimoniam modico humore oblinitur. *Glandulae* in dilatato vretere (vt sæpe a morbo contingit) aliquando occurrunt, & *meatus excretorii*, qui naturaliter latent, e quibus humor pro linimento canalibus elicitur.

Vrinam tandem excipit *vesica*, velut *laguncula quædam*, Vesicæ quam retinet, asseruatque ad tempus, ne continenter & intempestive eam reddere cogamur. Aliquibus *corporis matula*, *ARISTOTELI* vero *humidi excrementi* dicitur *receptaculum*. Sita est in hypogastrio, & pene ima cavitatis situa parte, cui *pelvis* nomen inditum est, sic, vt proprium ventrem, & peculiare receptaculum habere videatur, quod innuebat forte *DIOCLEES*, dum corpus diuidebat in caput, thoracem, ventrem & vesicam; posterius recto intestino villis tenuibus & membranis, anterius vero pubis connexio, ossibus adhæret maxime in viris, nam in feminis inter uterum & os pubis est posita. Figuram habet oblongo rotundam & propemodum pyriformem, substantiam vero membranaceam, vt distendi, & contrahi pro exigentia facile figura, possit. Vna in homine vtplurimum vesica, raro multiplex, substantia, licet semel etiam triplex a Medico modo hic Oeniponti numerus,
physico

physico clarissimo, Romæ in sancti spiritus nosocomio ante aliquot annos inuenta sit, vt ipse mihi retulit, hunc vero casum inter rariores, imo rarissimos recensendum esse existimamus. In auibus autem nulla lotii reperitur vesica, sed per vteros in cloacam deponunt fecibus commiscendam, hinc fit, vt frequenter feces deponant.

Structura,

fundus,

collum,

substantia,

Tribus componitur vesica tunicis, quarum exterior a peritonæo, secunda carnosæ est, seu musculosa, validis fibris carnosæ referta longitudinalibus, & obliquis pro urinae expulsionem, vnde apud aliquos *musculus urinae detrusor* appellatur; tertia tunica neruea est, & candidis fibris densissime texta, & intrinsecus mucosâ obnata, quo contra urinae acrimoniam munita redditur & resistens: *Fundum* habet vesica superius liberum, in hypogastrio vmbilico tantum mediante vracho nexum; *Collum* vero seu angusta vesicæ portio ad pudendi exortum excurrit, & in canalem, quem *urethram* dicimus, aperitur; membranaceus est, & quodammodo nerueus, membranis componitur duabus, quarum interna tenuior, sensus exquisiti est, externa densior, fibrisque carnosæ pluribus circumducta, quo contrahi, atque constringi commodius possit. Cætera, quæ ad urethram spectant, vbi de genitalibus, opportunius inquiremus, ibique eorum liquorum fontes, quos illic natura posuit, commodius aperiemus.

Structura
cervicis,

Interim ad vesicam redeamus, cuius sane ceruix fibris plurimis in orbem diffusis constat (præclarissimi *FALLOPII* inuentum) quæ *sphincterem musculum* constituere videntur. Nam muscularis vesicæ membrana ibi carnosæ, plurimisque transuersis fibris contexta rationem habet, vsumque genuini sphincteris, vt (quemadmodum *FANTONVS* docet) ebullitione facile apparebit. Huius autem

tem sphincteris contractionem exitus intercluditur, ne inuitis nobis effluat vrina, donec quantitate, partium abdominis compressione, aut tunicæ musculosæ constrictione eiusdem actio superetur.

Arterias recipit vesica & venas ab hypogastricis & internis hæmorrhoidalibus, in mulieribus etiam a spermaticis ad ceruicis latera accedentes. Nerven a pari intercostali, tum ab illis, qui postremi a spinali medulla ossis sacri proficiscuntur.

Vasa sanguifera.

Nervi.

Porro supra renes duo glandulosa extant corpora, utrinque vnum, renales glandulæ *EVSTACHIO* primo fortasse inuentori, *renes succenturiati CASSERIO*, capsulæ atrabiliares *BARTHOLINO*, & nuperrime *renunculi FANTONO* vocantur. Figura sæpe renibus similes: capsulæ quippe sunt oblongæ, pressulæque rotunditatis, non nunquam tamen in angulo superius coactæ, leui intus cauitate sinuosæ, in qua niger ac feculentus humor continetur; magnitudo utriusque dispar est, maxime tamen conspicuæ sunt in foetibus, in pueris sensim decrescunt, sique corpus ætate profectius sit, nucem vomicam grandiusculam frequenter adæquant; copioso renum adipe non raro ita inuoluuntur, ut inuestiganti admodum difficiles repertu reddantur; in foetu autem, ac recenter natis ita cohærent renibus, ut iis connasci videantur, quod etiam non raro in adultis obseruatum fuit.

Renes succenturiati quid? eorum situs,

magnitudo

Eorum arteriæ ab emulgentibus prodeunt, interdum ab ipso arteriæ aortæ trunco; venæ pariter ex venis emulgentibus, non nunquam ex ipsa vena caua producuntur: neruulos concurrentes consequuntur.

vasa sanguifera &

nerui,

Renum succenturiatorum officia exponere, difficile & prope operosum esse, iam pridem *EVSTACHIUS* quasi

Illorum usus

oracu-


oraculo edidit, & eorum, qui studio & opera contendere, quam illius auctoritatem sequi malunt, quotidianæ anatomicorum sententiæ declarant. Præclari quidem viri *SPIGELIUS*, *LAVRENBURGIVS*, *RIOLANVS*, *BARTHOLINVS*, *SYLVIVS*, *MVNICHIVS*, alii-que plures de illorum munere scripserunt, quæ etsi præclara, parum tamen arrident, magno sane argumento, nedum illorum vsum innotuisse.

Renum &
vesicæ vsum,

Cui autem renes & vesica inferuiant, superfluum est disceptare: omnibus enim notum est, urinæ secretioni & excretioni destinari, quæ si chymice considerentur, plurimum aquæ, multum quoque salis, parum olei, & minimum terræ continet, vnde parum a sudoris indole distare videtur, vtinam & pari euidencia constaret, qua ratione ab assumpta larga thermalium aquarum copia larga itidem & prompta urinæ copia reddatur. Difficilius adhuc explicatur, vnde acus & spinæ, quæ ore susceptæ a grauissimis viris, *LANGIO* præsertim, *HESSO*, *PLVTARCHO* cum vrinis asseruntur restitutæ, quo factum video, vt *DIEMERBROECKIVS* alii-que a ventriculo & intestinis ad renes & vesicam frustra vias quæsitent, alii-que etiam somniauerint, quibus vrina copiosior, quam potus dicunt, citissime traduceretur.

Hinc vir grauissimus in nouam ac elegantem, vtinam & veram sententiam quadam necessitate deuenit, qua urinam dulcem & aquosam, (quibus autem poris nescio) ab intestinis & abdominis cauitatem deponi, & per quosdam alios vesicæ poros felicissime traduci arbitratur.

Qui





Qui vero aquarum pondus, rapidum currentis sanguinis motum, facilemque in renibus secretionem animaduenterint, in memoriam præterea reuocauerint, difficili admodum, ac nullo prorsus modo aquam cum oleosis particulis misceri, nisi præuia salium sufficienti solutione aqua deponatur (vt superius etiam diximus) ab impedita igitur vnione assumptæ aquæ cum sanguine, ob salium defectum, promptam & copiosam liquidi restitutionem mecum facile recognoscunt, arbitror, & fatebuntur.

DEMONSTRATIO DECIMA

Caput Vnicum

De

Partibus generationis virorum.

EXimum profecto nutritionis opus (cuius organa hætenus exposuimus) ratio mortalitatis ademisset, nisi elegans itidem, & admirabile DEI opus ad propagandam successionem inexcogitabili ratione prouisum & effectum, quo periclitanti speciei succurreret, & animalia propriæ vitæ futuræ prolis generationem compensarent. Illud vero ipsum, quam mirabile DEI institutum est, quod ad conseruationem singulorum duo sexus, maris & feminæ machinatus sit, quos, quoniam reciproco amoris foedere iunxerat, sic adiugatis corporibus per voluptatis illecebras in vnâ actionem copularat, ne omne genus viuentium commune deficiendi fatum extingueret. Quamquam vero

natura, pro mutua societate & generatione, mari & feminae vires indidit sane mirabiles, plus tamen roboris maribus attributum est, quo facilius (vt *ARNOBIVS* sensit) ad patientiam iugi maritalis feminae cogerentur: Vir itaque nominatus est, quod maior in eo vis, quam in femina, & hinc virtus nomen accepit; mulier autem, licet, vt *VARRO* interpretatur, a mollitie sit dicta, omne tamen generationis opus sustinere, fouere, ac penitus complere videtur.

Verum utinam, *Lector Beneuole*, quemadmodum magno *SOCRATI* philosopho summo, & *ANTONIO IVLIANO* oratori Romano vsitatum accepimus, lubricos sermones habituris facie velata prodire, sic impræsentiarum mihi, si nullo alio pacto saltem quarundam partium descriptionem dimittere ea, quæ sunt pudenda, pudoris velo contegere liceret!

Verum muneris ac loci ratio & consuetudo, resque propemodum ipsa efflagitat, vt vel de iis vobiscum aliquid proferamus; sed ne singula vtriusque sexus genitalia prolixa nimis dissertatione prosequeremur, recepta a maioribus consuetudine, quæ in corpore virili occurrunt, nunc obseruabimus, & muliebria genitalia proximæ lectioni relinquemus. Interim si non castas, cautas saltem appone oculos, & faue.

Inter genitales virorum partes quædam ad feminis prolifici generationem comparatæ sunt, ad conseruationem aliæ, ultimæ demum ad confecti feminis effusionem in sinum aruumque naturæ.

Testes inter omnes principem locum habent, licet extra abdominis cauitatem in marsupio, non ob castitatem, vt *ARISTOTELES*, neque ob viciniam, vt *LAV-*
REN.

RENBERGIVS sensit, sed alio naturæ fine propendent. Hi non modo figura & magnitudine (quibus columbæ o-
uum æmulantur) sed frequentius etiam numero ac virtute
pares, vnde a Græcis *Didymi*, quasi *gemelli* dicuntur, li-
cet vulgato a veteribus commento mares a dextro, femi-
nas a sinistro teste generari falso dicatur, vt *VERHEYE-
NII* obseruatio testatur.

figura,
magnitu-
do,

Duobus communibus totidemque propriis, securita-
tis gratia, inuolucris continentur. Communium primum
membranofum veluti marsupium est, in medio linea tan-
quam futura in duas partes diuisum, plicabili constans cu-
te, *scrotum* dicitur. Huic interius altera connascitur mem-
brana, *dardos* dicta, musculosis prædita fibris, quo colli-
gere se cum scroto, corrugarique possit. Hæc vtrinque cir-
ca medium reuoluta *septum diuisorium* efformat, per
RAVM & FANTONVM in plures membranas facile di-
uisibile.

inuolucra
commu-
nia,

Hæc propria sequuntur inuolucra, quorum primum
elytroides, seu *vaginalis tunica* a peritonæo deriuatum,
cui exterius adhærent exiles muscoli, *cremasteres*, seu *su-
spensorii* ab officio dicti, qui a pubis ligamentis exorti supra
vnam vaginalis tunicæ longitudinem (altera quasi tunica)
musculosas expandunt fibras, quibus testes cum vasis sper-
maticis in congressu corpori appropinguant. Vltimum de-
nique inuolucrum *tunica albuginea*, seu *niuea* dicitur, cras-
sa, ac valida, vndique testi interius adnata membrana, ex-
terius leui ac aqueo humore perfusa, & plurimis referta
glandulis cum testium substantia forsan communicanti-
bus.

inuolucra
propria
membrana
elytroides,
musculi
cremasteres.

tunica ni-
uea,

Substantia,

Testium vero *substantia* *GALENO*, aliisque priscæ memoriæ anatomicis indeterminata, olim *pultacea*, proximioribus inde *glandulosa*, nunc vero recentiorum solertia peculiari *tubulosa* scilicet & *vasculosa* detecta est: omnis siquidem *testis congeries est ordinata complicatio minutissimorum vasculorum seminalium*, quæ *diligentia ac artificio dissoluta facile viginti vlnarum longitudinem excederet*, imo, si ingeniosissimi *BELLINI* calculo credimus, trecentum Florentiæ vlnas complerent: hæc a minutissimis albugineæ tunicæ glandulis videntur orta & per fibrillas contractiles progressu firmata & coercita versus medium excurrunt, & complicata singula in suis propriis spatiis, seu capsulis per membranas distinctis retinentur, vt in apris vel canis lasciuioris teste pulcherrime apparet, quemadmodum fere in pomis aurantiis per transuersum sectis internam substantiam per membranas eleganter cernimus separatam.

Epididymus.

Præfata vero vascula pluribus in locis coeunt, & circa finem ad *corpus* illud in teste *album, oblongum*, *HIGHMORO* dictum, si non aperta, vt ipse putat, præ firmitudine saltem vnita, sex, octo, vel decem ductibus testiculo egrediuntur, qui de latere in latus multifarie ac tortuose flexi, multiplicata conuolutionum serie, per validam membranam ab albuginea productam firmata, constituunt corpus illud duriusculum, testiculi circumferentiam a parte superiore ad didymum ambiens, *epididymus, parastata* & *corpus varicosum* nuncupatum, inde denuo crispatis & varie flexi in vnum tandem simplicem ductum coeunt, qui instar nerui maioris durior & crassior sursum per processum peritonæi cum sanguineis vasis in abdomen fertur, atque versus vesicam reflectitur, & in parte postica paulatim in quas-

quasdam velut capsulas dilatatur rursusque eoartatus angusto denique fine in principio vesicularum terminatus, acceptum a teste semen deponit, unde *deferentis* & *iaculantis canal*is nomen accepit; vesiculæ autem ipsæ colligendo & asseruando femini destinatæ, sicut cellulæ sunt anfractuosæ instar quasi mali punici racematim dispositæ inter ceruicem vesicæ vrinariæ & intestinum rectum locantur.

Vesiculæ
feminales
quid?

Constant ex membrana tenui arterioli, venulis, nervulis pluribus referta, glandulisque præterea plurimis, serosum humorem feminis gratia separantibus, fibris pariter tendineo-carnosis gaudet, quibus cellularum constrictio fit, & feminis adeo excretio per tres angustissimos illorum ductus, ut genuina eiaculantia vasa per septum medium diuisa, & *caruncula* munita, quasi papillari valuula in vrethræ principio, ne semen iugiter, intempestive, atque inutiliter emanaret. In canibus feminales defunt vesiculæ, unde tardius profuente semine, longiori intervallo vel inanita venere detinentur.

harum
substantia

Vesicæ vrinariæ collo insuper iunguntur duo corpora duriuscula, albicantia, *prostatæ* nuncupata ex duplici quasi substantia, glandulosa scilicet & spongiosa constructa, & membrana musculosa valida ad promptiorem succi contenti expressionem succincta. Nucem iuglandem magnitudine simul sumptæ æquant; in illis autem, qui crebro veneri operantur, maiores conspiciuntur. Non semen, sed serosus, ut scripsit *GRAAFIUS*, conficitur humor, in apro tamen, aliisque viscidissimus, qui in actu venereo per decem duodecimque meatus in vrethram prope feminis exitus exprimitur, ut vrethræ linimento usitata notæ

Prostatæ
quid?
substantia,

magnitudo.

voluptatis partes expleret, sine quo muliebria genitalia tot fordibus inquinata, & ea ratione in locum imum, veluti sentinam corporis relegata attraheret profecto nemo. Porro infra vulgatas prostatas aliæ plures *inaequales* prostant *glandulae* a *TERRANEO*, *COWPERO*, *MERIO* & *LITTRIO* detectæ cum vrethra communicantes. Crebri insuper meatus in ipso vrethrae canali patentes occurrunt, a disgregatis aliis forsan glandulis deriuati a *MORGAGNIO* ubique accuratissime descripti, quorum alii maiores inferius locati, minores, sed plures, alii omnes pressione guttas exprimunt liquoris subalbi viscidum & lenti, quo vrethra, sicut superius a prostaticis vicinisque glandulis, sic inferius ab omnibus foraminulis contra vrinæ acrimoniam defenderetur, & ut per lubricum voluptatis forsan augmento semen prolificum mitteretur, de quo alibi dicemus, vel quod sanius erit, perpetuo silentio omittemus.

Membrum
virile.

situs.

Partes ex-
ternæ.

Substantia
interna.

Porro ut genitale semen certius in aruum naturæ a viro eiaculari, productum est *membrum virile*, quo lotium redditur & semen; huius muneris ergo locum obtinuit commodiorem in medio, quia vnicum, semel Bononiæ in cadauere humano duplex vidi, in viperis vero, ut scripsit *RHODIVS*, semper geminus reperitur; in cane, lupo, vulpe, glire, vespertilione osseam habet substantiam, in homine peculiari & propria structura præditum pluribus fabricatum partibus, quarum aliæ externæ, cæteris pene omnibus communes, cuticula scilicet, cutis & membrana adiposa, sed pinguedine caret, ne erectioni impedimentum foret & nimis excresceret voluptatis venereæ detrimento. Propriam vero & internam substantiam præcipue componunt.

ponunt *duo corpora neruea*, seu potius *nerueo-spongiosa*, exterius solida & dura, interius rara, & cellulosa instar arundinis Indicæ sanguine repleta, sub ano: ex innumeris enim membranarum complicationibus per fibras collectis constructa sunt. Oriuntur inferiore coxendicis margine distincta, mox in progressu coniuncta, tenui intercedente sepimento, quod quum sensim circa finem deficiat, in vnum corpora neruosa confluunt, quod *glans* dicitur, carne constans molli & flaccida, sensus, vbi surgit, exquisitissimi, ob papillas a *MALPIGHIO* & *RVYSCHIO* obseruatas; duplicata mollique cute tegitur, quæ *præputium* dicitur, hebraicæ expiationis materia, in cuius *corona* plures *sebaceæ glandulæ* linimentum pro motu subministrant, nimiam vero in coitu detectionem præcauet frenulum, quo alligatur.

Glans
quid?

præputium,

frenulum,

In parte inferiore corporum nerueo-spongiosorum interponitur *vrethra*, siue canalis ille, quem semini pariter, atque vrinæ excretioni nupera lectione vidimus dicatum; membranis componitur duabus, quarum interna tenuior exquisito sensu pollet, externa tensior fibrisque carnosissimis pluribus circumducta, quo contrahi atque constringi in humoris genitalis effusione commodius possit. Prope finem, vbi corpora spongiosa confluunt, quædam quasi *caruncula* obseruatur, & est in ipso glandis initio, notante *VERHEYENIO*, parua quædam apertura, in qua restitans acris in calculo vrina, vel in gonorrhoea semen, diros cruciatus, aliasque molestias in vrinæ excretionem producit; Ambit præterea *vrethram* quasi alterum nerueo-spongiosum corpus, quod sicut aliis mole minus, atque tenuius est, sic eius cellulæ angustiores & minus sanguine

Vrethra
ficus,

structura,

caruncula;

Musculi
penis.

refertæ, quæ tamen in penis erectione fere crassitiem minoris digiti æquant. *Penis* remanent *musculi*, quorum duo a coxendicis appendice infra corporum nervosorum initia orti, inde supra eorum latera ducti in validam eorum membranam delitescent, *collaterales* a *SP-IGELIO*, ab aliis passim *erectores* nuncupantur. Reliqui duo longiores, sed graciliores ab ani sphinctere ducti supra vrethram, quasi complexu crassæ pariter eorundem corporum membranæ vbique lateraliter inferuntur, vnde *vrethræ dilatatores* forsan cum *NVCKIO* *comprimentes* appellantur: nihil obstant nomina, quum res congruat veritati. Duos alios ab ischii tubere ortos & in bulbum vrethræ terminatos recentiorum ac *COWPERI* adiunxit diligentia, quibus addunt alii alterum sine pari ab infima parte recti intestini ortum & in postica vrethræ parte alligatum. Horum musculorum opera penis inflatur & erigitur: stagnat enim copiosus in memoratis cellulis corporum nerveo-spongiosorum sanguis, quo penis inflatio oritur & erectio, vt semen in vterum dimittatur.

Vasa sper-
matica,

Genitalium historiam conficiunt *vasa*, quorum *sanguinea* testibus destinata *spermatice*, quasi materiam pro semine præpararent, *præparantia* dicuntur.

corpus
pampini-
forme,

Arteriæ sub emulgentibus ab aorta oriuntur; vena spermatica dextra frequentius ab anteriore parte cavæ supra exortum arteriæ oritur, sinistra vero ex emulgente proficiscitur, vt *BARTHOLINVS* scripsit, ad impedimentum præcauendum, quæ variis propaginum diuisionibus membranarum ope constituunt corpus, quod ob multiplicem vasculorum inflexum a similitudine *pampiniforme* dicitur, inde propter maius semper diuisionum & tortuositatum incrementum latius progressum a forma

forma *corpus pyramidale* vocitatur; sanguinem quoque pro nutritione ab hypogastricis, pudendisque sortiuntur vasis, quæ vesiculis & peni plurimos largiuntur ramos. Nerui a plexibus pelvis & vertebralibus deriuant; neque lymphatica defunt vasa, quæ a testibus copiosa iuxta spermatica, ac deferentia vasa in abdomen ingressa in quinque circiter furculos vnita in chyli receptaculum exonerantur.

Nerui.
Vasa lymphatica,


Nobiles adhuc de feminis generatione, natura ac operandi modo superessent controuersiae, quas ego, quia ob temporis angustiam tam copiose, quam vellem, respondere non possum, strictim saltem per summa capita, quam dilucide potero, delibabo.

Semen itaque ex sanguine in testibus separatur, & quidem, vt vsitato naturæ ordini probabili & vniformi congruentia loquamur, consueto glandularum machinamento, præfatæ feminis vero glandulæ an externa in extima testium substantia, a qua tubuli & vascula feminis, sicut in renum structura vidimus, vt sentit *MVNICHIVS*, vel in vasculorum cauitate, quemadmodum in cauo intestinorum reperiuntur glandulæ, vt inclinât *FANTONVS*, non modo, sed alibi pro viribus decernemus; secretum vero semen & per tot canaliculorum circuitus elaboratum ad vesiculas feminales delatum, ibi pro coitu asseruatur atque perficitur, quo succis glandularum vrethræ commixtum in mulierum genitalia deponatur, vbi illius subtilior puriorque pars (quam *auram* vulgo dicimus) ad ouarium pro ouorum fœcundatione defertur, vel per tubas Fallopianas, vel sanguinem ingressa, forsan per illa foramina, per quæ fluunt menses, vnde post illos facilius conceptio sequitur; vel per distinctos ductus auræ feminalis, vt anterior meus antecessor

Generatio
feminis.

clarissimus in sua anthropologia anatomica describit. Cui vero ex superius dictis opinionibus adhærendum sit, nil certi adhuc statuere possum, quum tam vna, quam altera harum sententiarum suas patiat exceptiones, hinc adhuc supersedeo de hoc ulterius loquendo: remitto tamen te, lector beneuole, ad perlustrandum caput primum demonstrationis duodecimæ, vbi de ouali fœcundatione plura scribo. Nemini arduus ac difficilis erit hic fœcundationis modus, si præter alia legerit vulgatam in Academia Parisiensi historiam, illius feminae, quæ quum ob clausum vaginæ ostium arietantis mariti impetum sustineret, adhuc clausa concepit. Mira femini virtus inest, sic plantarum femina inferioris sane roboris parietes ipsos deiiciunt, & piscium oua iam edita in aqua deposita, sola masculini seminis aspersione fœcundantur: & oua non fœcunda (vt scribit *ANTONIVS* a pinu) quemadmodum substantia imperfecta & odore ingrato a gallina non incubantur. Neque minor vis femini inest, dum adhuc in masculo retinetur: spadones enim, quasi violatæ naturæ monstra, obluridi, enerues, imberbes, indecoraque membrorum compage deformes viuunt. Libidinosa quoque & intemperans adolescentia per inanem & sterilem voluptatem effectum corpus tradit senectuti.

Remeat siquidem elaboratum iam atque perfectum semen suisque volatilibus salino-sulphureis particulis maiorem sanguini motum, partibus vero vim atque robur conciliat, & opportunum pro prolis generatione præbet incitamentum, & quidem pro animalium differentia varium ac multiplex, sic ea, quæ maioribus in prædam cedunt, vt cuniculi, lepores, mures, pipiones, maius generandi incita-



incitamentum & facultatem obtinuerunt, vt illam cladem ad conseruationem generis multitudo ipsa superaret. Omit-
tam interea plura, quæ explanari & decerni ab anatomi-
co possent, apud *LEWENHOECKIUM, SYLVIVM,*
FACHIVM, HEISTERVM videnda, quæ modo suæ
cuiusque coniecturæ pro stili pudore relinquo. Interim
sufficiat genuina prolata harum partium descriptio, & ne
vlterius vestram offendam patientiam, reliqua vna cum dis-
sertatione silentio prætereo.

DEMONSTRATIO VNDECIMA

Caput Primum

De

Partibus generationis mulierum externis & internis.

Mulierum genitalia descripturi (non luxuriæ, sed ob-
ligationis & officii mei causa) a pudendo exordia-
mur, tum, quia in eo ostium est & via ad vterum, tum
maxime, vt istæ partes quam citissime ablegentur a nobis.
Harum igitur partium aliæ sunt *externæ*, aliæ *internæ*.
Externæ illæ dicuntur, quæ statim in prima fronte sine dis-
sectionis ordine manifestantur, & sunt *labia duo, monticu-
lus veneris & fissura magna*. In pudendo labia duo externa
sunt oblonga, quæ cute crassiore, pinguedine, substantia
porro veluti carnea atque spongiosa integrantur: corpora

Partes pu-
dendæ ex-
ternæ,

R 3

hæc

Hymen.

hæc modice in congressu, plurimum in difficili partu, solent intumescere, versus superiorem partem, nempe pubem, crassescunt, vbi eleuata *monticulum veneris* efformant, vbi præsertim ineunte ætate pubertatis pili emergunt; inferior labiorum vnio in virginibus tensa, adstricta admodum est, & vt cum *GRAAFIO* loquar, membranosis quibusdam corrugationibus coarctata, cum aliis vero loquendo membranosa veluti circularis, vt ab interna vaginæ tunica expansio oriatur, adeo, vt quasi peculiarem membranulam leuiter perforatam exprimeret, quam ideo *hymenem* veteres sæpe nuncuparunt iam decantatam *virginitatis notam*, cuius existentiam cum *GRAAFIO* plures observationibus innixi negant; hanc vero diu multumque agitatum apud anatomicos quæstionem facile componet, qui cum *HIGHMORO* senserit, hymenem sæpe in feminis varium, nullius tandem vsus (quum feminas natura congressui aptas voluerit) diuerso quidem tempore & modo disrumpi, vnde variæ anatomicorum observationes & sententiæ. Hoc autem virginitatis frenum, quod aliis *virginale claustrum*, aliis ob quamdam similitudinem (vt *PINEVS* & *LAVRENTIUS* obseruant) *virginei pudoris flosculus* dicitur, in corruptis mulieribus, & veneri assuetis laxatur admodum, ac ita aboletur, vt in ambitu vaginæ ex huius laceratione conflata cernantur *plura lata tubercula*, quæ ob similitudinem *myrtiformes carunculae* passim nuncupantur, in illibatae virginis pudendo autem minime conspiciuntur.

Labiorum commissura *rima* efformatur, iis deductis occurrunt carnosæ mollesque ex substantia spongiosa production-

ductiones, quas *alas*, & ob transeuntis lotii viciniam *nymphas* nuncuparunt auctores, figura & colore cristas sub gutture galli pendentes referentes, quæ glandulis sebaceis contra urinae acrimoniam gaudent; in virginibus orientalibus maxime Ægyptiis morbo grandescunt, ferro resecandæ, licet dirigi ab iis urinae affluxus dicatur, ne ad latera incommode diuerгат, potissimum tamen earum intumescencia & distensione in libidinis ardore vuluæ ostium exactius constringitur, illecebræ venereæ & voluptatis augmento. Hæ ubi in superiore & anteriore parte committuntur, corpus quoddam apparet exiguum atque teres, quod primo eleganter descripsit *FALLOPIVS*, *clitoris* dicitur, ab aliis cum *LAVRENTIO* ob similitudinem *mentula muliebris* & *penis muliebris* vocitatur: crescit enim in quibusdam tam opportune, ut extra rimam pendeat mentulae instar, sectione aliquando amputandæ: hinc cum *MARTIALI* dicam: *mentiturque virum prodigiosa Venus*; Vnde utroque sexu gaudere dicuntur *feminae illæ fricatrices*, quæ vulgo *hermaphroditæ* nuncupantur. Constat clitoris duabus nervosis intusque nigricantibus ac spongiosis portionibus a tubere ossium ischii utrinque ortis, tanquam a duobus cruribus, quæ in progressu, tenui intercedente sepi-mento, coniunguntur corpusque clitoridis constituunt, quod anteriore in parte paruo & subrotundo capite terminatur; penis virilis glandi (si foramen excipias) perquam simile, hinc *glans* nominatum, quam ex coniunctione nympharum tegit cutis tenuissima, quasi *præputium*, quod & nomen seruat, reuolubilis. Musculi insuper ad cloridem pertinent & præsertim duo ab ossibus coxendicis orti supra crura eius delati, iisque inserti, ut eorum actione in congressu

Nymphæ,
figura, co-
lor.
glandula

Clitoris

Substantia

Musculi

Vasa san-
guifera

congressu dirigi, intendi atque relaxari optime possit, in cuius finem vasorum quoque omnis generis copia abundat: arterias enim & venas a pudendis recipit, vti & ab hæmorrhoidalibus, per quæ feruidus pariter ac copiosus sanguis, nec non copiosi spiritus animales feruente libidine afferuntur, hinc torpentem excitant facultatem, & grata oritur sensatio, propterea *delectationis sedem* statuunt, *æstrum veneris, amoris dulcedinem* nuncuparunt; sanguinem vero residuum venæ iterum pudendæ recipiunt reuehuntque, & tandem ad truncum cauæ, hinc ad cor reducunt. Nerven clitoris habet a sexta coniugatione, qui per eius dorsum excurrunt, admodum magni sunt, quum omnibus pudendorum partibus communicari debeant.

Nervi,

Vrinæ
meatus,

Sub clitoride versus interiora vaginæ conspicuus est *urinæ meatus*, vrethræ ac colli vesicæ extremitas, per quam vrina excernitur, maiori & bifida quasi caruncula defensa, qui meatus tamen, vt & vrethra ipsa, respectu virorum breuissima est.

Prostata.

In muliebri vrethra *prostatarum corpus* reperitur, prostatidis virilibus analogum, nisi quod in viris coaceruatæ sint in vnum corpus rotundum & protuberans, in feminis glandulæ prostates componentes sunt exterius per vrethram dispersæ, vnde videtur vrethra carne quadam glandulosa, veluti vagina, obduci.

Vasa excre-
toria,

Plura ab hoc glanduloso inuolucro vasa prodeunt excretoria in anteriorem vaginæ partem hiantia: alii porro in vrethra, in eiusdem præcipue exitu, exigui ductus aperiuntur, incertus, num ab exposita glandulosa substantia, an
a pecu-

a peculiaribus folliculis oriantur. Ex his succus quidam emanat immerito aliquibus feminalis dictus, vrethræ meatum & vicinas partes lubricans, feminis (vt *MALPIGHIUS* sensit) vehiculum & ligamen, qui impetu copiaque egressus veneris excitat voluptatem, de qua alibi plura dicemus, vel quod satius erit, perpetuo silentio omit-
tamus.

Sub vrinæ foramine alterum adest *orificium*, per quod in vaginam & vterum aditus aperitur: a pudendo enim ad vterum fere intestino similis canalis quidam exstat mollis ac laxior inter vesicam & rectum intestinum, ipsique firmiter nexus, *vagina* nuncupatur, quia virile membrum non se-
cus ac vagina recondit & excipit.

Interna eius substantia neruea est, & pluribus *rugis* ac *papillis* interrupta & inæqualis, veneris tamen usu sensim obliterantur adeo, vt tandem deleantur omnimode. Externa vaginæ facies membranosa & tendineo-carnosis fibris per longum extensis donata apparet; a sphinctere vero vesicæ plurimæ musculosæ fibræ propinquiore vaginæ parti adueniunt, per tres fere digitos extensæ, vt pro congressu haberetur constrictio, quæ notas voluptatis partes expleret, sine qua, sicuti genitalia muliebria tot sordibus inquinata ac veluti corporis sentina, in locum imum relegata, contractaret, arbitror, nemo, sic nulla profecto mulier ob maritalis iugi incommoda, grauiditatis, partus cruciatus & pericula congressum sustineret. Porro præter innumeras *papillas nerueas* in membrana vaginæ interiore a *MORGAGNIO* obseruatas,
S & cir-

Vaginæ fa-
cus,

connexio,

substantia
interna,

externa,

fibræ mu-
sculosæ,

papillæ
nerueæ,

vasa san-
guifera,

& circa os vteri internum a *RVSCHIO* visas sub sphinctere circa externum ex contortis, & multifarie diuisis arteriolarum venulisque plexum pene retiformem constituit, qui œstro venereo ex sanguine feruidiori distensus vaginæ ambitum, dum redderet strictiorem, grato penis amplexu semen facilius, ac tutius ad vterum dimitteretur, nam vaginæ veluti viæ vterus continuatur, ad cuius descriptionem nos accingimus. Sit igitur

Caput Secundum

De

Vtero.

Vteri situs

connexio,

magnitudo.

Situs igitur est vterus in humiliori abdominis regione, vbi ossis sacri, ilii, coxendicis pubisque concursu robusta veluti peluis firmatur; antè cum vesica urinaria, maxime vero eius collo, ossibusque pubis, duplicati peritonæi ope; postè cum recto intestino coniungitur. Vteri magnitudo ætate, venere, foetus gestatione variat, in femina, matura viro, pyri quodammodo compressi formam & magnitudinem æmulatur, nam longitudo tres circiter digitos latos, latitudo duos cum dimidio fere solet æquare. Pars suprema *fundus* ab anatomicis appellata propriè *matrix*, vel vterus ab aliis nuncupatur. Cavitatem intus exiguam obtinet & simplicem, in qua hominis opificium

cium admirabili ineffabilique pene ratione completur & ab-
soluitur.

Orificium
vteri,

Sensim angustior vterus in *cervicem*, seu *collum* termi-
natur, in quo vteri adest *orificium internum* dictum in vir-
ginibus, & nunquam puerperis, perexiguum; eiectioni mascu-
lini feminis auram suscipit, exactiusque inde clauditur &
lento viscosoque ac flauescente humore obsignatur, &
pro foetus exclusione sensim referatur, atque deducitur;
vteri autem substantia adeo miro ac ineffabili artificio con-
formata est, ut indefessus *MALPIGHIVS* post accura-
tum examen ambiguum adhuc pronuntiauerit; densam ta-
men & compactam, sed spongiosam dixit, &, ut eius-
dem admodum verbis utar, fibrasque carneas in fasci-
culos coaugmentatas, & reticulariter implicatas vteri
structuram ita exterius componere docuit, ut ipsius in-
terior etiam moles sit lacertorum congeries, & comple-
xus paulatim exigite explicandus, imo auulso corio, &
placenta musculosa occurrat. Præfata vero fibrarum
& lacertorum obliquitate ac artificio, ut ingeniose ani-
maduertit *FANTONVS*, id obtinuit natura (quemad-
modum in artefactis usitatum accepimus) ut in graviditate
vterus citra disruptionem extenderetur, fortiterque in ex-
clusionem foetus contraheretur. Porro vterus membrano-
so & ubique expanso inuolucro (quod a peritonæo deriua-
tur) *lati* instar *ligamenti* cum annexis vicinis partibus alli-
gatur, & in sua sede immobilis detinetur. Sunt etiam duo
longiora, & *rotunda ligamenta* ad instar nervorum, quæ a
fundo vteri prope insertionem tubarum largiori principio
orta sensimque contracta, inter peritonæi duplicaturam

Substantia.

Ligamenta
rotunda.

Situs tubæ
Fallopia-
næ.

Substantia.

ad inguina distractis fibris disperduntur, quarum quidem nonnullæ visæ sunt limbis ossium affigi, pleræque vero in pinguedine terminari. Vteri fundo adnectuntur *appendices duæ*, (vtrunque scilicet vna) *carneo-neruosæ, oblongæ, recurvæ, flexuosæ, intusque sinuosæ, atque rugosæ, sex, septemque digitos longæ, tubæ* a tubarum similitudine dictæ, & a *FALLOPIO* inuentore *Fallopianæ* vocitantur, ab officio vero apud plurimos recentiores *ovii ductus* nuncupantur, recto ductu & angusto admodum principio orti sensim latiores, & ampliores incurvantur & reflectuntur, fursum vero *ovaria*, quibus tenuiori quadam membranæ expansione alligantur, attingunt. Circa finem latæ rursus illico coarctatæ angusto quodam circulari limbo, seu strictiori annulo firmantur, in ambitu præterea carneæ sunt, & in plurimas finduntur *fimbrias*, quæ ordinarie collapsæ foramen pro magna parte occludunt, expansæ vero ornamentum foliaceum mirifice referunt. In intima tubarum cavitatem, ubi interna membrana laxior, in longitudinales fibras contracta videtur, substantia mollior, & spongiosa adest glandulisque referta, e quibus mucosus emanat humor, quo cavitatem solet obliniri & aliquando repleri.

Situs ovariorum.

Pro muliebrium genitalium complemento remanent *duo globosa, sed aliquantulum depressa corpora iuxta uteri latera ad distantiam fere duorum digitorum posita, vtrunque scilicet unum*, vulgo ob similitudinem recepto a veteribus nomine *testes* dicta, quæ a recentioribus ab officio *ovaria* nuncupantur; simplici, sed valida membrana cinguntur, utero per validum quoddam ligamentum a superioris

rioris æui anatomicis *vas deferens* appellatum (quod juxta antiquorum vota *MERIVS* & alii peruium obseruasse testantur) & ouaria insuper aliquatenus per tubas Fallopianas, latumque vteri ligamentum circa regionem ossis ilii committuntur peritonæo, mediantibus vasis spermaticis, membranisque vasa hæc inuoluentibus, atque ita quasi suspensi testes eandem fere, ac vteri fundus in non grauidis obtinent altitudinem; eorum substantiam neque omnino glandulosam, neque vasculosam, sed cum *LINDENIO* nerueo-carnosam potius diceres, estque eorum contextus ex multis præcipue membranis ac nerueis fibrillis laxè sibi inuicem iunctis, in cuius areis plurimæ reperiuntur *vesiculæ humore limpido plenæ, quæ igni expositæ concrescunt*, quæ, quoniam intra testiculos sitæ sunt, veluti oua in ouariis volucrum, & similiter passim nunc *oua* appellari consueuerunt.

Substantia.

Ouula.

Hæc autem oua non in omnibus animalium speciebus eodem modo & numero reperiuntur, sic numero forsân plura in iis animalibus, quæ maioribus in prædam cedunt, ut cuniculi, lepores, mures &c. quo facilius prolem multiplicarent, vt illorum cladem ad conseruationem generis multitudo ipsa superaret. Ab aorta descendente & a vena caua prædictæ partes vasa sanguifera sortiuntur, quæ non ex originis tantum, sed & officii paritate recepto a veteribus nomine *vasa spermatica* nuncupantur: nam sicuti ex eodem quoque principio cum spermaticis vasis in viro, ita eodem nomine dicebantur; arteriæ tamen per varios cincinnos contortæ inuicem communicantes, & pariter cum venis serpentino ductu multifarie flexæ, intraque ab-

Vasa sanguifera.

Nerui.

Vasa lym-
phatica.


domen permanentes partim ad ouaria, partim ad tubas, ac vterum ipsum distribuuntur; Ex hac vero multiplici vasorum contorsione euenire potest, vt in grauiditate facile explicantur vasa, & in iis remoretur adeo sanguis, vt menstruo tempore per quædam foramina a *FANTONO* obseruata excerni debeat. Accedunt nerui, qui tum a pari vago, tum a spinali ossis sacri medulla suppeditantur; neque defunt lymphæ ductus, qui numero plures vbique, atque extimam vteri superficiem perreptant, sensim coeunt & riuulorum instar recessu augefcunt, donec recta pergant in lymphatica vasa, & porro in chyli receptaculum.

Vt.

Vfus denique & officium vteri est, semen virile per vaginam admittere, ouulum in ouario iam foecundatum per tubas Fallopianas recipere, foetum per nouem menses retinere, asseruare, nutrire, & tandem tempore congruo foetum perfectum per constrictionem partis superioris, & dilationem inferioris per vaginam expellere.

DE-





DEMONSTRATIO DVODECIMA DE FOETV.

Caput Primum

De

Ouuli foecundatione.

INtelleximus, vsum vteri primarium esse, ouulum foecundatum per tubas Fallopianas ibi delatum recipere, per nouem menses retinere & asseruare; maxima modo insurgit quaestio, vbi & quomodo ouulum hoc foecundetur? Magnam profecto prouinciam aggredimur, quum ea nos paucis verbis absolvere nitimur, vbi alii autores volumina integra summa mentis perspicuitate impleuerint. Notae, imo notissimae sunt hac de re auctorum controuersiae & sententiarum discordiae, hinc clare elucescit, quod rerum omnium arbiter Deus modum generationis & ouuli foecundationem sibi ipsi tanquam pro arcano asseruare voluerit: nihilominus tamen, vt magis omnipotentia Dei ineffabilis manifestetur, & vt ego muneri meo, cui modo praesum, satisfaciam, & ea, quae humanum, vt ita dicam, intellectum superant, attingere conabor, non quidem, vt infallibiliter de istis dicam, sed saltem vt coniecturaliter, & ad captum aliquid proferam: his igitur praemissis, si fecit, quae potuit, legem adimpleuit.

Dico igitur primo, conceptionem fieri in testiculis Conceptio
quomodo
fiat?
mulierum, seu ouariis, & non in vtero, id est in ipsa
caui-

cauitate vteri: ibi enim nulla datur materia ad conceptionem apta; secundo, causam efficientem esse solum semen virile, eiusque partem tenuissimam, quam auram feminalem nuncupamus; tertio, feminam se habere mere passivæ & nullum semen, vti veteres voluerunt, contribuere; colliquamentum tamen superius iam declaratum non negamus, illud vero ad conceptionem nil efficere: his iam præsuppositis & concessis, existimarem, modum, quo fit conceptio, seu ovuli foecundationem, esse sequentem. E femine igitur masculino siue in vterum, siue in solam vaginam immisso pars eiusdem subtilis, seu aura seminalis, rapitur sursum partim motu a mare iniiciente, partim motu peristaltico, seu blanda vteri & vaginæ constrictione; quum peruenit ad vteri fundum, tunc raptim siue per unam, siue per alteram partem, ovaria ascendit, qua autem via ibi perueniat, nondum satis clarum: alii enim, quum nullam aliam viam adhuc detectam habeant, per tubas Fallopias ascensum fieri existimant; alii vero ductus particulares ab vteri fundo ad ovaria tendentes (quos *ductus auræ seminalis* appellant) adstruunt; alii demum cum *FANTONO* autumant, auram feminalem ad ovaria peruenire per foraminula in fundo vteri existentia, per quæ menses fluere opinantur, hoc innixi principio & fundamento, quod statim post mensium fluxum facilius conceptio sequatur. Cui ex istis opinionibus inhærendum, nihil certi statuere possumus; si vero ductus isti particulares inuenirentur, tunc certe nullus amplius disputandi locus esset. Me vero quod attinet, licet plura cadauera mulierum, hos ductus inueniendi gratia, disseccuerim, nunquam tamen eos conspiciere licuit, hoc tamen certum est,

veri-

verisimilius esse, auram feminalem per tubas Fallopianas ad ouaria peruenire; dum autem tubam intrat, eius membranam internam blande titillat, hac titillatione fibræ ipsius tubæ ope spirituum per quandam tensionem versus testiculum incuruantur, expansisque in muliere fibrillis illa ita testiculo applicatur, ut foramen in eius medio correspondeat alicui ouulo, quandoque in utroque latere, quandoque etiam pluribus, prouti ouula ad conceptionem disposita inueniuntur; hinc aura feminalis transit per foramen in parte anteriore membranæ testiculum inuestientis, & ulterius per propriam ouuli membranam usque in ipsam substantiam interiorem, ibique cum liquore illo albugineo commiscetur, eumque liquorem exagitat sua aëtiuitate & expandit, ac si spiritum ibi sopitum resuscitaret, & in tali miscela tota formalisque conceptio, seu ouuli fœcundatio consistit.

Motus vero superius descriptus non remanet tantum in parte ouuli anteriori, sed & posteriori, imo & ipsi sanguini communicatur, qui sanguis, dum non omnis, tum ob motum suo modo adauctum ob spirituum concursum, tum ob angustiam vasculorum, ipsam membranam ingredi non potest, copiosius capsulæ adhæret, & papillam quandam substantiæ durioris glandulæ instar efficit, qua mediante ouulum ex parte posteriore versus anteriorem premittitur, qua pressione foramen ibi sensim magis magisque dilatatur, ita, ut ouulo exitus pateat. Ouulum itaque tali modo agitatum & a parte posteriore pressum e sua sede exilit, & a tuba, quæ per modum branchæ vrsinæ expanditur, miro modo amplectitur, motuque suo peri-

T

stalti-

staltico, vti & motu ipsius ouuli intestino ad ipsam vteri
cavitatem transportatur, ibique prima embryonis stamina
iam prius in ouulo ruditer contenta expandit perfluitque;
motus inde ulterius internæ vteri membranæ communica-
tur, insuper & vasculis sanguiferis, quæ nutrimentum
pro nutritione foetus apportare debent, & hæc vascu-
la *VERHEYENIVS* arterias esse putat, hinc sanguis
maiori motu affluere incipit; quum vero nil nisi pars sub-
tilior huius materiæ, seu sanguinis ipsam densam oui
membranam penetrare possit, remanet substantia crassior
in ipsa vteri substantia, indeque sumit ille incremen-
tum, & insuper eiusdem impeditur extenuatio, nec non
mediante hoc humido remanet motus, & foetus non are-
scit. Ita *VERHEYENIVS Lib. secundo tract. 5. cap. 5.*
Et hæc de ouuli foecundatione satis; si quis autem plura
de hac materia desiderat, perlustrare poterit *RVYSCHIL-
VM, VERHEYENIVM, de GRAAF* & alios.

Caput Secundum

De

Membranis foetum inuoluentibus, pla-
centa vteri & funiculo vmbilicali.

Perspecto pro possibilitate foecundationis modo rema-
net iam, vt inuolucra foetus eorumque originem de-
scribamus, hæcque vltima erit huius libri primi anatomi-
ca adumbratio.

Dua-

Duabus igitur membranis foetus inuoluitur, harum prima *chorion*, altera vero *amnios* nuncupatur: his alii tertiam adiungunt *allantoidem* dictam, quæ ab *HEISTERO* quoque *farciminalis* audit; hæc vero licet in bifulcis & quadrupedibus inueniatur, in foetu tamen humano absolute reiiicitur: quamobrem hanc neque ulterius describemus. Est autem chorion, nempe exterior membrana, crassa, spongiosa & subalbida, multis sanguineis vasis referta, arteriis nempe & venis, licet vero vnica videatur, iuxta *HEISTERI* mentem tamen in plures lamellas diuisibilis, vt ipse dicit: *atque in plures lamellas diuidua*. Secunda interior, quæ amnios dicitur, membrana tenuis est & transparens, priori contigua, in hac vero vel nulla, vel pauca vasa conspiciuntur, hinc aliquibus dicitur exsanguis, in hac vero humor quidam gelatinosus vna cum foetu natante, vt ita dicam, reperitur. Juxta anatomicorum quorundam experientias habemus, quod humor iste, tam quoad saporem, quam quoad odorem plus habeat alimentitii, quam excrementitii, & quum proxime foetui membrana amnios adiaceat, facile fit, vt hæc membrana parti cuidam, mediante hoc humore gelatinoso, agglutinetur, & vna cum infante vel pars, vel tota membrana simul & semel in lucem edatur, partus vero tales inter partus difficiles numerantur. Si igitur caput hac membrana cinctum conspiciatur, tunc in masculo *galea*, in femina *crista* nuncupatur; si manus, tunc *chirotheca* audit, si vero totum corpus ambiat, tunc *indusii* nomine gaudet, hinc feminæ dicunt: *Das Kind ist bekleidet auf die Welt kommen*: & nescio quas de tali foetu prædicunt fortunas.

Membrana foetum inuoluentes.

Chorion quid?

Amnios quid?

Origo ha-
rum mem-
brarum.

Volunt insuper nonnulli, has inter membranas liquorem quoque esse, qui tamen a recentioribus plerisque negatur, & reuera ad nullum vsum destinatum hunc scirem humorem. Interim vero magna inter auctores assurgit discrepantia de harum membranarum principio, imo aliqui huius descriptionem ad euitandas forsan controuersias alto prætereunt silentio. Nos vero indubitate dicimus, has membranas non alias esse, quam ipsissimas ouuli membranas, mirum in modum expansibiles, & licet vna tantum videatur, nihilominus tamen duplex reperitur, vti de *GRAAF* obseruasse fatetur, qui ita loquitur in libro de organis mulierum: *notatu dignum est, in perangusto limpidi istius oui medio aliud quasi ouum etiamnum innatare; ex quo constat, ova ad uterum e testibus prolabentia duabus membranis inuestiri: quarum exteriorem chorion, interioram amnion esse appellandum non ambigimus.*

Placenta
quid?

Substantia

Placenta
cur dica-
tur?

A membranis foetum inuoluentibus ad placentam transeamus. Est autem placenta *substantia quadam, seu massa carnea quasi*, vt cum *VERHEYENIO* loquar, *rubra & mollis, instar scutellæ planioris, leuiter excauata, innumeris vasculis & arteriis referta* (hinc substantiam eius vasculosam cum *RVYSCHIO*, *HEISTERO*, & *VERHEYENIO* contra *MALPIGHII* asseclas dicimus, qui eam glandulosam appellant), *parte conuexa utero coniuncta, alias vero superficiei externæ chorii adheret.* Dicitur placenta ob similitudinem, quam refert cibi cuiusdam, qui placenta, germanice *ein Kuchen* nuncupatur, ab aliquibus etiam vocatur *hepar uterinum*: nam veteres existimabant, placentam ad sanguinis confectionem, vti verum
hepar

hepar in adultis, destinatum esse, licet vtrumque sit erro-
neum. Huius figura fere circularis est, attamen in eius cir-
cumferentia inæqualitas obseruatur, superficies vero con-
uexa fossulis quibusdam & eminentiis donata, vt faci-
lius vtero accommodari possit. Magnitudo variat, tam
quoad magnitudinem vteri, quam foetus, hinc certum
quid nihil determinari potest. Vbi placenta situm habeat,
nondum determinatum, licet *FALLOPIVS* ei proprium
assignet locum, quum enim dicit: *placentam adherere al-*
teri tantum ipsius parti, in quam desinit foramen a meatu se-
minario veniens, notauit præterea, hoc foramen esse quasi
centrum totius spatii, quod a placenta obseruatur; & re-
uera, si certus locus esset assignandus, tunc plane huic pos-
semus adhærere opinioni, vti etiam *de GRAAF* sentit,
vbi inquit: *si tamen adhæisionis locus nobis determinandus fo-*
ret, modo relatis Fallopii verbis subscriberemus. De nume-
ro non est dubitandum, vnica enim in muliere habetur;
notandum vero, quod, si multiplicetur foetus, multiplice-
tur & ipsa placenta, pro singulo enim foetu requiritur
placenta. Duplicem vsum videtur habere placenta;
horum primus est, materiam, quæ pro foetus nutri-
tione destinata est, ab vtero materno recipere, seu ab-
sorbere, vti intestina chylum, eamque deinde foetui per
venam vmbilicalem communicare; secundo denique forsan
(vti *MERIVS* obseruatione quadam probat) sanguinem
etiam & vrinam a foetu ad matrem transmittere, per quas
autem vias id eueniat, nondum est dilucidatum.

Eius
figura,

magnitu-
do,

situs,

numerus,

usus.


Modo nil superest, nisi vt *vasa vmbilicalia* explicemus;
sunt autem hæc quatuor, *arteriæ duæ, vena vna & vra-*

Vasa vmbi-
calia.
Arteriæ
vnde?

Origo ve-
nae.

Vrachus
quid?

thus. Arteriae ortum ducunt ut plurimum utrinque ab iliacis foetus, quandoque etiam ab ipso arteriae aortae trunco, haec ex utraque parte vesicae ad umbilicum per duplicaturam peritonaei ascendunt, hinc per funiculum umbilicalem miris contorsionibus placentae communicantur, ubi denique in plures ramulos & surculos dirimatae terminant, sanguinemque a foetu ad placentam, & forsan etiam rursus ad ipsam matrem transferunt: quare *HEISTERVS* optime monet, cur natura non unam, uti venam, sed duas posuerit arterias, rationem quoque addendo: ne forte haemorrhagia letalis oriatur, si funiculus casu disrumperetur. Venae, quae unica est, sed arteriis duplo maior, ex qua parte oriatur, auctores nondum inter se conveniunt: volunt enim aliqui huius ortum in ipsa placenta, ex infinitis ramulis in unum corpus coalitis, alii vero eam ex hepate egredi contendunt, imo dicunt, quod sit venae portae solum; ad me vero quod attinet, iudicarem potius, quod proficiscatur, vel principium habeat ab ipsa placenta: quum enim deinde per funiculum inter arterias variis contorsionibus, inde per umbilicum ad hepar ipsius foetus tendat, & in ipsa vena portae finem acquirat, per hanc venam sanguis cum succo nutritio in placenta receptus in sinum venae portae infunditur, hinc per singularem *canalem venosum* cylindricum dictum venae umbilicali quasi oppositum ex hoc sinu portae maxima eius parte ad venam cavam, & a caua ad cor transit. Vrachus, qui quartum vas est, in brutis *canalis* est *pyramidalis a fundo vesicae ad umbilicum extensus*, quem pertransit, & in tunicam allantoidem terminatur, ad quam urinam e vesica deducit; utrum autem in foetu humano peruius sit, dubitatur multum: quum enim
nulli



nulli vsui præsit, nisi ad fundum vesicæ suspendendum, hinc ^{Funiculus umbilicalis} passim *ligamentum suspensorium vesicæ* nuncupatur. Vasa itaque ista ita inuicem mediante quadam membrana coniunguntur, vt formam cuiusdam funiculi repræsentent, quia vero in umbilico terminatur, dicitur *funiculus umbilicalis*. ^{Vsus} Vsus huius funiculi sufficienter manifestatur, si quis vsum vasorum modo descriptorum bene perspexerit; hinc necesse non est, vt de eo plus dicamus.

Hæc igitur sunt, quæ in tam breui temporis interuallo de formatione foetus humani pro mea tenuitate scribere potui; superessent equidem quæstiones adhuc circa foetus nutritionem discutiendæ, sed istas hic & nunc silentio prætermittimus, quum de hac materia tum in institutionibus medicis, tum etiam in libris, qui de mulierum & infantum tractant morbis, abunde ista declarentur, ad quos peruoluendos & perlustrandos te, Lector Beneuole! transmittito.

Nil modo superesse videtur, quod huic primo libro inferi possit: omnia enim, licet succincte, clare tamen & genuine (quantum credidi) omni animi attentione dilucidauimus, scripsi & enarraui; neque credas, omnia, quæ hac in regione, seu cauitate continentur, describi posse ita, vt nihil amplius supersit declarandum & describendum, non enim omnia rerum omnium arbiter voluit, vt nota sint: iuxta illud: Iudicia DEI abyssus multa. Fruere proin hoc libro ad commodum & vtilitatem publicam, si vero errores (qui plures erunt) hoc in libro inueneris, humanæ fragilitati adscribas, vnice desidero; si autem hoc mediante bonum

bonum publico præstare poteris, non mihi, sed illi, cui
cœlestia, terrestria & inferna, imo omnia naturalia sub-
sunt, adscribe, qui, quum omnium rerum naturalium
Creator & principium, sit & eius libri, qui de
cauitate naturali hominis agit,

FINIS.



DE-

DEMONSTRATIONVM ANATOMICARVM LIBER SECVNDVS.

DE CAVITATE MEDIA, SEV DE PECTORE.

DEMONSTRATIO PRIMA.

Caput primum.

De

Partibus thoracem constituentibus in genere.

Absoluta infimi ventris descriptione, tum sectionis ordo, tum anatomicorum consuetudo postulat, vt ad *mediam* corporis humani *cauitatem*, *pectus* scilicet, seu *thoracem*, ascendamus: hæcque pars media, *regio vitalis* (eo quod in ea partes vitales recondantur) nuncupatur. Est autem thorax, *ea corporis pars inter collum & abdomen, seu inter collum & diaphragma sita, costis & vertebris circumscripta.*

Thorax
quid?

Plures quoque *partes* ad thoracem constituendum natura suppeditat, has inter dicuntur *aliæ continentes*, *aliæ contentæ*: continentés rursus in *communes* & *proprias* diuidun-

Partes
thoracem
constitu-
entes ex-

V

tur ; ternæ,

conti-
nentes
commu-
nes &

propriæ.

tur; per continentes communes intelligimus eas, quæ communiter corpus inuestiunt, de quibus in libro I. dictum fuit, uti sunt *cuticula, cutis, membrana adiposa & pinguendo*, & hæc in hac parte sat copiosa.

Inter partes continentes proprias magis consideramus *mammæ, musculos, ossa*, his interius membrana quædam (quam *Pleuram* dicimus) firmiter adhæret, omnesque thoracis partes, ut prima membrana, circumdat; *ossa* in *costas, sternum & vertebrae* distribuuntur, *diaphragma* denique pectoris partes continentes complet proprias.

Partes
contentæ.

Dissectis partibus externis & sterno eleuato apparet *cavitas*, quæ *mediastini* ope in dextram & sinistram partitur, in qua cauitate partes contentæ repræsentantur, & hæc sunt: *mediastinum, pulmones, cor & pericardium, cum vasis sanguiferis magnis, ductus thoracicus, & denique œsophagi, seu gula pars maxima.*

Vfus ge-
nericus.

Vfus thoracis genericus est, primo respirationi & sanguinis circulo primario inferuire, secundo in feminis tantum lactis præparationi præesse. Ut autem partes hucusque enarratæ magis innotescant, eas seorsim per capita dilucidemus. Sit igitur

Caput secundum

De

Mammis.

Situs
mamma-
rum.

INter partes continentes primo numeratæ *mamma*, quæ in anteriore pectoris parte situm habent, incumbuntque musculis pectoralibus dictis, cuius situs finem interpretatur *PLVTARCHVS*, ubi de amore prolis habet:

ut

ut possit mater simul filium alere, & amplecti, & osculari. VERHEYENIVS & alii de calore solliciti, eum situm mammas obtinuisse, dicebant, tum quod copiosissimus eo per thoracica vasa influat sanguis, tum quod regio ista maxime æstuans & calidissima ad lactis generationem plurimum confert. Mammas pariter cordi vsum præstare, dum ipsum ab extrinsecis occurrentibus iniuriis tueantur, & vicissim cor mammis parem referre gratiam dicebant, dum earum actionem, lactis quippe generationem, suo calore promoueat.

Mammarum *magnitudo & figura* tam nota est, ut designari non debeat, tam varia, ut determinari vix possit; in virginibus, dum menses prorumpunt, intumescere & grandescere solent, tum ob vteri societatem, tum denique mira prouidentia, ut paulatim asuescat natura, sanguinem eo transferre pro opportuna lactis generatione, aut emissionem.

Bina sunt maiori ornamento, & ut, altera quouis casu impedita, altera officium faciat. *Substantiam* mammarum, si in lactantibus spectemus & iam in pubertate constitutis, complet *substantia glandulosa in corpus unicum magnumque compacta*, cuius ferme centrum papillæ respondent, pluribus quoque scatet sebaceis glandulis, variis tubulis ductibusque inuicem coherentibus; copiosa quoque circumambit pinguedo, quæ tamen, docente MARGAGNIO, infra & supra glandulas maiorem habet positionem; hæc autem glandularum compages membrana satis valida, fibrisque motricibus donata circumuoluitur, cuius ope subiacenti musculo pectorali connectitur.

Lac itaque ex sanguine per glandulosa corpora secretum excipiunt *tubuli lactiferi*, qui minutissimis furculis & glanduloso corpore orti, pluribus in locis coeunt, uniunturque sic, ut sex, septem, octo, vel nouem tandem constituent ex-

magnitudo,

numerus,

substantia,

glandulæ,

tubuli lactiferi,

vasa ex-
cretoria.

Papilla
quid?
Nervi pa-
pillæ.

Areola &
eius di-
uersitas.

Mamma-
rum arte-
riæ,

venæ, ner-
ui.


Lactis ge-
neratio.

cretoria vasa mammarum in papillam excurrentia: prope papillam satis ampla sunt, sed ante illius ingressum angustantur, & finem assequuti adeo restricte obseruantur deficere, vt setam vix admittant, ne lac iis exceptum perpetuo efflueret, sed ob tubulorum angustiam detineri possit, donec ab infante exsugeretur: cuius ob causam prouidens rerum Conditor præfatos tubulos e medio mammarum foras eduxit atque protraxit, & in fungosa quædam, rara & fibrosa corpuscula efformauit, quæ *papillæ* dicuntur. Hæ obuelantur tenui tunica, sed variis tubulorum extremis perforatæ, exteriusque prominulæ, vt infantis osculo facilius excipi queant. Est autem papilla *corpus illud quod in medio mammarum prominet leuigatum, acuto sensu preditum, colore rubicundo donatum in virginibus, pallido vero in defloratis.* Fertur ad papillam magna neruorum copia, a quibus illud prouenit oblectamentum, quo gaudent lactantes mulieres, vt facilius ad proprios partus alendos adducerentur. *Circulus papillæ circumiectus & tuberculis minoribus preditus teneritudine & colore a reliqua cute distinctus areola* nuncupatur, quæ in virginibus pallida, in prægnantibus & lactantibus fusca, in vetulis vero nigra obseruatur.

Sanguinem copioso chylo commixtum per geminam arteriam recipiunt mammæ, quarum externa *ab axillari arteria* deducta, per exteriora distribuitur, altera *a ramo arteriæ aortæ subclauio* descendens per interiora mammæ dispergitur. Sanguinem per geminas pariter venas *subclauio caua ramo* atque *axillari* restitunt. Nervos mutuuntur a spinæ medulla per dorsales vertebrae descendentes numerosos. Ex chylo sanguini affuso per arterias allato lac generatur, tubulisque exceptum lactiferis per eos mediante papilla ab infante exsugitur; hanc autem lactis suctionem pressio admodum iuuat, atque humectatio, qua ope infantis

ad pag. 156.

Fig. 2.



Tab. I. partis. 2.

Fig. 1.



Franc. Jos. Textor. Oeniponti. Tyrol. delin.

tis salua irrorantur, adeoque relaxatis fibris & oblinitis poris lactiferorum tubulorum ostia referantur, idque ipsum solertissime comparatum est, vt candens ac pinguis ille humor teneritudinem noui corporis irrigaret, donec ad capiendos fortiores cibos & dentibus instruatur, & viribus roboretur.

Ex hucusque relatis luculenter apparet, triplicem esse *Vfus* *mamma-* *rum,* *usum:* horum primus consistit in secretionem lactis, prout superius descriptum fuit; secundus, vt lac colligant & referuent, & tertius denique, vt lac infanti pro nutrimento statim suo tempore per papillam præbeant. His modo enumeratis vsibus ac officiis, alii adhuc adduntur, nempe primo, vt feminis venustatem concilient; secundo (quod melius esset non referre) vt stimulum veneris in utroque sexu excitent.

Caput Tertium

An vir lac generare possit?

IN sexu perfectiore quoque obseruantur mammae, vna cum papillis, neruis ac glandulis, hinc nulla datur differentia circa hanc partem in sexu masculino & feminino. Quum superius dictum fuerit, quod mammarum officium consistat in secretionem lactis, hinc merito quæri posset, an non etiam in mammis virorum talis secretio, hinc & prolis nutritio fieri & subsequi possit? Me vero quod attinet, difficilis sane videtur mihi hæc disquisitio. Verum equidem est, quod & viri habeant mammas & quidem (licet non omnes) sat magnas, conspicuas, & etiam feminarum instar; emittunt insu-

*De gene-
ratione la-
ctis in
viro.*

per per suctionem, vel expressionem, humorem quendam serosum, minime vero ad nutritionem aptum; an vero tractu temporis per suctionem continuatam etiam humor iste serosus in lac generari posset, merito est, ut dubitem. Dantur equidem mammae, non nego; datur materia sufficiens ad lactis generationem, substantia nempe chyloso-sanguinea, concedo; dantur etiam organa ad lactis generationem apta in viris, uti & in feminis, hoc affirmare non possum: *Organa enim ad lactis generationem disposita non tantummodo sunt mammae, sed & venae, & arteriae, & nervi, quae ab utero ad mammas tendunt, & vice versa; quod autem cum utero consensum habeant, hoc mihi nequaquam negandum videtur: Quum enim & ipsae veneris excitent stimulum, imo etiam corpora mulierum rariora sint, quam virorum, uti habet HIPPOCRATES libro de glandulis vers. 11. Vbi & faciunt quidem, inquit, lac mulieres, viri vero non faciunt: mulieribus enim rara est glandularum natura, quemadmodum etiam reliquum corpus rarum habent, & alimentum, quod in se trahunt, in lac permutant. Ulterius progreditur dicendo eodem loco & versu: & ab utero accedit ad mammas, quod post partum puero cessurum est in alimentum, quod ipsum sane exprimit, ac sursum mittit omentum ad supernas partes ab ipso foetu coarctatum. Nunc vero adducit rationem eodem loco, quod scilicet viri lac non generent: verum maribus locorum angustia & corporis insuper densitas conducit ad hoc, ut glandulae non sint magnae: mas enim plenus est, & velut pallium densus tum ad visum, tum ad tactum: femina vero rara, & laxa, & velut fluida tum ad visum, tum ad tactum.* Historiae itaque, quae traduntur, quod viri etiam effundant materiam lactis instar, uti habemus de Rege quodam Lusitaniae, quod ipse (Regina defuncta) in eremo duos gemellos suos principes lactauerit, uti supra dixi, materiam talem a viris excerni posse, quidem monstrant, quod vero ista materia sit ad nutritionem sufficiens, & lac genuinum, hoc affir-

affirmare nullo modo possum, insuper etiam historias tales inter rariores recensendas esse existimamus. Quod ergo in libri primi demonstratione secunda, capite secundo, de pilis diximus, idem & sentiendum esse iudicamus de lacte. Huius etiam improbabilitatem *LENTILIUS* sufficienter demonstrat Parte secunda, capite 23. cum plurium auctorum citatione, ad quem perlustrandum curiosum remitto Lectorem.

Diximus superius, quod *vasa uterina*, quæ mammis correspondent, ad lactis quoque generationem concurrant, hoc plane affirmare non auderem, nisi & fundamentis innixus essem: videmus enim, quod neque feminae ante pubertatem constitutæ menstruent, neque mammæ appareant, illis vero menstruantibus mammæ quoque rigent, imo taliter intumescunt, ut tristes & summa persentiatursensatio; dum vero menses cessant, cessat & mammarum inflatio & illa tristis sensatio. Lac vero non in omni subiecto feminino generatur, nisi vtero prægnante, & circa ultimos parturitionis menses, hinc fit, ut foetus, dum in vtero maior fit, premat partes superiora versus, *vasa* vero, quæ destinata sunt, ut sanguinem ad partes inferiores ducant, comprimantur, hinc *motus sanguinis progressivus* simul & *regressivus* suo modo retardatur, hinc maior fit ad mammas *turgescencia*, consequenter & *lactis generatio*.

Excluso foetu lactationis tempore menses supprimuntur, si vero fluunt, tunc lac in quantitate deficit, & in qualitate pervertitur, hinc fit, ut infantuli eodem tempore de dolore quodam planctu conquerantur.

Ulterius quod vterus habeat correspondentiam cum mammis, probamus ex ipso *HIPPOCRATE*, qui de morbis popularibus, sect. sexta hæc habet: *trimestris puer omnia præ se fert, & lac tunc habet: si multum fluat lac*, subsequitur dicendo, *neesse est, foetum debilem esse*. Quod si lac in gravidis appareat ante tempus consuetum, & illud fluere non desinat,
tunc

tunc subsequitur *abortus*, hoc autem fieri non posset, si mammæ non haberent cum vtero consensum. Signum præterea abortus in mammis *HIPPOCRATES* vltcrius declarat *Sect. 5. Aphoris. 37. Mulieri vterum gestanti, si mamma repente graciles fiant, abortit.*

Vt autem ista magis adhuc intelligantur, præsciendum quoque est, quod ad lac conficiendum non tantum requiratur *substantia chyloso-sanguinea*, sed quod præter *spiritus animales matris, spiritus etiam genitales patris*, in conceptione vtero, & ab hoc mammis communicentur; spiritus autem iste nullam prorsus efficaciam habet, nisi in principio coniuncto, quod in mare seorsim sumpto non est, adest equidem *causa materialis & instrumentalis*, ex defectu vero *causæ efficientis* non potest generari lac.

Obiicere hic aliquis potest, quod & feminae, ut ut non grauidæ, virgines adhuc & optimæ notæ lac generent; huic obiectioni, certe alia subsequitur interrogatio, num istis mulieribus menses fluant? hinc cum *HIPPOCRATE* dicerem, *Sect. 5. aphor. 39. si mulier, quæ neque pragnans est, neque peperit, lac habet, menses ipsius defecerunt.* Per lac non videtur, quod *HIPPOCRATES* intellexerit lac genuinum, prout pro nutritione infantis requiritur, sed sumpsit hic lac simpliciter pro humore a massa sanguinea secreto, in glandulis mammariis contento, & quod nihil aliud est, quam *serum ichorosum* a sanguine arterioso ibidem congesto tardius circulante, & hinc, antequam a venis reassorbetur, copiosius secretum tandem in papillas exstillat.

Ex his modo allatis sufficienter constat, quod ad generationem lactis genuini & ipse *uterus* concurrere debeat, quoad *materiam saltem dispositiuam*; pars autem ista deficit in viro, ergo & lactis genuini generatio esse non potest. Si autem priuilegium hoc natura *DEVS* & ipsis viris concessisset, tunc

Vir lac gerare non potest.

tunc plane huius quoque effem sententiæ cuiusdam auctoris, cuius nomen *LENTILIUS* venerationis causa omittit loco supra citato; quod filii magnorum principum a iuuenibus viris castis lactandi essent.

Caput Quartum

De

Partibus thoracis continentibus.

REmotis mammis, sequuntur *musculi*, quorum plures, Musculi
licet supra pectus, mammis ablatis, conspiciantur, contigu-
is partibus & non pectori inseruiunt. Thoraci quidem incumbunt, eum tamen non mouent, *musculus pectoralis*, *serratus anticus superior*, seu *minor*, & per *MVNICHIVM* etiam *subclavius*, quibus exercitatissimus *MORGAGNIUS* *serratum posticum* adiungit. Propriis autem pectoris muneribus *dilatationi* scilicet & *constrictioni* in respiratione inseruire videntur, *subclavii*, *serrati postici superiores* & *inferiores*, *sacro-lumbi*, *intercostales*, *costarum levatores*, *triangulares*, & *diaphragma*.

Hos inter musculos alii sunt *libera*, alii *coactæ*, & *violente respirationis organa*, supra quæ varia sunt auctorum dissidia, quæ ego in pleniori & generali musculorum descriptione fusius exposui. Interim liberæ respirationis organa prosequamur: inter hæc, nescio, an merito, reponuntur Musculi intercostales, eorum situs & obli. numerus,
musculi intercostales, sic a situ & munere nuncupati, horum
vtrinque *viginti duo sunt*, hinc ex vtraque parte *quadraginta*
quatuor: vndecim ex vna parte externi, & totidem interni

obliquis fibrarum ductibus se inuicem distinguentes. De horum musculorum numero & officio nobilis vagatur contro- uersia, dum plures aëri inspirando, alii expirando, alii vtrique muneri dados volunt; Nos vero vltimæ huic opinioni iusto adhærere possumus. *FANTONVS* porro non duplicem intra costas muscolum, sed vnicum reponit, nam suspicari magis, quam intelligere possumus, quum res obscura sit in- ter tot opinionum diuortia. Si vero rem alte considerare velimus, non nisi duplicem possumus musculorum interco- stalium ordinem numerare, quum per diuersum fibrarum tractum externus perbelle ab interno, & internus ab exter- no distinguatur, licet tam parui sint, & tam miro modo in- uicem complicati, vt cultro ab inuicem sine laceratione vix separari possint.

Costarum
numerus.
Sternum.

Separatis itaque musculis *costæ viginti quatuor* ex vna scilicet parte duodecim (quas *sternum* in medio complet) in conspectum veniunt, quæ pectus clausum, seu thoracem constituunt. In sterni laterali vtraque extremitate *internodia cartilaginea* obseruantur, quæ costas a sterno seiungunt: his ergo cartilaginibus ex vtraque parte dissectis, & sterno ele- uato & ad caput inclinato, tota thoracis cauitas repræ- sentatur, & primo occurrit *mediastinum*, primum inter tho- racis partes contentas, quod modo describemus.

Caput

Caput Quintum

De

Mediaſtino.

Eſt itaque *mediaſtinum membrana, duplici lamella donata,* Mediaſti-
num quid?
ſterno immediate ſubiacens, thoracem in duas partes ſe-
cundum longitudinem diuidens, quæ tamen diuiſio ita
accurate a natura facta reprehenditur, vt nihil ex vna parte
in aliam prouenire poſſit, hinc etiam dicitur mediaſtinum,
quaſi vnā ab alia parte ſcindens, ſeu diuidens.

Connectitur hæc membrana *pleuræ* imprimis, licet iuxta Eius con-
nexio.
aliquos mediaſtinum nihil aliud ſit, quam *pleuræ* continua-
tio; deinde ſterno immediate & fortiter adhæret, ita, vt
cultro ſeparari a ſterno debeat; vltiorem connexionem ha-
bet cum pericardio, imo apparet, ac ſi pericardium a me-
diaſtino productum eſſet: totam enim illius circumferentiam
ambit & complectitur; tandem etiam aliis ſubſtratis pectoris
adhæret partibus.

In huius medio obſeruatur *interſtitium aliquod cellulolum,* Interſti-
tium cel-
luloſum,
ſat notabile, in quo quandoque eueniunt inflammationes &
abſceſſus, qui a medicis raro cognoscuntur, imo ſæpius vna,
alteraue pulmonum pars affecta creditur, vbi tamen vitium
in hoc interſtitio celluloso hæret. Ad vitium hoc digno-
ſcendum pars affecta inquirenda erit, ſi itaque patientes
conquerantur de dolore quodam ardente grauatiuo cum Mediaſtini
inflamma-
ti ſympto-
mata,
difficultate respirandi, tuſſi ſicca, & quidem frequenti, lo-
cus autem affectus ſit ſternum circa ipſius medium, nullo mo-
do nec vna, nec altera pulmonum pars, ſed mediaſtinum

ipsum laborare & male affectum esse iudicandum; Symptomata vero, quæ hunc affectum concomitantur, a mediastino præternaturaliter distenso vel inflammato, per inflammationem vero tumefacto & pulmones premente evenire existimamus. Hoc autem interstitium a plerisque anatomicis in huius partis descriptione omittitur.

Vasa sanguifera.

nervi.

Causa sensationis singultus in pectore.

Vasa lymphatica.

Vsus.

Mediastinum, æque ac aliæ partes vasa possidet tum *sanguifera*, tum *lymphatica*, uti & *nervos*. *Arterias* igitur & *venas* recipit a *mammariis* & *diaphragmaticis superioribus*, uti & a *trunco arterie aortæ* & *vena cava*, quæ *vasa* proprie *mediastina* dicuntur. *Nervos* habet a *diaphragmaticis* & *stomachicis*, uti & a *pari vago*, qui, dum descendunt, ramulos, seu furculos mediastino relinquunt: quam ob rem summum habet consensum *diaphragma* & *stomachus* cum *mediastino*, hinc in forti singultu, & frequenti oscitatione (ut ut causa in ventriculo lateat) diaphragma tamen & mediastinum per consensum compatiuntur, & præternaturalem in se suscipiunt motum, hac quoque ex ratione probatur illa aliqualis respirationis retentio, quam observamus fieri in inusitato & continuato singultu.

Vasa vero *lymphatica* copiosa ad *ductum thoracicum* tendunt, ubi pro chyli dilutione exonerantur.

Vsus tandem huius duplicatæ membranæ est, *thoracem bipartire secundum longitudinem*, & quidem varias ob utilitates, primo autem, ne affecta una pectoris parte officiatur statim & altera; dein existente in una parte vel aqua, vel pure, aut sanie, ut in empyemate, seu hydrope pectoris contingit, ne in alteram partem tam facile diffundi possit, & denique vulnerata una pectoris parte, ut in altera saltem maneat libera respiratio. *Vsus* & *officium* denique huius partis secundarium est, cor, seu melius pericardium pro

pro liberiori cordis motu sustentare, & vasa tum ad ventriculum, tum ad diaphragma tendentia stabilire.

Caput Sextum

De

Pleura.

DEscripto modo mediastino *pleura* nobis examinanda venit. *Pleura* itaque est membrana, quæ costis immediate adharet, & internam pectoris partem, seu totam thoracis cavitatem circumscribit, exterius, ubi partes respicit, laevigata, humore quodam illinita, interius vero, ubi costas, aspera non nihil, alias tensa & robusta, hinc ex duplici membrana constructa est, vti libro præcedenti capite II. de peritonæo diximus. *Lubricitas* vero huic membranæ a natura ideo data est, ne pulmones in sua ventilatione in partem quamdam duram impingentes tristi sensatione afficerentur, & ne partes in pectore contentæ ob motum continuum exsiccarentur.

Pleura
quid?

Duplicem pleura quasi construit *sacculum*; ubi in medio coeunt & membranam illam, quæ *mediastinum* dicitur, vti *HEISTERVS* sentit, efformant, quilibet huius membranæ sacculus vnam thoracis partem ambit eique primam largitur tunicam: omnes enim partes hac membrana primo inuestiuntur, quæ dein *membrana communis* dicitur. Per huius duplicaturam *vena azygos*, seu *sine pari*

Duplica-
tura.

vna cum suis ramulis & surculis procedit, vti & *ductus thoracicus*, item *arteria & nervi intercostales*. Volunt nonnulli, pleuram, tam in parte superiore, quam inferiore, pro transitu *oesophagi*, *aspera arteria*, *aorta*, *vena cava*, esse perforatam, de hac vero perforatione nos eodem modo sentimus, vti iam de peritonæo loco supra citato sufficienter declarauimus.

Vasa sanguifera,

Nervi.
Vasa lymphatica.

Venas & arterias recipit pleura ab *intercostalibus mammariis & diaphragmaticis*, non quidem magnas, sed multas: vix enim ibi conspiciuntur, nisi in suffocatis, vel vbi vasa sanguine turgida, vel præter naturaliter sunt repleta. Iisdem ex partibus *nervos* recipit, ex quibus vasa superius declarata possidet. Non desunt quoque *vasa lymphatica*, quæ æque, vti de mediastino diximus, ad ductum thoracicum tendunt, ibique pro parte exonerantur.

Vfus.

Vfus denique huius membranæ est, totum thoracem inuestire, musculos intercostales firmare, costasque in suo debito loco ac spatio coercere, & partibus in pectore contentis primum velamen tribuere.

Caput

Caput Septimum

De

Thymo.

Thymus tandem est glandula conglomerata, in superiori tho-
racis parte anterieus, statim infra iugulum, ubi venæ &
arterie subclavia dirimuntur, sita, quæ dein ad pericar-
dium usque protenditur. Extenditur hæc secundum longi-
tudinem aortæ & venæ cavæ inferioris, quibus ita su-
perincumbit, ut aliquando hanc glandulam removere de-
beat, quicumque vasa hæc considerare desiderat. *Figura* possidet *inequalem*, seu *irregularem*, uti & *color* va-
riat pro diversitate ætatis: in infantibus enim *pallide carneus*,
seu *albicans* existit, in adultis vero est *obscurior*. *Magni-
tudo* in infantibus neo-natis est *maxima*, & secundum æ-
tatis progressum diminuitur ita, ut in adultis vix amplius
appareat, imo aliquando omnino evanescat.

Thymus
quid?

Eius figu-
ra.

magnitu-
do,

Vasa sanguifera a variis accipit partibus: modo enim a
subclaviis, aut *mammariis*, vel etiam *mediastinis*, modo a
carotidibus, quibus incumbit, vel *iugularibus*. *Lymphatica*
quoque possidet *vascula*, quæ modo ad ductum thoraci-
cum, modo ad venam subclaviam tendunt, & hæc iuxta
HEISTERI declarationem, ut plurimum valuulis orbata
sunt. *Nervos* mutuatur vel a pari vago, vel ab intercosta-
libus. De *ductus excretorii* existentia in hac glandula nil
certi adhuc constat, quum hætenus non fuerit inuentus.
Sic

vasa san-
guifera &

lymphati-
ca,

nerui.

Sic etiam, quale *officium* & *quem usum* habeat, nil adhuc determinatur; certum equidem videtur esse, *usum* non tam magnum esse glandulæ in neo-natis, & maxime in adultis, quum hæc, uti superius dictum, ut plurimum omnino evanescat, nisi forte, quod aliquam secernat lympham, quæ per vasa lymphatica ductui thoracico pro maiori chyli, hinc & sanguinis dilutione infunditur; quapropter bene existimat *HEISTERVS*, *usum* maiorem huius glandulæ esse in non natis, seu foetibus: quum enim isti omni respiratione sint destituti, hinc tali indigent instrumento, quod lympham pro sanguinis attenuatione secernat, quæ alias a respiratione dependet.

Caput Octauum

De

Diaphragmate.

Diaphragma quid?

Eius connexio,

INter musculos respirationi famulantes principem locum habet *diaphragma*, *primarium liberae respirationis organum*, *septum* quoque *transuersum* dicitur, quod velut interior paries inter abdomen & pectus collocatum, vnum ab altero, & vitalia organa a naturalibus seiungit. *Duplici* constat *musculo*, altero *anteriori* & *superiori*, *inferiori* altero & *posteriori*, quibus inuicem vnitis expansum admodum & rotundum ferme corpus efficitur, cuius *pars anterior altior*, *posterior vero*, quæ vertebrae respicit, longe *declinior* existit. *Connexionem* habet in parte anteriore cum *sterno*, lateraliter cum

cum *costis spuriis*, posterius vero cum *lumborum vertebris*, ita, vt nullibi liberum, sed vbique annexum & firmum existat diaphragma.

Tria hic obseruantur *foramina* sat notabilia, quorum primum in sinistro latere pro *œsophagi transitu*, secundum in dextra parte situm. *vena cava inferiori descensum permittit*, tertium denique inter duo capita muscoli inferioris positum pro *arteria aorta, vena azygos & ductus thoracici transitu*.

Perforationes.

In huius centro *nerueum* est, hinc *plexus diaphragmaticus* dicitur, & pars hæc pericardio connectitur. Irritato hoc plexu in febribus acutis & ardentibus spiritus in motum inordinatum rediguntur, & per consensum ipsæ læduntur *meninges* ob vicinitatem neruorum, qui ad ipsum diaphragma tendunt, hinc vel meningum inflammatio (quæ *phrenitis* dicitur) vel *conuulsiones* subsequuntur: quare non abs ratione *HIPPOCRATES lib. 4. aphor. 68.* hæc profert: *in febribus spiritus offendens, seu motus diaphragmaticus non liber, malum, conuulsionem enim significat.* Diaphragma enim plurimum ad respirationem facit, ad respirationem vero & ipsi spiritus confluere debent, spiritus autem secundum qualitatem particularum heterogenearum irritantur, & præternaturalem in se suscipiunt motum, eo ipso etiam neruorum contractio subsequitur, & respiratio (quum diaphragma se non possit pro lubitu dilatare & constringere) vel magna vel rara (vt in phreniticis obseruamus) subsequitur. Quod autem *HIPPOCRATES* iis in morbis etiam conuulsiones prædicet, mirum non est, quia nerui per acrimoniam suo modo irritati conuelluntur, hinc conuulsio. Sic iudicamus, phrenitidem ab ipso diaphragmate habere denominationem, quia causam huius morbi diaphragma in se continet. vel diaphragma per

Plexus nerueus.

Inflammatio meningum cur dicatur phrenitis?

neruos est *pars mandans*, & *meninges* sunt *recipiens*: quam ob rationem in cura maior est habendus respectus ad diaphragma, quam ad caput. Qualem vero nerui cum capite consensum habeant, tum ex vltiori huius capitis descriptione, tum etiam ex systemate neruoso patebit.

Circumferentia porro *carnea*, vel *musculosa*, vti superius declarauimus, musculos exhibens notanda; horum duo sunt, quorum superior *musculus* fere *orbicularis* existit, *amplus* & *valde tenuis*, ortum suum agnoscit tum a *costis spuris*, tum a *sterno*, *tendine*, siue *aponeurosi*, suo in diaphragmatis centro finem ponit, ex quo denique *plexus* construitur *nerueus*; *inferior* vero *musculus duplici* & *bipartito* surgit *principio*, vtrunque ex *lumborum vertebris*, & fere in centro prioris musculi inseritur. Horum deinde *fibræ collectæ* duas efformant *caudatas appendices*, intra quas dein arteria aorta descendit.

Diaphrag-
matis
membrana,
næ,

Duplici membrana diaphragma inuestitur, quarum *prima superior* pectus, *altera* vero *inferior* abdomen respicit; superior a pleura, inferior a peritonæo ortum ducit, & vtraque dicitur *communis*.

vasa sanguifera.

Non desunt huic parti musculosæ *vasa sanguinea*: *arterias* enim a variis arteriis habet, nempe primo ab ipsa *aorta*, seu *cæliaca*; secundo a *subclauia*, vel *mammaria*, & tertio ab *intercostalibus* & *lumbaribus*, vti optime describit *RVYSCHIVS epistola nona, pag. 13.*; *venas* vero mutuatur a *caua*, a *vena azygos* & *subclauia*; quæ *vasa* diaphragma ingressa *phrenica* nuncupantur: *phrenes* enim Græcis diaphragma dicitur. *Nervos* possidet primo duos valde conspicuos, qui *diaphragmatici* dicuntur, vtrunque a colli vertebralibus orti, qui toti fere diaphragmati implantantur, alios etiam ramulos ab *intercostalibus* & pari uago obtinet: *vasa* vero *lymphatica*, quæ copiosa

nerui,

vasa lymphatica

Fig. Z.





Fig. 1.



piofa existunt, venam iugularem adeunt secundum obseruationem *NVCKII in Adenographia pag. 142.*

Triples parti huic *usus* adscribitur, horum primus, vt & *Vsus.* respirationi inseruiat: in inspiratione enim deorsum, in expiratione vero sursum mouetur; secundo, vt inseruiat motui contentorum abdominis; tertio denique, pro iuuanda expulsionem tum foetus in feminis, tum etiam omnium excrementorum.



DEMONSTRATIO SECVNDA

DE

PARTIBVS RESPIRATIONI INSERVIENTI-
BVS IN SPECIE.

Caput Primum

De

Pulmonibus.

His modo descriptis partibus, & vltius respirationis organa describendo prosequamur. Primo *viscus quod-* Pulmo
dam maxima ex parte thoracis cauitatem replens se offert, quid?
molle, atque rarum, quod pulmo dicitur, in quod aer reciproca
vicissitudine com meat. Pulmo igitur per asperam arte-
riam collo, sterno & dorso per mediastinum iungitur: pleura pa- Connexio;
riter

riter nunc toto ambitu, nunc parte eius aliqua *fibrosis nexibus* non infrequenter alligatur.

Figura, Licet ab interposito *mediastino* in duas partes pulmo diuidatur, vtraque rursus in *superiorem*, & *inferiorem* altero *maiorem* dispescitur; quia vero variis sese corporis partibus accommodat, ideo & *multiplicem* obtinet *figuram*, qua exterius pro pectoris cauitate *gibbus*, interius pro molli amplexu cordis *cauus*, ac in minores lobulos diuisus aëre distensus bubuli pedis figuram exacte refert.

magnitudo, Pulmonum *magnitudo* pro aëris copia *maxima* est, ne animal nobiles illas ac necessarias actiones, loquelam scilicet, cantum, aliasque breuissimis spatiis interrumpere cogeretur. Quoad *colorem* in foetu *rubeus*, *immobilis*, ac *aëre plenus*, nobis vero in lucem editis *subflauus*, seu *subrubropallidus*, variisque sæpe coloribus discriminatur.

Substantia, *Substantia* huius visceris *levis* est, vt facile collabi attollique possit, atque ita thoracis motibus promptissime obsequatur. Eius enim *substantia spongiosa est*, *mollis*, *rara*, *vesiculosa*, & *leuissimis tenuissimisque membranulis contexta*, quæ *extensæ infinitas vesiculas orbiculares*, & *sinuosas* sibi inuicem communicantes efformant, eo artificio & nexu, vt in eadem aër paulatim inflaret, dum per illam raritatem spargitur, & eundem rursus paulatim redderet. Præfatæ modo vesiculæ in acervos colliguntur, & sic minores intus lobulos efformant, interiectis spatiis, quæ vacuitates sunt, tot veluti diaphanæ vesiculæ, non cum lobulis, sed insimul communicantes, quæ a lobulis & vasis deriuant, modo parallelis, modo decussatis, ac vasis refertæ. Singulas demum vesiculas vincit ac circumligat, *rete quoddam mirabile*, ex vaforum productionibus deriuatum, quæ vasa sanguinea per

Fig. 1.





Fig. 2.



per exiles & turtuosos ductus, & per multiplices tubulorum flexus circumducit. Pulmonum compagem membrana a pleura deriuata, per *WILLISIVM* duplex, commune quasi tegumentum inuestit & complet.

Inter *sanguinea* pulmonum *vasa* aliqua sunt *communia* (communi nempe corporis bono destinata) *arteria* nempe & *vena pulmonalis*: sanguis enim a dextro cordis ventriculo per arteriam in pulmones delatus, a vena pulmonali receptus sinistro cordis ventriculo remittitur, vt hinc per aortam vniuersis corporis partibus prouide distribuatur. *Arteria* vero *pulmonum propria*, *bronchialis* dicitur, quæ, vt quidam volunt, a *RVYSCHIO* inuenta, *RVYSCHIANA* quoque appellatur, vt plurimum vnica, nunc multiplex ex aorta, vel intercostalibus bronchia comitando per vesiculosam visceris substantiam minutim dispersa sanguinem pro nutritione largitur. Huic socia est *vena bronchialis* ab intercostalibus vasis, vel vena azygos producta, sanguinem denuo reducit.

Vasa sanguifera communia,

propria.

Nervos recipit tum a thoracis plexu, tum a pari vago, tum etiam ab intercostali; *vasa* denique *lymphatica* ab externa pulmonum tunica in pauciores truncos collecta, ductui thoracico inferuntur.

Nervi & vasa lymphatica.

Caput Secundum

De

Trachea & fistula pulmonali.

Trachea
quid?

Substantia.

Peculiare porro vasorum genus sibi proprium obtinet pulmo, aëri deferendo destinatum, fistulam nempe oblongam, quæ a faucibus orta in pulmones delata in ramos, quos bronchia dicunt, primo diuisa, in multiplici ramificatione vesiculis pulmonum cunctis aërem mira distributione communicat, trachea dicitur, intus levis, & humore obliterata, foris aspera (vnde aspera quoque arteria nominatur:) nam præter membranas, quibus vicinis partibus alligatur, & vasa pluribus constat cartilaginibus partim rotundis, partim (vbi nimirum œsophago incumbit, & per collum fertur) semicircularibus; sed quia in respiratione nunc dilatari, nunc contrahi; modo breuior, modo longior esse debuerat, non vndique cartilaginea est, sed interiectæ sunt inter cartilagineos annulos membranæ in homine musculosæ, ut mihi obseruanti sæpius videantur cartilaginum spatia implere muscoli perexigui in modum litteræ X, sese interfecantes, non secus ac de intercostalibus diximus.

Larynx.

Fistulæ huius pulmonariæ caput larynx vocatur, constans quinque cartilaginibus, thyroide siue scutali, cricoide, siue annulari, duæ sunt arytenoideæ, siue gutturiformes, quæ iunctæ rimulam, quæ glottis dicitur, constituunt: quinta cartilago epiglottis, glottidis siue rimulæ, ac fistulæ operimentum, quo cibi & potus introitus præcauetur. Ab huius angu-

angustia, vel dilatatione, siue a naturali constitutione, siue a voluntate & arte, acuta, vel grauis vox oriri dicitur; in cuius cauo pari gratia exstare videntur cavitates, vel ventriculi *GALENI* a *MORGAGNIO* diligenter ostensi, quemadmodum in musicalibus theatris effossis puteis voces sonoræ gratioresque graui resonitu propagantur, hinc plura obtinuit ligamenta a *MORGAGNIO* & *VERHEYENIO* descripta, quorum alterum per dorsum ad radices extenditur, quibus epiglottis robusta fit & mobilis.

Ligamen-
ta.

Septem præterea musculorum paribus Auctor naturæ instruxit, vt in multiplici cartilaginum motu diuersimode dilatari, constringi oportune pro vocis modulatione posset. Hi muscoli a parte, vbi initium, & ab altera, vbi finem habent, compositam appellationem receperunt: vnde primo originem, postea finem, proprio nomine designabimus. Primum igitur par *sterno-thyroideum*, thyroidem cartilaginem deprimens, vocatur: secundum *hyo-thyroides*, quod scutiformem attollere, & glottidem dilatare creditur. Expositi muscoli *communes* dicuntur & *externi*, qui sequuntur, *proprii* & *interni*. *Crico-thyroides*, seu cum *BARTHOLINO* *thyro-cricoides*, quo annularis cartilago veluti attrahitur, & laryngis cauitas fit amplior liberiorque; alterum par *crico-arytanoides posticum* nuncupatur, quo cricoides cartilago deducitur, sicque rima aperitur: sequitur *arytanoides*, seu *crico-arytanoides superius*, aliis *laterale*, aliquibus *ultimum* nuncupatum, quo adductis rima clauditur laryngis: postea *crico-arytanoides laterale* cartilagines deducendo rimam opportune dilatat, vltimum denique par *thyro-arytanoides* nuncupatum, arytaenoidem constringendo, ac versus thyroidem contrahendo laryngem claudit.

Musculo-
rum nu-
merus.

Per

Glandula-
rum.

numerus

Per vniuersam asperæ arteriæ ac bronchiorum cauitatem, laryngisque cartilagine plures dispersæ exstant *glandule*, magnitudine, figura & loco diuersæ a *MORGAGNIO*, *KERHEYENIO*, *FANTONO* aliisque descriptæ, quarum altera in vtraque facie epiglottis emittit ostia, vtrique pariter arytaenoidea, vna granulosa, thyroides pariter alia, quæ per *DIONYSIVM* lymphatico gaudent ductu, innominata insuper alia annulari adiungitur cartilagini. In bronchiorum demum diuisione pene centum *FANTONVS* numeravit, præter alias crebras ouales et compressas, magnitudine varias, quæ potissimum innumeræ intime exofculari, & bronchiorum tunicæ adhærere dicuntur. Humores pene omnes exprimunt, quo cartilaginis tunicæ, & tracheæ cauitas fructuose lubricæ sint & defensæ, ne inspiratus aer, licet laryngis cartilaginis velut occursu quodam refrænatus, aut teneritudinem domicilii cum impetu veniens attracta pestilenti aura corrumpat, aut totam nocendi violentiam internis receptaculis communicaret.

Inspiratio

Vt autem aer pulmonales vesiculas subire valeat, pectoris requiritur dilatatio, quæ plurimis completur potentiis. Inter has diaphragma principem locum obtinet, quod, dum contrahitur, amissa conuexitate ad planitiem vergens abdominis viscera deorsum premit, hinc inspiratione extrorsum prominet; costæ pariter, dum sursum versus clauiculas multiplici musculorum vi eleuantur, ad angulos rectos superiori parte accedunt, extremitate vero altera cum ipso sternone a spina recedentes reflexe extrorsum trahuntur, & pectoris cauitatem efficiunt ampliorem, quo pulsus aer locum quærit: sic ablata resistantia & pressione, quam depressæ costæ, & laxatum diaphragma contra-

tra

tra exteriorē pulmonum superficiem exerunt, vrgenti aeri aditus aperitur & animalibus oritur *inspiratio*.

Dum vero costæ pondere & aliqua muscutorum actione ad pristinum statum redeunt, & viscera musculi abdominis comprimunt, & diaphragma laxatur, pristina pectoris angustia & pulmonibus compressio redit, qua e vesiculis pulmonalibus id ipsum fibrarum ope conantibus foras exprimitur aer, per quas intrusus est vias; sic repetitis muscutorum contractionibus & laxationibus fit, vt aer per æqualia fere interualla exeat, redeatque, nisi arte & opera moderata respiratione formandæ voci aerem transmittimus ad fauces, ipsa enim aeris vicissitudo vitam sustentat in corpore. Hinc arduum profecto, ac apprime difficile, & omnino breue *NVCKII* experimentum arbitror, qui sine diaphragmate & pulmone vitam traducebat in cane; In hac autem adeo necessaria aeris respiratione & altera vesicularum actione plures subtilioris aeris particulæ ingredi possunt: mirum etenim, quantam sanguis, qui omnis solum cor & pulmones perluit, perfectionem acquirat, fluiditatem scilicet, motum, integram particularum commixtionem &, si *MERIO* credimus, rubedinem quoque & incalescentiam, vnde *VARRO* tantam in animalium corpore necessitatem miratus, aerea nimis opinione animam definiuit, *aerem conceptum in ore, tepesactum in pulmonibus, feruesactum in corde, diffusum per corpus*. Per quas autem vias suppositus in sanguine aer e corpore egrediatur, quærant, qui volunt, & si libet cum D. *MERY* alios in pulmonum vesiculis poros aeri exituro statuunt, nos vero in vniuerso corpore poros, & quotquot sunt emunctoria, egredienti aeri vias agnoscimus.

Vtinam agnosceremus quoque, vndenam homines vix
Z in

in lucem editi aeris inchoent respirationem. Clarissimos Viros *FANTONEM* & *BORELLVM* video existimantes, infantem in partu doloribus stimulum & laceffitum musculos contrahere, sic aperto thorace locum facere aeri ingressuro; Fantonus vero rectius, ne an magis lepide dixerimus, respirationem præ voluptate incipere, quam alii præ dolore contendunt: nam infans, qui dudum captius flexis artibus, & trunco in angustissimo loco tristissimus victitavit, iam liber, solutus, agilis, lætus nouoque viuendi genere in ampliori spatio recreatus, vires omni motus genere explorat, musculos respirationis exercet, sic vrgenti aeri aditum aperit, qui in potentia sanguinis ad fluendum, pulmonumque ad promouendum stimulo mirabili reciprocatione continuatur: sed de aeris in- & expiratione ista modo sufficiant, nunc vero ad ipsam tracheam redeamus.

Tracheæ
Vasa sanguifera.

Vasa quoque tam *arteriosa*, quam *venosa* trachea possidet: horum prima *carotides*, secunda vero *inguulares* subministrant.

Nervi.

Nervos vero habet trachea partim a *recurrentibus*, partim vero a *cervicalibus*, qui in minores, & minores ramulos diuisi per totam tracheæ substantiam disseminantur.

Vsus.

Harum partium *usus* & *officium* multiplex considerari debet. Pulmones igitur primo a natura destinati sunt pro respiratione, per quam etiam attenuatur & purificatur sanguis, eiusdemque motus adaugetur; secundo, vt sit vocis sonoræ instrumentum; his *HEISTERVS* etiam tertium adiungit, nempe vt sanguini tanquam emunctorium inseruiat. Quod modo de pulmonibus dictum fuit, idem & de trachea sentiendum, hæc tamen hoc habet particulare, vt etiam deglutitionem adiuuet.

DEMON-

Fig. 1.





Fig. 2.



DEMONSTRATIO TERTIA

De

CORDE ET VASIS SANGVIFERIS.

Caput Primum

De

Corde & circulo sanguinis.

Quoniam a corde principes vitæ actiones & functiones tanquam a primo fonte promanant, ideo in pectoris centro, & si artus demas, totius pene corporis medio, natura cor locavit, quo melius vniuersæ membrorum reipublicæ commode atque benefice præesse posset. Inter duplicaturam mediastini inuolucro quodam, seu capsula membranosa, propriæ figuræ accommodata, reconditum continetur, thinc accepto a Græcis nomine *pericardium* nuncupatur, de quo inferius particulariter dicetur.

Situs cordis,

Auulso itaque pericardio cor patet, quod figuram pyramidalem inuersam refert & nuci pineæ non dissimilem: ex superiori enim ampliori basi, qua vasis sanguineis alligatum suspenditur, in turbinatum mucronem sensim desinit, qui liber paulatim in anteriora sinistrorsum infra læuam papillam exporrigitur.

figura,

Magnitudo cordis in homine singularis, quamuis pro ætatis temperamentique dispari conditione varia. Vnicum tantum in homine, licet in monstrosis etiam subinde duplex

magnitudo,

cor reperiatur. Multiplex vero cor in insectis viri grauis-
simi, *RHEDIUS* & *MALPIGHIUS* obseruarunt. Obuelat par-
tem cordis latiore copiosus adeps, forsan, vt eius parti-
culæ liquatæ motrices cordis fibras emollirent.

structura,

Cordis *structura muscularis* est, artificio ac mirabili
opificio efformata, ex diuersis scilicet fasciculis *carnosarum
fibrarum spiralium longitudinalium*, qui eleganter & præ-
clare compositi & vniti ea coordinantur & disponuntur arte,
vt ab iisdem *duæ cavitates*, seu *ventriculi* efformentur *septo
mediante* diuisi, veluti geminæ cysternæ, quibus perfectiorum
animalium cor præditum est.

Eleganter sane cordis structuram ostendere mihi vide-
tur *WINSLOW* diligentissimus, qui obseruauit cor duobus
fabrefactum musculis ea arte vnitis, vt septum, quod fini-
stro ventriculo spectare dicebatur, in duo septa diuisum sit,
vtrique ventriculo vnum: vterque enim musculus basi, api-
ce & cavitare donatur. Ex his sinister robustior, in apice
peruius est, huic dexter adhæret, sic, vt iunctas insimul
bases & apices stratum peculiare fibrarum a communi basi
ortum, oblique ductum eos insimul alter quasi musculus vni-
at, stringat & liget; inde relictum in fundo sinistri ven-
triculi foramen intrat, exacteque claudit, illicque columnas
efformat & longitudinales fibras alteri ventriculo pro vali-
diori robore communicat, quæ cordis structura & obser-
uationi, atque vsitatæ naturæ simplicitati, eiusque operan-
di methodo correspondere plane mihi videtur, prouti sæ-
pius hac de re experimenta ini; Si vero aliorum examini
tamen non conueniat, non eos minus oculatos, sed me-
minus industrium, diligentemque existimabo.

Ven-

Ventriculorum vero cordis non vna eademque est forma & conditio: nam *dexter latior*, sed *breuior*: cordis enim extremum non attingit, & pariete cinctus est tenuiori; *sinister vero longior*, & pariete triplo crassiore obuelatur. Obducit autem *ventriculos* intrinsecus *pollita & levis membrana rore lymphatico madens*, qui ab infinitis porulis in cordis systole erumpit.

Sed apertis ventriculis a base ad mucronem artificiosa sectione secundum longitudinem ducta, vtraque cavitas inæqualis admodum cernitur, multisque veluti cauernis repleta, pluribus sulcis sinubusque interrupta, vnde cauernæ quædam columnæ erumpunt, quas paruos tot diceres musculos, quorum vniformis actio in cordis systole sanguinis expulsionem, & ceu tot veluti cunei solutionem, commixtionemque adiuuaret. Præter expositum artificium nimiam ventriculorum dilatationem declinare studuit natura transuersis scilicet funibus tendinosis, iisque crassioribus parietes colligando (quod in dextro ventriculo locum vsunque obtinuit) quo latera constringi quidem facile possent, difficilius autem remouerentur a iusto.

Licet cordis ventriculi sint fluentis sanguinis receptaculum, propriis tamen vasis priuatæ nutritionis necessitate irrigatur cor, vnde *venam a caua*, *arterias* opposita directione *ab aorta* suscipit, quæ dein *coronaria* dicuntur, quia ad modum coronæ per extimas partes decurrunt.

Cordis vasa propria, seu coronaria,

Nerui a pari vago & intercostali procedunt plurimi, vt *nerui*, *VIEVSSENIUS* ait, quos circa basin magno numero reperiri primus affirmavit *FALLOPIUS*. Nec desunt lymphatica vasa quæ progressu vnita lympham, si credimus *BARTHOLINO*, ductui thoracico, si *MYNICHIO*, in venas aut subclauias, aut iugulares effundunt.

vasa lymphatica,

Auriculæ.

Substantia earum.

Adhærent cordi circa basin ab utroque latere ad orificia venarum cavæ & pulmonalis veluti *appendices duæ cavernosæ, membranosæ, molles* ad faciliorem contractionem, sed ad firmitudinem *neruosæ*, quæ ob situm, ac figuræ quoddam rudimentum *cordis auriculæ* vñanimi anatomicorum appellatione dicuntur. Vtraque in embryone maior, ante cor motum inchoant, ut observatione constat. Earum *dextra amplior* venæ cavæ ostio adhæret, *sinistra minor* in venæ pulmonalis orificio sita est, *durior*, & paulo *carnosior robustiorque*, quia in illam sanguis a pulmone refluus aere imbutus motu agitur celeriori. Substantia cordi similes sunt, earundemque fibræ duplici contrario ordine in oppositas tendines feruntur: tendo quippe in cordis base auriculis quoque communis est, cui tanquam fulcro innituntur. In earum cavo musculosæ etiam exstant fibræ, numero, robore conspicuæ, quarum ope constrictæ receptum a venis in systole cordis sanguinem in cordis ventriculos exprimunt, & quidem, ut multi sentiunt, ceu mensuræ admetiuntur. Nam ventriculis cordis *quatuor magna sanguinis cohærent vasa*, tot nempe fistulæ, ac tubuli, per quos sanguis omnis ex vniuersi corporis partibus ad cor confluit, & a corde in omne corpus diffunditur.

Structura arteriarum.

Quemadmodum autem diuerso muneri data sunt, ita non eadem fruuntur structura: *arteriæ* enim, quæ sanguinem a corde acceptum & feruentem, actuosum per vniuersum corpus distribuendum accipiunt, ex quatuor *membranarum lamellis sibi inuicem oppositis producuntur*, quarum *extima, veluti integumentum, tenuis & neruea exterius, interius retiformi vasorum omnium plexu referta, altera admodum glandulosa, tertia muscularis e fibris annularibus,*

ribus seu transuersis plurimis contexta, interna denique densa, atque nervosa, fibris rectis, atque longitudinalibus constant, quarum ope feruidioris vegetiorisque sanguinis impetum sustinent ac promouent.

Vena vero, quæ eneruatam sanguinem a singulis corporibus conquisitum & refluxum cordi restitunt, debiliores sunt tubuli, delicatiori structura exstructi: nam ex quatuor membranarum lamellis, quibus componuntur, externa fibris nerueis rectis confectæ sunt, vasculosa & glandulosa substernitur, intima vero plane muscularis fibris annularibus donatur.

Structura
venarum.

Ne vero, qui semel ingressus est sanguis in vasa, eadem via iterum remearet, in vasorum orificiis membranas quasdam, *valuulas* communiter dictas, natura locauit, pelliculas scilicet, quæ fibris musculosis transuersis, cartilagineo corpusculo & solidiori limbo pro faciliore executione constant. In his glandulas obseruauit FANTONVS, qui plura de iis docte differteque scripsit. *Valuula* autem, uti officio & situ dissimiles, sic forma & nomine variae; aliæ foris apertæ sunt, intus clausæ, quæ scilicet sanguinem cordi concedunt; aliæ intus foras spectant, id est intus apertæ sunt, foris clausæ, quæ sanguinem in cor remigraturum impediunt. Sed a valuulis reuertamur ad vasa, a quibus sermo discessit, ut cætera, quæ supersunt, breuiter explicemus.

Valuulae.

Primum dextri ventriculi vas, cui maior adstat auricula, *vena cava* vocatur, recta sursum ac deorsum tendens, paulo supra cor a dextris *venam, azygos* dictam, producit, cui multum lucis contulit vir illustrissimus, omni erudi-

Venæ cavæ
principi-
um.

Vena azy-
gos.

eruditione & doctrina elegantissimus *LANCISIUS*. Minutioribus semper propaginibus sanguinem a partibus refluxum accipit, & vnita auriculæ dextro ventriculo exonerandum, circa finem vero, dum superior vena cum inferiori congre-
ditur, ibi tuberculum e subiecta pinguedine eleuatur, & ipsa musculosa apparet, vt rectus cursus sanguinis vrgeatur.

Arteria
pulmona-
lis.

In cauæ initio tres *valvula*, *tricuspides* dictæ, per fibras plurimas tendinosas quidem, vt *WINSLOWIUS* vidit, ordine multiplici superpositas carneis ventriculi columnis, seu musculis alligatæ, quibus sanguinis refluxus in cauam præca-
uetur.

Arteria
pulmona-
lis.

Alterum dextri cordis ventriculi vas *arteria* est *pulmo-
nalis*, quæ eiusdem ventriculi sanguinem per totum pul-
monis corpus numerosa ramorum serie spargit, tribus pari-
ter valvulis in exitu gaudet, quæ *sigmoidea*, seu *semiluna-
res* a figura dictæ remeanti sanguini obstant.

Vena pul-
monalis.

Sinistro pariter ventriculo inhæret *vena ampla*, *pulmo-
nalis* dicta, cui altera neëtitur auricula, quæ ventriculo san-
guinem, minutissimis propaginibus collectum infundit, im-
pediunt vero geminales *mitrales valvula* remigraturum.

Arteria
aorta.

Ab eodem tandem ventriculo *arteria aorta* proficisci-
tur, *magna*, præ amplitudine dicta, tribus valvulis semilu-
naribus a *VALSALVA* inuentis instructa, sanguinem iam per-
fectum excipit, & per minores semper ramos in omnes cor-
poris partes pertinentes prouide distribuit, & vt cum *HIPPO-
CRATE* loquar, hi sunt fontes humanæ naturæ, hæc flumina,
quibus totum corpus irrigatur.

Tantus autem elegans & pene mirabilis cordis, auri-
cularum, vasorumque mechanismus, & apparatus eo fabri-
catus est fine, vt dulcis ille, & rubeus in animalibus liquor,
quem sanguinem dicimus, perficiatur, & continuo perenni
motu

motu pro vita & enutritione singulas corporis partes per-
lustraret: equidem

ut unda impellitur unda,

urgeturque eadem veniens, urgetque priorem.

Sic pariter sanguinis aduenientis impetu pulsus perennem ex-
ercet in corpore circularem motum, veteribus incognitum. **GALENO** enim fata inuidisse arbitror, dum sanguinis circu-
lum, quem ipsis pene manibus contrectabat, abiecit, ut **BARTHOLINVS THOMAS** ait, & **HARVEO** nunquam morituro re-
liquerunt, cuius diligentia orbi innotuit vniuerso. Huius gra-
tia duplex in corde, auriculis & arteriis exercetur motus
systoles & diastoles, constrictionis scilicet, & *dilatationis*, qui-
bus sanguis excipitur, exprimiturque. Non vnus tamen
idemque est cordis, auricularum & arteriarum eodem tem-
pore motus, sed temporis interuallo vnus alteri succedit, ut
dispari quidem actione, vno eodem tamen fine, continuatum
sanguinis motum producerent. Nam quoniam auriculas ad
basin cordis veluti sanguinis promptuarium natura locaue-
rat, opus erat, ut ante cor mouerentur, ut in embryone
dextra ostendit auricula, sic in cordis constrictione apertæ
sanguinem exciperent, ut postea in cordis dilatatione con-
strictæ ventriculis exonerarent.

Circulus
sanguinis.

Quemadmodum cor exposito componentium fibrarum
artificio constringitur, non exterius, sed, obseruante **BO-
RELLO**, interius ad duplum fere augetur, adeo, ut ventri-
culi claudantur omnino, sic acceptum sanguinem exprimit
in arterias, eoque impellit conatu, ut *pulsus* oriatur, violen-
ta scilicet arteriæ ab irruente sanguine dilatatio, quas a vio-
lenta dilatatione pristinae naturali constrictioni earum elastici-
tas & structura restituunt. Verum dum in renouata con-

A a

stri-

strictione ab adueniente noui sanguinis impetu denuo dilatantur, continuata cordis & arteriarum in motibus alternatione *pulsus* oritur *reciprocatio*.

Dum vero sanguis ab omnibus corporis partibus conquisitus per venas ad auriculam dextram, & hinc in dextrum cordis ventriculum mittitur, ab hoc ad pulmones, ab his ad alteram auriculam, inde ad sinistrum ventriculum, ab hoc tandem in arteriis per vniuersum corpus remigraturus continuo motu circumfertur, fluiditatem acquisitam tuetur, chyli particularum intimam commixtionem, perfectionemque acquirit: in cordis enim constrictione, mirum profecto! dum parietes accedunt, ita excipi prominentias & sulcos, ita eo aptari lacertos, vt vix apparentibus rimis (vt *FANTONVS* ait) cauum perimetrum perfecte exacteque repleatur, quo adeo in corde subigitur, commiscetur, trituratur, vt, quidquid chyli asperum, crassum, aut inæqualiter sanguini permixtum, læuigatum, solutum & veluti fortissimo prælo & cuneo concussum euadat.

Quare, quum infecta (notante *RHEDIO*) viscidiorum ac lentiorum sanguinem haberent, non vnum, sed multiplex cor natura illis concessit, vt replicatis in iis machinis, requisita pro vita fluiditas & distributio haberetur.

Dum vero commixtæ sanguinis particulæ crassiorum consortio liberantur, subtiliores aeris & ætheris agitatione alterum, præter circularem, motum ineunt (quem physiologicis committimus) ebullitionis scilicet & efferuescentiæ, a quo calorem, a *flammula vitali*, aut *fermento* in corde stabulante frustra quæsitum, inchoat, si *MAYOBII*, *POLII*, & *FACHII* experimentis credimus, vnde sanguis ad absolutam perfectionem disponitur, quam sane purpurei coloris acquisitionem ab aere aduenire suspicabamur, quemadmodum
diceres

diceres spiritum nitri liquoribus salino-sulphureis (qualem sanguinem nouimus) efferuescentiam, rubicundum inde colorem tribuere nouimus. Plura præterea in cordis motu contingunt, cuius examen solertissimos etiam anatomicos & geometras diuturnos motus illius explicaturos, post plura sæcula defatigat: reliquæ enim omnes in vniuerso corpore partes, ipsumque cerebrum, nerui languentes, somnum, vt ita dicam, quietemque exigunt & requirunt, dum vnum cor sine multo languore, & tristi vlla sensatione indefessum in vigilia, omnique valetudine in motu & actione constantissime persistit, & ab animale excissum, ac in partes quoque sectum, per plura momenta, imo, iuxta aliquos, per plures quoque dies palpitus suos obstinate producit. Si homo lætatur, si moerore conficitur, si trepidat, si irascitur, ita afficitur cor, quasi homini opportunitatem nato potentiores ad agendum vires tribueret, vt in corde ipso fieri continuo animi pathemata videantur, hinc vitæ initium & finem in corde cum *HIPPOCRATE* vidimus residere.

Quicumque porro mecum centies fere millies, & si *CARDANO* potius, quam *BORELLO* credimus, longe plures repetitas in homine pulsationes constanti rythmo cogitaue- rit, pensaueritque in eo tenui neruorum ministerio, contra validas multiplicesque resistentias, robur, mecum facile fa- tebitur, multa esse in corpore, quorum rationem solum, qui fecit, nouit, qui solum ipse se voluit cordis scrutatorem.

Ex hucusque relatis facile in cognitionem venire possu- mus, ad quid cor sit a natura destinatum, nempe vt per hoc *circulus sanguinis tam progressiuus, quam regressiuus* promo- ueatur perficiaturque mediante *constrictione & dilatatione*: a venis enim ab omnibus corporis partibus sanguis receptus

Vfus.

cordi restituitur, per arterias vero omnibus corporis partibus a corde dispensatur; quomodo autem motus perficiatur, superius iam fuit sufficienter explicatum.

Caput Secundum

De

Cordis Capsula, seu Pericardio.

Pericar-
dium
quid?

Eius stru-
ctura,

magni-
tudo,

connexio,

Cordis structura examinata, antequam ulterius progre-
diamur, *capsulam* illam considerare oportet, quæ cor
in se continet, inuestit atque custodit, & hæc *pericar-*
dium dicitur, quod idem est, ac *cordis inuolucrum*. Est igitur
pericardium membrana *cordi circumducta*, illudque *tan-*
quam bursula includens, *duplici constructa membrana*, quarum
prima, seu *externa* ab ipsa *mediastini duplicatura* procedit,
interna tam iuxta *BARTHOLINI*, quam aliorum anatomico-
rum opinionem originem ducere videtur a *tunicis vasa cor-*
dis communia cingentibus; quum autem ipsum cor cingat,
ipsius etiam æmulatur figuram, sed cordis magnitudinem
superat, neque tam arcte cordi adhæret, ne cor in motu suo
continuo impediatur. *Connectitur* pericardium plurimis fi-
bris mediastino & partibus adiacentibus, maxime vero dia-
phragmatis medio, ipsis quoque vasis cordis communibus:
quam ob rationem perforationibus quoque ob exitum ho-
rum vasorum gaudet. Ista cum diaphragmate connexio sin-
gularis est tantummodo in hominibus, in bestiis enim ma-
gis a diaphragmate distat, quia in his non requiritur tam
magna

Fig. I.




Fig. II.





Fig. III.



magna respirationis & loquelæ reciprocatio, aut variæ vocis mutatio, quæ perfici debet a conspiratione cordis cum diaphragmate: hanc etiam ob rationem potest explicari, quomodo cordis suspiria oriantur in animi pathematibus, quæ cor opprimunt; hæc enim alia ratione fieri non possunt, nisi quia cor diaphragmati vicinum est, vt obseruamus in hypochondriacis & melancholicis, qui frequenter emittunt suspiria, imo etiam difficultatem respirandi persentiunt, opinantur quoque pectus ipsis laborare, quod tamen falsum est. Hoc quidem veritati consentaneum esse existimamus, quod nempe ob infarctum viscerum abdominis eorumque obstructionem diaphragma sursum prematur, hinc cor & pulmones per consensum contrahuntur, & libera his in partibus non potest esse ventilatio, vnde suspiria magna & difficultas respirandi.

Suspiria
vnde?

Pericardii *facies externa fibrosa* est & non nihil *aspera*, *interna vero pollita & humore quodam prædita*, ac sæpissime, imo semper quasi, sine pinguedine reperitur: si enim pericardium pinguedine præditum esset, cor suo modo compri-meretur, hinc a suo quoque libero motu impediretur. Duplex hæc pericardii membrana non communi membranæ textura & substantia fruitur, hæc enim, vt *BARTHOLINVS* notat, *dura* est & *crassa*, ac, vt ipsius vtar verbis: *tantoque pulmone durior, quanto osse mollior*, quæ durities plane, & resistentia in ipsius sectione apparet.

Vasa sanguifera, quibus pericardium præditum est, *arterias* scilicet & *venas* accipit superius a *mediastinis*, & *diaphragmaticis superioribus*, inferius vero a *phrenicis*. *Nervos* autem a *pari vago* tanquam vicino mutuatur. Aliqui etiam addunt *vasa lymphatica*, quæ in ductum thoracicum exonerantur,

Pericardii
vasa
sanguifera,
nerui
vasa lym-
phatica &

vſus.

Vſus denique pericardii eſt, cor includere, adeoque cordis eſſe domicilium ac munimentum; ſecundo cor pendulum ſuſtentare; tertio *humorem* quendam, *pericardii* dictum, pro faciliiori & expeditiori cordis motu continere; quarto denique, cor ab omnibus iniuriis defendere & maxime a rigore aeris: ſi enim aer nimis frigidus pulmones ingrederetur, facile exin cor offenderetur. Continuum plane diuinæ potentiae argumentum per cordis motum continuatum in nobis met ipsis ſumma cum atheorum confuſione percipimus. Lex quidem alias circa motus mechanicos inuiolabilis eſt, vt, ſi pars motu quodam valido, ſed loco quodam circumſcripto, mouetur (vt horologiorum proſtant exempla) illa pars motui deſtinata cuidam ſubſtantiae immobili & firmæ annexa ſit, oportet, alias motus ille vix percipi poteſt; motus autem cordis continuatus & minime interruptus a nemine prorsus negatur. Pars inſuper quædam, cui cor, & motus ipſius circumſcriptus eſt, manifeſte apparet, ſubſtantiam vero, cui cor firme adhæret, nullus anatomicorum erit, qui eam aſſignet; nec ſufficit motus ſyſtolici & diaſtolici reciprocatio, quæ vix adeo geometricè proportionata habetur, neque adhuc ab vlla hominis ſagacitate, induſtria, vel qualicunque demum machinamento, aut perſpicacitate inuenta eſt & inuenietur vnquam; hinc motus hic cordis brachio ſolummodo omnipotenti adſcribendus venit; nec valet hic aſſerere quidquam de motu inteſtino, vel impulſu ætheris, quum cor tali impulſu ſit ſuo modo priuatum; motus vero inteſtinus tam efficaciter agere non poteſt, vt motus cordis tam ſenſibiliter percipiatur. Solus ergo Deus corda hominum mouet.

Caput Tertium

De

Humore pericardii.

Habet in se pericardium humorem quendam, *aqua pericardii* dictum, qui humor in fundo ipsius pericardii continetur: huius humoris quantitas variat pro varietate ætatis, temperamenti & sexus. Aliquando enim reperitur respectu quantitatis cochlear vnum, vel duo, vel vncia vna, aut vnciæ duæ; in morbosis vero corporibus variat pro diuersitate morbi, sic in hydrope magna est quantitas, in hectica vero & maxime confirmata vix huius humoris reperitur guttula, quod & de temperamenti iudicandum erit.

Licet huius humoris existentiam omnes propemodum admittant auctores, magna tamen inter hos est controuersia, unde proueniat, vel per quas vias ad hanc possit peruenire partem. *BARTHOLINVS* inter alias decem proponit antiquorum opiniones, quas opiniones hic recensere non necessarium videtur, sed pro commoditate temporis penes auctorem inquirendæ: vltima vero huius auctoris opinio *Libro secundo, cap. 5.* cui & ipse adhæret, in exstillatione vasorum lymphaticorum consistit, & hæc quidem sunt ipsius verba: *Ex lymphaticis humorem hunc exstillare, dubitare non debemus, si copiosior sit, & tenuiores illorum sint tunica: & reuera hæc opinio verisimilis esse videtur, quum enim & humor iste consummatur, hinc necessario aliæ debent adstrui viæ, per quas iterum restaurari possit.*

Origo humoris pericardii.

VERHEYENIVS vero *tomo secundo, tractatu primo, cap. 23.* suam de pericardii humore opinionem statuens, verisimilius iudicat, *humorem hunc prouenire vel separari per poros glandularum ipsius glandula thymi, qui separatus, si non formaliter materia-*

terialiter saltem per eius arterias, & per exiguos ductus ex ipso thymo excretorios deferitur in pericardii cavitatem. Multæ adhuc de humoris huius origine exstant opiniones, quas omnes hic recensere non præsumo; sufficit enim nobis hoc scire, talem reperiri humorem in pericardio, & quod mediante quodam circulo eo deferri debeat; quomodo vero prædictus humor iterum reassorbeatur, nondum est sufficienter dilucidatum, quum neque per circulum regressivum, neque per experientias constare videatur; sunt autem, qui volunt, eum iterum absorberi a poris ipsius pericardii, vti putat *HELSTERS*. Qui vero de huius origine plura adhuc scire desiderat, *BARTHOLINUM*, *VESLINGIUM*, *VERHEYENIUM*, aliosque auctores, qui multa de hoc humore scribunt, perlustrandos relinquo.

Quum igitur tantæ huius humoris opiniones prostant, licebit & mihi hac in re mentem aperire. Iudicarem ergo, humorem pericardii suam habere originem ab arteriis cordi propriis, in quarum venis anastomosi lymphæ secernitur, & per motum systalticum exprimitur, præsertim quum observemus, quod copiosior fiat omnis lymphæ secretio, ubi circulatio sanguinis est tardior; hoc vero, quod maior sit huius pericardiacæ aquæ quantitas in cachecticis & hydropicis, provenit, quia in ipsis circulatio est minor; quod vero in hecticis talis humor deficiat, ideo fit, quia circulatio est aucta. Item non tanta quantitas humoris in omni subiecto æqualiter reperitur, neque in omni ætate, neque in omni sexu, qua ratione differt etiam pro ætate, temperamento & sexu.

Scio equidem, quod anatomici solliciti quoque sint, quomodo humor iste resorbeatur, me vero quod attinet, iudicarem nullam esse resorptionis necessitatem, consumi enim potest per calorem, & motum intrinsecum; si

si vero hac in parte motus tonicus relaxetur, maior humoris quantitas effunditur; aucta vero quantitate non tam facile consumi potest, hinc pericardii hydrops, vulgo *die Hertzvasser sucht*, necessario enascitur. Consistentia vero, quæ ab auctoribus demonstratur, prouenit ab ipsis particulis, quæ in se continent qualitatem submucidam & subsalsam, uti omnis lympa talibus prædita est particulis.

Huius humoris *color* non semper idem; aliquibus enim *limpidus urinae instar*, idem *aliquali flauedine permixtus*, aliquibus *loturæ carnis similis*; *substantiæ* vero est *tenuis, serosa*, omnisque igne facile euaporat; *saporis* est *subsalsi*. Substantia

Vfus denique huius humoris est, cor humectare ac lubricum reddere, adeoque ipsius motum per talem humectationem facilitare: huic officio *BARTHOLINVS* loco supra citato alios adhuc vsus addit, quorum vnus est, ut ad concretionem adipis faciat, alter, ut cor innatando minus graue fiat, & in nullam partem impingat & denique, ut refrenet cordis æstum. & vsus.

Caput Quartum

De

Arteriis.

DEscripta & explanata cordis structura, nec non circuli sanguinis mentione facta, inquirendum modo erit, per quas vias a centro, nempe a corde ad peripheriam, seu ad extimam corporis partem transportetur, & a peripheria ad centrum reuehatur sanguis. Ad hunc igitur circulum peragendum duos constituit natura canales, seu vasa, quorum vnum a corde acceptum omnibus indiscriminim

B b

corpo-

corporis partibus largitur sanguinem, & hoc vas *arteria* dicitur; alterum vero a partibus receptum sanguinem cordi denuo communicat, & hoc *vena* nuncupatur. In præfenti vero capite nil de sanguinis circulo attingam, sed pro viribus diuisionem arteriarum exponam, vt saltem discentes faciliorem circa vasorum communicationem & vltiorem dirimationem acquirant notitiam, & vt ea vasorum distributio, quæ in distributione partium fuit prolata, magis apprehendatur.

Origo arteriarum.

Est igitur *arteria* (vti in Libro primo capite secundo demonstrationis primæ dixi) *vas elasticum pulsans, sanguinem ex corde ad reliquas corporis partes vehens, quatuor dotatum membranis* (vtut aliquibus tres tantummodo numerentur) *robustis & resistentibus*, harum vero membranarum descriptionem expressam habes in capite superiori, vbi de corde egi, hinc necessarium non esse duxi, eas iterum hic repetere: Arteria itaque a corde originem suam ducit, vno eodemque trunco, dein in innumeros diuiditur ramos, & a partibus irrigandis, per quas transit, varie denominatur, ad extimamque corporis transit peripheriam; quoad substantiam, *crassiolem quidem & densiorem*, quam vena possidet, vtut totidem membranis gaudeat.

Diuisio arteriarum.

Diuiditur itaque arteria in duas classes principales, nempe in *arteriam aortam*, seu (vt alii vocant) in *arteriam magnam* & in *pulmonalem*, siue *arteriam venosam*.

Pulmonalis.

Hæc, *pulmonalis* nempe, suam ducit originem a dextro cordis ventriculo, *tribus valuulis triangularibus, sigmoidalibus & semilunaribus* dictis, munita, & inde per totam pulmonis substantiam, vsque ad extrema huius confinia dirimitur, & hæc sanguinem a dextro cordis ventriculo acceptum toti pulmonis substantiæ, pro maiori attritione & rarefactione communicat,

nicat; rarefactum dein sanguinem *vena* accipit *pulmonalis*, (de qua inferius) & mediante sinistra cordis auricula sinistro cordis ventriculo communicat, vt dein per *arteriam aortam* mox describendam toti corpori possit communicari; cæteroquin hæc arteria nulli aliæ communicatur parti, neque ab aorta suum desumit principium, sed immediate ab ipso dextro cordis antro progreditur, & hinc inter quatuor numeratur primaria vasa sanguinis.

Arteria aorta seu magna vnico trunco a sinistro cordis ventriculo egreditur, vbi suum habet principium, & per vniuersum diffunditur corpus, nec non pro diuersitate partium diuersimode denominatur; hæc autem ex corde egressa diuiditur in *aortam ascendentem* & *descendentem*: ascendens illa dicitur, quæ e corde egreditur, vbi flexuram efformat, & hæc quatuor, vel quinque transuersos digitos efficit, reliqua vero portio flexura terminata aorta descendens nuncupatur.

Aorta
ascendens,

descen-
dens.

Mox e cordis ventriculo egressa & pericardio adhuc inclusa supra valuulas suas semilunares cordi & auriculis duas dispensat arterias, quas, quia cor & auriculas coronæ instar cingunt, *coronarias* nuncupamus, hæque primæ sunt aortæ ante suam diuisionem dirimationes; dein vno trunco pericardio egreditur, & se arcus instar inflectit, quæ indiuisa circa quatuor digitos vna cum aspera arteria vsque ad clauiculas ascendit, vbi a thymo sustinetur.

Corona-
riz.

Hæc itaque arteria ascendens in summitate, aut flexuræ medio duos emittit truncos, qui *carotides* nuncupantur, ascendunt recte, & in suo itinere circa laryngem mire flectuntur, vti perbene notat *DRACKIUS* in sua *Anthropologia*, vbi perfectam habet aortæ delineationem, quæ est tabula vigesima, & aliis quoque vicinis partibus distribuunt ramos, vti inferius patebit.

Carotis externa,

Carotis denuo diuiditur in *externam* & *internam*. *Externa* omnibus colli & capitis partibus externis largitur arterias, nempe laryngi, pharyngi, ori, naso, oculis, musculis, ossis hyodis, maxillis, labiis, linguæ, auribus, temporibus &c. huius arteriæ percipitur, imo in delicatulis videtur, pulsatio, & dummodo collo manus admoueat, facillime percipitur

interna,

pulsus. *Carotis* vero *interna* per ramos, ramulosque diuisa omnibus internis capitis prospicit partibus, vti sunt cerebrum, meninges, oculi, nares, aures &c.

Subclauia dextra,

Ex parte dextra aortæ ascendentis enascitur *subclauia dextra*, in parte sinistra vero circa finem flexuræ, vel statim in principio aortæ descendentis prodit *subclauia sinistra*, quæ plures & variis partibus destinatos emittunt ramos.

sinistra,

Et primo quidem ex vtraque subclauia prouenit *vertebralis*, aut, (vt alii volunt) *cervicalis*, quæ partim medullam spinalem, hinc & *arteria spinalis* dicitur, partim cranio perforato internam cerebri & cerebelli substantiam penetrat. Aliæ quoque arteriæ a subclauis prouenientes musculis ipsius colli sunt destinatæ, quæ, quum nullum alium possideant nomen, *musculares colli* dicuntur. Harum artiarum numerus est diuersus, hinc nullam certitudinem habemus: varie enim per musculos dirimuntur & minores semper emittunt ramulos, donec totam musculorum colli compaginem instruant.

Musculares colli,

Scapularis externa,
Intercostales superiores.
mediastina,

Vtterius a subclauis emergit *scapularis externa*, ideo sic dicta, quia ramulis suis minoribus externas scapulæ partes irrigat. Vti & *intercostales superiores*, quæ per duas, vel tres costas, notante *HEISTERO* dirimuntur. *Mediastina*, & hæc non tantummodo mediastino, sed & aliis partibus circumuicinis prospicit, nempe glandulæ thymo, vt ut & ipse thymus propriam possideat arteriam, quæ tamen, quum

quum sæpius ab ipsis anatomicis desideretur, hinc natura ex alia parte supplet defectum hunc; sic etiam pericardium ipsum mutuatur arteriam suam a mediastino.

Huic modo arteriæ descriptæ succedit *diaphragmatica superior*, quæ uti aliæ originem suam subclaviæ adscribere debet, & hæc partibus modo superius descriptis largitur ramulos.

Diaphrag-
matica su-
perior.

Mammaria denique, quæ vltima in thorace est subclaviæ diuisio, ad abdomen vsque descendit, uti *BAR-THOLINVS THOMAS* optime in explicatione arteriarum demonstrat; hæc non mammis tantummodo, sed & aliis partibus tum thoracis, tum abdominis prospicit.

Mamma-
ria,

Thoracem egressæ suum dimittunt nomen subclaviæ, & *axillares* dicuntur, quæ in maiorem & minorem truncum diuiduntur; ante earum diuisionem vero emittunt *scapulari-rem internam* dictam, quæ partibus ossi scapulæ subiectis est destinata. Indiuisa adhuc *thoracicam, seu mammariam* externam, quæ externas thoracis partes circumscribit, producit.

Axillares.
Scapularis
interna,
Mamma-
ria exte-
rna,

His modo distributis & productis arteriis, diuiditur arteria axillaris in duos ramos, *maio-rem* scilicet & *minorem*, & dicitur *brachialis*, quia ad brachium irrigandum a natura est destinata, ubi ambo trunci varios ad brachium tam interne, quam externe irrigandum & prospiciendum, ramulos vsque ad flexuram cubiti emittunt.

Brachia-
lis,

Dum vero cubitum attingit ramus axillaris, maior iterum in duos diuiditur ramos, quorum interior *cubitæus*, exterior vero *radiæus* nuncupatur, qui vario dein subdividuntur ramo, & plurimos dimittunt ramos, qui semper in minores, tum ad manum, tum ad digitos manus informandos discriminantur. Hanc vero diuisionem modo declara-

Ramus cu-
bitæus &
radiæus.

tam non semper quærendam existimamus, quum interdum ipsa natura in tali diuisione ludere assuescat.

Distributio aortæ descendentis.

Bronchia-
lis.

PRima aortæ descendentis infra subclauiam sinistram dirimatio consistit in productione arteriæ *bronchialis*, quæ sanguinem ab aorta ad bronchiorum substantiam transportat; hæc quum a *RVYSCHIO* inuenta sit, *bronchialis RVYSCHII* nuncupatur, vti in ipsius opere videntum erit; iuxta *HEISTERI* mentem sæpe etiam ab intercostalibus prouenit.

Intercosta-
les inferio-
res.

Huic modo succedunt *intercostales inferiores*, ex utroque latere prouenientes, quæ omnibus, exceptis tribus superioribus costis, vti & musculis abdominis prospiciunt.

Oesopha-
gea.

Vlterius ab aorta emergit *oesophagea* a paucis quidem notata; hanc circa medium oesophagi non semel tantum, sed sæpius duobus, vel etiam tribus ab aorta distinctis principiis prouenientem notauit & demonstrauit *HEISTERVS*. Et reuera si tractum oesophagi rite considerare velimus, insufficiens certe illa arteriolarum dirimatio pro oesophago est, quæ a carotidibus suum desumit principium, hæc enim totum oesophagi tractum per se sufficienter non poterit irrigare: hinc non abs ratione indefessi corporis humani scrutatores tertiam quoque dirimationem oesophago tribuunt a *cæliaca* prouenientem.

Lumbares
superio-
res.

Huic modo succedunt ab eodem aortæ trunco *lumbares superiores*, quæ ad musculos lumbares superiores tendunt.

Infra

Infra intercostales superius declaratas arteria, modo simplici, modo geminato ramo pullulat, ad diaphragma tendens, quæ *diaphragmatica*, seu vulgo *phrenica* dicitur, hæc tamen videtur, ac si esset arteriæ coeliacæ modo describendæ propago.

Diaphrag-
matica,
seu phre-
nica,
Coeliaca,

Arteria igitur *coeliaca*, quæ prima est aortæ dirimatio infra diaphragma, vnico ramo statim infra diaphragma ex parte anteriori aortæ abscedit, quæ statim in duos diuiditur ramos, in *dextrum* scilicet & *sinistrum*, qui rami denuo alias conficiunt ramificationes, ad vicinas partes irrigandas: sic

A ramo coeliacæ dextro prouenit *gastrica dextra*, & hæc ad ventriculum tendit;

Gastrica
dextra.

Huic succedit *epiploica* ad omentum;

Epiploica,
Pancrea-
tica,

Pancreatica ad pancreas; *Duodena* ad intestinum duodenum, & etiam ad ieiuni portionem; *Cystica* ad cystidem felleam; *hepatica* ad hepar. Hæ omnes arteriæ, vti supra annotaui, a ramo coeliacæ dextro emergunt, diuersa vero denominatio partibus, quibus implantantur, adscribenda venit.

Duodena,
Cystica, &
Hepatica,

Ramus coeliacæ sinister producit ramos *gastricos maiores* & *minores sinistros*, itidem ad ventriculum tendentes.

Gastrica,

Vlterius emittit ramus iste *epiploicam* sinistram ad omentum.

Epiploica,
sinistra.

Dein *gastro-epiploicam* ad ventriculum æque, ac omentum, hinc nomen etiam possidet bipartitum, quia vtrique prospicit parti.

Gastro-
epiploica.

Vltimam denique coeliacæ dirimationem *splenica* efficit ad lienem tendens.

Splenica,

Vltima autem hæc, splenica nempe, notante *HEISTERO* varias constituit arteriolas ad pancreas tendentes, vnde & *pancreaticæ* dicuntur.

Pancrea-
tica,

Cæ-

Meseraica
superior,

Coeliacæ trunco succedit *meseraica* superior, quæ paulo infra coeliacam etiam in parte anteriori arteriæ aortæ egreditur, hæc ab aorta vnico ramo egressa mox in plures diuiditur, qui dein per totam mesenterii substantiam & omnia intestina tenuia disseminantur. Circa hanc diuisionem notat *VERHEYENIVS*, quod isti ramuli, antequam intestina attingant, inuicem vniantur, *arcum* efforment, ex quibus dein varii, & pene innumeri exsurgunt furculi, qui per omnia intestina distribuuntur.

Emulgentes.

Vlterius ex vtraque parte aortæ duo emergunt rami ad substantiam renum tendentes, nempe ex vna parte vnus, modo simplex, modo etiam bifurcatus, & isti rami dicuntur *arteriæ renales* seu *emulgentes*, quarum sinistra altior est, quam dextra.

Atrabilia-
res.

Hæ arteriæ varios dimittunt ramulos, & vbi capsulas ingrediuntur atrabiliares, seu renes succenturiatos, *arteriæ atrabiliares*, seu *succenturiatæ* dicuntur.

Adiposæ.

Illæ vero, quæ extimam renum membranam, adiposam scilicet, contingunt, *adiposæ* nuncupantur: notandum tamen, quod istæ arteriæ quandoque immediate a trunco ipsius aortæ proueniant.

Spermaticæ.

His modo succedunt *spermaticæ*, quæ aliquando ab ipso aortæ trunco, aliquando etiam ab emulgentibus proueniunt; hæ in viris ad testes vsque descendunt, in feminis vero in vtero desinunt, hinc partibus generationis internis destinatæ.

Mesenterica infe-
rior.

Mox prodit *mesenterica inferior*, quæ intestinis crassis, & inferiori mesenterii parti prospicit: ab hac, dum intestinum rectum ingreditur & intestinum ambit, mutato nomine *hæmorrhoidalis interna* euenit.

Hæmor-
rhoidalis
interna.

Ad

Ad latera vero arteriarum spermaticarum emergunt *lumbares inferiores*, quæ ad musculos lumbares abdominis & alias vicinas partes tendunt. Circa finem ossis sacri, antequam aorta dimittit arterias iliacas, aliam producit arteriam, quæ, ob situm & locum, quem possidet, *sacra* dicitur, hæc ad os sacrum & partes ibi vicinas irrigandas est destinata, & ad peluim vsque descendit.

Lumbares inferiores.

Sacra.

Ultimam denique aortæ diuisionem constituunt *iliacæ*, quæ in duos diuiduntur ramos maiores, in vnaquaque scilicet parte vnus extat, qui dein rami in *ramos maiores externos* & *minores internos* subdiuiduntur, & primo

Iliacæ.

Emittunt in anteriori parte prope diuisionem ex vtraque parte vnâ arteriam, quæ *umbilicalis fœtus* dicitur.

Umbilicalis fœtus.

Ab interna iliacæ ramificatione producitur *hypogastrica*, quæ ad pudenda præsertim muliebria, vesicam vrinariam, intestinum rectum, vbi dein *hæmorrhoidalis externa* dicitur, nates & musculos vicinos tendit.

Hypogastrica.
Hæmorrhoidalis externa.

Iliacæ externæ *epigastricas* producunt, quæ interiores abdominis partes prospiciunt, & per musculum rectum excurrentes ad mammarias vsque ascendunt, quibus inosculantur.

Epigastrica.

Ab iisdem iliacis assurgunt *pudendæ*, quæ quum ad vtriusque sexus pudenda tendant, ita denominantur, vti & *arteriæ musculæ*, quæ harum partium musculis sanguinem communicare debent.

Pudendæ.

Ultimam denique iliacarum diuisionem, hinc & totius systematis arteriosi finem faciunt *crurales*, quæ principium suum habent, vbi iliacæ abdomine egrediuntur, & in duos ramos in *externum minorem*, *breuioremque* & *internum maiorem* diuiduntur, hicque in alios etiam subdiuiditur ramulos.

Crurales.

Musculæ
externæ &

Ramus itaque externus minor & breuior plures adhuc progignit furculos, qui per exteriorem femoris partem, per musculos scilicet externos, disseminantur, & *arteriæ musculæ* dicuntur;

internæ.

Partibus vero internis truncus cruralis internus alios dispensat ramulos, qui *musculæ internæ* nuncupantur.

Diuisio
cruralis.

A productione trunci cruralis interni adhuc aliæ enascuntur arteriæ, quæ pro diuersitate partium, quæ irrigantur, diuersa quoque sortiuntur nomina: sic, quæ popliteum spectant, *popliteæ*, quæ tibiam, *tibiales*, quæ suram, *surales*, quæ dein extremum pedem percurrunt, insigniuntur & sic systema arteriosum conficiunt.

Vt autem clarius huius hucusque datæ descriptionis habeatur explicatio, tabulam hanc adiicere volui pro meliori commodo & maiori vtilitate anatomiae tyronum; nam secundum hanc declarationem facillimo modo poterunt omnes auctorum tabulas, quæ systema arteriosum demonstrant, intelligere.

Tabula Generalis

Arteriarum.

Arteriam itaque *magnam*, seu *aortam* in duos diuissimos truncos, in *ascendentem* nempe & *descendentem*. Truncus ascendens pericardio adhuc inclusus primam suam facit ramificationem & constituit

Coronarias cordis - - sub valvulis.

Subclauiam dextram - - in flexura dicti ascendentis trunci
a parte dextra.

Caro-

Carotides, quæ furculos asperæ } a media summitate eius-
arteriæ & laryngi dimittunt. } dem trunci ascendentis,
seu a medio flexuræ.

Subclauia sinistra affurgit } circa finem flexuræ aortæ ascen-
dentis, vel in principio descen-
dentis.

Subclauiæ Dirimatio.

Cervicales
Vertebrales aut
Spinales, vti &
Musculares colli,
Mammaria superior, } a parte superiore vtriusque
subclauiæ.

Mediastinæ, - - -
Thymicæ,
Intercostales superiores
Scapulares externæ,
Diaphragmaticæ superiores,
Mammariæ inferiores, } a parte inferiore vtriusque sub-
clauiæ.

Axillaris Dirimatio.

Arteria axillaris est quidem continuata propagatio
subclauiæ, thorace vero subclauia egressa suum mutat no-
men &, vbi ad axillas tendit, axillaris dicitur. Ab hac
itaque prouenit

Scapularis interna - - -
Thoracica, seu *mammaria*
externa. } ab axillaribus ante diuisionem.

Axillaris, dum ad brachium peruenit, *brachialis* dicitur,
quæ plerumque vnico trunco, seu indiuisa, aliquando etiam

diuisa ad cubitum vsque descendit, ibique in duos diuiditur ramos, & vbi cubitum attingit, *cubitæa* dicitur, deinde duos conficit ramos, maiorem nempe & minorem, ramus minor exteriores partes irrigat.

Radicea denique & aliæ arteriæ, } a continuatione trunci
quæ per manus & omnes digi- } maioris axillaris, vel a
tos dispensantur, nullo alio } brachiali, quam hæc
quidem nomine insignitæ. } eadem sit diuisio.
Et hæc diuisio arteriarum superiorum.

Distributio aortæ descendentis.

Bronchialis - - - }
Intercostales inferiores }
Oesophagæa HEISTERI } a trunco magno aortæ de-
Lumbares superiores. } scendentis.
Diaphragmatica modo sim- }
plex, modo gemina, seu }
cœliaca, phrenica & }
Coeliaca ab aorta proueniens in dextrum & sinistrum }
diuiditur ramum, & varie distribuitur: sic }
Gastrica ad ventriculum }
Epiploica ad omentum }
Pancreatica ad pancreas } a ramo dextro cœliacæ.
Duodena ad intestinum duodenum }
Cystica ad cystidem felleam, }
Hepatica ad hepar }
Gastricæ maiores & minores ad }
ventriculum. }
Epiploicæ ad omentum. } a ramo sinistro cœliacæ.
Gastroepiploicæ ad ventriculum }
& omentum }

Sple.

- Splenica* ad substantiam
lienens &
Pancreatica plures, } a ramo sinistro cæliacæ.
- Mesenterica*, seu *mesenterica superior* & *inferior* mesenterio &
omnibus intestinis destinata statim infra cœliacam ab
aorta suum habet principium.
- Hæmorrhoidalis interna*, } a mesenterica inferiori, dum in-
testinum rectum interne ambit.
- Renales*, seu *Emulgentes*
quarum sinistra altior
dextra, } a trunco aortæ descendente ex
vtraque parte.
- Adiposæ* ad externam
tunicam renum. } aliquando ab emulgentibus, ali-
Atrabiliares, seu *suc-* } quando ab ipso aortæ trunco.
centuriatæ,
- Lumbares inferiores* ad
musculos lumbares, } ab aorta in medio per modum
Spermaticæ ad testes, } caudæ descendit sacra.
- Sacra* ad os sacrum vsque
ad peluim, }
- Iliacæ* tandem ultimæ aortæ descendentis diuisio in duos
diuiditur ramos, qui iterum subdividuntur in ramos ma-
iores externos & minores internos. Ab his vero primo
eueniunt
- Umbilicales* fœtus } ab anteriore parte iliacæ prope diui-
arteriæ duæ. } sionem.
- Hypogastricæ* ad pudenda,
vesicam &
intestinum
rectum, vbi
hæmorrhoidales
externæ dicuntur, } ab iliacis internis.

Epigastricæ ad partes interiores
abdominis, ascendunt etiam
vsque ad mammarias, qui-
bus inosculantur, } ab iliatis externis,

Pudendæ ad partes pudendas exteriores, } ab iisdem ilia-
Musculæ ad ipsos musculos, } cis.

Crurales denique ex productione iliatarum externarum ab-
domen relinquentium in duos ramos diuiduntur, scilicet
externum minorem & breuiorem, & internum maiorem, qui
in alios etiam subdiuiditur ramulos.

Ramus externus seu minor nullam aliam præter externam
femoris ramificationem constituit, per musculos enim fe-
moris dirimitur.

Poplitææ vero,
Musculæ,
Tibiales internæ &
externæ, } a productione trunci maioris
Surales, & illæ, quæ ad } cruralis interni in sua diui-
extremum vsque pedem } sione oriuntur.
excurrunt,

Et hæc de arteriis sufficiant.

Caput Quintum

De

Venis, seu Veneologia.

DEclaratis & descriptis arteriis ordo postulat, ut & venarum doctrinam aggrediamur; quarum propagatio, dirimatio & consensus summe illustrat scientiam anatomicam: ex harum enim doctrina multa, quæ in corpore humano abscondita sunt, tum quoad morbos, tum etiam quoad sanitatem conseruandam, omni faciliiori modo declarantur & quasi aperta fiunt.

Venam itaque definimus, quod sit *vas nullo sensibili motu præditum, reliquum sanguinem a partibus reducem cordi committens, vel a peripheria ad centrum vehens figura rotunda, fistuloso-conica, intus valuulæ conspiciuntur, non paucae præterea venarum ramificationes in extremitatibus tum brachiorum, manuum, tum etiam crurum observantur.* Definitio
venæ.

Quatuor, uti de arteriis dictum, vestitur vena *membranis*, quæ tamen non ita robustæ, sed debiliores sunt, quum his motus non sit tam magnus concessus, quam arteriis, hinc neque tali indigent firmitudine & robore. Venarum
substantia.

Harum membranarum *prima & interior* tenuis & laxa fibris rectis est contexta; *secunda* vasculosa reticulari ordine disposita; *tertia glandulosa*; *quarta* denique *musculo* a fibris annularibus condita. Videntur auctores inter se discrepare circa principium & finem venarum: volunt enim alii, principium esse in peripheria, eo quod a peripheria ad centrum per venas reuehatur sanguis, sicuti arteriæ omnes *princi-* Principium

principaliter ab aorta ex corde principium trahunt, eo quod sanguis hac mediante vniuerso corpori dispenfetur, vel a centro ad peripheriam ducatur.

Diuisio ge-
neralis.

Nos autem istas controuersias relinquentes, quum ad essentiam rei nihil faciant, venarum historiam a venis maioribus exordiemur, hinc diuidimus venas in *tres ramos maiores* nempe in venam *pulmonalem*, venam *cauam* & venam *portæ*.

Venæ cauæ
diuisio.

Vena caua, vtut vnus videatur truncus, duplicem tamen habet diuisionem, nempe in *truncum superiorem* & *inferiorem*.

Caua supe-
rior,

Truncus superior a corde ad caput, poterit denominari *truncus cauæ descendens*, eo quod sanguinem a capite ad cor deorsum ducit, adeoque sanguis descendit;

inferior,

Truncus autem inferior, recte *ascendens* nuncupari potest, quia sanguis mediante hoc trunco a partibus inferioribus & vltimis extremitatibus ad cor reducitur: puto enim, hanc venarum denominationem & diuisionem sumendam esse a circulo ipsius sanguinis: nam sicuti arteria aorta suam habet diuisionem in ascendentem, quæ sanguinem sursum, & in descendentem, quæ sanguinem deorsum ducit, sic & vice versa erit vena denominanda, vel si magis arridet, poterit (vt superius dictum fuit) diuidi vena caua in *truncum superiorem* & *inferiorem*.

Pulmona-
lis.

Vena pulmonalis, ita dicta, quia sanguinem a pulmonibus susceptum sinistro cordis ventriculo communicat, & sicuti superius diximus, quod arteria pulmonalis a dextro cordis ventriculo egreditur ad pulmones, sic vena pulmonalis a pulmonibus sinistram cordis ventriculum vnico trunco (licet in pulmonibus in quatuor truncos diuidatur maiores) ingreditur & sanguinem mediantibus particulis nitosis ab aere inspiratis iam suo modo attritum & rarefactum sinistro cordis ventriculo denuo infundit. Aliam diuisionem

uisionem & ramificationem vena pulmonalis non habet.

Vena caua, dum in dextram cordis auriculam inferitur, tribus *valvulis tricuspidalibus* munitur, ibique in ramum *superiorem* & *inferiorem*, vel *descendentem* & *ascendentem* discriminatingur. Valvulae

Antequam vero pericardium dimittit, vel pericardio adhuc inclusa *coronarias* constituit cordis, quia cor coronae ad instar, vti de arteriis diximus, cingunt. Coronariae

Dein pericardium egreditur, & ramus superior ad iugulum vsque indiuisus producitur.

E pericardio vena caua egressa primo constituit venam *azygos*, seu *sine pari*, quae in facie interna thoracis subtus cauam & vasa pulmonalia descendit. Azygos

Et utrinque ad vertebrarum latera applicata alios producit ramulos, qui per costas disseminati *venae intercostales* nuncupantur. Intercostales

Uterius ex hac vena *azygos* emergit *oesophagea*, ab *HEISTERO* adnotata. *Intercostales* autem quandoque furculos ad lumbos, & non raro ad emulgentes dimittunt a vena *azygos* prouenientes. Oesophaga

Vena bronchialis, *BARTHOLINO* *pneumonica* dicta, sociata arteriae *bronchialis*: haec aliquando infra venam *azygos* ex caua, aliquando ex ipsa *azygos*, quandoque etiam ab *intercostalibus* prouenit, & quandoque etiam desideratur. Bronchialis

Uterius a trunco superiori producitur *mediastina* & *diaphragmatica* superior, quae suas comitantur arterias. Mediastina & diaphragmatica superior.

Ultimam denique venae cauae superioris constituunt discriminationem ipsae *subclauiae*, ex vnaquaque parte vna, dextra nempe & sinistra: harum *sinistra* altior, quam *dextra* reperitur. Subclauiae

Iugulares
internæ &
externæ.

Externæ
distributio.

Ex his vero producuntur superius *iugulares*, & hæ in *internas* & *externas* diuiduntur.

Iugularis externa, quæ externe infra cutim sursum ascendit, illos producit ramos, qui a partibus capitis externis sanguinem recipiunt, hinc etiam pro diuersitate partis, a qua recipiunt, diuersa quoque sortiuntur nomina. Sic vena, quæ a fronte sanguinem reducit, *frontalis*, a tempore, *temporalis*, a musculis externis colli, *musculæ* dicuntur.

Internæ di-
uisio.

Iugularis autem interna, quæ lateraliter prope carotidem descendit, venas constituit, quæ internis capitis partibus sunt destinatae: hinc largitur primo venas, dum lateraliter per asperam arteriam descendit, musculis laryngis, ossi hyoidis, linguæ, a quibus, dum infra linguam cocunt, *sublinguales*, vel ob figuram, quam præ se ferunt, *raninæ* producuntur, & partibus quoque vicinis ramos vltioremque propagationem communicat, quæ tamen distributio non semper æqualis videtur, hinc vna iugularis defectum alterius supplet, & vice versa: hoc est, si interna deficit, tunc supplet externa, & si externa, tunc interna defectum prioris reintegrat.

Reliqua portio iugularis internæ peracta vasorum distributione ascendit vsque ad meninges, ibique in duos diuiditur ramos, horum maior finem ponit in sinu laterali duræ meningis, imo volunt aliqui, præsertim *VERHEYENIUS*, quod ipse truncus hunc sinum constituat.

Minor vero truncus interne excurrit per substantiam cerebri, ibique ramulos glandulæ pituitariæ subministrat, vel si magis lubet cum *HEISTERO* loqui, terminatur vena iugularis interna in *sacculum iugularem* & sanguinem e sinibus duræ matris reducit.

Uterius a subclauis producuntur *venæ ceruicales*, seu *Ceruicales*, *vertebrales*, quæ usque ad cranium (notante *HEISTERO*) ascendunt & percurrunt ceruicem, vertebrae, spinalem medullam musculosque vicinos.

His succedunt *intercostales superiores*, a primis duabus, *Intercostales superiores*, vel tribus costis, vti superius de arteriis diximus, sanguinem recipientes.

Sequuntur *mammariæ*, quæ per mammas disseminatæ *Mammariæ*, suas comitantur arterias.

Musculares superiores & inferiores a musculis colli & capitis, maxime exterioribus, sanguinem reducant.

Ultimam denique subclauiarum conficiunt dirimationem prope egressum thoracis *scapulares internæ & externæ*, vti *Scapulares internæ & externæ & thoracicæ*, *thoracicæ*. Scapulares sanguinem reuehunt a partibus tam internis quam externis scapulæ; thoracicæ vero a partibus thoracis exterioribus.

Mox thorace egressæ & axillas attingentes, mutant nomen & non amplius subclauis, sed *axillares* nuncupantur.

Ab his primo eueniunt *brachiales*, quia ad brachia tendunt.

Dein diuiditur axillaris in truncum *internum*, seu *basilicam*, & *externum*, seu *cephalicam*, & tali modo descendunt usque ad flexuram cubiti, vbi unitis ramulis medium conficiunt ramum, qui vena *mediana* nuncupatur.

Basilica in brachio dextro dicitur *hepatica*, in brachio sinistro *splênica* nuncupatur.

Venæ istæ superiores per dorsum manus excurrentes omnibus etiam digitis subministrant ramos, duos tamen efficiunt ramos notabiliores, qui quandoque variis ex causis a chirurgis incidi solent: harum prima dicitur *cephalica*, quæ circa digitum pollicem & indicem dirimitur.

Salvatella.

Alter ramus dicitur *salvatella*, quæ sedem suam habet circa digitum annularem & minimum, seu auricularem, & sic venæ cavæ superioris dirimatio terminatur.

Multæ hic essent circa venæ sectionem controuersiæ dilucidandæ; quum vero de præsentī anatomica tantum describenda præsumpserim, hinc nil de his dicam, sed pro viribus omnes istas controuersias in libro, ubi de operationibus chirurgicis agam, conabor eneruare, nunc vero ad venam cavam ascendentem, seu inferiorem pergimus describendam.

Distributio.

Venæ cavæ inferioris, seu ascendentis.

Distributio
venæ cavæ
inferioris.

Diaphrag-
maticæ.

Rami he-
patici.

Ultior
proga-
tio.

Vena caua inferior, quam & ascendentem dicimus, indiuisa a pericardio abscedit, & vnico trunco ad diaphragma vsque producitur; dum diaphragma attingit, ramos constituit duos diaphragmati destinatos, hos venas *diaphragmaticas*, seu *phrenicas* nuncupamus.

Venis his constitutis diaphragma penetrat, illoque perforato hepar accedit, cui in summa parte plures largi-
tur ramos, duos, vel tres tamen maiores, qui dein in minores semper & minimos dirimuntur, & *rami hepatici* audiunt. Dum autem truncus iste per hepar aliquatenus descendit, illud relinquit & lumborum vertebris sese accomodat, & arteriæ aorta se vnit, variosque ex vtraque parte emittit ramos, nempe *lumbares superiores* ad lumbos, *atrabiliares* ad renes succenturiatos, *adiposas* ad primam renum membranam, *emulgentes* ad ipsam renum substantiam (quomobrem mirandum non erit, si hepatis abscessus sæpius, ex-
peri-

perientia teste, per vrinam resoluantur), *spermaticas*, in his vero notandum; quod sinistra ab emulgente, dextra vero ab ipso venæ cauæ trunco proueniat: his denique ex vtraque parte succedunt *lumbares inferiores* ad lumborum partem infra renes sitam.

His iam emissis ramis truncus venæ cauæ inferior ulterius descendendo sese subiicit arteriæ aortæ, & circa os sacrum duos emittit ramos *iliacos* dictos, & circa angulum *iliacæ* inferiorem huius diuisionis producuntur *venæ sacræ*, quæ *Sacræ*, tamen aliquando sola, aliquando etiam fociata reperitur.

Iliacæ dein, quæ immediate a trunco venæ cauæ inferioris, seu ascendentis progrediuntur (vti superius de arteriis diximus) subdiuiduntur in *externas maiores* & *internas minores*.

Ab iliaca interna prouenit *hypogastrica*, quæ eiusdem *Hypogastrica*, correspondet arteriæ.

Ab hac vero, *hypogastrica* nempe, pullulat *hæmorrhoidalis externa*; reliqua huius *iliacæ* portio impenditur partibus vicinis. *Hæmorrhoidalis externa*.

Ab iliaca vero externa, antequam *cruralis* nomen assumat, producitur primo *epigastrica*. *Epigastrica*.

Paulo inferius assurgunt *pudendæ*, quæ ad partes *pudendas*, & *inguinales*, quæ ad *inguina*, tendunt. *Pudendæ*.

Alios quoque emittit ramulos exterius, qui *musculis* dispensantur, hinc & venæ *musculæ* dicuntur. *Musculæ*.

Peracta tali distributione ab iliacis mox abdomine egrediuntur, & loco *iliacarum* *crurales* dicuntur, quia a *cruribus* & *femoribus* sanguinem excipiunt, & in duos truncos dirimuntur, in *internum* nempe *minorem*, & *externum maiorem*. Ramus internus ipsius *cruralis* alio insignitur nomine, & *saphæna* nuncupatur: hæc ad *malleolum internum* *Saphæna*.

vsque descendit: Germanice *die Rosen-Ader* dicitur, quam incidere solent chirurgi in affectibus vterinis, qui potissimum a defectu fluxus mensium dependent.

Politæa.

Suralis.
Ischia.

Cephalica
pedis.

Crurales autem maiores per pedem disperguntur varie; harumque prima soboles in poplite incipit & *poplitæam* efformat; dum truncus iste vltius ad suram progreditur, *suralem* conficit & *ischiam maiorem*, quæ ad extremum vsque pedem excurrit, ibique per totum pedem & digitos varie dirimitur; sic denique *cephalica* illa est, quæ circa maiorem pedis digitum, seu circa pollicem obseruatur. Alii vero ramuli ischiæ maioris per malleolum externum excurrunt & nullo alio nomine sunt insigniti, isti que ramuli vario dein modo cum arteriis inosculantur, qui dein sanguinem ab arteriis recipiunt & per circulum vltius ad cor vsque transmandant.

Inæqualis
venarum
diuisio.

Hoc idem notandum existimamus (vti superius de arteriis diximus) hanc venarum diuisionem non in omnibus esse æqualem: aliquando enim & ipsa natura circa distributionem venarum ludere conatur, interim tamen talis a priori inuenitur dirimatio, hinc & huic inhærendum existimamus, neque credendum, quod disparitas in distributione venarum habenda sit, vt vt sæpius diuersa videatur ramificatio in pede dextro, ac sinistro, in manu dextra, ac sinistra, in re ipsa tamen quoad vasa maiora, semper correspondet distributio, adeoque talis diuersæ ramificationis, quæ tantummodo obseruatur in ramis minoribus, non est habenda ratio.

Nunc vero ad tertium venarum genus, nempe ad distributionem venæ portæ nos accingimus.

Distri-

Distributio

Venæ portæ.

ABsoluta venæ cavæ historia & distributione, ad aliam progredimur venarum ramificationem exponendam, quæ tertium venarum genus est, & *vena portæ* dicitur: situm hæc suum habet in hepate, & ab hepate exiens omnibus ferme partibus, quæ in abdomine continentur, suis prospicit ramulis. *Ortum* suum habet in concaua hepatis parte, vel si *BAR-THOLINO* credimus, suos debet natales venæ *umbilicali*, utpote omnium venarum primæ; si vero aliis fidem adhibere velimus, producit hæc a *venis meseraicis*, dum hepatis implantantur. Nos autem hac de re non multum solliciti, siue ab hac, siue ab alia producat parte; hoc tamen certum est, quod maxima huius ramificatio, ut inferius patebit, in hepate inveniatur & postmodum aliis dispensetur partibus. Dicitur *porta*, quia quasi porta, aut ostium aliis habetur venis, quæ in abdomine continentur, vel si magis placet cum *JUNCKERO* in sua Physiologia eloqui, quod per hanc venam, tanquam per portam famoso illi morbo hypochondriaco aditus pateat: & reuera morbus iste pro primaria sua causa agnoscit tum in iis, qui vitam degunt sedentariam, tum etiam aliis in subiectis, obstructionem circa ramificationem venæ portæ. Vena hæc, ut ut inter primarias numeretur, nihilominus tamen abdomine non egreditur, sed omnes suas dirimationes in illa conficit cavitatem, quas modo describendas suscipimus. Dicitur hæc vena quoque *vena arteriosa*, non quidem, quod pulsum habeat arteriæ similem, qui iuxta experientias a *VAN HORN* in suo opusculo citatas fol. 72. ad §. 29. mihi nunquam

Vena portæ
Situs.

Origo.

Porta cur?

Vena arteriosa
cur dicitur?

Officium
venæ por-
tæ ut arte-
riæ.

quam demonstrari poterit, etiam si arteria hepatica ligetur: hoc vero transmissio, quod si vena portæ haberet pulsum, ut arteria, tunc eandem quoque deberet habere texturam in membranis, uti habet arteria; sed ista textura deficit, ergo & pulsus: texturam enim nullam aliam admittimus in vena portæ, quam superius de vena caua insinuauimus, nisi quod habeat membranas non nihil robustiores, non tam robustas autem, ac arteria. Dicitur autem *vena arteriosa* ex eo, quia duplici fungi debet officio, præprimis nempe *venæ*, postmodum *arteriæ*. Fungitur officio venæ, dum sanguinem ab intestinis, mesenterio, omento, liene, pancreate & ventriculo recipit tubulis angustioribus, qui dein in suo progressu ampliores & capaciores facti in truncum venæ portæ coeunt, hinc sanguis tali modo receptus a vena portæ toti hepatis substantiæ dispensatur, & tali modo fungitur arteriæ officio. Sanguis hic dein a ramulis venæ cauæ reassorbetur, & per circulum suum conuenientem sensim dextro cordis ventriculo communicatur, relicta prius in hepate sufficienti quantitate, quæ ad secretionem bilis idonea habetur. Hac de re consulere possumus *JVNCKERVM* in suo conspectu physiologiæ medicæ, & hygiænes tabula 19. de bilis secretionem & excretionem, qui circa hanc ramificationem omnia plane non sine addiscentium utilitate, diferte & clare describit, uti & *STAHLIVM* de vena portæ, porta malorum.

Triplex
eius diui-
sio.

Data hac breui venæ portæ notitia, ad eius modo diuisionem declarandam nos accingimus: Hæc igitur in tres diuiditur partes, in *radices* scilicet, *truncum* & *ramos*. Per *radices* vero intelligimus duos ramos inferiores, qui in dextrum & sinistrum diuisi sequentes efformant ramificationes.

Ex

Ex ramo itaque dextro omnes oriuntur venæ *mesenterio, intestinis & omento* destinatæ, hæ tamen dextri lateris partibus insunt.

Radicum
diuisiones
in ramum
dextrum,

Insuper *hæmorrhoidalis interna* ab hoc quoque venæ portæ ramo dirimitur:

Ramus vero sinister, qui & vena *splenica*, seu *lienaris* dicitur eo, quod ad lienem vsque percurrat ibique implantetur, constituit varias *venas gastricas*, quæ inuicem complicatæ, & per modum coronæ ventriculum cingentes vnam quasi efformant venam, quam *coronariam* anatomici appellare consueuerunt.

ramum
splenicum
seu fini-
strum,

Uterius pullulant ex hoc ipso ramo *epiploicæ*, quæ omento, & *gastro-epiploicæ*, quæ ventriculo simul & omento sunt propriæ.

Vasa breuia, uti & *pancreatica*, quandoque & ipsa *hæmorrhoidalis interna* ab hoc sinistro ramo proueniunt, vel huic quoque implantantur.

Truncus dein, qui secundam portæ ramificationem constituit, primo producit *cysticas* ad cystidem felleam abeuntes,

Trunci di-
uisio in cy-
sticas,

Uti & *gastricam dextram* ad ventriculum;

gastri-
cam dex-
tram,
duode-
nam, pan-
creaticam,
umbilica-
lem foetus,

Duodenam ad intestinum duodenum, a qua denique sæpe sæpius constituitur *pancreatica*;

Umbilicalem denique in foetu, quæ postmodum in natis in *ligamentum hepatis suspensorium* abit, ipsi trunco venæ portæ inferitur.

Rami denique, qui tertiæ venæ portæ sunt propagines, a trunco exoriuntur, qui infiniti, ut ita dicam, solummodo per substantiam hepatis disseminantur.

Ramorum
diuisio.

Et in his tota totius corporis consistit venarum explicatio.

Ee

Vt

Vt autem huius rei, quæ modo obscura nimis videtur, clarior habeatur notitia, aliam tabulam generalem huic apponam descriptioni, vti in systemate arterioso fuit factum, hac vero cum distinctione, quod, vti in præsentî declaratione, a truncis maioribus descriptionem exorditus sum, nempe, a centro ad peripheriam, modo vero tabulam generalem a peripheria ad centrum ducam.

Tabula generalis venarum.

Tabulam generalem venarum aggressuri duas tantummodo venas delibabimus, *venam cauam* scilicet & *venam portæ*.

Vena pulmonalis in hac tabula silentio prætereunda videtur, quum hæc ramificationes suas tantummodo in pulmonibus constituat, ibique sanguinem ab arteria pulmonali iam rarefactum suscipiat & sinistro cordis ventriculo communicet, & hac ex ratione dicitur etiam *vena arteriosa*.

Vena caua itaque, dum in dextram cordis auriculam inferitur, tribus valuulis tricuspidalibus munitur, ibique in *descendentem* & *ascendentem* diuiditur.

Caua descendens ad iugulum vsque indiuisa quidem fertur, sed pericardio adhuc inclusa primo recipit sanguinem

a cordis <i>coronariis</i>	} ad venam cauam, quæ sanguinem ab arteriis coronariis receptum reuehunt.

Vena caua e pericardio egressa sub vasa pulmonalia primam recipit productionem, venam scilicet *azygos*, seu *sine pari*, quia non habet sociam, hunc implantantur

Inter-

Intercostales, ex vtraque parte vltimæ }
inferiores }

Oesophagaea ab *HEISTERO* adnotata

& *intercostales* quandoque ad lum- } ad venam azygos &
bos & emulgentes emittunt furcu- } ab hac ad cauam.
los, seu furculi lumborum, & emul-
gentium, quandoque intercostali-
bus vniuntur

Bronchialis, vt vt non sem- } tendit aliquando ad truncum
per inueniatur, } cauæ statim infra venam azy-
gos, aliquando ad ipsam ve-
nam azygos, quandoque et-
iam ad *intercostales*.

Mediastinæ } a mediastino & pe- } ad partem anteriorem ve-
ricardio, } næ cauæ.

His succedunt *subclauia*, quæ in cauam exonerantur,
huic vero correspondent, vel huic inferuntur,

Diaphragmaticæ superiores, - - - }
Intercostales superiores, a costis superio-
ribus loco venæ azygos,

Mammariæ, } ad subclauias, ab
Musculæ inferiores } his ad cauam
descendentem.

Jugulares externæ, } a quibus *sublinguales*
& *frontales*,

Jugulares internæ, *vertebrales*, seu *cervi-*
cales,

Prope egressum e thorace conspiciuntur

Scapulares internæ, & } tendunt ad subclauias, ab his ad
externæ, quæ pariter } cauam descendentem.

Subclauiae thorace egressæ *axillares* dicuntur, quæ dein per brachium dirimuntur & diuiduntur in duos truncos : his propriæ sunt

<i>Brachiales</i> , quia brachium irrigant	} ad axillares, ab his ad subclauias, ab his ad cauam descendentem.
<i>Cephalicæ superiores & minores</i>	
<i>Basilicæ inferiores & maiores</i> ,	

<i>Media</i> , seu <i>Mediana</i> brachii in cubiti flexura, quæ ex connexionem rami cephalicæ internæ & maiori ramo basilicæ originem habent,	} ad brachiales, dein axillares, subclauias & cauam.

<i>Cephalicæ</i> in manibus circa pollicem & indicem,	} correspondent vt supra.
<i>Saluatella</i> circa digitum anulare & minimum,	

Vena caua inferior, seu *ascendens* vsque ad diaphragma nullum exhibet truncum, adeoque primi rami, qui venæ cauæ ascendenti inferuntur, sunt:

<i>Venæ diaphragmaticæ</i>	} ad cauam inferiorem.
<i>Hepaticæ maiores</i> , quæ vt plurimum tres, & aliquando quatuor efficiunt ramos,	} ad venam cauam ascendentem.

<i>Lumbares superiores</i> ,	} ad truncum venæ cauæ inferioris, seu ascendentem.
<i>Atrabiliares</i> , quæ tamen non semper ad hunc truncum, vt supra dixi,	
<i>Adiposæ</i> , sentiendum, vt de atrabiliaribus	
<i>Emulgentes</i> ,	

Sperma-

Spermatica sinistra } ad emulgentem sinistram.

Spermatica dextra, quæ }
ad testes descendit. } ad ipsum truncum cauæ inferioris.
Lumbares inferiores,

Hoc loco *arteria aorta descendens* supergreditur *venam cauam ascendentem*, & diuiditur in duos ramos, qui antequam abdomine egrediuntur, *iliaci* dicuntur, vbi autem diuiduntur, duo conspiciuntur rami,

Sacri dicti, aliquando } ad cauam, vel ante, vel circa di-
& plures } uisionem.

His productis propagationibus inferuntur *venæ cauæ inferiori* duo rami etiam maiores, qui *iliis* applicantur, hinc & *iliaci* dicuntur, & abdomine non egrediuntur sed diuiduntur in ramos *externos maiores* & *minores internos*.

Iliacis itaque applicantur *venæ*

Hypogastricæ } ad *iliacas internas*.

Hæmorrhoidales }
externæ vero } tendunt ad *hypogastricas*.

Epigastricæ autem, }
Pudendæ & } ad *iliacas externas*.
Inguinales, vti & }
Musculæ,

Abdomine *iliacæ* egressæ assument nomen *cruralium* & diuiduntur in duos ramos, *maiolem* nempe & *minorem*: horum *internus minor* est, & *externus maior*: Interno applicatur

Saphena ad malleolum } tendit ad cruralem mino-
internum vsque excurrens } rem.

Crurales maiores per pedem extremum vsque varie dirimuntur & nomen fuscipiunt,

Popliteæ } circa { *poplitem* } ad crurales maiores.
Suralis } { *furas* }

Cephalicæ pedum circa }
pollicem obseruabiles. }
Ischiæ maiores ad malleo- } ad crurales maiores.
lum externum vsque }

Hæ vltimæ quatuor venæ ex continuatione cruralium maiorum, femora, crura, furas & pedes varie percurrunt.

Distributio venæ portæ,

feu

Arteriosa venæ.

VEna portæ in hepate primo in quatuor, vel quinque diuiditur ramos, postmodum in innumeros subdiuiditur, qui hepati implantantur & arteriæ officium gerunt, totidemque ramulis venæ cavæ respondent.

Diuisimus vltcrius venam portæ in tres partes, & quum arbori assimiletur, est huius diuisio in *radices*, *truncum* & *ramos*. Per radices duos intelligimus ramos, *dextrum* scilicet & *sinistrum*. Venæ sequentes vero sunt:

Splenicæ

<i>Splenicae superiores,</i>	}	a	}	
<i>& inferiores,</i>				
<i>Gastricae maiores,</i>	}	a ven-	}	tendunt ad truncum fini-
<i>minores,</i>				
<i>Epiploicae</i>	}	ab omento	}	strum venae portae, sple-
<i>Vasa brevia</i>				
<i>pancreatica, & quandoque</i>	}		}	nicum, seu lienarem, di-
<i>Hæmorrhoidalis interna,</i>				
				ctum.

<i>Gastrica seu Pilorica</i>	}	a parte superiori ventriculi,	}	
<i>Gastro-epiploicae,</i>				
<i>Duodena</i>	}	a ventriculo & omento,	}	ad truncum dextrum
<i>Coronariae ventriculi</i>				
<i>Mesenterica</i>	}	ex gastricis sinistris & dextris vna,	}	minorem & infe-
				riorem.

<i>Hæmorrhoidales internæ</i>	}	quandoque etiam ad meseraicas, ab his ad truncum dextrum.

<i>Cysticae gemellæ</i>	}	a vesicula fellea,	}	
<i>Gastrica dextra</i>				
<i>Duodena etiam maior:</i>	}	ab hac deni-	}	
<i>Pancreatica</i>				
<i>Vena umbilicalis</i>	}	in foetu a funiculo umbilicali, qui dein transit in li-	}	ad ipsum truncum.
<i>in natis,</i>				

Rami

Rami denique suas constituunt ramificationes in ipsa hepatis substantia, sanguinemque ibi allatum & a secretione bilis refluxum committunt ramulis venæ cauæ, qui venæ portæ focii sunt, & isti dein sanguinem ad truncum venæ cauæ inferiorem reuehunt.

Habes hic, Lector Beneuole! huius libri finem. Mire-
ris forsan, quod nihil inferui de foetus nutritione, de circu-
lo sanguinis in foetu, vti etiam, an foetus vtero adhuc in-
clusus respiret. Fateor, debuisssem quidem (vti hucusque de
corpore adultorum pertractaui) etiam de foetu sermonem
& pro possibili declarationem inire; sed quum temporis
angustia, tum etiam ipsa descriptio, quæ in longum protra-
hi debuisset, id pro hic & nunc efficere non permiserunt,
habebis tamen intentum tuum tunc, quando anatomiam
chirurgiæ permixtam publicis subiiciam typis. Interim le-
ge, volue & reuolue partes succincte quidem, clare tamen
descriptas, quæ vnica actionibus vitalibus, hinc & ipsi præ-
sunt vitæ, videbis, & summo etiam cum stupore experieris
magni & supremi Numinis sapientiam, quam hæ hucusque
descriptæ partes loquuntur. Descripsi eas omni, qua po-
tui, diligentia, nil mihi videtur, quod omiserim, erunt ta-
men hac quoque in parte abscondita quædam, quæ non-
dum nota sunt, & forsan nunquam patebunt.

Fruere proin hoc de partibus vitalibus libro, quem in
honorem vnice illius conscripsi, qui se ipsum viam, verita-
tem & vitam denominauit, & qui per lignum crucis
morte sua vitam dedit homini, sit huius
secundi libri meta &

FINIS.

DE-



DEMONSTRATIONVM ANATOMICARVM LIBER TERTIVS DE CAVITATE SVPREMA.

Caput Primum.

De

Partibus capitis externis.

HActenus naturalium & vitalium partium regiones perlustraui-
mus : postulat nunc perscrutationis ordo, vt
facram Palladis arcem ingrediamur & animæ sedem
primariam, vbi supremas suas exercet potentias &
operationes, perlustremus.

Hæc autem *sedes, cavitatis suprema*, aliarum tanquam do-
minatrix, *regio animalis*, quia in hac anima, vt spiritus, sensus
tam internos, quam externos dirigit, hinc omnes actiones a-
nimales perficit, seu denique *caput* dicitur, tum, quia primum
& sublimiorem totius hominis locum obtinuit, tum etiam,
(vt VARRO ad TVLLIVM scripsit) quia hic initium capiunt sen-
sus & nerui.

Caput igitur in duas discriminatur partes, in anteriorem
nempe, & posteriorem : harum anteriorem capitis partem
(quæ *facies* dicitur) necessariis membrorum ministeriis pro-
cujuslibet rei essentia instructam & ornatam scimus, vt ejus
Ff

Caput, seu
regio ani-
malis.

Diuiditur
in partem
anterio-
rem, & po-
steriorem.
Anterior
singula-
facies.

singularis speciositas & sublimis status originem suam factoremque testaretur.

Quemadmodum enim industrii artifices operibus institutis ad operis ornamentum quiddam veluti singulare addunt, in quo, quanta est, opificis sese jactat industria & effundit: ita rerum omnium natura, Deus, cum nullam humanæ fabricæ partem elaboratam sine rythmo composuit, tum faciem præcipue delegit, in quam artis suæ thesauros & copias cummlaret, in qua totus legitur homo, & non modo tristitiæ, hilaritatis, clementiæ, sed & mortis & vitæ in morbis, docente HIPPOCRATE, indicia recognoscimus.

Posterior
diuiditur
in sinciput
verticem,
occiput &
tempora.

Figura Ca-
pitis

Pars posterior, sive *capillata* non vno, sed diuerso gaudet nomine: sic pars superior *sinciput*, media *vertex*, seu *bregma*, inferior, seu posterior *occiput*, latera vero ejus, vbi *frons* in medio, *tempora* nuncupantur.

Quoad figuram, naturaliter constituta esse hæc debet ex rotundo oblonga, seu aliquo modo ouata, ad latera vero complanata, antè & postèrè eminens, ita tamen, vt pars anterior maxime circa frontem minus lata sit, quam postèrior, si vero figura capitis ab ista modo descripta recedit, tunc deformitatem quandam, imo etiam ingenii & iudicii læsionem, teste experientia, infert.

Magnitu-
do ejus
varia.

Magnitudo variat pro diuersitate corporis: quo corpus enim majus, eo & caput majus esse debet, & quod de figura inordinata diximus, id etiam de magnitudinis vitio dicendum existimamus, quum caput habeatur totius corporis pars octaua.

Divisio
faciei.

Partem vero non capillatam seu faciem in plures distinctit natura partes, ac primum in hac oculorum orbes concavis foraminibus conclusit, ab his superius ascendendo, planam scilicet partem, *frontem* nuncupamus.

Ex oculorum vero confinio *nasus* oritur, qui veluti æquali erectus jugo vtramque faciem simul & discernit & vnit. Inferius vero *genarum* non indecens tumor in similitudinem collium leuiter exurgens, vultum reddit elegantio-rem. Deductum a genis *mentum* & ita inferius conclusum, vt acumen ejus extremum signare videatur leuiter impressa diuisio, in qua pilorum ratio plurimum confert ad dignoscendam corporum maturitatem, vel ad differentiam sexus, vel ad decorem virilitatis, vel roboris. *Oris* quoque species, & rictus ex transuerso patefactus quam utilis, quam decens sit, enarrari non potest, cujus *labra* musculis, ligamentis miro artificio instructa, quæ quasi antea cohærebant, quam decenter intercudit, quorum superius sub ipsa medietate narium lacuna quadam, leui quasi valle signauit, inferius honestatis & utilitatis gratia foras molliter explicauit, vt retinendis in masticatione cibis & moderando in loquela aëri mirifice inferuirent.

Os itaque peculiaris quædam parua cavitates est, pectoris Os. & abdominis visceribus quasi janua & vestibulum, huic vitum, illi aërem pro vitæ necessitate subministrat, vnde potissimus oris vsus in tribus constat officiis, sumendi victus, Oris officium. respirandi & eloquendi.

Antequam vero ista vltèrius explicemus, necessarium esse existimamus, eas præmittere partes, quæ caput primario constituunt, quas in continentes & contentas subdiuidemus. Sit igitur

Caput Secundum.

De

Partibus caput constituentibus.

Capitis
generalis
diuifio in
continen-
tes partes
communes

P *Artes*, quæ caput constituunt, vel sunt *continentes*, vel *contenta*: Continentes dein vel sunt *communes*, vel *propriae*; inter continentes communes tria numerantur integumenta, cuticula nempe, cutis & membrana adiposa; dicuntur communes, quia toti inferuiunt corpori, illudque quasi tegumenta cooperiunt, de quibus jam in *libro primo* sufficienter loquuti sumus, hinc necessarium non esse videtur, ut ea hic denuo repetamus.

& pro-
prias.

Musculi
cranii
frontales
duo,

Inter partes continentis proprias primo numerantur *pili*, de quibus itidem in *libro primo* diximus: his auulsa cute *musculi* ipsius *cranii* quatuor numerantur valde subtiles & tenues: horum primi sunt *duo frontales* ex vtraque parte vnus: isti ortum ducunt, juxta *HEISTERI* declarationem, in ipsa cute frontis, & horum extremitates mobiles obseruantur, ex vtraque parte sese extendunt a superciliis oblique extrorsum, dein tendines suos supra cranii partem superiorem expansos cum aponeurosi occipitalium conjungunt, his mediantibus cutis frontis moueri & supercilia attolli possunt.

occipita-
les duo.

Alii musculi sunt *occipitales*, itidem *duo*, sed sunt valde graciles & tenues, ab ipso occipitis osse enascuntur, vbi nempe ossibus temporalibus adhæret, ascendunt recte, & in ipsis frontalibus finem habent: notandum vero, quod præ tenuitate vix obseruentur, ut *BORDNEVS* in *sua Myologia* notat.

Pericranii
descriptio,

Inter partes caput constituentes numeratur *pericranium*, quod est *membrana tenuis quidem, sed sat valida*, statim infra musculos posita, hinc cranium immediate cingens & tam ar-
cte in-

Et inuestiens, vt sine laceratione vix diuelli possit: cohæsi-^{ejus cohæ-}
 nem itaque habet cum cranio, musculis vicinis & cum ipsa ^{fio & ori-}
 dura matre; imo non absque ratione dici posset, quod peri-^{go}
 cranium ab ipsa dura matre originem suam habeat: nam si
 quis attente in incisionibus considerat, reperiet, fibrillas sem-
 per minores & minores per futuras cranii erumpere, a qui-
 bus dein pericranium formatur, vti mihi sæpius hoc con-
 spicere licuit.

Pericranium in duas ab accuratis quidem anatomicis ^{Diuiditur}
 potest diuidi lamellas, in superiorem nempe & inferiorem, & ^{juxta ali-}
 hæc diuisio facit, vt anatomicorum aliqui hanc membranam ^{quos in}
 distinxerint in pericranium & *periostrium*; sed si rei veritatem ^{duas la-}
 attingere lubet, & vt *HEISTERVS* perbene monet, nullam ha-
 bemus hujus distinctionis nec vtilitatem, nec necessitatem:
 nam siue dein dicatur periostrium, siue pericranium, eadem
 res est, hinc etiam auctores circa nomen tantum discrepant;
 dicitur ideoque pericranium, quia cranium immediate cin-
 git; periostrium vero, quia os tali inuestitur membrana, ergo
 quoad essentiam est nulla hujus membranæ discrepantia.

Vasa quoque sanguifera possidet pericranium & quidem ^{Vasa ejus}
 copiosissima, quæ tum a carotidibus, tum a jugularibus ex-^{sanguifera}
 ternis accipit, & hæc capitis partibus externis sunt com-
 munia.

Nervos tum a vertebris colli, tum etiam a pari septimo ^{nerui,}
 ipsius cerebri, vt *HEISTERVS* notat, possidet. Vfus tandem
 pericranii duplex considerandus venit, horum primus est, va-
 sa sanguifera tum fulcire, sustentare, tum etiam concomita-
 ri, quæ nutritioni cranii, aliisque vicinis partibus destinata ha-^{vfus.}
 bentur; secundus, vt sensum cranio conciliet: ossa enim sine
 tali membrana omni carent sensu.

His modo enarratis vsibus tertium quoque adjungit
VERHEIENIVS *tomo I. tractatu IVto. cap. I.* quod nempe susten-

tet duram meningem, mediantibus suis fibris, quæ per futuras egrediuntur, hinc & cerebrum: & revera vsus iste admitti potest.

Cranium. Ultimum denique, quod inter partes continentes capitis proprias numeramus, est cranium, os nempe, quod omnes capitis partes internas concludit, easque mirabili modo tanquam arx bene munita ab omnibus injuriis defendit & munit, hocque mirabili artificio mediantibus futuris vario modo ab inuicem distinctis discriminatur; de hoc vero in Osteologia fusius dicetur.

Ablato cranio partes capitis contentæ sunt perlustrandæ, & primo quidem membranæ duæ, *dura* scilicet & *pia mater*, seu *meninges* duæ.

His interjicitur membrana alia valde subtilis, telæ araneæ instar, quæ *arachnoides* dicitur: his sejunctis *cerebrum* & *cerebellum* se repræsentant, sed de his suo loco, nunc vero membranas perlustrare conuenit.

Caput Tertium

De

Membranis cerebrum inuoluentibus, & primo de dura matre.

Descriptio
duræ me-
ningis.

DEtracto magna cum cautela cranio in conspectum venit *membrana quadam robusta & crassa cerebrum & cerebellum omnesque in capite contentas partes non tam inuestiens, & inuoluens, sed & sinibus sese accommodans*, quæ dura meninx, aliis dura mater nuncupatur: dicitur autem dura mater, quia alias membranas validitate & crassitie superat; meninx vero, quæ quasi integumentum audit, quia cerebro tanquam tegumentum inferuit.

Hujus

Hujus membranæ magnitudo & figura plane cum cerebro correspondere debet : nam si hæc angusta nimis esset, tunc cerebrum præter modum constriingeretur, si nimium laxa, tunc motus ipsius cerebri nimis adaugeretur, ita, vt continua esset in capite confusio. Ex his quoque rationibus adductis eruere possumus, duram matrem tam a cranio, quam a cerebro suo modo liberam esse, vtut *VANHORN in suis opusculis anatomico-chirurgicis* hanc distantiam a cranio neget, qui dicit: *quæ a cerebro, non vero ut hætenus creditum fuit, a cranio aliqualem habet distantiam* : quod autem sit distantia inter cranium & duram matrem, comprobamus motu systolico & diastolico, quo continuo gaudet hæc membrana ; secundo videmus talem distantiam in capite vulneratis, vbi, si portio cranii siue per vulnus, siue per artem adimatur, tunc plane & euidenter comprehenditur motus ; motus vero sine distantia esse non potest ; non autem dico distantiam hanc esse valde notabilem : si hoc enim esset, tunc sine vlla prorsus difficultate cranium adimi posset, sed distantia hæc in tantum est admittenda, in quantum pro motu ipsius duræ matris requiritur, alias enim ab ipso osse comprimeretur, data & concessa tali compressione, & negato motu continua deberet subsequi tristis sensatio, hinc natura non œconomiae, sed potius destructioni studuisset naturali.

Ex hucusque tamen dictis non credendum, quod dura mater vndique sit libera : si hoc enim esset, tunc ipsa cerebri substantia comprimeretur, hinc vt homo tali incommodo liber habeatur, variis modis & distinctis in cranii locis hanc *Connexio*, alligauit membranam. Connectitur itaque primo suis filamentis & fibris, quæ per futuras cranii trajiciuntur, pericranio, quæ connexio recte duræ meningis ligamentum suspensorium nuncupari potest, eo, quod proprie & immediate fibræ istæ membranam hanc suspensam teneant, ne substantiam cerebri

Ejus magnitudo & figura.

rebri attingere possit, & hæc filamenta faciunt, vt etiam circa futuras cranio aliquo modo adhæreat: Circa basin vero adhæret ipsis ossibus, ibique, si non bene attenditur, in remotione cranii membrana hæc facillime lacerari potest; interne vero firmatur laxè quidem, superius ipsi piæ meningi median-
tibus ramis ipsorum sinuum, de quibus dicetur breui. Circa basin internam connectitur per vasa sanguifera, & ipsos neruos.

Duræ ma-
tris stru-
ctura ex-
terna,

Interna.

Diuiditur
in duas la-
mellas.

Detecta modo connexionē inquirenda nobis est hujus membranæ *structura*, quæ duplex considerari debet, *externa* nempe & *interna*; externa, quæ cranium respicit, scabra non nihil est, fibrosa & durior, & hoc, vt facilius cranio possit al-
ligari, vbi est firmanda; interna ejus facies vero, quæ cere-
brum versus se inclinât, levis est, pollita & humore quodam illinita, vt de peritonæo & pleura diximus, hinc ob modo datam diuersitatem hujus membranæ non abs ratione statuunt auctores, & vt ipsa demonstrat experientia, hanc ex duabus consistere lamellis, seu membranis.

Hoc certum est, quod vbique duplex appareat, quæ membranæ duplicitas maxime considerari potest, vbi sinus efformat. Constat vero ex fibris mere tendinosis, & valde robustis, quæ structura facit, vt summo sit prædita sensu, & fors hanc ob rationem anatomicorum aliqui duram meningem omnium totius corporis membranarum matrem statuunt; sed de hoc plura dicemus, vbi de neruis nostrum habebimus examen.

Non tantum superficialiter ambit hæc duplicata mem-
brana ipsius cerebri substantiam, sed eam ex omni parte inuol-
uit, sejungens & cerebrum in sinistrum ac dextrum diuidens,
& vltèrius aliquot efformans sinus. Quum autem cerebri sub-
stantia non ejusdem sit figuræ, sed conuexa & curuata suo
modo reprehendatur, hinc & ipsa duplicatura huic se debuit
accommodare figuræ; quamobrem in parte posteriore laxa
non

nonnihil, in anteriori vero quodammodo coarctata habetur, & quoad figuram assimilatur falci, hinc & anatomicis *falx* dicitur.

Diximus superius, quod hæc membrana duplicata cerebrum quoad omnes suas partes inuoluat, hinc & inter cerebri & cerebellum interjacet, & parietem has inter partes constituit, hoc vero natura tali iniit pacto, ne ex quocunque motu capitis vna pars comprimat alteram, hinc ne malum, vel aliud causaretur damnum.

Quatuor vt plurimum numerantur duræ meningis sinus maiores, vt vt ab aliquibus alii addantur minores; hi a duplicatura efformantur, & videtur, ac si ductus essent membranis venosis, quibus firmiter annectuntur. Primus igitur *sinus* est *sagittalis*, seu etiam *longitudinalis* dictus, iste ab osse frontis per dorsum falcis sub futura sagittali vsque ad cerebellum excurrit, circa frontem est angustior, &, dum versus occiput tendit, sensim ampliatur, vel, vt cum *HEISTERO* loquar, sinus iste sagittalis, vel longitudinalis a fronte per medium cerebrum ad occiput vsque excurrit, & tandem in sinus laterales, qui secundus, & tertius est, terminat.

sinus duræ meningis quatuor maiores.

Sinus autem *laterales* situm obtinent in duplicatura duræ meningis inter cerebrum & cerebellum, qui dein in dextrum & sinistrum subdiuiduntur, sensim ad basin cranii descendendo tandem in venam jugularem vtrinque definunt; vt autem isti sinus conspici possint, ipsum cerebrum e situ suo remoueri debet.

Quartus denique sinus inter maiores & notabiliores vltimus a regione glandulæ pinealis originem suam ducit, & vna cum aliis tribus inseritur, & situs ille, vbi talis deprehenditur insertio, *torcular* dicitur; vt autem iste sinus rite videatur, oportet, vt ipsa dura mater incidatur & partes subiectæ nonnihil remoueantur.

Sinus alius
juxta Morgagnium.

Præter hos adductos & declaratos sinus alium adhuc adducit notabilem *MORGAGNIUS*, in parte posteriori circa occiput, vbi quartus definit sinus, hic initium sumit: hunc sinum præfatus auctor aduersario anatomico sexto, animaduersione secunda, tali modo describit: *Cæterum in pluribus cadaveribus quocunque desineret sinus quartus, prope hunc pariter desinentem inveni alium sinum, a nemine, quod sciam, descriptum, a me vero ob eam, quam obtinet, sedem, posteriorem nuncupatum: in ipsa enim media & posteriori cranii parte a torculari ad magnum ossis occipitis foramen processus osseus assurgit, quem dura meninx succingens, inde & ipsa introrsum curuatur in processum in aliis magis, in aliis autem minus antrorsum dilatatum atque exstantem, quo cerebellum in duo quasi hemisphæria dirimitur; per hunc igitur membranosum processum posterior ille sinus ascendit, eo, quo dictum est, influens, in vicinia autem magni occipitis foraminis initium capiens, & ex venis, quæ ad ea & superiora deinceps loca pertinent, cruorem adaucens: hucusque auctor ille. Si quis autem hac de re plura intelligere desideret, hunc auctorem non sine magna utilitate perlustrandum relinquo.*

Alii quoque etiam dantur sinus minores, qui vero, quum non sint magni momenti, neque tam accurate describuntur, neque tam dilucide obseruantur.

Per sinus istos modo descriptos procedunt *canales sanguiferi*, vel *ductus venosi*, qui vario modo, diuersaque figura sunt constituti: modo enim oblique modo tortuose tum piæ meningi, tum etiam substantiæ ipsius cerebri communicantur, vt per eorum varios obliquos & tortuosos anfractus motus rapidus sanguinis ad totam cerebri substantiam percurrentis, & per hos ad venas jugulares & vertebrales refluens, suo modo refrænatur.

Exoriuntur autem isti canales venosi inter duplicaturam duræ meningis, & versus partem posteriorem spatiolo quodam intermedio incedunt, talique modo piæ matri communican-

nicantur, qui dein totam cerebri substantiam per varios gyros & anfractus percurrentes varios, suos furculos ex omni parte distribuunt; tali ordine quoque sinus laterales vna ex parte cerebro, alia ex parte cerebello tales ductus venosos subministrant. Sed circa hos hucusque descriptos sinus, ductusque venosos varia est anatomicorum sententia, ad quos beneuolum lectorem remitto, & præprimis consulendum esse judicarem *MORGAGNIUM in aduersar. anatom*: ubi plura hac de re solertissime conscripsit; Interim hoc notandum esse existimamus, quod nempe ex minoribus illis canaliculis venosis, qui per substantiam cerebri disseminantur, uti & per ramificationes sinus quarti cum interuentu arterio-
larum formetur *plexus ille choroidalis* dictus, de quo infra. Quum autem natura semper conseruationi individui studuerit, & ne corpus humanum omni quocunque casu obrueretur & miserande interiret, prospexerit, protendit hinc inde transuersim per fundum sinus quarti fibras quasdam maiores veluti chordas nervosas, per quarum successiuam contractionem cursus sanguinis varie modificatur, & hoc, ne cerebrum a sanguine aliquibus in casibus impetuose, & sat copiose petente obruatur.

Præter hos recensitos & hucusque descriptos ductus venos^{Vasa san-}nos, seu sinus, alia quoque vasa sanguinea sibi propria possidet dura mater: arterias enim, quæ arborum instar ramusculorum pulchre distribuuntur, imo harum vestigia in ipso cranio impressa inueniuntur, ut ocularis demonstrat experientia, & *RVTSCHIVS* optime *thes. 5. tab. 2. fig. 4.* delineatas habet, arterias, inquam, possidet, a carotidibus internis duas, & venas pariter facias a iugularibus.

Nervos quod possideat, quum summo sit prædita sensu, non dubitandum, a qua vero parte hos recipiat, sum adhuc in biuio: *HEISTERVS* vero eos producit a quinto & septimo pari ipsius cerebri, huic quidem auctori summam hucusque

fidem præstare conatus sum : *VERHEYENIUS* autem hujus partis nervos alto silentio transmittit : Nos vero, interim nervos tacentes, eos tamen pro possibili declarabimus tunc, quando systema nervosum & nervorum principium dilucidabimus.

uti & de
glandulis.

PACHIONIUS tractatu de glandulis duræ matris, uti & RVRSCHIIUS thesaur. anatom. 7. tabul. 1. fig. 7. glandulas conglobatas quoque statuunt duræ matri, vtrum vero sint deprehensibiles, valde dubitandum, quum ex vna parte vasa lymphatica nondum sint omnimode detecta, ex altera vero sciamus, duram matrem membranam esse translucidam, non quidem tam manifestæ & æqualis, vtcunque videtur, structuræ, vbi vero glandulæ istæ sint inveniendæ, vel detegendæ, plane non scirem, nisi forte in sinibus venosis : vbi enim ad impetuosum motum sanguinis refrænandum inferuire possent.

Vfus duræ
matris.

Vfus tandem duræ meningis quadruplex considerandus venit, & primo quidem, vt internæ cranii parti tanquam periostrum inferuiat; secundo vt cerebrum, cerebellum, omnesque capitis partes ambiat, inuoluat, inuestiat atque defendat; tertio vt processibus suis & duplicaturis cerebrum & cerebellum diuidat, ipsorumque compressionem præcaueat; quarto denique, vt ope sinuum calorem cerebro conciliet.

Caput Quartum

De

Membrana arachnoidea.

Membrana
arachnoidea.

AUulsa & dissecta dura matre inter hanc & piam, aliam statuunt auctores aliqui intermediam, quæ valde subtilis telæ aranearum instar, quam *arachnoidem* appellant, a multis vero omnino non descripta videtur, eamque absolute

lute negant; qui vero eam admittunt, connexam volunt in parte superiori ipsius cerebri cum ipsa pia matre, & cum ipso cerebro, his vero partibus stricte adhæret, in parte inferiori, præsertim circa cerebellum, medullam oblongatam, & spinalem, cum quibus vnitur, suo modo laxa est, ita quidem, vt his in partibus perfecte conspici possit.

Extenditur membrana hæc per totum cerebrum & cerebellum, & excurrit ad medullam spinalem vsque, hanc vero laxissime ambit; vasa autem, sanguifera nulla hucusque certa, quia nondum detecta, vtut ab aliquibus etiam in tabulis fuerint exposita, prouti clare exponit *BIDLOVS in anatomia corporis humani tabul. 8. figur. 5.*

Quoad hujus membranæ vsum videntur auctores inter se discrepare, quum eam statuant pro inuolucro cerebri, *VERHEYENIUS* autem adhuc dum animo hæret, an cerebrum inuoluat, hinc pauca de hac membrana scribit.

Sin autem & mihi circa hanc membranam liceret mentem meam explicare, judicarem, nullam prorsus esse membranam inter duram & piam matrem; illa vero, quæ membrana videtur, est tantummodo expansio, & propagatio fibrillarum duræ & piæ meningis, quæ inuicem tali ordine ad inuicem dispositæ inueniuntur, vt membranam mentiantur, sunt autem istæ fibrillæ ideo destinatæ, vt his mediantibus vna membrana ab altera, mirabili, dicam, modo sustentetur: secundo non videtur, quod hæc membrana dici possit, quum nulla possideat vasa sanguinea, consequenter neque vsum certus hujus membranæ determinari potest; hinc bene monet *HEISTERVS*, dicendo: *quid vero tam tenuis membrana, in qua nulla vasa conspiciuntur, cerebro, & medulla spinali prodesse possit, haud patet.* His ergo innixus principiis hanc membranam, nisi aliter mihi demonstretur, pro hic & nunc admittere non possum: nunquam enim in dissectione cadauerum inter duram & piam matrem inueni, neque aliud

quid cernere licuit, quam superius declaratas fibrillarum expansiones naturam ferme tendineam habentes; neque rectilinee, sed figura diuersa incedunt; vbi autem dura & pia mater strictior cerebro adhæret, & hæ fibrillæ strictioris sunt ordinis, vbi vero membranæ sunt laxiores, & ibi istæ expansiones laxiores inueniuntur, hoc autem ideo credo a natura factum, vt motui destinato sufficienter præesse possint.

Caput Quintum.


De

Pia matre.

Descriptio
piæ me-
ningis.

AD vltimam denique membranam cerebrum inuoluentem transeamus, ad *piam matrem* scilicet, seu *meningem tenuem*. Hæc longe tenuior est, quam dura mater, fibris subtilissimis composita & intertexta, neque cerebrum tantummodo arcte cingit, aut superficialiter inuoluit, sed & per omnes ipsius anfractus & plicas sese insinuat, quam obrem tenuis, imo tenuissima esse debuerat ac pellucida, primo, vti modo diximus, vt omni faciliiori modo omnibus cerebri sinubus sese accommodare possit; secundo ne grauitate aut pondere, cerebro, cui proxime adhæret, sit molesta; tum denique, vt in potentiores ejus recessus peruadens sanguinis vasa per vniuersum cerebri corpus deducat: sicque durissimam caluam a cerebro mollissimo plurium membranarum interjectu superauit natura: nam tristis & quærula hominis vita foret, si dura molli collideretur, quapropter medullam quoque spinalem inuestit, & propter illius sensibilitatem ad neruos constituendos plurimum contribuit. Stricte cohæret pia meninx in subjectis sanis cerebro, quæ citra læsionem vix auelli potest; in subjectis morbosis, maxime vero hydropicis & cachecticis a cerebro disunitur & relaxatur, & hoc

ejus co-
hæsiō,



hoc ideo , quia vasa præter modum ob sanguinis spissitudinem distenduntur , hinc & ipsa sanguinis circulatio, & pneumatosis , seu spirituum influxus per nervos intercipitur , propterea ex subjectis hydropicis faciliter potest fieri nervorum extractio, cum ibi nervi sint valde conspicui. Cohæret quoque duræ matri ope fibrillarum, quas aliqui arachnoidem putant , uti & ope venarum , quæ ad sinus abeunt , de quibus supra dictum fuit.

Vasa sanguinea habet copiosissima cum cerebro communia , quæ mirabili modo intertexta tam arcte inuicem <sup>vafa fan-
guifera.</sup> uniuntur, ut vna membrana ex vasorum sanguiferorum unione conflata videatur. Hæc autem vasorum copia optime in iis cernitur subjectis, quæ suffocata, aut strangulata intereunt; ibi enim subitanea, & omnimoda interceptio circulationis sanguinis causatur, uti & *RUYSCHIVS* per injectiones optime proponit variis in locis *thesaur. anatom.*

Arterias sibi proprias vero recipit a carotidibus internis ac vertebralibus; accipit vero venas a jugularibus internis, ac vertebralibus, vel si dicamus clarius: *Vena sanguinem a carotidibus acceptum vehunt in sinus dura matris, hi in saccos, sacci in venas iugulares & vertebrales exonerant*, ita *HEISTERVS*, & alii.

Nervi autem, & vasa lymphatica nulla adhuc detecta, circa glandulas vero, quas *WILLISIVS*, aliique quidam auctores statuunt, ibi detectas, pro secretionem humidi cuiusdam ad meninges humectandas destinatas, ejusdem sum opinionis, uti supra de dura matre dixi; has vero glandulas *HEISTERVS* statuit tantum circa sinum longitudinalem.

Vfus tandem piæ meningis est cerebrum totum inuol-^{vfus.} uere & inuestire, ipsiusque vasa sanguinea sustentare, ut hæc eo melius per omnes plicas & anfractus distribui possit, & liquidum cerebri seu spirituum sufficienter secernatur.

DEMON-

DEMONSTRATIO SECUNDA.

DE CEREBRO, MEDULLA OBLONGATA ET NERVIS.

Caput Primum

De Cerebro.

Cerebrum

A Blatis tandem membranis nudum cerebrum conspectui occurrit. Quemadmodum nobilissimum hoc membrum diuersarum functionum opifex est, ita partium diuersi generis structura mirabiliter est efformatum, has itaque partes pro possibili modo dilucidabimus.

diuiditur
in cere-
brum & ce-
rebellum.

Totum igitur illud corpus, quod caluaria continetur, vnico nomine cerebrum appellatur. Ejus autem duas statuunt partes, anteriorem scilicet & posteriorem: anterior propter magnitudinem totius nomen retinet, & proprie dicitur cerebrum, posterior vero cerebellum: vtrumque cerebrum distinguit magna ex parte crassioris membranæ duplicatura; cerebrum anterius rursus in dextram, & sinistram partem discretum est ea duræ meningis portione, quam ob figuram, falcem messoriam diximus nuncupatam.

Cerebri
substantia

externa
corticalis,

cinerea,

interna
medullaris

Quamuis cerebri substantia nudis inspecta oculis instar massæ pultaceæ videri possit, si debita tamen diligentia perlustretur, duplex in eo substantia deprehenditur: *externa corticalis*, infinitos habens anfractus & circumuolutiones plurimas, veluti circulorum segmenta, quæ veterum commento a pluribus cum *ERISISTRATO* ad intelligendum creditur constructa: *cinerea* quoque substantia a colore dicitur, quasi pallidus ille in cortice cineris color subjectos altæ virtutis igniculos denunciaret; *interna vero substantia alba, medullaris* nuncupatur.

Exter-

Externam *RVRSCHIVS* vasculosam vocavit, uti & alii, juxta *Ruy-*
horum primus vasculosam exponit Epist. 12. Item in thesaur. anat. ^{schium ex-}
 variis in locis; alius in sua physiologia; alius vero in novo syste- ^{terna va-}
mate vasorum, ad quos perlustrandos Lectorem transmittito. ^{fulosa.}
MALPIGHIUS autem, *BIDLOVS*, aliique plures, & ho- ^{juxta Bid-}
 rum aileclæ eam minimis glandulis refertam desiderant. Item ^{loum glan-}
HIPPOCRATES ipse substantiam cerebri Lib. de glandulis. 7. ^{dulosa.}
 ferme glandulosam statuit, vbi habet: caput enim ipsum glandulas
 habet, cerebrum nimirum simile glandula: est enim cerebrum album
 & friabile, quemadmodum etiam glandula. Me vero quod atti-
 net, externam cerebri substantiam semper cum *RVRSCHIO*
 vasculosam esse judicarem: per hujus enim anfractus nil ma-
 gis vsque ad substantiam albicantem, quam venulæ & arte-
 riolæ conspiciuntur, per hoc tamen *HIPPOCRATI* non
 contradicimus, ut statim patebit.

Interna substantia cerebri ex innumeris fibrillis simul ^{Interna}
 connexis, ac veluti in plures fasciculos distinctis conflata ha- ^{glandulosa}
 betur, quæ totidem canaliculi & ductus sunt e glandulis cor-
 ticalibus emergsi, illic secretos e sanguine spiritus excipientes,
 quorum ministerio anima suas functiones exequitur: ex his
 colligitur, *HIPPOCRATIS* auctoritatem in saluo esse, hanc
 enim intellexit ille substantiam cerebri ferme glandulosam ef-
 se, quum dicat: *est enim cerebrum album*, & hic glandulas nos
 quoque admittimus.

Diductis ab inuicem duobus cerebri hemisphæriis statim ^{Interna ce-}
 intermedia se offert altera cerebri pars candidior, duriorque ^{rebri sub-}
 substantia, totam cerebri molem interius obducens, anfra- ^{stantia,}
 ctuum omnium medullas cunctas in se recipiens, *corpus callo-* ^{corpus cal-}
sum appellari consuevit. Mox callosum hoc corpus geminis ^{losum di-}
 ventriculis dextro & sinistro excauatum apparet, & *anteriores* ^{cta.}
 dicuntur, licet in medio quasi cerebro siti tanto interuallo a ^{Cerebri in-}
 fronte, quanto ab occipite, tantumque fere a basi, quantum ^{terioris}
 a vertice distent. ^{ventriculi}
^{duo ante-}
^{riores.}

Hh

Hos

Septum lu-
cidum.
ejus divi-
sio.
Centrum
ovale.
Processus
medullæ
oblon-
gatae.

Hos ventriculos discludit *tenuissima quædam cerebri portiun-
cula antrorsum aliquantulum producta*, quæ ob pelluciditatem *se-
ptum lucidum* dicitur; quum & duo sint, bini dicuntur, desi-
nunt tamen reuera in vnum medullare corpus, quod ovalem
horum ventriculorum ambitum occupans *ovale centrum* no-
minatur. Cæterum in quovis ventriculo corpori calloso im-
mediate adhærescere cernitur *medullæ oblongatæ processus*, qui
anterius *corpora striata*, *WILLISII* appellatione, posterius vero *me-
dullæ oblongatæ crura* dicuntur, quæ protuberantiæ inæquales
assurgentes *nervorum opticorum thalamos* constituere videntur.

Plexus
choroi-
deus.

In superioribus ventriculis contextus quidam conspicitur
venularum & arteriolarum per tenuem membranam glandu-
lis minutissimis refertam excurrentium, qui duabus veluti ex-
pansis alis supra crura medullæ oblongatæ ad corpora striata
vsque protenditur, *plexus choroidæus* nuncupatur, & porro
per sinum ventriculorum inferiorem eleganter distribuitur,
glandulamque pinealem inferius memorandam in sui medio re-
condit. Huic plexui *glandulas denegat RYTSCHIVS*, & ea-
rum loco iam notas eius *vasorum contorsiones*, siue *hydatides*
admittit.

Fornix,
qui duos
ventricu-
los seiun-
git a ter-
tio poste-
riori.
Bini du-
ctus tertii
ventriculi.
Primus in
quartum
sinum.
Infundi-
bulum &
pelvis

Septo lucido circa interiora coniungitur fornix, *corpus
album*, & *medullaribus quibusdam cerebri fibrillis quasi arcubus
constitutum*: sic anterioribus ventriculis interiectum ipsos a
tertio seiungit, qui nil aliud est, quam duorum concursus &
communis cavitas, in quam superiorum ventrium vterque
humiliore sua sede aperit. Geminos hic ventriculus de se
profert ductus, quorum alter ad cerebri basin descendit, alter
in quartum sinum dirigitur: illius orificium propter non mi-
nus rudem, quam ineptam similitudinem *vuluam*, huius *anum*
dixere veteres. Prior membranam prius latiore, mox an-
gustiore excipit, vnde *infundibulum* & *pelvis* dicitur: cui *glan-
dula* substernitur *pituitaria* in sella sphenoidis locata, quæ spon-
giosam

giosam substantiam cerebri superfluam excipere creditur, tan-
demque per foramina in palatum sensim sine sensu exstillare.

Alter tertii ventriculi ductus priore amplior versus quar-
tum sinum dirigitur, estque ad illum via. Hic ante cætera
consideranda se offert *glandula* quædam nuci pineæ non diffimi-
lis, quam *canariam*, seu *pinealem* a similitudine dicunt: est
autem *glandula* hæc *corpus subcineritium*, *pisi magnitudinem æquans*,
ex substantia molli ac spongiosa conflatum, tenuique membrana suc-
cinctum pluribus refertum fibris exilibus, nec non per *duas radices*
medullares insignes parti subiectæ affigitur, atque *insuper plexui cho-*
roideo veluti capsula includitur, ex qua *vascula multa exilia san-*
guinea subeunt, adeo ut plexus choroidis gratia condita vide-
retur, nisi *CARTESII*, & *hujus sectatorum obstaret sententia*,
cui multum lucis, multumque adiumentum contulit *LANCI-*
SIVS ingenio & doctrina clarissimus.

A tergo *glandulæ pinealis* vtrunque contigua sunt *corpu-*
scula quædam rotunda duriuscula, quæ *superiori medulla oblongatæ*
parti accrescunt, eiusque *superficiem obsequuntur*: Primum in-
epta veterum appellatione *nates* a forma, his proxima *testes*
appellantur.

Quartus tandem occurrit sinus cerebello & spinali me-
dullæ communis, omnium minimus & solidissimus: hic
primum amplior sensim arctatur, donec in acumen desinat
instar calami scriptorii, unde *calami* etiam nomen obtinuit. Hu-
ius limen (nisi aliquos fefellit inspectio) *subcinerea*, non ni-
hil crassa & molli obducitur membrana, quæ in spinalis me-
dullæ principio ferosorum humorum decubitus præcauens,
magna cerebri valuula nunc merito appellatur.

Caput Secundum.

De

Cerebello.

Absoluta cerebri anterioris historia ordo postulat, ut posterius cerebrum, cerebellum scilicet, perlustremus.

Cerebellum quid sit?

distinguitur a cerebro dura meningis processu. Magnitudo. Situs.

Cerebellum itaque, seu posterior cerebri pars videtur, ac si natura eam in subsidium anterioris fabricasset, ut scilicet debitis spirituum indulgentiis adiuuaret medullam oblongatam: infra prominentias orbiculares binis pedunculis unita, ipsique maiusculi ad instar tuberis supereminent, & positis binorum cerebri hemisphaeriorum limbis subiecta secundi crassæ meningis processus interjectu ab ipso cerebro distinguitur. Cerebellum compressæ est rotunditatis, duplo minus cerebro, situm in ea caluariæ parte, quæ duobus occipitis foris circumscribitur, non tamen totum occupat occiput; ex eadem substantia cum cerebro productum, nisi quod substantia corticalis hic modo copiosior medullari, sicque sæpius intercepta, atque mixta, ut ambo inuicem complicatæ in modum marmoris variegatæ appareant, ut sectione diuisæ arbusculis & foliis non inepte comparentur.

Cerebellum in 4. partes dividitur: duas laterales, duas medias, etiam processus vermiciformes dictas. Connexio.

Totum cerebellum quatuor partibus efformatum videtur, quarum duæ laterales duos quasi globos inuicem compositos constituunt: duæ in medio, suntque velut processus quidam cerebelli vermium figuram exprimentes, unde *processus vermiciformes dicuntur*; eorum alter interior meatum a tertio ad quartum sinum apertum tenet, alter posteriori parti spinalis medullæ incumbit, & versus quartum sinum reflexus eum apertum conseruat.

Annectitur cerebellum lateribus medullæ oblongatæ per duos processus ex medullarium eiusdem fibrarum coalitu efformatos.

Fig. I.





Fig. II.



formatos, quos *WILLISIVS* *pedunculos* dixit, ac in ipsis singulis tres processus medullares distinxit, eorum, quia cerebello ad medullam oblongatam tendentes ante insertionem ampliati eam diuersis in circulis quasi ambiunt, sic in media medullæ oblongatæ basi *protuberantiam* efficiunt, quæ *WILLISIO* dicitur *annularis*. Circa posteriorem medullæ oblongatæ partem in quarti ventriculi circumferentia non nulli aduertunt alios processus figura globosos interdum binos, interdum ternos a cerebello exeuntes, quos *cerebri pontem* *VAROLII* appellauit.

Protuberantia annularis.

Pons cerebri. Vasa sanguifera & glandulæ.

Habet præterea cerebellum circa vtrumque processum vermiformem speciales vasorum sanguineorum plexus plurimis refertos glandulis maioribus illis, quibus superius plexum choroideum diximus insignitum.

Caput Tertium.

De

Medulla oblongata, spinali & nervis.

E cerebri & cerebelli substantia, tanquam ex radice caudex profunditur paulo durior medulla, quæ primum partim infra caluam cranii basin collocata *medulla oblongata* nomen obtinuit, mox e cranio per magnum foramen ossis occipitis elapsa, ac per totam spinæ longitudinem extensa *spinalis medulla* communiter appellatur. Præter ea, quæ in superna medullæ regione mox retulimus obseruata seposito cerebello in suis pedunculis reciso, inuersoque pariter cerebro, conspectui occurrunt albicantes duæ eminentiæ penes infundibulum constrictæ, dura matre obductæ, intus albæ, circa imam quoque eiusdem medullæ basin e protuberantia

Medulla oblongata sita.

Medulla oblongata Medulla spinalis.

Chordæ
medulla-
res, cor-
pora acuta
Willisio
dictæ.
Oliuaria
corpora.

rantia annulari veluti *medullares chordæ* prodeunt, quæ circa spinam angustiores tandem instar pyramidum acuto cuspidē desinunt, vnde a *WILLISIO acuta corpora* nuncupantur. Horum lateribus adiacent aliæ prominentiæ duæ, albæ, oliuæ nucleum figuræ quadam similitudine referentes, vnde *olivarioria corpora* audiunt.

Vsus

Nervi
Horum
principi-
um non est
medulla
oblongata.

Quemadmodum statuit naturæ Auctor, medullam oblongatam prope spirituum officinam locari, quasi perpetim in eam a cerebello & cerebro spiritus scaturirent: ita voluit, ut ab ea infiniti propemodum emergerent neruorum furculi, & innumeris fructificaretur ramis in omnes fere corporis partes propagandis. Non autem existimamus, neruos a medulla oblongata immediate principium suum sumere, sed a duabus meningibus, maxime vero a tenui prouenire. De hac materia vero maiorem dabimus dilucidationem absoluta neruorum historia. Hos autem neruos in quasdam certas conjugationes distinxerunt anatomiae Patres, ad quorum descriptionem, eorum origo & doctrinae ordo, vt nos accingamus, postulat.

Diuidun-
tur in cer-
tas conju-
gationes
seu paria.
Primum
par, nervi
olfactorii
ad os cri-
brosum
etiam pro-
cessus pa-
pillares di-
cti, cavi
sunt.
Cur cavi
sint?

Neruos in quasdam conjugationes & paria distinxerunt anatomici, quæ iuxta descriptionis ordinem pro possibili explicemus. Inter neruos igitur intra cranium exortos eleuato antè cerebro protinus in conspectum venit *par primum neruis* constans *olfactoriis*, qui dum ad os cribrosum accedunt, crassiores sunt & ob quandam similitudinem *processus papillares* dicuntur, qui aperti cavitatem gaudere dicuntur, per quam flatus ad anteriores cerebri ventriculos communicatur; & reuera hanc cavitatem non existimamus absurdam esse: tali enim cavitatem negata non explicari poterit, quomodo odores tam cito totum, vt ita dicam, caput afficere possint; secundo etiam cavitatem talem exinde probare possumus, vt manifestum est in praxi, quod illi, qui coryza laborant, omni prorsus odore priuentur, imo per nares absolute respirare non possint; hoc autem iudicamus ideo fieri, quod per illam lym-
pham

pham tenacem & spissam cauitas ita repleatur, vt nerui per talem repletionem omnino constringi debeant, hinc spirituum influxus hebetatur, & aëris impeditur ingressus.

Sequentur proxime *secundi paris nerui*, qui vulgo *Optici*, ^{Secundum par. nervi optici.} seu *visorii* dicuntur, hos vtrinq̃ue a superius memoratis eorum thalamis longius, quam credebatur, ortos clarissimus *BLANCHVS* summa ostendit diligentia, qui medio itinere ante infundibulum iuncti, inde separati, & per caluariæ foramen situs. in oculi feruntur centrum.

Tertia coniugationis nerui oculorum motibus dicati sunt, ^{Tertium} vnde *oculi motorii* dicuntur, qui a crassiori meninge tanquam ^{nerui oculi motorii.} vagina magis vestiti (vt *MORGAGNIVS* ait) e basi medullæ oblongatæ penes infundibulum exorti, ad oculos delati, in plures ramos diuisi, in oculorum & palpebræ superioris musculos distribuuntur. ^{Quartum} Quartum par a *WILLISIO* *patheticum* ^{Willisio patheticum.} dictum, valde exiguum est, a parte superiori medullæ oblongatæ prope cerebrum egressum, eodem cum præcedenti ductu fertur ad oculos.

E lateribus protuberantiæ annularis duo insignes magnitudine nerui, qui plurimis fibris inæqualibus manifeste ^{Quintum} oriuntur, nondum cranio egressi sub dura matre in duos ^{par in duos diuisum} diuiduntur ramos, per diuersa foramina egrediuntur, & oculis, ^{diuersas} naribus, palato, linguæ, reliquisque oris ac faciei partibus, ^{oris faciei ac ventris} pluribusque vtriusque ventris visceribus mira distributione ^{partes.} prospiciunt.

Par sextum longe minus est, quod ab imo medullæ enatum, & per idem cranii foramen cum neruis oculorum motoriiis egressum illos magna ex parte ad oculos comitatur, ^{Par sextum ad aures, linguam, nares, palatum & reliquas tum oris, tum faciei partes excurrit, licet vulgo hæc neruorum paria} inde ad aures, linguam, nares, palatum & reliquas tum oris, ^{vulgo nerui gustatorii dicti.} tum faciei partes excurrit, licet vulgo hæc neruorum paria *gustatoria* dicantur.

Ex sexto neruorum pari alter, & bini quinti paris furculi iuxta latus vtrumque fellæ equinæ, coalescentes ^{Ex sexto vnus, & costales} *nerui intercostales*

bini e
quinto
pari fur-
culi iuxta
fellam
equinam
nerui in-
tercosta-
les, & ab-
dominis.
Septimum
par nerui
auditorii.
Octavum
par vagum
dictum.

costales oriri dicuntur, qui vtrunque sub pleura membrana iuxta costarum radices descendunt, assumpto in singulis earum interstitiis, & medulla spinali furculo separato diaphragmate ad omnes pene abdominis ventres feruntur.

Septimum *auditorium* cum *WILLISIO* & *PRILERO* ortum obdesignat clarissimus *MORGAGNIUS*; a posteriori medullæ cerebri parte, vbi excavatus est calamus scriptorius, & duplici processu quasi distincti nerui, vt latius in auris fabrica exponemus, per foramen ossis petrosi ad aures mittitur.

Paulo inferius e lateribus medullæ oblongatæ, seu, vt *BIDLOVS* ait, inter oliuaria corpora & retiformem processum, vt pluribus radicibus, *par octavum* nascitur, non semper (vt *MORGAGNIUS* addidit) per vnicum foramen, ossi temporum cum occipite commune, egrediens, vagatur, & excurrit per omnia fere, viscera vnde communiter *par vagum* appellatur.

Nonum
par linguæ
motorium.
Par decimum
ad primam
vertebram.

Nonum linguæ motorium dictum, quod per peculiare foramen iuxta processus ossis occipitis muscularis linguæ motibus inseruiens vnice distribuitur.

Infra hoc tandem postremo occipitio e lateribus medullæ oblongatæ (vt Clarissimi *BIANCHI* verbis vtar) ad regionem primæ vertebræ *decimum* & vltimum *par* oritur, quod, licet crassam subeat meningem, vbi vertebrales arteriæ cerebrum ascendunt, egressum tamen ossibus ad primam solum vertebram emergit, sic, vt anatomicis dubium relinquat, num vltimum cranii, an vertebrarum primum debeat appellari.

Medulla
spinalis
quid sit?

Porro postquam e medulla oblongata quoque nerui egressi sunt, extra cranium delabitur, intra vertebrae accipitur & ad finem vsque ossis sacri extenditur, quæ *spinalis* dein *medulla* nuncupatur: eiusdem fere videtur, quæ cerebri, dignitas, vnde *cerebri productio*, vel *cerebrum oblongatum* non inepte a multis pronuntiatur: nam non minus de illius conseruatione

ne sollicita fuit natura, quam de cerebro ipso; vt enim cerebrum ipsum caluariæ ossibus vndique obuelatur & propriis vestitur tunicis, ita spinalis medulla vertebris vndique munitur quasi sepimentis. Nam præter meningum inuolucra, & iis interpositam cellulofam *HEISTERI*, seu arachnoideam tunicam (quam tamen nos, vt supra diximus, non admittimus) exterius aliud primum, seu commune velamentum *GALENO* iam cognitum descripsit *VIEVSSENIUS*, quo vertebrarum spondyliis circa posteriora annectitur; pertenuem illam membranam excurrunt venulæ & arteriolæ vario modo implicatæ, effundentes sanguinem.

Demum pia mater secundum longitudinem excurrens ^{Piæ matris fissuræ duæ.} cauitatem in principio, seu fissuras efformat, anteriorem vnā, posteriorem alteram, in quam ipse calamus (vt vocant) scriptorius deorsum producitur.

Medullam naturæ auctor Deus per vertebrae propagasse ^{Vfus medullæ spinalis.} videtur, vt in nervis multiplicandis mira foecunditas nasceretur: ab hac enim spinali medulla pia interueniente meninge infiniti propemodum emergunt furculi, & innumeris ea fructificatur ramis, ad omnes fere corporis partes pertinentibus; sed quia, dum vertebrarum foramina egrediuntur, simul coeuntes vnum corpus efficiunt, tot esse neruorum paria, quot sunt vertebrarum foramina, vti anatomici voluerunt, vnde ^{Neruorum vertebrarum 30. paria.} quum duo pro singula vertebra numerantur nerui, sic triginta neruorum paria designarunt.

Nervus ergo omnis in suo exortu fibras habet multiplices ex tenui membrana, interueniente tamen substantia medullari, conflatas, quæ descendentes sensim a medulla separantur, & dum foramina vertebrarum accedunt, crassa membrana vestiuntur, & in vnum coeuntes vnum constituunt neruum, qui postquam foramen egressus est, rursus in funiculos eosdem pene infinitos diuellitur.

Nervi a
lumborum
principio
ad ossis
sacri usque
extremum
caudam
equinam
præferen-
tes.

A lumborum principio ad ossis sacri extremum, & plures & crassiores sunt neruorum funiculi, forsan, quia ea parte maxime flectitur & curuatur spina antrorsum & retrorsum, ergo, quasi ne premeretur, aut disrumperetur medulla, attenuatur, tota in funiculos & filamenta caudam fere equinam præferentia absumi oportuit.

Caput Quartum

De

Officio cerebri.



ARduam ac difficilem cerebri structuram hæcenus, quam dilucide potuimus, declarauimus, expositu vero molestior adhuc ac operosior, sequeretur tot partium munerum & officia, nisi vniuersa essent apud auctores acriter controuersa, declarare.

Primaria
animæ se-
des in du-
bio.

Consentiunt quidem ex recentioribus plerique, *animam in cerebro primario residere*, vbi tanquam in arce sublimi, quæ sunt sui corporis sortita, dominatur, speculatur omnia & intuetur; verum de eius vera sede & operandi modo nondum inter philosophos conuenit, nec vnquam fortasse conueniet sensus: omnia enim, quæ ad motum & naturam animæ pertinent, tam obscuræ altæque rationis arbitror esse, vt supra humanum sit iudicium, ea liquido præuidere, quum tanta sit vis atque potestas intellectus humani intra mortale corpus inclusi, vt nec septis quidem grauis huius ac pigri corporis, cui alligatus est, coerceri vlllo modo possit, quo minus sibi liberam vagandi facultatem quietis impatiens largiatur.

De facultatibus vero & operationibus animæ iam dudum in physicis, vt & institutionibus medicis disputatum & dilucidatum habemus, has ergo hic silentio prætereamus. Cæ-

tera



tera demum inuestiganda, qua ratione animæ per externos ^{Anima agit ministerio spirituum.} sensus quasi (vt *TYLLIVS* ait) viæ quædam essent ad oculos, ad nares, ad aures &c. a sede animæ perforatæ, quibus objecta externa spirituum ministerio percipiat de quibus fufius dicetur inferius, vbi seorsim partes has declarabimus.

Hi autem spiritus (vt cætera, quæ ad hanc materiam spectant, tandem absoluamus) hi autem spiritus, inquam, obsequentes, cum *WILLISIO* dicam, animæ ministri & præclarum, vt ait *GALENVS*, animæ & corporis vinculum ex sanguine ad cerebrum per binas carotides & vertebrales arterias delato, in corticali cerebri substantia separati per minimas quidem, sed innumeras medullæ fibrillas ad corpora striata & elongatæ medullæ eminentias feruntur, in quibus non perperam a philosophis decantati communis seufus sedem reposuerunt ii, qui illas veluti expansionem & separationem filamentorum nerueorum volunt, seu potius, vbi illa in nervos vniri incipiunt, adeoque in externis organis rerum sensationes inceptas, hic terminatas & absolutas, si non vere, verosimilius tamen diceremus.

Spiritibus itaque generandis vel asseruandis neutiquam inferuiunt cerebri ventriculi, vt voluerunt veteres, nisi fortasse opinemur, veluti balneum Mariæ leni eorum calore & ^{vsus ventriculorum cerebri.} humido opitulari. Vero itaque proximiores videntur ii, qui cerebri ventriculos datos credunt, vt aquam depurationis gratia e plexu choroideo, aliisque glandulis secretam recipere, viciniori successiue parti communicare, infundibulo committere (nisi per ossis sphenoidis foramen) venis & vasis lymphaticis exonerandam.

Diximus equidem hucusque aliqua, quæ ad cerebri eiusque ventriculorum vsum spectare videntur, interim tamen certum esse existimamus, difficile sane esse (nisi vnam alteramue partem exceperis) tam cerebri, quam cerebelli vsum particularem aut specialem adstruere, quum maxima sit in-

Vfus cere-
bri & ce-
rebelli ge-
neralis.

ter auctores controuersia, & summa hujus rei discordia, ita, vt facile sit nobis credendum, vel vsum hunc particularem esse adhuc incognitum, vel saltem dubiosum: hinc ad rei veritatem nunquam fortasse peruenire licebit. Circa vsum vero cerebri & cerebelli generalem, præter hucusque dicta, sciendum adhuc restat, partes has fabricatas esse, vt functionibus animæ famulentur, spiritus secernant, hosque neruis pro sensu & motu committant.

Spirituum
diuisio.

Quum autem medicinæ Patres spiritus in tres diuiserint classes, nempe in spiritus, qui functionibus vitalibus, hinc & vitales, animalibus, animales, & naturalibus, naturales dicti, destinati sint, hinc & partes pro eorum secretionem particulares denominarunt; cerebrum itaque pro secretionem spirituum animalium, cerebellum vero vitalium & naturalium destinatum esse dixerunt.

DEMONSTRATIO TERTIA.

DE
NERVIS.

Caput Primum

De

De neruorum principio & cauitate.

DEscripta & declarata pro possibili meningum & cerebri historia, licet & in hac aliquid de neruis eorumque origine dixerimus, ordo tamen & anatomicorum consuetudo postulat, vt de iis, & toto systemate neruoso in particulari agam, quemadmodum in libro secundo de arteriis & venis pertractauimus. Antequam vero ipsam neruorum denominationem ineamus, oportet, vt neruorum naturam

turam, hinc & eorum principium indagemus. Definimus itaque neruum, quod sit *corpus albicans teres & oblongum, a supremo ventre originem trahens, spiritibus animalibus ad reliquas partes deducendis, & ut sit sensus & motus organum, destinatum.*

Definitio
nerui.

Explanata nerui descriptione, ad ipsius naturam inuestigandam nos accingimus: Nervus itaque, prouti jacet, ex *duabus constituitur membranis, nempe pia & dura matre, vel involucribus cerebri, in suo exortu autem & principio vix perceptibilis; quum enim minimæ fibrillæ excurrant, sensim fine sensu augmentantur, & denique in tubulum transeunt.*

Substantia
nerui.

Nerui autem cavitates non est tam manifesta, ut aliis in vasis: liquor enim in his contentus tam magnam cavitatem non requirit. Est autem liquor, qui per nervos circulatur subtilissima sanguinis arteriosi portio, quæ per arterias carotides ad meninges transportatur, ibique magis subtilisata nervis communicatur, & per nervorum cavitatem pro spirituum animalium vehiculo circulatur.

Cavitas
nerui.

Liquor
nervosus
quid.

Ufus il-
lius.

Multi inveniuntur auctores, qui nervis cavitatem denegant: inter hos primatum ferme tenet JUNKERUS, alios quoque famosos citans scriptores, ait enim ipse: *sic etiam nos in aliis nervis nulla arte, nullis accuratissimis microscopiis unquam cavitates aliquas percipere potuimus: qua de re conferatur JUNKERI conspectus Physiologia Medica, tabula 13tia. de secretionem liquidum nervei: huic quoque opinioni adhæret HOFFMANNUS tom. I. part. 3. cap. 5. N. XIV. alique quam plurimi. Multi præterea sunt, qui nervos cauos esse (cum quibus & mihi mens est) summa cum ratione affirmant. Inter hos est HEISTERUS, qui nervi structuram tali modo describit: *Interea tamen filamenta nervorum esse caua, & liquidum, quod spiritus vulgo vocant, in eis contineri, eaque propterea non fibras solidas sed vera esse vascula, multis persuademur rationibus: huic etiam sententiæ neque contrarium se demonstrat VERHEYENIUS tom. I. tract. I. cap. 6. ut ipse dicat; in nervis nulla passim cernitur cavitates, dari ta-**

men, conuincitur ex eo, quod ipso ligato, pereat illico operatio partis, in quam nervus ille terminatur. Ista vero ratio non sufficienter nobis cauitatem neruorum demonstrare potest: operatio enim neruo ligato in illa parte semper deficere debet, quin cauitas admittatur; ad operationem enim, & motum dene-gandum sufficit interceptus spirituum influxus, siue spirituum influxus dein fiat per cauitatem, siue per poros neruorum, ut alii contendere præsumunt, adeoque ad cauitatem com-probandam majori hic indigemus fundamento.

Antequam vero tale attingamus fundamentum, necessa-rium esse duxi, neruorum principium indagare, circa quod variam auctores statuunt opinionem: bene equidem VER-
*HETENIUS duplicem nerui substantiam describit tom. 1. tract. 1. cap. 6. vbi hæc habet: Nervus duplici constat substantia, interio-
 ri, quæ medullaris dicitur, & exteriori, quæ membranacea est: Illa
 producitur a substantia candicantis cerebri, aut cerebelli (forte etiam
 aliqua ex medulla spinali) estque sensus expers, hac a meningibus
 siue inuolucris cerebri, & exquisiti sensus est; Ex ista VERHETE-
 NII doctrina eruitur facile, quod substantia interna ipsius ner-
 ui non concurret ad formandum neruum, qua talem, sed
 quod sit nerui tanquam contentum, quo mediante spiritus
 magno cum impetu circulantes, modo quo in motu suo im-
 petuoso refrenantur, & mediante unctuositate, qua substan-
 tia medullaris gaudet, nervus illinitus, ne are scat, conserue-
 tur. Secundo videtur mihi res plane ardua, quod res vel
 substantia quædam nullo prædita sensu, vti substantia me-
 dullaris est, possit substantiam quamdam summe sensibilem,
 vt nervus est, producere; Si igitur jam sæpius dicta sub-
 stantia medullaris concurreret ad formandum neruum qua
 talem, tunc ex substantia non sensibili produceretur sensibi-
 lis, quod plane admitti non potest. Ad substantiam nerui ex-
 ternam, quæ summo gaudet sensu, quod attinet, omnes
 propemodum concordant auctores, eam continuationem
 meningum*

Neruo-
rum sub-
stantia du-
plex, inter-
na, & ex-
terna.

Vfus sub-
stantiæ
nerui in-
ternæ.

Negatur
substantia
medullaris
pro sub-
stantia
neruum
consti-
tuentem.

meningum esse, sed hac cum differentia, quod istæ membra-
næ se habeant vt neruorum inuolucrum. En ! noua iterum
insurgit difficultas discutienda : Substantia medullaris est ner-
ui substantia interna : membranæ vero a meningibus proue-
nientes sunt neruorum inuolucra, quid ergo est neruus ? sepa-
rata enim hac substantia nil amplius remanet, quod neruus
dici possit, si præter substantiam medullarem & membranas
alia deberet adstrui neruorum substantia : hinc existimamus,
quod duæ cerebri membranæ vna cum substantia medullari
sint neruus, & certe alio modo neruus explicari non poterit.

Explicatio
substantiæ
nerui.

Data ergo hac declaratione facile neruorum cauitas pro-
bari potest, vtut ligato neruo nullus appareat tumor : tumor
enim euenire non potest, quia contentum ipsius nerui non in
tam magna existit copia, vt in venis, etiam minimis ; secun-
do neruorum contentum est purissimum, limpidissimum &
summe volatile, ita, vt per ligaturam vix coerceri possit : imo
neruus magis deberet tumescere per ligaturam, si esset sim-
pliciter porosus, quam vasculosus, vti in spongiis obserua-
mus ; si enim spongia madefacta ex parte superiori compri-
matur, tunc eius pars inferior notabiliter intumescit, quod
vero de tubulo solidiori (vt neruus est) & quod eius conten-
tum non tam in magna existat quantitate, idque summe sit
volatile, affirmari non potest.

Vlterius cauitatem neruorum comprobando optimum
nobis adducit inter alia argumentum *HEISTERVS*, quod
nempe nerui a primo ortu in utero ad perfectam usque corporis ma-
gnitudinem crescunt, elongentur, & ad extremam usque vitæ nutrian-
tur, quod profecto (ait auctor) explicari non posse puto, nisi liquor
subtilissimus in neruis admittatur ; si vero tale admittimus liqui-
dum subtilissimum, (vt admittendum est) alio pacto admittere non
possumus, nisi & admittamus cauitatem in neruis, per quam liquidum
hoc circulari debet. Vt vero huius asserti maior habeatur fi-
des, consulere quisque poterit clarissimi *BOERHAVII* Insti-
tutiones

Probatio-
nes caui-
tatis ner-
uorum.

tutiones medicas, vbi de cerebro exacte scribit, vti & BAGLIVII specimen libri primi de fibra motrice, nec non SANTORINI opusculum secundum de nutritione animali : & vt alios auctores præteream, sufficienter isti monstrabunt, nervos cavitatem in se habere, & per eam liquidum nerueum circulari.

WILLISIUS de cerebri anatome, cap. 19. nervis quidem cavitatem denegat, asserendo : nervorum ductus, non vti arteria & venæ, perforati existunt : nam illorum compages non modo stilo cuius imperuia est, sed & perspicilli, siue microscopii applicatio cavitatem nullam his adesse confirmat. Si vero cavitas in nervo ex hoc denegatur, quia cerni non potest, tunc ea omnia neganda sunt in corpore, quæ nullo modo, omni etiam adhibita diligentia, cernuntur, & oculos etiam acutissime armatos subterfugiunt : hinc spiritus negandi essent, quos tamen & ipse clarissimus WILLISIUS admittit. Quis, quæso, poterit minimi vasis lymphatici cavitatem oculo etiam armato demonstrare? quæ tamen cavitas a nemine negatur, imo lymphæ circulus in ipsis pene ab omnibus declaratur, simul comprobatur, & summo etiam confirmatur iure.

Negat præfatus clarissimus auctor nervis cavitatem, nervos vero olfactorios vt tubulos describit : si isti sunt tubuli, sunt vascula, cur his ergo cavitatem concedit, & aliis negat? si enim de vno nervo dici potest, quod sit substantia caua, cur non & de omnibus? Sed ipse laudatus auctor cavitatis horum tubulorum adducit rationem dicendo : *quod ad tubulos olfactorias attinet, isti ita conditi videntur non pro spirituum animalium commeatu, verum vt serositates quædam hac via elabantur. Ex hucusque dictis patet, quod nerui debeant inferuire, vt ductus excretorii : si enim per istos tubulos materia quædam, vel serositas elabi deberet, (quod plane est contra nerui descriptionem, sunt enim nerui destinati ad vehendos spiritus animales, & vt sint sensus & motus organa, nunquam autem, vt aliquid excernant, vel per hos aliquid elabi debeat)* insuper

insuper etiam hac ex ratione noua emergeret quæstio, quæ sequens est : si per tubulos olfactarios serositas elaberetur, tunc plane odor non tam facile perciperetur, vti percipitur : spiritus enim & particulæ odoriferæ per istam serositatem magis in suo cursu impedirentur, ne tam facile ad sensorium commune peruenire possent, quod tamen absolute negandum, vsque dum res hæc clarius fuerit interpretata. Hac modo data doctrina sufficienter mihi constare videtur, nervos esse tubulos, consequenter & cauos, prætermisiss etiam aliis fundamentis, quæ ab aliis etiam auctoribus assignantur.

Modo autem nil restat dicendum, nisi vbi reuera sit *nervorum principium*. Hac in re consentio & ego, quod in vel circa medullam oblongatam sit principium nervorum, sed non, quod medulla ipsa sit principium nervorum, medulla enim oblongata per se sumpta non potest esse principium nervorum, præprimis, quia omnes auctores statuunt, eam esse sensus expertem, consequenter (vti jam superius dixi) non potest esse corporis cuiusdam principium, quod summe est sensibile. Secundo nervus, vt superius declarauimus, est corpus suo modo solidum, medulla vero oblongata membranis detractis est substantia magis fluxilis. His ergo præsuppositis dicendum erit, *medullam oblongatam membranis detractis non esse principium nervorum*; quod autem principium sit circa vel in medulla oblongata ope meningum, hoc affirmo. Duæ ergo meningis nervorum principium esse, hoc meum assertum primo probat experientia, nempe quod vnum con-
Principia
nervorum
dilucidantur.
tinum sit a meningibus ad extremum plantæ vsque, vt ex toto systemate nervoso a corpore extracto patet; nec valet vt dicatur, quod meningis habeantur pro nervorum inuolucris, hic enim respondeo, quod dissectis membranis per medium nil reperiatur in his inuolucris, nisi substantia medullaris, & hæc quidem non solida sed magis fluxilis : ergo

neruus a membranis hisce memoratis, & substantia medullari, vt corpus, & substantia realiter distincta non datur; hinc bene dicit *VERHEYENIUS* loco supra citato, *quod nervus ex duplici componatur substantia, medullari nempe & membranacea, & deinde his unitis conficiatur nervus.* Hac de re mihi nullo modo præstetur fides, sed conferantur & auctores, qui ex asse de hac re scribunt, vt esset *JUNKERVS* loco supra citato, qui aperte talia pronuntiat, *primo intuitu*, inquit, *originem ducere videntur e cerebro, sed ex recentiorum observatione eos e meningibus oriri non sine fundamento edocemur.* Hinc & ipse auctor remittit lectorem ad dissertationem de vertigine ab ipso compositam perlegendam. Huic vero opinioni non tantummodo recentiorum assentiunt scripta & experientiæ, sed & videtur, quod & aliquorum veterum commenta hac in sententia sint constituta, vti habet *ERISISTRATVS*: Vult enim ipse, quod dura mater sit nervorum principium, quod ego non affirmaverim, interim tamen hoc mihi sufficiat, quod ipse hanc membranam pro nervorum principio statuerit, consequenter nervorum principium ipse denegat medullæ oblongatæ, vti & cerebro ac cerebello.

Statui ergo principium nervorum in meningibus, primario vero in pia matre, quatenus ista in suo exortu sit valde tenuis, imo telæ araneæ instar fibræ eiusdem sunt minimæ & exilissimæ, ita quidem, vt vix cognoscantur, qua ratione creduntur simplices & sine cauitate. Pia præterea mater omnes totius capitis partes ita complectitur, ita inuestit, & ita constringit, vt hæc citra lacerationem vix separari possit; omnes præterea cerebri, cerebelli & medullæ oblongatæ partes, prouti iacent, & prouti repræsentantur, quoad nominum diuersitatem non ex ipsa substantia, sed ex varia membranæ, seu piæ meningis circumuolutione & diuersa figura vario modo repræsentante desumunt, hinc tota hæc differentia ipsi piæ meningi adscribenda erit.

Ultimo

Ultimo denique si ipsum organum spectemus quoad suam sensationem, tunc certe illam non nisi membranis adscribere possumus; quare in vulneribus, vel aliis etiam morbis, ubi nerui saltem per consensum compatiuntur, tunc convulsiones & motus oriuntur spasmodici. Jam si talia secantur cadauera (vti ipse sæpe experientia fui edoctus) cerebrum, cerebellum, medulla oblongata & spinalis sine vlla affectione, vel mala dispositione cuius anatomico se repræsentabit, membrana vero istas obuoluens partes male affecta habebitur: Si ergo medulla oblongata esset neruorum principium, tunc vtique illa præ reliquis deberet male affici.

Cerebro & cerebello egressi ipsi nerui, quum non amplius in ipso corpore habeant tale propugnaculum, vt in capite est cranium & reliqua capitis ossa, & ne nerui qualicunque demum iniuria facile offendantur, tunc aliam substituit ipsis natura membranam robustiorem, quæ neruorum sit complementum, & hæc est dura mater, seu membrana cerebri exterior, quæ dein vna cum neruis & ipsa neruorum compars a capite ad extremum vsque plantæ per continuum excurrit; hinc fit, vt puncto minimo pedis digito, & si neruus lædatur, consensus quoque ad caput fiat, ex quo dein eueniunt deliria, convulsiones, motus convulsiui, gangræna, sphacelus, & denique mortis tragœdia absoluitur vita. Quomodo autem ista contingere possint, illis conscribenda remitto, qui speculationibus & institutionibus medicis sunt innixi, ubi de secretionibus spirituum animalium, liquidi nerui consequenter & neruorum morbis agunt. Hac in re satisfaciet *BAGLIVIVS* loco supra citato, ubi contra *WILLISIVM* adducit modum cognoscendi in capitis anatome, *an subjectum tale fuerit stultum, aut sanum*; ubi aperte dicit: *Princeps anatomicorum WILLISIVS ait, se plura fatuorum, stultorumque cerebra secuisse, nec diuersitatem vllam inuenisse inter fatuorum atque sanorum cerebrum.* His subjungit Auctor hæcce: de-

buerat inuestigare, & examinare statum meningum, nam differentiam inuenisset. Quare indefessus BAGLIVIVS clare asserit, quod maniae, epilepsiae, dolorum capitis, sternutationis & similium morborum sedes sit in meningibus a statu naturali recedentibus: & reuera in phrenitide, quae sic definitur: quod sit meningum inflammatio, obseruamus utique, quod nec cerebrum, nec cerebellum, nec medulla oblongata sit affecta, & tamen tot tantaque sinistriora symptomata hunc concomitantur morbum, de quo practici sufficienter tradunt. Cui ergo parti talia adscribenda sunt symptomata, nisi meningibus, prouti neruorum principio? Non minorem auctoritatem habent SANTORINVS loco supra citato, *Ephemerides instituti celeberrimi Scientiarum Bolognensium*, JUNKERVS, & alii quam plurimi. ZACVTVS LVSITANVS hic historiam recenset, quod iuuenis per tres annos sine cerebro vixerit, adeoque sine principio neruorum, prouti aduersarii contendunt, & tamen habuit neruos, unde ergo eos assumpsit, nisi a meningibus? Ego hic hanc historiam curiositatis causa apponam, quam BAGLIVIVS tali modo exponit, prouti ipse ex ZACVTI LVSITANI tom. 2. *Praxis Medica mirabilis Lib. 1. observatione 5. extraxi*: Decennis puer percussus est ense in parte posteriore capitis, passus est vulnus satis magnum cum incisione ossis velaminum & deperditione substantiae cerebri, nam haec exiuit quantitate unius glandis, curatus conualuit citra noxam: sed post tres annos hydrocephalo correptus moritur; apertum caput sine cerebro inuentum est, dura meninx duplicata apparuit, habebat in se aquam limpidissimam, boni odoris, & gustata ab adstantibus insipidi saporis. Hucusque historia. Plures hac de re obseruationes adduci possent, quod inuenta fuerint capita sine cerebro & medulla oblongata, & tamen vixerint; quod autem sine meningibus inuenta fuerint, non recordor me vnquam legisse. Ex his modo recensitis lector beneuolus saniozem pro lubitu eruere poterit doctrinam. Hac ergo doctrina praemissa ad neruorum denumerationem faciendam me accingo.

Caput Secundum.

Nervorum tabula generalis.

Antequam ipsam attingam tabulam, aliqua præmittenda esse iudicaui circa vltiorem nervorum notitiam: nempe quod duæ cognoscendæ sint nervorum species. Duæ nervorum species. Sunt & dantur nervi, qui cerebrum non egrediuntur, & actionibus intellectualibus solummodo inferuiunt; alii sunt, qui cerebrum egrediuntur, & intra vertebrae inclusi, per vniuersum corpus tam ad partes internas, quam externas deferuntur.

Nervorum illorum, qui in ipso obseruantur capite, decem numerantur paria, ex his septem prima in parte anteriore ipsius cerebri, reliqua vero tria vltima in parte posteriore, seu in occipite, aut cerebello obseruantur. Numerus nervorum in capite.

Ex hac generali descriptione facile mihi videtur, quomodo possit explicari, quod conuulsiones, motus conuulsiui, sopores, paralyfes cum priuatione sensus & motus, sed citra rationis læsiones contingant. Notet præterea lector beneuolus, quod in decursu tabulæ circa nervorum exortum continuo nominem cerebrum, & medullam oblongatam, per hoc tamen nullo modo volo inferre, quod a cerebro, aut ejus medulla oblongata, vel spinali oriantur, sed semper harum partium membranas intelligo.

Sit ergo

Primum par [ab anterioribus cerebri] ad nasi papillas.
olfactorium [ventriculis]

Secundum [a cruribus medullæ] ad tunicam re-
opticum [oblongatæ] tinæ oculorum.

Kk 3

Tertium

Tertium par a basi medullæ oblongatæ prope infundibulum, } ad musculos oculorum.

Quartum patheticum { a parte superiore medullæ oblongatæ prope cerebrum, cum ductu superioris. } ad musculos trochleares.

Quintum siue crassum ex nervorum fasciculis { a lateribus magnæ protuberantiæ, siue annularis, quod in ramos maiores & minores diuiditur, quæ ratione lachrymas, visum, odorem & saliuam promouent. } Rami minores ad oculos nares, palatum, & linguam.

Hinc enascuntur actus & visus obscœni, quia est consensus cum partibus genitalibus, & esculentorum sapor promouetur. } Rami maiores ad os, fauces & vna cum sexto pari ad mammas, thoracem, abdomen & genitalia.

Sextum par { ex intimo medullæ in plures furculos diuisum. } ad linguam.

Ex his eueniunt

Intercostales: ex furculis quinti & sexti paris, vna cum nervis a vertebrais dorso transmissis: quare his partibus affectis inappetentia insurgit. } ad singula costarum interstitia, & inde ad ventriculum, hepar, lien & mesenterium.

Septimum auditorium { a posteriore parte medullæ oblongatæ in duos ramos diuisum. } ad aures internas & externas.

Octa-

Octauum par <i>vagum</i>	{ a lateribus medullæ oblongatæ, aut inter oliuaria corpora & retiformem processum transit ad guttur, & diuiditur in ramum externum & internum diuersis ramulis, qui cum aliis neruis deiniunguntur, nempe intercostalibus & recurrentibus.	{ ad omnes corporis partes tam internas quam externas, potissimum ad ventriculum. Ex hoc facile omnes affectus explicari possunt, & omnia symptomata, quæ affecta quadam parte subsequi solent.
-----------------------------	---	--

Recurrentes: a ramo externo octauum paris dextro recurrentis dextrum, a sinistro finistrum. } ad arteriam axillarem, & ad musculos laryngis, vbi nerui terminantur.

Nonum par <i>linguam mouens</i>	{ a basi medullæ oblongatæ, seu iuxta processum ossis occipitis.	{ ad musculos linguæ pro eorum motu.
------------------------------------	--	--------------------------------------

Decimum par <i>vertebrale</i>	{ a lateribus eiusdem medullæ prope spinam; hinc dubium: an ultimum capitis, seu primum vertebrarum.	{ ad musculos cervicis.
----------------------------------	--	-------------------------

Omnes prædicti nerui his versiculis a VERHEVENIO includuntur:

Olfaciens, cernens, oculosque mouens, patiensque, diuisum, cingens oculos, audiensque, vagansque reflectens linguam, sub vertebralia tendens.

Facta

Facta hac in capite distributione per totum dirimuntur corpus, & primo e spinali medulla egrediuntur

Septem paria : e vertebri colli, } ad musculos capitis &
 quorum 1.*mum*, } colli, horum 1.*mum* &
 2.*dum* & 3.*tium* } 2.*dum* magna ex parte
 par } ad diaphragma.
 4.*tum* par } ad musculos ceruicis
 & scapularum.
 5. 6. & 7. *par* vna } constituunt brachiales
 cum primis tri- } neruos, seu ad brachia
 bus e vertebri } tendunt; hinc brachio
 dorfalibus } affecto dolor persenti-
 tur ad collum vsque.

Duodecim paria : e vertebri dorsi, } Anteriores ad musculos
 quorum singula in } externos, pectoris, &
 duos ramos, nimi- } intercostales, tam in-
 rum magnum & } ternos quam externos;
 anteriorem, par- } Posteriores ad muscu-
 uum & postero- } los vertebrales & dor-
 rem diuiduntur. } sales.

Quinque paria : e vertebri lumbaribus :

1.*mum* par - } ad inferiores partes
 diaphragmatis
 2.*dum* par - } ad genitalia.
 3. & 4. *par* constituunt } crurales breuiores.
 5. *par* vna cum } crurales longiores, qui
 paribus e verte- } ad plantam pedis vs-
 bri ossis sacri } que dirimuntur.

Sex denique paria : e vertebri ossis } neruos in osse sacro,
 sacri constitu- } vel cauda existentes.
 unt.

Reliqui

Reliqui nerui, qui hic deficere videntur, iam sufficienter in decursu operis fuerunt dilucidati : vt autem & reliqua absoluamus, necessarium esse duxi, neruorum vsum hic paucis dilucidare.

Est itaque neruorum vsum (vtvt iam in definitione data ^{Neruorum} constat), vt liquidum subtilissimum vna cum spiritibus in cerebro & spinali medulla secretum in se contineant, hinc ad omnes corporis partes etiam minimas, tam ad sensum, quam ad motum, quibus & nutritionem *HEISTERVS* addit, conciliandum.

DEMONSTRATIO QUARTA.

DE OCULO.

Caput Primum

De

Oculi descriptione externa.

Oculi, indices animi a *TULLIO* iure vocati, si cum cæteris animalium membris diligenter conferantur, tantam esse illorum dignitatem atque præstantiam statuent plerique sapientum, vt nulla cum eis corporis pars comparari posse videatur. Nimirum quemadmodum loci sublimitate reliquis præstant, ita nobilitate operis & officii creduntur antecellere. In iis sapientes & naturæ periti imagines veluti in speculo conspicientes, quæ mens homini, quodue sit ingenium, contemplantur, & licet *ARISTOTELES* de generatione animalium ex oculis foecunditatis signa colligit,

gerit , nos cum *HIPPOCRATE* verius virium robur & morborum præfagia recognoscimus.

Merito igitur natura oculos multiplici artificio pro defensione & ornamento muniuit: *Oculorum* etenim *orbes* concavis foraminibus conclusit, & eorum non plures, quam duos esse voluit (quod ad speciem nullus sit perfectior numerus, quam duorum), quorum duplicitas, incredibile est, quantum pulchritudinem præ se ferat, quod tum pars vtraque similitudine ornata sit, tum venientes extrinsecus radios lucis facilius colligeret. In supremo loco siti sunt, vt sublimè contemplari valeant, & velut exploratores excubantes eminus, quæcunque nocitura aut profutura sint, prospiciant.

Porro vt munitiores essent ab iniuriis, eos teguminibus occlusit, vnde oculos dictos *VARRONI* placet. Nam & ipsi *palpebrae*, quibus mobilitas, quæ a duplici musculo; attollente & deprimente, inest, palpitatio vocabulum tribuit. Solum homini geminatae musculosæ glandulis refertæ miliaribus, & tenui cartilagine in limbo terminatae, pilis in ordine stantibus vallatae contra obiectorum & forsan luminis occursum septum oculis decentissimum præbent, quorum motus assiduus incomprehensibili celeritate concurrens & videndi tenorem non impedit, & reficit obtutum. Maioris insuper tutelæ gratia ad oculorum frontisque confinia *supercilia* natura produxit, musculosa & laxa, ad faciliorem motum cute crassiori instar arcus prominula, pilisque pressulis exteriora versus decumbentibus hirsuta, vt oculis aduersa a capite præcipue & fronte defluentia tutarentur.

**Oculorum
Canthi.**

Duos in oculo *angulos* apertæ palpebræ formant, qui veteribus dicebantur *canthi*, horum externo minori intra oculi orbitam in parte superiori insignis adiacet *conglomerata glandula* innominata, quæ aliis *caruncula innominata* vocatur; in altero autem cantho maiori & interno sub membrana semilunari,

milunari, quæ est duplicatura tunicæ interioris palpebrarum, *caruncula lachrymalis* dicta exstat : tuberculum scilicet peculiaris quasi substantiæ, & (vt cum *MORGAGNIO* loquar) *Caruncula lachrymalis.* subflauæ & quasi adiposæ, refertum acinis & pinis, atque poris, ex quorum compressione humor atque sebacea materia pro vicinarum partium inunctione exstillat, superfluum ab oculi humectatione humorem quasi sistit caruncula, eundemque deriuat per tenuia foramina, quorum duo in exiguis limbis palpebrarum ad latera ipsius carunculæ obuia, *puncta lacrymalia* dicta, quæ sensim canalibus cœeunt in singularem *ductum*, seu sacculum ad narium extrema excurrentem, per quem humor foras exprimitur, & quandoque præcopia ab oculis guttatim defluit in lacrymas.

Molem oculi respectu obiectorum visibilium exiguam agnoscimus, quæ a sphærica eius figura plane recompensatur, quâ obtinuit capacitatem, robur & agilitatem. Ad- datur altera rotunditatis ratio, vt celerius visus in latus spargeretur & libere posset omnia intueri. Huic maxime confert mirificus musculorum congruus apparatus, quo statim partes obiecti, licet immensi, successiue percurrimus, & cœli terræque plagas facili negotio perlustramus vniuersas.

Caput Secundum.

De

Musculis oculorum.

Vario modo mouetur oculus, modo sursum, modo deorsum, modo ad latera, imo & in gyrum : ad hos igitur motus perficiendos (quum sine musculorum machinamento haberi non possint) varios & diuersos, tam quoad

Numerus numerum, tam quoad figuram, suppeditauit natura *musculos*,
musculo- quorum *sex in homine*, *septem* vero aut plures numerantur *in*
rum oculi. *brutis*. Horum primi *quatuor* ob fibrarum tractum, quem
Figura mu- possident, *recti*, reliqui vero *duo* nominantur *obliqui*. *Recti*
sculorum. Initium & eundem cognoscunt ortum; innascuntur enim, aut principium
Initium & habent circa ambitum foraminis nerui optici, in fundo orbi-
finis mu- tæ inferuntur in scleroticam tendine admodum subtili, quem
sculorum. potius membranam tenuem diceret, & non procul a carnea
 finem ponunt.

Musculus Horum primus, quia oculum sursum eleuat, *attollens* di-
primus, se- citur, quum autem motus iste superbis sit familiaris, recepta
cundus. apud omnes appellatione, *superbus* vocatur. Huic oppositus
 alter musculus minor motum contrarium eliciens oculum de-
 orsum trahit, hinc *deprimens* dicitur, quo quum modestiæ, ac
 submissionis speciem referamus, musculus etiam *humilis* nun-
tertius cupatur. Tertius oculum ad partem internam & versus na-
 sum trahit, *bibitorius* audit, & forsan, quia bibentibus fa-
 miliare est, oculorum aciem ad poculum bibendo conuertere
quartus, Quartus denique musculus ad angulum externum oculum
 trahens *indignatorius* ab vsitato indignantium laterali aspectu
 nuncupatur. Si quatuor hi omnes muscoli simul agunt, in-
 tra trahunt sistuntque oculum; insuper etiam, si duo con-
 iunctim agunt, motus obliqui fiunt, siue in vnâ, siue in
 aliam partem.

Musculi Quatuor his sepositis musculis duo adhuc obseruandi
obliqui. veniunt, nempe obliqui seu rotatores duo, hi oculum cir-
Numerus, cumuertunt oblique. Horum prior *superior* aut *maior* maxi-
officium mum exhibet artificium, nam per cartilaginem, quæ *trocklea*
& finis. ob similitudinem dicitur, teretem suum tendinem traducit, &
 sic oblique oculi papillam deprimat, & quasi adducit, licet
 communem fere cum rectis habeat exortum, dum se muscu-
 lus iste cartilagini applicauit, denuo reflectitur, & posteriori
 oculi parti inseritur, vbi finem ponit.

Alter



Alter *obliquus minor* seu *inferior* natales habet in parte anteriori & interiori ipsius orbitæ fere prope canalem nasalem, hic oblique bulbi occupat partem, & exteriori posteriorique eiusdem parti inferitur, adeoque oculi pupillam oblique sursum mouet. Hi muscoli etiam *circulares*, alioque nomine *amatores* dicuntur, eo quod sint amasiis velut in amore duces.

Maior in pluribus brutis musculorum numerus inuenitur, Varius musculorum aliquibus enim vnus, aliis autem etiam adduntur plures, qui musculorum numerus musculi in brutis hoc efficiunt, vt in prono & continuo in brutis, terram aspectu prospicientes oculum sustinerent, retraherent- eorumque que longius propendentem, & muscoli isti recte *oculi suspensorum* officium. *res* nuncupari possunt, quia oculum quasi suspendendo & sustentando firmant, hoc enim denegato artificio variis oculis subiectus esset molestiis, visusque rite non posset perfici & omni ex parte hebetaretur.

Plurimo *adipe* referuntur oculorum muscoli, & quidem, Usus pinguedinis vt *ARISTOTELES* sensit, ne actione rigentes motus suos in musculis oculorum promptissime exequerentur. Nulla enim pars in toto existit in corpore, corde excepto, quæ magis motui continuato subiecta sit, quam oculus, hinc si pinguedo ad musculos emolliendos & illiniendos hic deficeret, oculorum motus tam varius & diuersus non tam facile subsequi posset, imo successu temporis motus omnino cessare deberet.

Caput Tertium.

De

Oculorum membranis.

A Blatis musculis denudatus oculi bulbus apparet, qui, quum esset pellucidus, & naturæ veluti aqueæ, pluribus scilicet *humoribus* constans, vt in sua sede continetur. Usus membranarum oculorum

retur, ne fluctuaret, debuit corpore aliquo solidiori firmari. Constructæ sunt ergo in eum vsus *tunica*, quæ humores propriis in locis conseruarent, adiuuarentque visionem, quæ insimul mirabili opificio intertextæ vim quandam incredibilem artificiosi diuinique operis testantur: earum præcipue inexplicabilis est mira subtilitas & artificium, quia oculorum orbes, gemmarum similitudines præ se ferentes, modo atris, modo perlucetibus membranis textit, vt imagines rerum contrapositarum tanquam in speculo refulgentes ad sensorium intimum penetrarent.

Numerus
tunicaum.
Diuisio il-
larum in
commu-
nem, &
propriam
Vsus tuni-
cæ con-
iunctiua.
huius ori-
go.
Tunicæ se-
cundæ seu
innomina-
tæ origo.
tunicæ
propriæ
vnde?
eius sub-
stantia.

Tunicarum numerus apud anatomicos præ subtilitate, & *RUYSCHII* obseruationibus admodum varius est, ex his autem aliæ dicuntur *communes*, aliæ *propria*. Prima omnium est *coniunctiva*, passim *adnata* dicta & inhærens, quod eius ope & interuentu adhærescant oculi, & vicinis partibus adnectantur alligenturque firmissime. Pericranii expansio est supra sclerotidem ad circulum iridis vsque oculi album constituens. Huic tunicae in parte superiori succedit altera, quæ *innominata* dicitur, atque tendinea, quæ tendinum muscutorum subtilis quædam expansio videtur ad iridis vsque, siue carneæ membranæ circumferentiam producta.

A neruo optico, eiusque inuolucris efformatas volunt auctores proprias oculorum tunicas, vt *Regiæ Academia* ostendit *MERIVS*; sic ab exterius inuestiente meninge propriarum membranarum extima, quæ *sclerotica*, siue *dura* obcrassitiem & habitudinis modum appellatur, hæc totum oculum ob uoluit exterius opaca, posterius instar pellucidi cornu diaphana, & in lamellas, obseruante *LEWENHOEKIO*, arte scinditur, vnde ea parte *cornea* dicitur.

Tunica
choroides
vnde?
eiusque
diuisio &

Secunda præcedente longe tenuior a pia matre deriuata, *choroides* nominatur, quia oculi humores seu corium amplectitur, cui *RUYSCHIVS* internam adiunxit lamellam, quæ auctoris nomen conseruat, & *Ruyfchiana* nuncupatur: sed parte

parte anteriori, qua crassior & duplicata, interius atra quasi substantia fuligine perfusa rotundo ac fatis exiguo foramine peruia, *vnea* dicitur, nam oculi fundo sursum ad carneam vsque protensa foramen ad modum vuægrani relinguit, quod *pupilla* dicitur, per quam veluti fenestram visibilium species oculum fubeunt: illic vero reflexa, & duplicata ex vna parte circum per carneam transparentem efformat, quem *D. DE L. LEGA muscolum pro dilatatione pupillæ opinatur*, qui licet modo fuscus, modo cœruleus, modo alterius etiam coloris, semper tamen pluribus discretus, ac variatus *Iris* oculi quadam iridis similitudine vocitatur.

Vneaquid?

pupilla quid?

Iridis descriptio forma & visus.

Sed antequam sclerotica & choroides se inuicem deferant, eo loco, vbi illa carneæ, hæc vuææ nomen assumsit, arcte nectuntur insimul per *ligamentum membranaceum ciliare* dictum, a cuius ambitu oriuntur quædam filamenta tenuia nigri coloris, *processus ciliares* appellata, quæ radiatim tendentia prope tunicas rariora versus pupillæ latitudinem sensim vniuntur, ad prominentem humorem crystallinum excurrunt, atrasque lineolas ciliorum pilis similes adumbrant, vnde *processus ciliares* appellantur: horum opera non tantum pupillam contractam volunt & dilatatam, sed & globum crystallinum protrusum ac retractum, inque obiectorum aspectus huc illuc reflexum.

Processus ciliares quid eorum figura visus & origo.

Vltima oculi membrana *retina*, siue *amphiblestroides* dicitur, quæ, si aquæ præsertim immergas, in innumera abit filamenta, quo expansum illud reticulum æmulatur, quod e fune pendulum eminus ad piscium capturam in aquas dimittitur; a nerui optici substantia medullari orta supra vitreum humorum expansa ad *processus* vsque ciliares porrigitur, in quibus eiusdem fibræ apparent terminatæ; hæc lymphaticis gaudet vasis a *VALSALVA* obseruatis.

Retinæ origo, substantia eiusque vasa descripta.

Caput

Caput Quartum

De

Oculorum humoribus.

Humores
oculi di-
uiduntur
tripliciter.
Eorum
consisten-
tia, color
& usus.

Humoris
cristallini
situs.

Situs hu-
moris aquei
& eius sub-
stantia.

Descriptio
humoris
cristallini
Eius figura
& usus.

Ab expositis tunicis obuelantur & retinentur oculi humores, qui detectis resectisque tunicis effluunt statim, & in aspectum proferuntur. Tres numero sunt, *aqueus* scilicet, *cristallinus* & *vitreus*, consistentia varii, sed pellucidi omnes, colorisque expertes, ut rerum visibilium imagines propriis coloribus sensorium pertingerent.

Humor cristallinus inter alios duos humores centrum fere oculi tenet, totius visionis quasi moderator & dominus, in parte posteriori vitreum, in anteriori aqueum habet.

Aqueus itaque humor (sic dictus, quod tenuitate & puritate aquam, vel oui albumen referat) situ prior est, tenuior, magisque fluidus, antequam spatium corneam inter & humorem cristallinum cum propinqua vitrei parte alluit, exteriusque conuexus, opposita vero parte leniter concavus, corneam inter vireamque membranam ante pupillam concluditur, ad pupillae motum ad cristallini distantiam, atque nimiam luminis radiorumque visualium actionem ad istum humorem reparandum peculiare quosdam ductus aquosos ferri *NVKIJS*, *RVTSCHIVS* ET *HOFIJS* obseruarunt, quorum indigentiam aquei humoris in vulneribus reparatio suadet.

Cristallinus sequitur humor, cristalli modo pellucidus, singulari soliditate, perspicuitate ac splendore elegantissimus, quem si quis diligentius vitro optico rimatur, congeriem inueniet minutissimarum tenuissimarumque quasi squamularum, quae circulatim depositae subtilibus filamentis firmiter iunctae a pellucida ambiente membrana retinentur, figuram pressulae rotunditatis ac lenticularem obtinet, sed antequam
minus,

minus, posterius magis conuexam, in medio quidem oculi collocatur, sic tamen, vt pupillæ magis accedat, quo plures radios oblique concidentem exciperet, & per vitreum ad retinam tunicam pro visione transmitteret.

Tertius oculi humor vitreus dictus crassitie quidem & consistencia vitro fuso similis est, sed colore & pelluciditate iam densatum & refrigeratum penitus refert. Situs est posteriori parte, vt crySTALLINUM admitteret, propterea in medio concauus est: cuius substantia crySTALLINO mollior, aqueo tamen minus fluida habetur, subtilissima ideo ac pellucida inuestitur tunica, qua a reliquis duobus humoribus separatur, hanc pluribus capsulis, seu squamis compositam obseruauit D. SPAROLEVS, hac rerum visibilium radii a crySTALLINO accepti & modificati tunicae retinae referuntur.

Humor vitreus quid? eius figura, substantia, situs

& vsus

Dum ista de humoribus oculorum scribo, curiosa mihi subuenit obseruatio, vbi nempe cataracta sedem suam habeat. Nobilis hac de re est controuersia WOLHVSIUM inter & HEISTERVM: Ponunt enim alii ipsius sedem ante, alii post humorem crySTALLINUM; me vero quod attinet, iudicarem verisimilius, esse cataractæ locum inter crySTALLINUM & vitreum. Huius asserti ratio desumitur primo ex ipsa operatione: deposita enim cataracta tam aperte & pulchre obseruatur in oculo acus, ac si per microscopium repræsentaretur. Altera causa est obseruatio a me instituta; intrusi in oculum quatuor acus, duas lateraliter, tertiam in parte superiori, & quartam in parte inferiori, ita, vt omnes acus in medio oculi coniunctæ essent; hoc peracto subtiliter in parte anteriori dissecui oculum, facta sectione immediate profiliit humor crySTALLINUS, quin ab vna acu fuisset irritatus. Vt autem hac de re certior essem, aliam institui obseruationem eodem modo, hac tamen cum differentia, quod oculum ex parte posteriori dissecuerim, facta incisione exiuit humor vitreus relicto crySTALLINO, cui omnes quatuor acus incumbabant: Sed de

M m

ista

ista materia alio loco fusius dicetur: nos vero interim ulterio-
rem oculi structuram perlustremus.

Oculorum
vasa, arte-
riæ venæ.
Nervi
optici
vñs, situs,
origo.

Præter hucusque relata ad oculum perfectionandum
omnium concurrunt vasorum genera, & primo quidem ar-
teriæ a carotidibus subministrantur, venæ autem refluxum
sanguinem ad iugulares transportant. Nerven habent oculi
plures, quorum alii visioni, alii motibus destinantur. Pro
visione iuxta corpora striata egrediuntur optici in ortu sepa-
rati, dein antrorsum ubique protensi in medio fere progressu
iuxta sellam sphenoidem sic cœunt, vt confusi dicerentur,
mox separati, & per caluariæ foramen in orbitam oculi de-
lati, oculi bulbo inseruntur, sed prius eleganti quodam an-
nulo referuntur: ob hanc nervorum coniunctionem facillime
explicari posse crederem, quomodo vno affecto oculo affi-
ciatur & alter, imo quomodo gutta serena vnum occupans
oculum tractu temporis occupet & alterum.

Nervi mo-
torii &
pathetici
quid?

Ad motum plura nervorum paria integra spectant, se-
cundum scilicet opticum & tertium, quorum ultimum confi-
citur ex nervis insignis magnitudinis, qui ab officio oculi mo-
torii dicuntur: alterum vero ex nervis exiguis a *WILLISIO*
patheticorum nomine descriptis; accedunt plurimi furculi a
pari quinto, nonnulli a sexto derivati.

Caput Quintum

De

Oculorum vñs.

QUoniam itaque naturæ placuit externa obiecta animæ
ostendere, instrumentum aliquod adhibere oportuit,
quod ipsorum imagines concinne & expedite depin-
geret, quod oculo præstitit, in cuius fundo veluti in camera
optica

Fig. 1.




Fig. 11.




Fig. 111.

A




Fig. IV.



Fig. V.




Fig. VI.




Fig. VII.



Non ideo tamen arbitror, aut imaginum incurfione nos cernere (vt *DEMOCRITVS*, *LEVCIPPVS* & *EPICVRVS*, qui a rebus omnibus per corpuscula effluere imagines existimarunt) quoniam videndi officium in eo esse debet, quod videt, non in eo, quod videtur: neque emissionem radiorum, vt *PYTHAGORAS*, & *PLATO* crediderunt, quorum opinioni scripsit Poeta:

Nescio; quis teneros oculos mihi fascinat agnos:
nam, si ita esset, vt dicebat *TULLIVS*, tardius quam oculis aduertimus, videremus, donec intensus aer cum acie, & effusi radii ad id, quod videndum esset, peruenirent, quum autem eodem momento temporis, plerumque vero aliud agentes, nihilominus tamen vniuersa, quæ contra nos sunt, intueamur, verius & manifestius est, radios luminis ab obiecto modificatos in humorum transitu exigite dispositos imaginem in retina efformare.

Obiectum
visionis.

Visionis itaque obiectum sunt colores & lumen (si tamen duo sunt) de quorum natura insignis, frequens & per- uulgata est controuersia, quam nec mihi summo discutiendam, nec anatomicis inquirendam esse existimamus, sed hæc omnia philosophis discutienda, vel magis intricanda relin- guimus.

DEMONSTRATIO QVINTA.

DE

AVRE

Caput Primum.

De

Auris externæ descriptione.

A Escio, num ad vllius sensus officium atque vsum plures machinas comparauerit natura, & instrumenta mira-
bilia

biliora sit machinata, quam ad auditum, in quem vires omnes, ingenium, industriamque diceres profudisse: hinc prudenter, atque sapienter *VALSALVA* laude multiplici singularis, postquam nullam in humano corpore partem elaboratam ac sine rei anatomicae utilitate reliquerit, aurem præcipue delegit, in quam eam diligentiam operamque contulit, ut nulla in humana aure particula exstet, in qua aliud non inuenerit, vel addiderit, vel saltem plurimum illustrauerit: quæ omnia in suo de aure humana tractatu cum auctorum notitia, facili numerum explicatione rei chirurgicae, & anatomicae descriptione, eruditione, ac dicendi elegantia, varietateque conjunxit, ut non possim statuere, utrum scientia rerum, an inuentorum copia, an eloquendi suauitate an ingenii acumine pronuntiem clariorem. Præclarissima itaque eius inuenta (ut æquum est,) quantum in tanta rerum obscuritate possum, pro viribus referam, & auditus organum iuxta ipsius documenta exponam.

Auditum itaque disciplinae sensum, & ciuilem vitæ bono societati concessum voluit *ARISTOTELES*: duas idcirco aures semper patulas natura construxit, quarum duplicitas, incredibile est, quantum pulchritudinis & utilitatis præse ferat, quod tum pari utraque similitudine ornata sit, tum ut venientes intrinsecus voces facilius colligantur. Aurium
numerus.

Nam & forma ipsa mirandum in modum facta, quod earum foramina voluit esse nuda & inobsepta, quod minus decorum & minus utile fuisset, quoniam simplicium cauernarum angustias præteruolare vox posset & exspargi, nisi perceptam per cauos sinus & repercussu retentam cavitates ipsæ contraherent, illis similes vasculis, quibus impositis solent angustiora vasa compleri.

Eas igitur aures, quibus est indutum nomen a vocibus hauriendis (vnde *VIRGILIUS*: *vocemque his auribus hauri*) noluit Deus artifex mollibus pelliculis informare, quæ pulchritudi-

nem demerent, pendulæ ac flaccescentes, neque duris, ac solidis ossibus, ne ad vsum inhabiles essent, immobiles ac rigentes; sed, quod esset horum medium, excogitavit, ut eas cartilago mollior alligaret, & haberent aptam simul & flexilem firmitatem. Hanc *auriculam*, seu *externam aurem* anatomici dicunt, quæ cute tenui & subtili vestitur, pluribus glandulis, & in iunioribus aliquali scatet pinguedine.

Cavitates
aurium.

Auricula *plicas* habet aliquas, quæ tendunt & terminantur denique in cavitatem quandam *concham* dictam, quod similis sit ostio teste limacis. Ex præfatis plicis extrema *helix* ob tortuosum flexum appellatur, altera interior & priori respondens *anthelix*; quæ tempora spectat, eminentior, pilis in quibusdam hispida, *tragus*; opposita altera *antitragus* nominatur.

Præter *concham* duæ aliæ plicis interiectæ foveæ deprehenduntur, quarum exterior *innominata*, altera vero *scapha* dicitur. Per expositas foveas dispersæ exstant *glandulae*, cuius succus sebaceus, postea extricatus in fursuraceam abit materiam, diuersæ indolis, & structuræ observantur, illæ ad *tragum* positæ inguinalibus omnino similes.


Aurium
musculo-
rum nu-
merus, si-
tus, origo,
usus & no-
men.

Musculi
externi.

Auriculæ porro, licet in homine sæpius immobili, plures accedunt *musculi*, quorum aliqui cum vno tantum extremo auriculæ adnexi, reliquo suo corpore extra illam iacent, *externi*, alii vero, quum utrumque extremum intra auriculam obtineant, *interni* merito nuncupantur. Inter externos vnus *superior*, *tres posteriores* a situ dicuntur: primus a musculo temporali ortus, sparsis fibris *conchæ* & *scaphæ* tergo infigitur, reliqui numero sæpe, ac incessu, vel in eodem homine varii, vna quasi origine, diuerso tamen fine ac tendine in auriculæ posteriora inferuntur: his *anterior* addendus est musculus, qui a membrana muscoli temporalis ortus, postea in duas partes diuisus, vna in cauum *conchæ*, in *scapham* infigitur altera.

Interni

Fig. I. ad pag. 279.



Tab. VII. part. 3.

Fig. IV.




Fig. II.





Fig. III.



Interni demum sequuntur *musculi* numero *bini*, vnus ex istis trago, alter vero antitrigo adscribitur, a quibus nomen eorum inuentor desumpsit: istis musculis associantur fibræ carneæ, per gibbum auriculæ dispersæ, in medio sensibiliores; Demum vt debitum sibi situm conseruaret, præter musculos externos, membranaceos alios habet nexus, in parte auriculæ anteriori validiores, & *validum* quoddam *ligamentum* effor- mant, quibus ossi temporum firmiter alligatur.

Musculi
interni.

A musculis regrediamur ad concham, vt reliqua facilio- ri ordine profequi valeamus: ab illius igitur coarctatione *mea-* tus oritur *auditorius*, *canalis* scilicet *in temporum ossibus insculptus*, *primo cartilagineus* & *quasi per incisuras interseptus*, *postea osseus*, *non recto, sed serpentino incessu progressus ad membranam tympani terminatur.*

Meatus
auditorii
descriptio,
ortus.

Pro interno indumento ab auricula desumit cutim, quæ ad canalis medietatem in membranam gracilescit terfam, ac humore quodam aqueo madidam, qua reliquum meatus in- uestit.

A principio ad dimidium circiter infinitis subflorescenti- bus *glandulis* refertur, quæ per foramina inter illius pilos hu- morem *flauum* & *viscidum* eructant, qui in limine collectus ce- rumen veteribus nuncupatur, scilicet vt irrepentia aures mi- nuta quæuis infecta (vt *TULLIUS* ipse sensit) in iis fordi- bus, tanquam in visco, inhærescerent, ibique captiua rema- nerent. Cerumen hoc vt pars corporis extremitatia quan- doque ita indurescit, vt formam lapideam in se suscipiat, con- sequenter auditus abolitionem causet. Ex his eruendum erit, quod auditus abolitio, vel saltem suo modo deperditio non semper a causis internis, sed & a nimia viscositate ceruminis dependeat, quam ob rem in praxi bene attendendum & au- ris externa probe examinanda venit, antequam vltior in- terna cura instituat.

Cerumen
quid? illius
usus.

In fine meatus auditorii *membrana tympani* deprehenditur, quæ aurem externam ab interna distinguit, & extremitatem meatus istius exacte claudit.

Caput Secundum.

Auris internæ descriptio.

DAta pro possibili auris externæ descriptione, ordo & institutum postulat, ut eam etiam quoad suas internas perlustremus partes; quum autem dixerimus, quod *membrana tympani* externam ab interna distinguat aure, hinc eam ab ipsa *membrana* exordiemur.

Descriptio
membranae
tympani,
cuius
substantia
& figura,
situs.

Est igitur hæc *membrana* propemodum *rotunda*, *sicca*, *tenuis*, *pellucida*, *intus quodammodo retracta*, *satis tamen firma*, *ex duplici quidem*, *diuersa vero expansione membranacea componitur*: (ut clarius in foetu apparet) *quarum altera a dura matre per commissuram ossium petrosi & temporum ingressa*, *altera a cute meatus auditorium inuestiente deriuatur*. Situ ex obliquo in pronum despicit infixæ fulco, siue striæ, quæ in extrema meatus ossei circumferentia excavata est, ubi in foetu *annulus* inuenitur ad ostium tympani constitutus, sed neutiquam completus & integer, qui facile ab osse petroso separatur, nudusque in meatus ablatione patescit.

Chorda
tympani.

Elus sub-
stantia.

Cavitas
antrosa,

Membranæ tympani dorso *chorda* extensa conspicitur, quemadmodum neruus tympano militari, unde tympani nomen assumpsit: *filamentum est durioris nerui auditorii oblique per tympanum excurrentis*. Tympani *membrana ablata* superincumbens *cavitas antrosa* patescit, quæ mediam auris cavitatem componit: hæc in osse temporali, & petroso insculpta *cauernulis eminentiis intercepta pluribus irregularem sortitur figuram*,

figuram, quæ tamen ad sphæricam in superna & infima par-^{eius figura}
te inæqualiter complanatam accedere videtur.

Hanc accuratius inspecturus quatuor prius *exigua* in ea
recondita eximat *ossicula*, *malleum* scilicet, *incudem*, *os orbiculare* ^{Auris ossi-}
& *stapedem*, quæ a forma potius, quam ab officio & usu, talia ^{cula qua-}
fortita sunt nomina. ^{tuor.}

Illorum primum a formæ qualicunque rudimento *mal-* ^{Primum}
leus dicitur, qui pro maiori sui parte membranæ tympani per ^{malleus,}
longum valide adhæret, sic, vt eius centrum intro trahat: est ^{eius figura,}
os valde tenue, superiori parte capitulo præditum rotundo, ^{substantia,}
vbi vero cum incude articulatur, est crassius, & hoc *caput mal-* ^{connexio}
lei dicitur; altera vero parte tenuius, *manubrium* vocatur, quo ^{& situs.}
membranæ tympani vnitur. Manubrium a *tribus acutis pro-* ^{Mallei}
cessibus construitur, maiore, minore & minimo, quorum ^{manubri-}
cum tympani membranæ centro colligatur; *minor* e princi- ^{um & hu-}
pio præcedentis exsurgens tympani membranæ infigitur, ean- ^{ius sub-}
dem versus meatum auditorium aliquantulum eleuaturus; ^{stantia.}
minimus tandem lateraliter post minorem positus paralellam
feruat cum tympani membrana positionem. Malleus præ-
terea *tribus* est instructus *musculis*, pro singulis processibus v- ^{Tres mu-}
nus, quorum *maximus* processui maiori concessus a *tuba Eusta-* ^{sculi mal-}
chiana sic infigitur, vt membranam tympani illi processui ad- ^{lei & ho-}
hærentem versus tympani cauitatem tendat, quæ in eius ab- ^{rum usus.}
scissione relaxatur. *Minoris processus musculus* a membrana su-
periori meatus auditorii exortus, supra tympani membranam
fertur, & cum incudis processu crassiori paralelle incedens,
in minorem mallei processum infigitur. *Processus* denique *mi-*
nimi musculus a pariete tympani faciem spectante, & per hunc
progressus sub tympani chorda in mallei processum mini-
mum sic inferitur, vt huius & alterius ope firmatus hypomo-
chlium in mox describendis motibus perbelle præstare videat-
tur.

Officulum
secundum
incus, eius
diuisio &
descriptio.

Malleo superius descripto annexus est *incus*, alterum scilicet officulum, in *corpus* & *duo crura* seu *processus* diuisum, ea corporis parte, quæ processibus opponitur caueis, & eminentiis intercepta ligamentorum ope cum malleo firmiter articulatur: processu vero breuiori, sed crassiori tympani pariete per breue & tenue quoddam ligamentum sic connectitur, vt aliquantulum mobile hypomochlium pro suis motibus habeat: altero processu longiori quidem, sed tenuiori incus stapedis capitulo per ligamentum laxiusculum deuincitur, sed officulum quoddam (obseruante FRANCISCO SYLVIO) omnium minimum interponitur, quod a forma *orbiculare*, sed verius *ouale* diceretur.

Os orbiculare seu ouale.

Tertium, stapes, eius descriptio, & substantia.

Vltimum vero officulorum, si situm spectemus, *stapes* est, a figuræ stapedis equestris similitudine sic appellatum: constat enim ex basi, binisque lateralibus in capitulum coeuntibus, ex substantia satis tenui compositis. *Basis* stapedis in *fenestram oualem* intruditur, quam exacte claudit, eique tenuis membranæ interuentu adhærens alligatur, non adeo stricte tamen, quin fursum deorsumque pro opportunitate moueatur.

Magnitudo officulorum.

Descripta officula in infante eadem gaudent magnitudine, ac in adulto, in illo tamen pluribus referta cauernulis minus densa sunt, sed temporis progressu satis admodum compacta, & si nulla vestita membrana apparent, variis tamen vasis reptantibus referta conspiciuntur.

Fenestra oualis.

Fenestra rotunda.

Ablatis officulis tympani *cauitas* inæqualis admodum & scabra melius inspicienti patebit, cuius parietes quodam aqueo humore irrigantur, a membrana inuestiente (quæ est duræ meningis elongatio) probabiliter profecti. Hac in cauitate *duo* spectantur *foramina*, quorum maius & altius situ tympani membranæ paralellum, *fenestra oualis* nominatur, quæ a basi stapedis exacte clausa in *labyrinthi vestibulum* aperitur; alterum minus & decliuus foramen *fenestra rotunda* dicitur, ob formam vt plurimum circularem cum *cochlea* communicat,

cat, sed tenui membranula interius posita clauditur. Præter duo recensita foramina, noua alia diametro quidem, non inuenti vtilitate, minora, superius posita, vbi malleus cum incude articulatur, exstant, numero ac ordine irregulari, per quæ sanguis & ichor in capitis contusionibus exeuntes via transmeant aliquando.

A tympani porro cauitate inferius dimittitur supra palati extrema quidam *canalis*, cuius necessitatem *ARISTOTELIS* ipse nouerat, primo *osseus*, inde *ultra tertiam partem membranaceus*, mox *superius & lateraliter cartilagineus*, ad extremum *orificium crassior*, qui *carnea substantia lateralem anteriorem partem tegente*, dilatatur in *labra*, vnde a similitudine tuba, & ab inuentore *EVSTACHIO Eustachiana* nominatur. Intus eadem cum tympani cauitate vestitur membrana, quæ sensim ob subiectam glandulosam substantiam magis crassa & peruia, pro exitu mucosæ materiæ a glandulis separatae, maxime versus tubæ finem, quo externæ narium membranæ continuantur. Denique vt tuba optime dilataretur, *musculum* obtinuit, cuius fibræ lateraliter a parte membranacea, & cartilaginea sparsim ortæ colliguntur in tendinem, qui per inferiorem partem internæ alæ processus pterygoidis excurrit: demum rursus fibræ explicatae circa extremum foraminum internorum nasi in illius membranam terminantur. Fenestræ denique, oualis & rotunda, spectant intimam cauitatem in osse petroso sic excavatam, vt e directo membranæ tympani eidem quasi parallele supra tympani cauitates locentur, cuius descriptione, (quum vltima organi cauitas sit) organum auris complebimus.

Tuba Eustachiana
eius substantia.

Labyrinthus appellatur hæc cauitas, quia in plures circuitos conuoluitur, in tres partes diuiditur, *vestibulum* nempe, *canales semicirculares & cochleam*. Vestibulum cauitas est irregularis, in osse insculpta, sic dicta, quia pene fenestram oualem, scilicet supra basin stapedis inter canales semicirculares & cochleam locata, ipforum cauitatibus viam sternit. Plura in

Labyrinthus.

Vestibuli
descriptio.

Offia vestibuli.

vestibulo notantur *ostia*, *fenestra* scilicet *oualis*, per quam (vt antea nouimus) tympanus labyrintho communicat, *quinque orificia canalium semicircularium*, *orificium cochleæ* & *quinque foramina* nerueis filamentis concessa.

Canales semicirculares.

Alteram labyrinthi partem *canales* constituunt *semicirculares*, qui elliptica vt plurimum cauitate donati in semicirculum inflexi, quinque solum ostia in vestibulo efformant, maiori nempe & minori in communem canalem & commune orificium concurrentibus.

Cochleæ.

Ad latus vestibuli versus faciem canalibus semicircularibus oppositam inferius conspicitur tertia labyrinthi pars, eleganter *limacium cochleam* repræsentans, vnde *cochleæ* dicitur:

diuisio eius in duas partes.
Scala.

cæteris equidem minor, sed mira cauitas est, seu canalis gyris duobus cum portione tertiæ cochleæ in modum contorsus, a

Scala tympani.

septo quodam hic molli, illic solidiori subdividitur in duos minores canales, seu cauitates, quæ dicuntur *scala*, nomine,

Scala vestibuli.

situ, orificio, figura, atque latitudine diuersæ, nam superior per fenestram rotundam, tympanum respiciens, *scala tympani*

nominatur; altera inferior diametro minor, per orificium pene ellipticum cum vestibulo communicans *scala* dicitur *vestibuli*.

Ductus Fallopi-
nus.

Nerui auditorii.

Ad actuationem & conformationem partium labyrinthi peculiari artificio neruos natura diuisit: Etenim in osse temporali & petroso peculiarem exsculpsit canalem, qui *aqua ductus* dicitur *Fallopianus*.

Hunc subeunt septimæ coniugationis nerui auditorii binis ramis, duriori nempe & molliori

constantes, quasi distincta origine & substantia neruea. Hi primum per communem canalem aliquantulum insimul pro-

grediuntur, mox ramus, siue portio mollior relicta altera, per proprium canalem labyrintho prospicit, pro quo munere in

duas diuiditur partes. Altera in quinque furculos diuisa per quinque foramina intra vestibulum hos mittit, vbi vix ingres-

si laxantur, ac contextuntur in tenuissimam membranam modo fornici suspensam, modo unitam.

Porro



Porro ab hac vestibuli membrana tres aliæ parvæ membranæ recedunt, per canales semicirculares productæ & propagatæ, quæ a figura zonæ & ab usu sonoræ, eleganti quadam appellatione *Zonæ sonora* dicuntur. Simili forte ratione altera mox indicata nervi mollis portio, quæ ad cochleam tendit, per minima quædam foramina fibrillas in cochleam mittit, vbi in membranam expansæ constituunt membranaceam superius memoratam illius septi portionem, quæ propter figuræ & substantiæ conuenientiam *cochleæ Zona* ^{Cochleæ Zona.} appellatur, incertus animi, an cum membrana vestibuli communice-
municet.

A molli nervi auditorii portione regrediamur ad duram, ut cætera auditus organi vasa prosequi possimus. Prior itaque auditorii nervi portio per descriptum aquæ ductum Fallopiæ progressa a molli portione diuisa ad tympanum singulos eiusdem partis furculos mittit, vbi tamen ramos, ut aiunt, binos a quinta coniugatione accipit, quorum alter transverse per tympani cavitatem paralellus membranæ tympani occurrit, hinc, ut antea diximus, chorda tympani a similitudine nuncupatur. His perfunctus officiis per foramen interstiliformem & mamillarem processum emergit, & meatui auditorio, anteriori auriculæ parti, plurimisque vicinis partibus immiscetur.

Descriptis nervis vasa sanguinea iungenda sunt: arteriæ ^{Arteriæ.} a carotidibus proficiscuntur, venæ vero ad iugulares tendunt: ^{Venæ.} neque forsan lymphatica desunt, licet præ exilitate omnem oculorum aciem diligentiamque superent.

Haftenus auditus organum patefecisse videor, quod melius, ut ipsius auctoris diligentia testatur, oculis auditorum imaginationi succurret. Nunc descriptarum partium officia & audiendi modum, quam breui & dilucide possumus, prosequamur.

Caput Tertium.

De

Vsu & officio auris.

QUum veteribus, *ARISTOTELI* scilicet & *GALENO*, ac reliquis pene superioris æui philosophis & medicis incognitum fuerit audiendi organum tot particulis tam affabre concinnatum, non possumus perfectam auditus naturam ex eorum scriptis intelligere; plurima vero recentiorum diligentia debemus, qui acute & grauitè multa de hoc argumento scripserunt; sed nos missis lubricarum opinionum fluctibus audiendi modum & totam auditus naturam breui & facili explicatione aperiamus.

Requiritur
ad audi-
tum.
Obiectum
auditus.

Tria ad sensum requiri docuit *ARISTOTELES*, & recentiores ipsi consentiunt: obiectum scilicet, medium & instrumentum; *obiectum auditus* est *sonus*, vt visionis lumen. De soni natura plura hoc loco differere non institui; sunt enim ex physicorum principiis illa ipsa repetenda, de quibus tum in institutionibus medicis, tum in philosophia ipsa multum disputatur.

Sonus vn-
de?

Cum Stoicis recentiores omnes pene, si *SYLVIANVM* *REGIS* excipias, vnanimi opinioni statuunt, sonum in motu seu vndulatione, tremore ac vibratione aeris consistere: percussus itaque a duris, solidisque corporibus aer vicinum aerem mouet, hic proximum afficit, donec continuatione quadam ad aurem perueniat: vt enim, si in aquam lapillos inieceris, circuli enascuntur, quorum alter alterum excitat, ita ex aeris percussione veluti circuli in aere generantur, donec successive auditus organum percellant: hinc *AVICENNA* hanc percussus aeris continuationem non inscite *vndam vocalem* appellauit.

Licet vero motus huiusmodi momento non fiant, & post ictum sonus e distantissimis locis non subito audiatur, maxima
tamen

tamen velocitate fertur : nam *Academia Florentina* testimonio spatio quorundam minutorum secundorum canonis boatus ad vnum milliare Italicum dilatatur, & quod mirabilius videtur (vt iidem academici *MARSONIVS* & *GASSENDVS* contra *KIRCHERVM* testantur) eadem temporis velocitate sonus debilis & fortis propagantur : quemadmodum a diuersis lapillis in aquam proiectis generatos in aqua circulos eodem modo propagari scribit *GASSENDVS*, quod tamen *BARTOLI* experimentis non correspondet.

Non omnem aeris substantiam, sed tenuiorem, graci-lioremque pro sono diffundi, *MENGOTVS* opinatus est, quam ipse *aerem* appellat, quod sub aquis, & in vacuo sonus suadere videtur.

Sonori itaque motus ab externa aure recepti, ob eius formam & cauos ex lato in angustum fictos, versus mediam auris cauitatem contendunt, vnde membrana tympani commodius mota sonorum ictum manubrio mallei communicat, qui quum eum situm obtineat, primigeneris vectem musculorum ope constituit, ac parem alterum vectem priori conexum incudem mirabili naturæ opificio referat, cuius longiori processu stapes veluti vectium appendicula iungitur, sic in primi vectis motu fieri omnino debet, vt alter æquali motu vrgeatur. Equidem non malleus tantum, vt *ARANTIVS* scripsit, sed etiam reliqua tympani officula mouentur. Quare ictus sonori ab aere externo membranæ tympani ingressi per expositos binos vectes stapedis ope per fenestram oualem in labyrinthum quam citissime traducuntur. Illic descriptam membranam vestibuli, ac zonas sonoras mouent (in quibus auditus sensorium recognoscimus) illinc per mollem nerui auditorii portionem animæ referuntur, quæ iuxta motionum varietatem de sonorum diuersitate iudicat.

Hanc autem sonori motus communicationem multum iuuat tuba Eustachiana, non solum dum præbet superfluae
vsus tubæ
Eustachianæ ad au-
ditum.

& nocituræ humiditati exitum ad nares & pharyngem, verum dum aeri locum commode & opportune cedit, quo membranæ tympani commotiens in sonoris motibus prouide appositeque fouet. Idem officium penitus auspicate præstat membrana illa, quæ fenestram rotundam claudit, vt adeo ipsæ zonæ aduenientibus diuersis sonis diuersam ad sese mouendum aptitudinem haberent.

Cætera de soni natura, qualitatibus & differentiis nec instituti ratio, nec temporis mensura permittit, vt loquamur, quæ a *BARTOLO*, *KIRCHERO*, *BLANCONO* & aliis pro vestro studio sufficienter percipietis.

Verum quamquam pro mea tenuitate clarissimi *VALSALVÆ* diligentissimum & omni ex parte perfectum de aure humana tractatum pro dicendi methodo in paginam traduxerim, adhuc repeti de me posse sentio, quod de industrio quodam pictore retulit *PLINIVS*, qui præclaram *PROTAGINIS* picturam *Rhodii* celebratam ex tabula viuis coloribus ea animi corporisque contentione expresserat in tabulam, vt *APPELLES* spectator præ industria & labore effectam quidem imaginem laudauerit, sed deest (inquit) gratia originalis; sed hanc a viuo auctoris libro & figuris cumulatissime hauries.

DEMONSTRATIO SEXTA

DE

LINGVA ET NARIBVS

Caput Primum

De

Lingua.

Perspectis visionis & auditus organis ad tertium modo descendamus, nempe ad organum gustus & loquelæ.

Hoc

Fig. I.




Fig. III.




Fig. II.



Fig. I.




Fig. II.




Fig. IV.



Fig. III.



Fig. V.






Fig. VI.





ad pag. 288.

Tab. XI part. 3.












Fig. 1.




Fig. 2.





Fig. 3.



ciem oblongo capitulo proferuntur; non vna est præfatis papillis forma & magnitudo, sed in tres veluti classes discriminantur.

Lingua-
lium pa-
pillarum
differen-
tiæ.

Aliquæ cæteris grandiores ad latera linguæ apicis, ad basin, & in superiore eius arca quadrato ordine dispositæ, & speciali quadam propagine nervea ortæ, in oblongum capitulum terminantur, & propter quamdam fungorum similitudinem passim *fungosæ* nuncupantur; his aliæ copiosiores classem alteram constituentes adnascuntur papillæ, quarum extremitates mediocriter assurgunt & prope primas locantur; has denique minutissimæ aliæ *tertiæ classis papillæ* idem exordium, finem & altitudinem sortitæ, conica figura præditæ circumdant, & eleganti ordine circumvallant.

Vasa omnis generis obtinet lingua: arteriæ a carotidibus ortæ sub lingua apparent duæ, totidemque venæ a iugularibus, quas vulgus *raninas* appellat.

Circa nervos linguæ auctores omnes, quos conspiciere licuit, adscribunt eos a quinto, sexto, septimo & nono pari deriuatos, alii motorii, alii vero papillis & gustui inferuiunt. Vasa denique lymphatica sub lingua orta vnam vel alteram colli glandulam ingressa in venas subclauias exonerantur.

Linguae
musculi
decem.

Quoniam vero lingua moueri debuerat, *decem* obtinuit *musculos*, quorum ope in omnem loci differentiam moueretur. Surfum mouent duo *stiloglossi* dicti, a stiliformi processu in mediam linguam inserti; deorsum totidem *myloglossi* dicti, ab inferiori maxilla, vbi dentes molares sunt, exorti; antrorsum aut extrorsum *genioglossi* duo ab interiori mento prognati; retrorsum duo a basi ossis hyoidis orti mouent, & *basioglossi* nominantur; dextrorsum vnus, sinistrorsum itidem alter a cornibus superioribus ossis hyoidis exorti *ceratoglossi* dicti, in linguæ latera inserti.

Basis lin-
guæ ossæ
ex tribus

Porro vt lingua pluribus ictibus ageretur, mobili infidet basi, cuidam ossi scilicet, quod tribus conflatum ossibus lateralibus

teralibus (quæ dicuntur *cornua*) ligamenti ope stiloidi processui alligatur: quatuor musculorum paribus mouetur, quæ usitata apud veteres appellatione originem & finem designant.

ossibus
cornua di-
ctis.
Musculo-
rum basis
linguæ 4.
paria.

Vnde primum par *sternohyoides* dicitur, quod a superiori sterni parte ortum in basin ossis hyoidis inferitur, in hoc plures inscriptiones nerveæ seu tendinosæ inæquales occurrunt, quemadmodum in musculis abdominis rectis notauimus; alterum *geniohyoides* dicitur; tertium par *stiloceratoïdes*; *coracohyoides* vltimum nominatur.

Quamquam vero ex membrana oris ossa inuestiente (quæ ob pituitæ glandulas communiter *pituitaria* nominatur) assidue in oris cauitatem defluat aqua, alios tamen natura fontes necessariis linguæ ministeriis aperuit, a quibus copiosus deriuat humor, qui propter salium copiam *saliua* dicitur, cuius affluxu adeo ciborum coctioni necessario lingua sua munera & officia promptius exsequeretur.

Membrana
pituitaria.
Saliua
quid?
cur saliua
dicatur.

In cuius finem ad linguæ radices exstant duo illa corpora fungosa communi membrana pituitaria obducta, oculis manifesta, *tonsilla* & *amygdala* dictæ, in quas crassus & viscidus deriuat humor, per amplos eius ductus in oris cauitatem exonerandus.

Eius du-
ctus &
fontes.

Plures præterea reperiuntur glandulæ conglomeratæ sub mento, inter hyoides & linguæ musculos, intra quas *maxillares* vtrique duæ, externa vna exigua, interna altera maior, ex quibus sæpe vnitis oriuntur *bini ampli ductus saliales* *WARTHONIANI* dicti, sub lingua prope frenulum terminati.

In oris quoque fundo ad linguæ ambitum sublinguales minores *Bartholinianos ductus*, aliquando cum præcedentibus emittunt.

Parotides retro aures locatæ *saliales Stenonis ductus* sub cute descendentes, ad labii superioris confinium, prope tertium dentem molarem manifesto osculo exhibent.

Alios
saliuæ

faliuæ fontes adiunxit *NVCKIVS* in canibus obseruatos, glandulas scilicet in orbita oculi & proximis gingiuæ ductibus exoneratas. Innumeræ tandem palati remanent *glandula* sitæ sub cute palatum cingente, & densiori intus agmine vnitæ, quorum oscula in palati compressione fiunt patentiora.

Vuula
quid?

His iungenda videtur *vuula*, quæ passim *gargareon*, aut *columella* vocatur, *caruncula* scilicet illa *rubicunda*, *longiuscula*, *sensim desinens in oris cavitatem supra laryngis rimam*, ligamentis membranaceis suspensa pendens, pituitaria obducta membrana, externo internoque musculo mobilis, quo humoris fluxus in deglutitione cibariorum & aer transiens velut occursum quodam refrænatur.

Saliuæ
vſus.

Ab enumeratis itaque glandulis tot veluti fontibus saliuæ humor lingua, faucibus masticationis & loquelæ continuato labore sitientibus areſcentibusque guttatim quasi potio stillans restringendæ siti, motibus linguæ, saporibus sentiendis, cibariis concoquendis deriuatur.

Caput Secundum.

De

Vſu & officio linguæ.

Lingua
gustus or-
ganum.

QUod ad linguæ vſus attinet, neminem latet, in ea gustus organum residere. Si clarissimi *BELLINI* experimentis insistamus, in iis reponitur papillis, quæ primum descriptæ, a forma *fungosa* & *primi generis* nuncupantur, quibus naturæ auctor de hominum conseruatione sollicitus duas alias papillarum species adiunxit, vt perfecta obiecti sapidæ perceptione melior gustus sensatio haberetur: hinc copiosa filamenta neruea alteram papillarum classem constituentia primis voluit adnata, vt incongrui obiecti applicatione & pressione cito facileque homines dolerent, qui inter cæteros animantes instructioribus epulis saturantur.

Has

Fig. 1




Fig. 2





Has denique circumdant vltimæ *pyramidales papilla*, cutaneis omnino similes & æquales, veluti qualitatum tactilium organa, & obiecti sapidi ante omnes exploratores primæ, vt nocua & incongrua quam citissime sine noxa repellerentur, tam enim multa ad vescendum, tam varia benignitas naturæ concessit, vt semper nouitate delectemur & copia.

Exercet præterea alia munera lingua; equidem nescio, ^{Vfus lin-} an vlli nostri corporis parti mirabilia ac plura officia ^{guæ.} auctor naturæ concesserit. Contritos & emollitos dentibus cibos colligit, & conglobatos vi deprimit, & per aesophagum transmittit ad stomachum. Bestias etiam potu adiuuat, producta enim cauataque lingua hauriunt aquam, eamque comprehensam linguae sinu (ne tarditate ac mora diffluat) ad palatum celeri mobilitate complodunt. Lingua denique vocem iam rudem motibus suis discernit, quam deinde sonis distinctis, ac pressis modulans in verba perfecta concinnat, in quo vno continentur omnia, quæ de huius organi præstantia magnifice prædicarentur: nam quemadmodum intelligentiæ dignitate propius ad beatas accedimus mentes, ita longius a brutis animantibus linguae beneficio recedimus.

Non tamen sola potest per se eloquendi munus implere, nisi acumen suum palato alliserit, vel offensione dentium, vel compressione labiorum fuerit adiuta: verosimili itaque sententia opinantur, stipatum aerem & rimula moderatum, quum occurfu faucium aliarumque partium fuerit illisus, sonum vocis exprimere: veluti in patentem cicutam labioque subiectam dimittimus aerem, & is cicuta concaua percussus ac reuolutus a fundo, dum descendente occurfu suo reddit, ad exitum nitens sonum gignit, & sursum resiliens per se ventus animatur.

Aperuit igitur viam voci diuina solertia ex illa fistula pulmonali, vt, dum aerem inspiratum emittimus, innumerabiles cantuum flexiones, sonorumque varios modos exprimeret,

& vibrata certis modis lingua vocis illius in offensum tenorem pulsibus suis in verba concideret.

Caput Tertium & Vltimum.

De Naribus.

AB organo gustus ad organum odoratus ascendamus, nempe ad nares: non autem odoribus tantum præfedit natura nares, sed insimul etiam, vt inspirationi & respirationi inseruirent: indecorum enim homini fuisset, hiantes semper ore incedere, &, si per os tantummodo aerem in se suscipere debuisset, loquela & varia illa vocis modulatio vel interrupta, vel impedita fuisset: hinc naturæ auctor duas quasi tubas semper patulas in medio faciei construxit, *nares* nempe, per quas semper nullo pene labore aer libere commearet, quæ idcirco sic nominantur, quia per eas odor & aer nare non desinunt: quarum historiam breuissimis absoluiam verbis.

Nasus in solis hominibus eminens in medio vultus ad speciem & dignitatem locatus, vt commodius aerem & ascendentes odorum halitus facilius exciperet, quem Deus tam mirabili, quam diuina ratione molitus est, vt vultus elegantiam augeret, intus pariete per medium ducto intersepsit, atque in duas nares diuisit, fecitque ipsum hac duplicitate pulcherrimum.

Cavitates
narium,
illarum
usus.

Vtraque narium pars in duas partes aut cavitates diuiditur, quarum singulæ fursum singillatim odoriferis particulis viam sternunt: tendit maior altera ad palatum & coeuntes respirationi aeris famulantur.

Nasi dorsum,
orbiculus, alæ.

Pars nasi eminentior per longitudinem excurrens *dorsum*, acuminata *spina*, extrema circumferentia *orbiculus*, partes vero laterales *alæ*, siue *pinna*, nominantur.

Nasus

Nasus pluribus integratur partibus, cute nempe tenuis- ^{Nasi sub-}
fima, membrana adiposa, musculis, ossibus, cartilaginibus, tu- ^{stantia.}
nicis & vasis.

Pars superior apice incepta vsque ad medium solida est, scilicet osse firmata; inferior autem cartilaginibus adhæret mollibus (de quorum numero multum certarunt *RVSCHII* & *VERHEYENIUS*) ita, vt ad vsum digitorum possit esse tractabilis & aeri & odoribus obsequeretur.

Quatuor idcirco exiguorum musculorum paribus natura ^{Musculi}
donauit, ex quibus duo pandunt, alterum a fronte acuto car- ^{nasi.}
nosque exortum principio nasi spinæ alæque implantatur, alterum inferius ab osse orbitæ oculi ortum in nasi pinnam ac labium superius definit: reliqua duo musculorum paria constringunt, quorum primum veluti naribus sphincter circumductum ab osse maxillæ originem trahere videtur, alterum vero ab extremitate ossis nasi ortum pinnarum lateribus terminatur.

In vtraque nare superius os quoddam reperitur contor- ^{Os spon-}
tum, tenue, porosum, ac leue, *spongiosum* vulgo dictum, quod ^{giosum.}
sub paruo spatio nasi superficies pro faciliori odoratu multiplicatur: huic adhæret tenuis ac papillosa caro plurimis referta fibris, a processibus mamillaribus deriuatis, hanc obducit membrana variis foraminulis peruia, innumeris vasis sanguineis, quandoque papillis, plurimisque donata glandulis, quæ humorem pro partium humectatione emittunt, qui mora & subtilium partium auolatu facescit in mucum, quo odorum particulas pro meliori sensu arbitror irretiri, hinc *mucosa membrana* nomen accepit. Huic tenuissimam aliam la- ^{Membrana}
tentem *RVSCHII* adiunxit, quam, periostii continuatio- ^{mucosa.}
nem esse, arbitratus est.

Ad nares quoque spectare videntur *pituitarii ductus*, e ca- ^{Ductus pi-}
uitatibus frontalibus, sphenoidibus & maxillaribus in nasi ^{tuitarii,}
cavitatem producti. *Sebacea* præterea *glandula* plures in alis præfer-

Vibrissæ. præsertim exstant, itemque *pili* intus nascuntur plures, *vibrissæ* communiter, accepta a *VESTO* appellatione, dicuntur, quod vi euulsi caput vibrent. Arterias habet nasus ab extremo ramo carotidum, venas vero transmittit iugularibus.

Nervi olfactorii. Nervos proprios obtinet olfactorios, qui a capite antèrius verius os cribrosum protendunt, cuncta ossis foramina distinctis traiciuntur filamentis in membranam narium terminatis. Alios præterea nervos mouentes accipit nasus a pari quinto deriuatos.

Vfus nazium. Ad vltimam denique huius partis descriptionem transeamus ipsiusque explicemus officium. Nasum itaque & aeris respirationi & odoris perceptioni dicatum norunt; in qua vero parte olfactus sensorium consistat, veteres acriter certarunt, recentiores vero vnanimi pene sententia membranam, quæ subuestit nares, agnoscunt.

Olfactus sensorium. Odores, olfactus obiectum, sulphureæ potissimum particulæ constituunt; quum vero de his non tantummodo in medicorum institutionibus, sed & philosophorum libris sufficienter tractetur, hinc superuacaneum esse iudicaui, ea iterum hic attingere, sed curiosum lectorem ad hos auctores perlustrandos remitto.

En! Lector Beneuole! paucis his foliis *supremam hominis regionem* breuiter quidem concinnatam, sed clare tamen descriptam summo tibi offero benefaciendi animo, hoc vnum rogans, vt bene perpendas ipsius animæ sedem primariam, ex qua, vti in regione naturali, actiones naturales, in vitali, vitales, sic etiam facile percipies & ipsas actiones supremas, animales; in hac enim anima veluti in throno sedens omnes spiritus omnesque actiones, vt ipsa spiritus, discernit, intuetur, imo ex hac totum gubernat corpus, per directionem supremi spiritus; sit igitur & ille, qui spiritus veritatis dicitur, huius regionis animalis, prouti spiritus sanctus

FINIS.

DEMON.

DEMONSTRATIONVM ANATOMICARVM LIBER QVARTVS.

DE

OSTEOLOGIA. DEMONSTRATIO VLTIMA.

Caput Primum

DE

Ossium descriptione generica.

Perscrutauimus hucusque omnes totius humani corporis partes, conspeximus omnium partium minutissimarum structuram earumque regularem configurationem, partis cum parte connexionem & denique illarum vsum: hæc quidem omnia pro possibili eneruauimus; Sed si admirabilem corporis humani fabricam rite conspicerem velimus, omnia a me allata, omniaque descripta, omnia, vt vt eneruata, quasi nihil sunt: difficile est enim oculorum admirabilem structuram, elegantem aurium fabricam, stupendam linguæ elegantiam, perpetuum cordis motum, continuam pulmonum ventilationem, vt præteream alia, ita

Pp

describere

describere , vt nihil adhuc vltcrius addi possit. Talis enim vtique est harum partium subtilitas , vt , si earum examen continuo institueretur , semper tamen quid noui dicendum inueniremus : rerum enim omnium conditor , in vniuerso hominis corpore sapientiam potestatemque suam mirabili partium opificio ac varietate ostensurus non solum partes interiores ita dispositas voluit , sed & minutissimum muscolum tam eleganti elaborauit ordine , vt perscrutanti stuporem mentis ingeneret laudemque adaugeat creatoris. Et profecto tanta est harum partium ordinatio , transfiguratio , tanta subtilitas , tanta elegantia , vt discernere difficile sit , num sit potius vtilitatis , an vero decoris argumentum.

Quum multa sint & munera pulchritudinis & specie præclara , & efficacitate mirifica , & genere maxima , & numero infinita , & ipsa commemoratione iucundissima , quæ in homine admirabilem conditoris Dei sapientiam , potestatemque loquuntur ac prædicant , nihil tamen tam admirabilius perpenditur , quam animalis motus , qui tam musculorum , tam ossium machinamento perficitur.

Ossa itaque primum delegit , in quibus suæ potentiæ vestigium fortius expressit , & expressum post cæterarum partium corruptionem in summam omnium admirationem determinate expresseque voluit , vt remanerent , quo operis elegantiam plenius declararent , in quibus certe iudicare difficile est , vtrumne species , an vero vtilitas maior sit.

Hæc ossa diuinus Architector prima totius corporis veluti fundamenta posuit , quæ humanæ fabricationis robur & firmamenta forent , nodata & inuicem mirabili artificio coniuncta ligamentis firmavit atque constrinxit , vt homo , si excurrere , aut resistere vellet , eorum ministerio vteretur ,
&

Color ossium albus ferme communis est quoad exter-
nam suam superficiem , quæ albedo semper magis patet , si
bene & accurate detrahatur membranula illa ossa immediate
succingens , quæ *periostium* dicitur. Facies vero media seu
interna magis ad colorem vergit subrurum. Circa colorem
subrubrum hoc quoque prænotare debemus , quod non
omnia ossa talem colorem in æquali possideant gradu : quo
enim ossa magis sunt rubicunda , eo etiam maiorem habent
duritiem , hinc non tantummodo fracturis , sed aliis quo-
que indispositionibus , vti esset in vlceribus , cariei etiam
magis sunt obnoxia : Si autem alius obseruetur in osse color
præter album & subrubrum , tunc os in statu præternaturali
positum esse , existimandum.

Os est sensu expers
cur hoc?

De colore ad sensum accedamus: descripsimus os, quod sit sensu expers, & reuera nullus in osse sensus. Sensus priuationis ratio videtur in hoc consistere, quod primo in osse deficient nerui, vel saltem non tam profundi implantantur: vbi enim deficient, vel minus implantantur nerui quam in aliis corporis partibus, ibi quoque minor percipitur sensus, & vice versa; dein ipsa ossis durities est sensus impedimentum; obseruamus denique, quod ossa sine vlla molestia vrantur & siccentur. Illa vero tristis sensatio, quæ percipitur in dolore dentium, non denti, qua tali, id est, ossi, sed membranæ dentem succingenti & neruulis minima dentium foraminula ingredientibus adscribenda est. Constat præterea experientia, in ossium fractura, quod dolor tam diu perduret, quam diu os extra suum situm naturalem est positum, facta dein extensione & osse in situ naturali posito, statim, vt ita dicam, tristis illa sensatio deficit, vt vt os fractum adhuc remaneat. Si ergo dolor vel sensus ossi esset coniunctus, tunc non posset dari ratio, cur os actualiter fractum non doleat: concludendum ergo, quod dolor in fracturis ossium membranæ os inuestienti, vel nimium extensæ, vel quocunque modo irritatæ, aut etiam dilaceratæ adscribendus sit.

Ossa sunt
caua, quæ
cauitas repleta est
medulla.
Eius Substantia & vsus.

Ossa in intima eorum parte *caua* sunt, quæ cauitas *medulla* repletur, de qua inferius agemus: & hæc est *materia quadam vinctuosa, nec nimium liquida, nec nimium dura, magis tamen ad liquiditatem vergit.* Hæc ossi data est a prouida natura, vt cauitatem repleat, & (quod magis est) vt ossa il-
liniat, ne propter ariditatem, qua sua natura gaudent, diffringantur.

Differentia ossium.

Pro diuersitate operationum diuersimode etiam natura distinxit ossa; differunt igitur quoad magnitudinem, figuram, substantiam, seu duritiem, situm, connexionem

&

& vsum : hæc vero omnia fusius tradentur in capitibus subsequentibus.

Vsus ossium generalis est pro diuersitate partis & ipse ^{vsus ossi-} diuersus. Primus itaque & generalis est, stabilire & totum ^{um gene-} corpus firmare : habentur etenim ossa in corpore tanquam ^{ralis.} ædificii cuiusdam fundamenta, quam ob rem vt liber habeatur motus, suppeditant musculis terminum connexionis. Secundo habentur præterea ossa tanquam propugnacula partium internarum, vt eas ab iniuriis externis defendant, vti sunt, cranium, costæ &c. Tertio alia ossa sunt destinata ad cibos comminuendos, nempe dentes, qui etiam ad loquelam melius proferendam multum contribuunt, imo sine dentibus difficulter profertur loquela, & denique quarto inseruiunt etiam ad aerem modificandum in auditu & ad odores suscipiendos in naribus ; hæcque officia fusius tradentur, vbi singilatim de ossibus habebitur sermo.

Caput Secundum.

De

Cartilagine.

DAta hac ossium generali descriptione ordo postulat, vt & de ea agamus parte, quæ ossi non multum dissimilis est, nempe de cartilagine. Posset itaque cartilago recte definiri cum VERHEYENIO, quod sit *pars ossi-* Cartilago *bus amula, alba, flexilis & lubrica, quæ frequenter, imo vix* quid? *non semper, ossium adhæret extremis ; non autem omnes rema-* nent

nent cartilaginee, sed multæ tractu temporis in os degenerant, prouti naturæ cursus requirit: hinc magis inveniuntur cartilaginee, in neonatis, quam in adultis: quare observamus, quod quandoque nascatur infans capite oblongo & figuræ præternaturalis, & tum ob eorum teneritatem, & mirabilem flexibilitatem facillimo modo in ordinem naturalem ossa reduci possunt: tunc temporis enim necdum firmitatem perfectam adepti sunt, quod etiam notandum, si nascantur infantes cruribus & tibiis incurvatis, tum, modo statim post natiuitates fiat debita & naturalis extensio debitaque deligatio, sine omni difficultate ad naturæ leges iterum reducuntur; si vero ista extensio per aliquod temporis intervallum protrohatur, tunc omnia frustra adhibentur remedia, quia ossa prius tenera continuo magis firmanentur, indurescunt & perfectam ossis consistentiam acquirunt. Ex hoc facile eruimus, quod ossa in neonatis nondum suam habeant consistentiam, quam os per se & qua tale sumptum requirit.

Dolor
ventriculi
gravius
a cartilagi-
ne mucro-
nata in os
degenerante.

Dantur præterea cartilaginee, quæ continuo in suo statu permanere deberent, interim tamen præter naturæ leges in os degenerant, quæ etiam molestiam corpori & œconomiae naturali inducunt, vti esset cartilago mucronata: si enim hæc osseam acquirat consistentiam, tunc conqueruntur tales de continua ventriculi pressione, & de dolore quodam grauitivo, sed obtuso, & ratio est, quia cartilago mucronata, quæ alias motui dedita est, ob præternaturalem suam consistentiam motui cedere non potest, hinc motus etiam ventriculi suo modo inhibetur, hinc etiam fit, vt, adhibitis quibuscunque dein medicamentis tam internis quam externis, nullum persentiant leuamen. Tali quoque pacto ipsa aspera arteria quandoque præter naturam in os degenerat.

Carti-

Cartilago æque ac os est sensu expers ob easdem rationes, quas iam de ossibus indigitauimus, vel si sensum habent, vix ille erit perceptibilis, quæ tamen sensatio membranis potius ibi adiacentibus adscribenda erit, vti bene declarat *VERHEYENIUS* contra *PLEMPIUM*, qui sensationem attribuit cartilaginibus ciliaribus, vti & iis, quæ non immediate adhærent ossibus.

Cartilago
est sensu
expers.

Vsus cartilaginum varius est pro distinctione & varietate cartilaginis: sic illa, quæ ossi adhæret, motum faciliat, ad quem finem prouida natura omnem cartilagine[m] ossi adhærentem humiditate quadam, lubricitate & aliquali molitie ditauit: si enim hac in parte defecisset, nullus subsequutus esset motus, dura enim & sicca, prouti sunt ossa, difficilior, imo difficillime iuxta se posita mouentur inuicem. Hinc natura ad motum facilitandum ossi substantiam quandam ossi analogam, vel medium inter os & ligamentum posuit. Vt autem motus ope cartilaginum faciliteretur, eas humore quodam blande vinctuoso obliniuit, qui ex vicinis vasculis sensim sine sensu exstillat.

Vsus car-
tilaginum
diuersus.

Cur hu-
more ob-
liniantur?

Illæ vero cartilagine[s], quæ ossi non adhærent, pro diuersitate partis, cui adiacent, diuerso etiam funguntur officio. Inter has aliæ tubulos constituunt, aeremque modificant, vti habemus in aspera arteria & bronchiis; aliæ deinceps cavitates occludunt, vel obdurant, vti obseruamus in epiglottide, hæc enim claudit rimam laryngis, dum cibus ad oesophagum transit; aliæ denique alias stabiliunt, muniunt & firman[t] partes, vti sunt cartilagine[s] costarum, vel internodia illa, quæ posita sunt inter costas & sternum; hæc autem cartilagine[s] ad hunc quoque finem datæ sunt, vt musculos intercostales firment & in suo debito retineant situ.

Caput

Caput Tertium.

De

Ossibus in specie.

DEclarata ossium & cartilaginum natura, differentia & usu, ordo postulat, ut totum ossium systema, hinc denuo totum resolutum hominem quoad primum suum fundamentum componamus & integrum sistamus. Hoc autem perficere sine ossium structura nullo modo possumus: quare ad ossa dinumeranda a capite ad plantam pedis usque nos accingimus.

Vt autem præprimis intentionem meam beneuolus resciat lector, cur ego tali modo descriptionem sceleti tradam, est, quum nimis longum esset ossa describere tali modo, ut passim anatomici consueuerunt; secundo quum sufficiens sit, tam quoad praxin medicam, quam quoad chirurgicam, quantitatem ossium eorumque nomina rescire, hinc talis a me incepta descriptio ad hos actus elicendos sufficiens videatur, tali & ordine pro hic & nunc, ut ossa facilius memoriæ mandentur, tibi Lector beneuole! ante oculos pono, præseruans mihi occasionem in opere maiori, ubi de fracturis & luxationibus agam, secundum longum & latum anatomicorum more ea proponendi & exactius describendi. Quare sequitur

Ossium

Offium descriptio & numerus

siue

De sceleto & in specie

De

Offibus capitis.

Offium
tabula.

Sexaginta sunt ossa capitis: octo nempe cranii.

1. *os anticum frontale*, siue *coronale*,
2. *sincipitis* siue *superiora*, *lateralia*, *parietalia*.
1. *posticum occipitis*.
2. *parietalia*, quorum pars superior dicitur *squamo-*
sa, inferior *petrosa*.

Singula hæc ossa habent *duas apophyses*, nempe *mamillarem*, & *stiloidem* & *vnâ cauitatem*. Interius *vnâ apophysin*, & *vnâ cauitatem* membrana tympani munitam, qua etiam ossa *auditus* includuntur.

1. *sphenoides*, *cuneiforme*, siue *os palati*, vel *basilare*, in basi caluariæ situm, cuius processus *sellam equinam* constituunt.

1. *ethmoides* cum *processu cristato* & *vomere*.

Quatuor sunt prædicti *sphenoidis processus*, siue *apophyses*, qui *alares*, vel *pterygoidei* dicuntur. Sinus inter alares est sedes glandulæ pituitariæ, & ex prædictis sinu & processibus construitur *Sella Turcica*.

Nouem sunt *suturae*; 5. propriæ & 4. communes.

Propriæ { *coronalis*, os frontis
& { *lamdoidalis*, os occipitis
veræ. { *sagittalis*, ossa sincipitis. } diuidens.

Propriæ & { 2. *squamosa* ossa temporum cum sincipite con-
falsæ { nectentes.

Qq

Com-

Communes { *transuersalis*
ethmoidalis
sphenoidalis
zygomatice

Foramina propria, communia.

In recenter natis *fossula pulsatilis* inter os frontis & sincipitis existit.

Sex sunt *ossa auditus*.

2. *mallei*

2. *incudes*, seu tympani

2. *stapedes*

Viginti septem sunt *ossa mandibule superioris*.

2. *mala*, *iugalia*, *zygomatice*

2. *ungularia*, seu *lachrymalia*

2. *nasi*, seu *cribrose* perforata ad transitum neruorum olfactoriorum.

16. *dentes*, ex iis 4. *incisores*. 2. *canini*, siue *oculares*, &

10. *molares*, siue *maxillares*, quorum vltimus ex vtraque parte dicitur *dens sapientie*.

2. *palati*

1. *vomer*, siue *septum nasi*.

Vnde viginti sunt *ossa mandibule inferioris*, quæ 4. processibus munitur, 2. internis & 2. externis.

16. *dentes*

2. eiusdem mandibulæ, quæ in adultis in vnicum os transeunt.

1. *hyeides*, *ypsiloides*, *bicorne*, *linguale*, vel os gutturis.

Caput Quartum

De

Ossibus trunci.

Sexaginta septem sunt ossa trunci.

32. *vertebrae*, quarum 24. *vera* & 8. *falsa*, omnes foramine amplo & septem *processibus* praeditae, quorum quatuor sunt *obliqui*, 2. *transuersales* & 1. in parte postica *acutus*, qui vocatur *spina*, & hac caret prima vertebra, in caeteris vertebris colli *DIONYSIVS* vsque ad 9. *processus* enumerat.

7. sunt *vertebrae colli verae*, quarum *processus* transuersi, perforati sunt, ob transitum arteriarum cervicalium. Prima colli vertebra dicitur *atlas*, secunda *epistrophaeus*, tertia *axis*.

12. Sunt *vertebrae dorsi verae*,

5. - - - *lumborum verae*

3. - - - *ossis sacri falsa*

3. - - - *coccygis falsa*.

24. sunt *costae*; 14. *vera*, quae cartilaginibus sterno iunguntur, & 10. *falsa*.

3. sunt *ossa sterni* in mucronatam cartilaginem terminantia.

2. sunt *claviculae*.

6. sunt *ossa innominata*, nimirum

2. *ilia*

2. *ischia* siue *coxendicis* sinum, siue acetabulum femoris habentia

2. *pubis*.

Caput Quintum

De

Ossibus artuum.

Sexaginta duo sunt *ossa brachiorum & manuum.*

- 2. *scapulae*, vel *homoplatee* in *cervice* *humerum* exhibentes.
- 2. *humeri* cum *processibus trachearibus.*
- 2. *cubiti* siue *ulnae* cum *processu olecrano*, siue *anconae*
- 2. *radii.*
- 8. *anonyma carpi.*
- 8. *anonyma metacarpi.*
- 30. *phalanges digitorum.*

Sexaginta numerantur *ossa pedum.*

- 2. *femora* cum *capite globoso* & *duabus apophysibus trochanteres dictis.*
- 2. *rotulae.*
- 2. *tibiae*, quarum *processus inferiores malleolum internum* construunt.
- 2. *fibulae*, ex quarum *inferiori processu malleolus externus.*

Quatuor decim sunt *ossa tarsi.*

- 2. *astragali*, siue *tali*
- 2. *calcanea* siue *calces.*
- 2. *navicularia*
- 2. *cuboides*
- 6. *innominata cuneiformia.*

Decem sunt *ossa metatarsi*, singulis *digitis* respondentia.

Viginti octo sunt *ossa digitorum.*

Omnium

Omnia igitur totius scheleti ossium numerus reducitur ad 249. exceptis ossibus sesamoidalibus.

Ossium
numerus
vniuersa-
lis.

Caput sextum & ultimum.

ENeruata ossium enumeratione videndum est nobis, quomodo ossa inuicem connectantur, ut plena habeatur totius hominis structuræ descriptio. Scio equidem, quod auctores plura conscribant folia, quæ vnice ossium connexionem attingunt: quare superuacaneum esse iudicavi, clarissimos auctores hac in re imitari: quum enim talis descriptionis prolixitas magis confusionem, quam rei claritatem ostendat, hinc pro addiscentium commodo ossium connexionem in tabulam redigere conatus sum, ut ista, & eiusdem differentia, speciesque diuersæ plene & affatim (ut ita dicam) in memoria conseruentur & denique, ut lector beneuolus vno inspiciente oculo ossium connexionem apprehendere possit. Quare

De

Ossium connexione.

Connectuntur ossa vel ad maiorem firmitatem, vel ad meliorem motum.

Ossium
connexio.

Connexio ad firmitatem dicitur <i>syn-</i> <i>thesis</i> , quæ fit vel	cum medio & dicitur,	<i>synchondrosis</i> siue media cartilagine, vt clauiculæ, costae & ossa pubis.
	vel	<i>sutura</i> { vel vera & dentata vel falsa & squamosa <i>harmonia</i> , siue ossium contigua connexio.
	sine medio, vt:	<i>gomphosis</i> , siue conclauatio vt dentes.

Connexio ad melio- rem mo- tum diui- ditur in	<i>Synchondrosin</i> , siue articulationem strictam, quæ perfecta est in	<i>enarthrosi</i> , siue articulatione fir- ma & stricta, vt caput femoris cum acetabulo ischii.
	<i>Diarthrosin</i> , siue articulationem laxam, & sub- diuiditur in	<i>arthrodiam</i> , siue leuem articula- tionem, vt os occipitis, prima vertebra colli.
		<i>ginglymum</i> , siue mutuam arti- culationem, vt os cubiti cum humero.

Vtraque connexio, & ad
meliorem motum &
ad maiorem firmitatem
fiunt medio, vel

ligamento, & dicitur fieri per <i>synneu-</i> <i>rosin</i> :	vel
	carne, & fit per <i>syssarcosin</i> .

Ossa inuicem vniuntur mediante

Apophysi, siue processu, capite vel prominentia extremitatis ossis, quæ diuiditur in { *caput*, siue prominentiam aliquo modo rotundam
cervicem, siue partem capiti subiectam.
spinam, siue rostrum, processum nempe acuminatum.

Epiphysi, siue appendice: vt dum os altero maiori per simplicem contiguitatem adhæret, vt os calcanei cum tarso:

&
Cavitate, quæ diuiditur in { *Sinum* siue cauitatem non penetrantem
acetabulum, siue cauitatem penetrantem & profundam.



HÆc sunt, quæ pro tenuitate mea in primo meo partu quoad immensum anatomiae fundum dicere potui. Oporteret equidem, vt & de perioestio, quam etiam de ossium medulla aliquid attingerem, quum autem ista potius ad chirurgiam pertineant, hinc & ista duo capita dilucidanda mihi reseruauit tunc, quando chirurgiam anatomiae commixtam ante oculos ponam: quod breui temporis interuallo, fauente supremo Numine, complebo. Fruere interim hoc libro ad summum Dei ter optimi maximi honorem & gloriam, & utilitatem publicam. Quod si autem errores in eo reperieris, eos humanæ fragilitati adscri-

scribas, vellem; scias enim hunc primum esse partum; si autem boni quid in hoc reperieris, quo publico prodesse possis, non mihi, sed supremo dictatori, qui est Deus, honorem tribuas.

Ultimo denique tibi me sisto, immensa vnitas, prouti me in procæmio huius libri ante thronum tuum prouolutum subieci; in tui enim maximum honorem & gloriam ista conscripsi folia, obtuli tibi vnum hominem, tripartitum hominem, vni Deo, trino in personis, Tibi, qui te patrem dicis, regionem naturalem; Tibi, qui te vitam nominasti, regionem vitalem; Tibi denique, qui spiritus diceris veritatis, regionem consecraui animalem. Nil modò restat, quam vt & tibi, indiuisibilis Trinitas! oblatum faciam, sit ergo oblatum totus homo, compages nempe ossium, quæ vnico hoc creasti fine, vt per conseruationem istorum supremum tuæ potentiae declaretur argumentum. Quum etiam præterea hac in structura vnus, ac tripartitus comprehendatur homo, hinc tibi vni debetur Deo. Aspice ergo hoc meum tenue oblatum, & vna cum oblato incolumem serua ad totius prouinciæ Tyroleos vtilitatem huius libri fautorem & protectorem, cui liber inscriptus est, vti & almam prouinciam Tyrolensem. Conserua totum amplissimum Senatum Academicum, qui hisce meis lucubrationibus adesse non dedignatus est. Præsertim vero Augustissimum fundatorem almæ huius Vniuersitatis CAROLVM VI. felicissime regnantem. Dirige capita eorum secundum diuinum tuum beneplacitum, ad totius publici & præsertim reipublicæ litterariæ commodum & vtilitatem. Conserua denique omnes, qui me audierunt, auditores, præsertim vero saluberrimæ facultati addictos, vna cum huius Professoribus & directoribus publi-

publicis. Fac, vt per contemplationem hominis, qui hoc in opusculo descriptus & depictus repræsentatur, tuæ diuinæ Maiestatis essentiam (eo, quod hominem ad similitudinem tuam creare non dedignatus es) & infallibilem existentiam magis magisque semper comprehendant & in virtute fidei indefinenter roborentur. Si vero & ad manus illorum opusculum hoc transcurreret, qui forte te, summam Deitatem, non agnoscant, tu pro tua summa clementia dignare, oculos eorum nunc errorum caligine obductos ita dilucidare, vt in veritate conuicti exclamare debeant, quod tibi vnice debeatur honor, laus, gloria, & imperium, insuper etiam quod omnium rerum sis

A, sis ergo huius libri & Ω.



Parerga Medico - Chirurgico Legalia.

1.
Medicina æque, ac chirurgia ratione & experientia constans est ars scientifica.

2.
Speculatiua simul & practica.

3.
Chirurgiam diuidimus in scientificam & instrumentalem.

4.
Pro obiecto suo habet corpus humanum, quæ sanabile, medicina morbis internis; chirurgia vero externis vexatum.

5.
Ipsa vero sanitas consistit in debita tum solidarum, tum fluidarum & liquidarum partium conformatione, textura & motu.

6.
Hinc non datur sanitas, a partibus hisce memoratis rite se habentibus debiteque inter se vnitis atque contemperatis, ut ens realiter distinctum.

7.
Constat autem corpus humanum, ut omnia mixta perfecta, materia & forma.

8. Et

8.

Et hæc in homine est vera, absoluta substantia immaterialis anima nempe rationalis.

9.

Quæ a DEO infunditur tunc, quando organa, licet non omnia, sed principaliora, ita sunt disposita, vt animam rationalem recipere possint.

10.

Consequenter nulla determinata dies pro animæ infusione assignari potest.

11.

Hæc autem infusa pro sua sede primaria agnoscit caput.

12.

Vt vt mens hominis, testante *HIPPOCRATE*, resideat in sinistro cordis ventriculo.

13.

Materia autem considerata vt prima, iuxta plurimorum modernorum mentem, videtur suo modo completa, atque sub nomine minimorum corpusculorum comprehensa.

14.

Ex his etiam principiis corporis nostri partes tam solidæ, quam fluidæ, componuntur.

15.

Inter has vero primatum tenet sanguis in concreto sumptus.

16.

Partes autem hominis suo modo ruditer delineatæ sunt in ouulo.

17.

Sanguis vero in nullo viscere totius corporis formaliter efficitur: consequenter nullum viscus sanguificans admit-
timus.

18.

Ex peruersa vel quantitate, vel qualitate sanguinis, aut aliorum humorum, vti etiam ex mala partium solidarum con-
formatione, omnes enascuntur morbi.

19.

Inter quos & illos numeramus, qui impedimentum ad ma-
trimonium in se continent.

20.

Hinc iudex, siue ecclesiasticus, siue forensis, circa diuortia
sine medicorum consilio iudicare non potest.

21.

Vnde etiam iste ex se habita aliquali notitia de subiecto
quocunque modo affecto non potest tale subiectum applicare
torturæ sine medici consensu.

22.

Ad medicum quoque attinet, suum dare iudicium circa
qualitatem & gradum torturæ.

23.

Quod & supponimus in homicidiis.

24. Qua-

24.

Quapropter iudex debet etiam habere respectum ad iudicium medicum circa vulnerum letalitatem.

25.

Quam in duas diuidimus classes, nempe in letalitatem immediatam, vel principalem, & letalitatem mediatam secundariam, vel consecutiuam.

26.

De letalitate vero consecutiua homicida non tenetur de homicidio.

27.

Vulnera immediate letalia non æque omnia habentur letalia.

28.

Hinc vulnera meningum maiorem in se continent letalitatem, quam vulnera cordis.

29.

Ex hoc sequitur & bene dicitur, meninges esse principium neruorum.

30.

His enim diuersimode affectis diuersæ quoque morborum species emergunt.

31.

Et isti morbi dant impedimentum ad ordines sacros suscipiendos.

32.

Dantur affectiones, quæ immediate hominem a ieiunio absoluunt.

33.

Hinc concurrente consilio medico circa dispensationem ieiunii ecclesia tenetur huic adhærere.

34.

Quare ieiunium non potest redigi ad mensuram, sed ad constitutionem, temperamentum, anni tempus & ad regionem.

35.

Mulieres vtero gerentes & lactantes non tenentur ad ieiunium stricte sumptum.

36.

Primogenitura in gemellis non potest determinari in eum, qui primo nascitur, sed qui primo concipitur.

37.

Adeoque secundo natus pro primogenito erit reputandus.

38.

Ob certas rationes anatomicas partus etiam undecim mensium pro legitimo habendus.

39.

Defloratio in virgine signis externis manifeste cognosci non potest.

40. Hinc

40.

Hinc certas & infallibiles virginitatis notas reiicimus.

41.

Medicus vrgente necessitate, quod alio modo virginem a morbo chronico liberare non possit, pro vitæ conseruatione potest persuadere matrimonium.

42.

Mola potest generari in vtero, vt vt virgo, vel vidua non cognouerit virum.

43.

Venena ad tempus determinatum dari non possunt.

44.

Quæ varios etiam inducunt & causant morbos internos.

45.

Inter quæ & philtrea reponimus, quæ dari nullo modo negandum.

46.

Hæc vero vt plurimum infaniam inducunt, & quidem incurabilem.

47.

Inter hæc venena autem non tantummodo intelligimus arsenicalia, vel alia vario modo confecta, sed & ea, quæ per morsum cuiuscunque rabidi animalis corpori communicantur.

48. Signa

48.

Signa veneni habentur infallibilia.

49.

Vt vt diuersos etiam producant effectus : hinc ad specificam veneni qualitatem attendendum.

50.

Manet tamen, quod venena qualiacunque demum sint, vt vt correctæ, & qualicunque demum modo parata, tam interne, quam externe, tuto & secure, salua conscientia propinari non possint,



Index

INDEX RERVM ET AVCTORVM.

A	Bdomen est regio infima.	pag. 2.7
	Abdominis partes communes.	8
	propriae.	7
	Abortus indicia.	160
	Academiae Florentinae.	287
	Acetabulum.	311
	Acus & spinæ ore susceptæ cum vrina redditæ.	122
	Ad eum, vid. glandulae.	
	Aethiopum nigredo in corpore reticulari posita.	II. seq.
	Alæ nasi.	294
	pudendorum.	135
	Albinus.	79. 81
	Albuginea tunica.	125
	Allantoides reiiicitur in foetu humano.	147
	Amnios tunica.	147
	Amygdalæ.	291
	Anconaeus processus.	308
	Anguli oculorum. vid. canthi.	
	Animæ sedes est caput.	225
	primaria.	250
	Annularis digitus.	3
	Annulus ad ostium tympani in foetu.	280
	pro transitu processus peritonæi.	27
	Anthelix.	278
	Antitragus.	278
	Anus.	85
	Anus cerebri.	242
	Apophysis quid?	311
	mamillaris.	305
	stiloidea.	ibid.
	Appendiculæ pinguedinosæ intestinorum.	84
	Appendix vermiformis.	83
	Aquæductus Fallopianus.	284
	Aquapendente (ab)	9
	Arachnoides tunica.	230. 236
	Arantius.	287
	Areola quid?	116
	Aristoteles. 15. 20. 117. 124. 265. 269.	277. 286
	Arteriæ.	4. 193
	Arteriæ definitio.	5
	Arteriæ adiposæ.	200. 205
	aorta.	184. 194
	ascendens.	195.
	descendens.	195. 198.
	203	
	atrabiliarès.	200. 205
	axillares.	197. 203
	bronchialis.	198. 204
	carotides.	195. 196. 203
	cervicalis.	196. 203
	coeliaca.	199. 204
	coronariæ.	195. 203
	crurales.	201. 206
	Ss	
	Arte-	

Index Rerum & Auctorum.

Arteriæ cubitæ.	197	Arteriæ splenica.	199. 205
cystica.	107. 199. 204	subclaviæ.	196. 203
diaphragmaticæ.	197. 199. 203	succenturiatæ.	200. 205
duodena.	299. 204	furales.	202. 206
emulgentes.	200. 205	thoracica.	197. 203
epigastrica.	201. 206	thymica.	203
epiploica.	199. 204	tibiales.	202. 206
gastrica.	199. 204	vertebralis.	196. 203
gastro-epiploica.	ibid.	umbilicalis foetus.	149. 201.
hæmorrhoidales.	200. 201. 205		205
hepatica.	199. 204	Arteriarum origo.	194.
hypogastrica.	201. 205	structura.	182
iliaca.	ibid.	tabula generalis.	202. seqq.
intercostales.	196. 198. 200.	Arthrodia quid?	310
	204	Artus.	I. §08
lumbares inferiores.	201. 205	Ascitis causa.	64
superiores.	198	Asclepiades.	117
mammariæ externa.	197. 203.	Asellius.	91. 92
mammarum.	156	Aspera arteria in os degenerata.	302
mediastina.	196. 203	Astragalus.	308
mesenterica inferior.	200	Atlas.	307
meseraica.	200. 203	Auditorius meatus.	279
musculæ.	201. 202. 206	Auditus abolitio a nimia viscositate	
musculares colli.	196. 203	ceruminis dependet.	279
oesophagea.	198. 204	Auditus obiectum est sonus.	286
pancreatica.	199. 204	Auditus ossa.	306
phrenica.	ibid.	Auditus quomodo fiat.	287
popliteæ.	202. 206	Auicenna.	288
pudendæ.	201. 206	Aura seminalis.	131
pulmonalis.	184. 194	Auricula.	278
radiæ.	197. 204	Auriculæ cordis.	182
renales.	200. 205.	Auricularis digitus.	3
scapularis externa.	196. 203	Auris externa.	276. 278.
interna.	197. 203	Auris internæ descriptio.	280
spermatica.	200. 205	Auris officula.	281
spinalis.	196. 203	Aurium cavitates.	278
		numerus.	277
		Bag.	

Index Rerum & Auctorum.

B.

<i>Bagliuius.</i>	32. 112. 256. 259. 260
<i>Baldus (Camill.)</i>	17
Barba cur destiuantur pueri, eunuchi & sexus sequior?	15
Barbatæ feminæ.	16
<i>Bartolinus.</i>	38. 39. 40. 58. 96. 117. 121 122. 130. 175. 181. 185. 188. 189. 191 192. 197. 208. 215
<i>Bartolus.</i>	287. 288
<i>Bauhinus.</i>	9. 67. 84.
<i>Bellinus.</i>	117. 126.
<i>Bernoulli.</i>	29
<i>Beyerus.</i>	86
<i>Bianchus.</i>	85. 247
<i>Bidlov.</i>	13. 237. 241
Bilis vesicula.	104
Bilis viridis in hepate, nigricans in cy- stide.	107
Bilis principia.	112
secretio.	102
<i>Blanconus.</i>	288
<i>Blancardus.</i>	13
<i>Blancus.</i>	106. 107
<i>Bærhæave.</i>	112. 255
<i>Bohnius.</i>	107. 112
<i>Borellus.</i>	24. 29. 31. 178. 185. 187
<i>Boyleus.</i>	13. 89.
Brachium.	3
Brechma.	226
<i>Broune.</i>	34
<i>Brunnerus.</i>	86

C.

Calamus scriptorius cerebelli.	243
Calcaneus.	4. 308

Calces.	308
Canales sanguiferi.	234
semicirculares.	283
Canalis deferens.	127
osseus.	283
Canthi oculorum.	266
Capillata pars capitis.	226
Capitis diuisio.	225
partes externæ.	225. seqq.
Capsulæ atrabiliares.	121
Capsula Malpighii.	110
Caput est regio suprema.	2. 7
Caput musculi.	23
Caput ossis.	311
<i>Cardanus</i>	187
Caro quadrata.	48
Carpus.	3. 308
<i>Cartesius</i>	115. 243.
Cartilagines.	4. 301
Cartilagines cur humore obliniantur?	303
Cartilaginum vsus.	303
Cartilago mucronata in os degenerans doloris ventriculi causa.	302
Cartilago arytænoidea s. gutturifor- mis.	174
cricoides s. annularis.	ibid.
thyroidea s. scutalis.	ibid.
Carunculæ myrtiformes.	134
papillares renum.	118
Caruncula innominata.	266
lachrymalis.	267
urethræ.	129
<i>Casseri.</i>	121
Cataractæ sedes.	273
Cauda equina.	250
Cauda musculi.	23

Index Rerum & Auctorum.

Cauda musculi non est pars exsanguis.		Conaria glandula.	243
	23	Cochlea limacum.	182. 283
Cavitas antrofa.	280	Coctioni destinatae partes.	70
Cavitas media, vid. pectus.		Cœcum intestinum.	82. 83
Cavitas ossis.	311	Colbertus.	29
Cavitas suprema dicitur caput.	225	Colli descriptio.	2
Cavitates c. h. tres.	7	Colli vertebræ.	307
Cellulæ adiposæ.	64	Collum vesicæ.	120
Centrum ovale.	242	vteri.	139
Cerebellum.	230. 240. 244	Colon intestinum.	82. 84
Cerebri officium.	150. seqq.	Columnæ cordis.	181
Cerebri productio est medulla spina-		Columbus.	14
lis.	248	Conceptio quomodo fiat?	143
Cerebrum.	230. 240	Concha auris.	228
Cerebrum oblongatum.	248	Concoctio ciborum.	88
Cervix.	2	Concoctioni propriæ partes.	102
Cervix ossis quid?	311	Cor.	154. 179
Cervix vteri.	139	Cordis capsula.	188
Cerumen aurium.	279	motus.	185
<i>Chambre (de la)</i>	18	Cornua ossis hyoidis.	291
<i>Charletonus.</i>	66	Corpora acuta.	246
<i>Chefeldenus.</i>	91	cutis ovalia.	13
<i>Chirac.</i>	13	nerveo-spongiosa penis.	129
Chiromanthiæ artes.	18	oliuaria.	246
Chirotheca.	147	striata.	242
Chorda <i>Achillis.</i>	55	Corporis humani divisio generalis.	1
tympani.	280	Corpus callosum.	241
Chordæ medullares.	246	<i>Highmori.</i>	116
Chorion.	147	pampiniforme.	130
Chyli cisterna.	95	pyramidale.	131
Chylificatio.	88. seqq.	reticulare quid?	11
Chylo appropriatae partes.	90	est subiectum diuersitatis	
Cinerea cerebri substantia.	240	colorum.	ibid.
Circulus sanguinis.	179. 185	varicosum.	126
Cisterna chyli.	95	Corticalis substantia cerebri.	240
Claviculæ.	307	Costæ.	162. 307
Claustum virginale.	134	<i>Couperus.</i>	27. 39. 128. 130
Clitoris.	135		Cra-

Index Rerum & Auctorum.

Cranium.	230	Diuerficula Nuckii.	159
Cremaster musculus.	125	Doloris ventriculi causa est cartilago	
Crista.	147	mucronata in os degenerans.	302
Crura medullæ oblongatæ.	242	Dorsum.	2
Crus.	3	Dorsum manus.	3
Crusta villosa.	78.80	nasi.	294
Cubitus.]	3.308	Drackius.	91.195
Cuticula.	7. seqq. 154	Ductus auræ feminalis.	144
an vasis sanguiferis gaude-		biliarius.	82
at?	9	chyliferus.	93
duplici constat lamella.	9	communis.	106
est tegumentum commu-		cystico-hepaticus.	108
ne.	8	excretorius quid?	6
Cuticulæ substantia.	8	excretorii renum.	118
Cutis.	10. seqq. 154	glandularum.	98
est tegumentum commune.	8	lachrymalis.	267
est glandula omnium maxima.	12	hepatico-cysticus.	108
Cutis non perforatur sed introflecti-		hepaticus.	105
tur.	10	pancreaticus.	82
Cutis crassities inconstans.	10	Pequetianus.	93
papillæ.	11	pituitarii.	295
usus.	19	saliuales.	291
		thoracicus.	92.154
		Virfungianus.	111
		venosi.	109.234
D.		Duglasius.	27
Dardos membrana.	125	Duodenum intestinum.	82
Democritus.	276	Du Vernoy.	92.97
Dentes.	306		
Diaphragma.	42.154.161.168	E.	
Diarthrosis.	310	Efferuescentia tanquam causa motus	
Diaστοle.	185	musculorum exploditur.	29
Didymi.	125	Elytròides tunica.	125
Diemerbroeckius.	122	Enarthrosis.	310
Digitus manus & pedis.	3.4.308	Epicurus.	276
Diocles.	119	Epidermis.	8
Dionysius.	176.67		
		Ss 3	Epi-

Index Rerum & Auctorum.

<i>Epididymus.</i>	126
<i>Epiglottis.</i>	174
<i>Epiphyſis.</i>	311
<i>Epiplocele unde oriatur?</i>	61
<i>Epiploon. vid. omentum.</i>	
<i>Epiploon paruum.</i>	63
<i>Epistrophæus.</i>	307
<i>Eriſtratus</i>	92. 104. 117. 240. 258
<i>Eunuchi cur barba deſtituantur?</i>	15
<i>Euſtachiſ.</i>	91. 121
<i>Exſpiration quomodo fiat?</i>	177
<i>Extremitates superiores & inferiores.</i>	1

F.

<i>Fachius.</i>	133. 186
<i>Facies.</i>	2. 225
<i>Facultates veterum reſciuntur.</i>	99
<i>Fallopianus.</i>	28. 92. 117. 120. 135. 140. 149. 181
<i>Falx.</i>	233
<i>Fantonus.</i>	9. 11. 58. 72. 103. 120. 121. 125. 131. 139. 141. 144. 162. 176
<i>Farciminalis tunica. vid. allantois.</i>	
<i>Fascia lata.</i>	53
<i>Fascia renalis.</i>	116
<i>Femur.</i>	3. 308
<i>Fenestra ovalis.</i>	282. 284
<i> rotunda.</i>	ibid.
<i>Fermentatio non eſt cauſſa motus muſculorum.</i>	29
<i>Fermentorum ope num ſecretio fiat.</i>	99
<i>Fermentum in corde fruſtra quæſitum.</i>	188
<i>Fibra carnea.</i>	23

<i>Fibra funiculosa.</i>	21
<i>Fibræ.</i>	4. 5
<i>Fibræ offeæ.</i>	299
<i>Fibrilla motrix.</i>	23
<i>Fibula.</i>	303
<i>Fimbriæ tubarum.</i>	149
<i>Fiſſura magna pudendorum.</i>	133
<i>Fiſtulæ membranaceæ renum.</i>	118
<i>Fiſtula pulmonalis.</i>	174
<i>Flammula vitalis.</i>	186
<i>Floſculus virginæ pudoris.</i>	134
<i>Fœcundatio ouuli.</i>	143
<i>Fœtum inuoluentes membranæ.</i>	146
<i>Fœtus.</i>	143. ſeqq.
<i>Folius.</i>	92
<i>Foſſula pulſatilis.</i>	306
<i>Foramina diaphragmatis.</i>	169
<i>Foramina propria & communia.</i>	306
<i>Fornix cerebri.</i>	242
<i>Fouea auris innominata.</i>	278
<i>Frenulum linguæ.</i>	289
<i>Fricatrices feminæ.</i>	135
<i>Frons.</i>	2. 226
<i>Fundus veſicæ.</i>	120
<i>Fundus vteri.</i>	138
<i>Funiculus umbilicalis.</i>	146. 151

G.

<i>Galea quid?</i>	147
<i>Galenus.</i>	8. 9. 15. 17. 30. 117. 175. 249. 251. 286
<i>Gaſſendus.</i>	66. 115. 287
<i>Gargareon. vid. vuula.</i>	
<i>Gemelli. vid. didymi.</i>	
<i>Genæ.</i>	227
<i>Generationis partes.</i>	123
<i>Genes.</i>	

Index Rerum & Auctorum.

Generationis partes mulierum.	133	H.	
Ginglymus.	310	Harmonia.	310
Glandes, vid. glandulæ.		Hartæus.	185
Glandulæ.	6. 90. 98	Heisterus.	5. 14. 17. 22. 27. 34. 35.
Glandulæ arteriæ asperæ.	176		42. 46. 47. 49. 51. 57. 60. 62. 68. 71.
auris.	228. 279		74. 84. 86. 91. 108. 133. 147. 148.
Beyerianæ.	86		165. 167. 178. 192. 196. 198. 208.
clitoridis.	135		228. 229. 233. 237. 239. 249. 253.
composita.	99		273
Glandulæ conglobatæ & conglome-		Helix.	278
ratae.	99	Heluetius.	79
linguæ.	289	Hepar.	101. seqq.
magna.	91	non est naturalis facultatis se-	
maxillares.	291	des.	103
miliares.	12. 99	non officina sanguinis.	ibid.
palati.	292	Hepar vterinum.	148
parotides.	291	Hepaticus ductus.	105
pinealis.	242. 243	Hepatis ligamenta.	103
pituitaria.	242	substantia.	104
renales.	121	usus & officium.	112
sebaceæ.	295	Hermaphroditæ.	135
cutis.	13	Herniæ omentales vnde?	61
simplices.	99	Herniæ vnde?	59
vesiculares.	99	Herzuvassersucht.	193
vreterum.	119	Hessus.	112
vrethræ.	128	Highmorus.	126. 134
Glans.	129	Hippocrates.	8. 15. 55. 57. 61. 89. 92.
Glissonius.	9. 19. 97. 103. 104. 107		158. 159. 160. 169. 187. 241. 266.
Globuli Malpighii.	65	Hoffmannus.	253
Glossa, vid. lingua.		Homoplatae.	308
Glottis.	174	Horn (van)	215. 231
Gomphosis.	310	Hovius.	272
Graafius.	59. 127. 134. 146. 148	Humerus.	308
Gula.	7. 154	Humor amnios plus alimentitii, quam	
		excrementitii habet.	147
		Humores corp. hum.	4
		Humor.	

Index Rerum & Auctorum.

Humores oculi.	269. 272		
Humor pericardii.	191		
Hydatides cerebri.	242		
Hydrops pericardii.	193		
Hymen.	134		
Hyoides os.	291		
Hypochondria.	3		
I.			
Janitor ventriculi.	76		
Ieiunum intestinum.	82. 83		
Meon intestinum.	ibid.		
Impudicus digitus.	3		
Incus.	281. 282		
Index digitus.	3		
Indusium quid?	147		
Inflatio musculi est causa huius actio-			
nis.	31		
Infundibula renum.	118		
Infundibulum cerebri.	242		
Inguina.	3		
Inspiratio quomodo fiat?	176		
Internodia cartilaginea.	162		
Interstitium cellulosum mediasti-			
ni.	162		
Intestina.	70. seqq.		
crassa.	82. 83		
tenuia.	ibid.		
Iris.	271		
Iuga Santorini.	82		
Iugulum.	2		
Junckerus.	215. 216. 253. 258. 260		
K.			
Kerkringius.	80		
Kircherus.	287. 288.		
Kuchen (Mutter)	148		
		L.	
		Labia vulvæ.	133
		Labra.	227
		Labyrinthi vestibulum.	282
		Labyrinthus.	283
		Lac an vir generare possit?	157
		Lacerti.	22
		Lachrymalia puncta.	267
		Lacteorum vasorum initium.	81
		Lactiferi tubuli.	155
		Lactis generatio. 156. in viris.	157
		Lancisus.	18. 184. 243
		Langius.	122
		Lapsus Poupertii.	27
		Larynx.	174
		Latera quid?	2
		Laterales sinus.	233
		Laurentius.	9. 58. 122. 124. 134. 135
		Lentilius.	16. 159
		Leucippus.	276
		Leuwenhoekeus.	80. 133. 270.
		Lien.	108. seqq.
		Liene dempto cur bruta fiant alacrio-	
		ra.	113
		Lienis usus & officium.	112
		Ligamenta vteri lata & rotunda.	59.
			139
		Ligamentum.	4. 6
		ciliare.	271
		hepatis suspensorium.	217
		Poupertii.	27
		suspensorium.	103
		teres.	103
		transversale carpi.	49
		vesicae suspensorium.	151
		Lindenius.	141
			linea

Index Rerum & Auctorum.

Linea alba.	26	mate & stomacho in singultu &	
Lineæ manu um.	18	oscitatione.	164
Lingua.	288. seqq.	Mediastinum.	154. 162. 163
Liquor amnios plus alimentitii, quam		Mediastinum inflammatum mentitur	
excrementii habet.	147	pulmonum læsionem.	163
<i>Listerus.</i>	12	Medulla oblongata.	240. seqq.
<i>Littrius.</i>	11. 128	offium.	300
Lobuli omenti.	65	spinalis.	245. 248
Longitudinalis sinus.	233	Medullaris cerebri substantia.	240
<i>Louverus.</i>	67. 114	Membrana.	4. 5
Lumbi.	3	Membrana adiposa.	19
<i>Lusitanus.</i>	260	est tegumentum commune.	8
Lympha.	94. 95	Membranæ foetum inuoluentes.	146
Lymphatica vasa.	4		147
		linguæ.	289
		oculorum.	269
		Membrana mucosa.	295
		pituitaria.	291
		tympani.	280
		Membrum virile duplex.	128
		<i>Mengotus.</i>	287
		Meninges cerebri.	230
		Meninx tenuis.	238
		Mentum.	277
		<i>Merius.</i>	72. 106. 109. 128. 141. 149.
			177. 270
		Mesaraeon.	3
		Mesenterium.	90. seqq.
		Mesocolon.	3
		Metacarpus.	3. 308
		Metatarsus.	4. 308
		Metoscopiæ artes.	18
		Musculi definitio.	6. 22
		diuisio.	23. seq.
		operatio consistit in infla-	
		tionem.	31
		Musculi in genere.	21
		Musculi abdominis.	25
		T t	Muscu-
Malleoli.	4. 308		
Malleus auditus ossiculum.	281		
<i>Malpighius.</i>	9. 12. 20. 64. 81. 95. 97.		
	104. 117. 129. 137. 139. 148. 180.		
	281		
Mammæ.	2. 154		
Mandibulæ.	306		
<i>Mangetus.</i>	32		
Manica Hippocratis vocatur omen-			
tum.	61		
Manubrium mallei.	287		
Manus.	3		
<i>Marsonius.</i>	287		
Marfupia omenti.	65		
<i>Martialis.</i>	135		
Mater dura & pia.	230. 232. 238		
Matrix.	138		
Matula corporis. vid. vesica vrinaria.			
Meatus auditorius.	279		
cysticus.	106		
Meatus excretorii vreterum.	119		
Mediastini consensus cum diaphrag-			

Index Rerum & Auctorum.

Musculi abductores.	35	Musculi corrugatores.	34
abductor auricularis.	51	cranii.	228
digit. min.	57	cremasteres.	125
pollicis.	50	crico-arytænoidei.	175
adductor indicis.	51	circo-pharyngæi.	74
alares.	37	cricothyroidei.	175
amatorius.	269	crotaphites.	37
anconæus.	46	cruralis.	53
aniscalptor.	45	cubitæi.	48
antagonistæ.	24	cubiti.	46
antithenar.	50	cucullaris.	41
artuum superiorum.	44	diaphragmatis.	168
arytænoidei.	175	deltoides.	45
aurium.	278	depressores.	35
azygos pharyngis.	74	digastricus.	37
biceps.	46. 53	digitorum manus.	49
bicornis.	50	pedis.	56
biuenter.	37	dilatator pupillæ.	271
brachiales.	46	dorsales.	43
breues.	46. 56. 57	eluates.	35
buccinator.	35	elevator scapulæ.	41
canini.	36	erectores penis.	130
capitis.	34. seqq.	femoris.	52
carpi.	48	frontales.	34. 228
cephalo-pharyngæi.	74	gastrocnemii.	54
circulares oculi s. amatorii.	269	gemelli.	52. 54
clitoridis.	135	glutæi.	52
collaterales penis.	130	gracilis.	53
colli.	40	gulæ sphincter.	74
columnæ similes.	24	humeri.	44
complexus.	39	hyopharyngæi.	74
comprimentes vrethræ.	130	hyothyroidei.	175
congeneres.	24	hypothenar.	50
constrictor labiorum.	35	iliacus.	52
contrarii.	24	incisores.	36
coraco-brachialis s. coracoi-		infracostales.	43
deus.	45	infrascapularis.	45
		infraspinatus.	46

Muscu-

Index Rerum & Auctorum.

Musculi intercostales.	41. 161	Musculi peronæi.	54. 55
interossei.	50. 56	pharyngæi.	74
labiorum.	35	plantaris.	54
levator.	85	platysmamyoides.	37
costarum.	161	popliteus.	53
linguæ.	290	profundus.	49
liuidus.	52	pronatores.	47
longissimus dorsi.	43	psoas.	52
lumbricales.	49. 56	pterygoidæi.	37
mallei.	281	pterygo-pharyngæi.	74
mandibularis.	37	pyramidalis.	36. 52
manforius.	37	quadratus femoris.	52
manus.	47	labiorum.	36
masseter.	37	lumborum.	44
mastoideus.	38	manus.	47
maxillæ inferioris.	37	maxillæ.	37
membranofus.	53	radii.	47
milo-pharyngæus.	74	recti.	38. 39. 53
molitorius.	37	rhomboidales simplices.	24
myrtiformes.	36	rhomboides.	41
narium.	36	rotatores.	39
nasi.	295	rotundi.	45. 46. 47
oliqui.	39	sacrolumbi.	43. 161
obturatores.	53	salpingo-pharyngæi.	74
occipitales.	34. 228	sartorius.	53
oculorum.	267	scalenus.	40. 42
œsophageus.	74	scapulæ.	40
orbicularis.	35	semimembranofus.	53
ossis hyoidis.	291	seminervofus.	53
palmaris.	48	semispinosus.	44
palpebrarum.	35	ferrati.	41. 42. 43. 161
patientiæ.	41	solaris.	54
pectinæus.	52	sphincter.	35
pectorales.	41. 45. 161	spinalis.	40
pedis.	54	splenicus.	39
penis.	130	sterno-costales.	43
perforantes.	49. 56	sterno-thyroidæi.	175
perforati.	ibid.		

Index Rerum & Auctorum.

Musculi stilo-pharyngæi.	74	Motus animalis absoluitur musculis.	21
subclauii.	42. 161	Motus cordis.	185
subcutaneus.	37	Motus minister est musculus.	30
sublimis.	49	Motus musculorum horumq; opera-	
superciliorum depressores.	34	tio.	28. seqq.
supercostales.	42	Motus animalis & naturalis.	30. 32
supinadores.	47	Morgagnius.	10. 12. 13. 14. 27. 59.
suspensores.	125	64. 76. 77. 84. 92. 103. 117. 118. 119.	
brutorum.	269	128. 137. 155. 161. 175. 176. 234.	
supraspinatus.	45	235. 247	
surales.	54	Mulierum partes generationis.	133
temporalis.	37	seqq.	
teres maior.	45	Munichius.	9. 122. 131. 161. 181
minor.	46	Mutter-Kuchen.	148
thenar.	50. 57	N.	
thoracis.	41. 154. 161	Nares.	288. seqq. 294. seqq.
thyro-arytænoides.	175	Nasus.	227. 294. seqq.
thyro-cricoidei.	175	Nates.	3
thyro-pharyngæi.	74	Nates cerebri.	243
tibiæ.	53. seq.	Nauiculare os.	308
transuersi.	27	Nervi.	4. 240. 245.
transuersalis.	57	ad secretionem conferunt.	
trapezius.	41		100
triangulares.	36. 45. 161	Nervi auditorii.	248. 262
triangularis sterni.	43	gustatorii.	247. 262
triceps.	52	intercostales.	ibid.
tubæ Eustachianæ.	283	linguæ motorii.	248. 263
vastus externus & internus.	53	oculi motorii.	247. 262
urethræ dilatatores.	130	olfactorii.	246. 261. 296
urinae detrusor.	120	optici.	247. 261
zygomaticus.	35	pathetici.	247. 262
Musculorum actio.	22	recurrentes.	261
denominationes variæ.	24	vagi.	248. 263
etymologia.	22	vertebrales.	249. 263. 264
motus & operatio.	28.	visorii.	247. 261
seqq.		Nervorum diuisio.	246
Monticulus Veneris.	133	numerus.	261
		Ner-	

Index Rerum & Auctorum.

Nervorum paria.	246. 261	Ossa cribrosa.	306
principium & cauitas.	252.	cuboides.	308
substantia.	253. seqq.	cuneiformia.	305. 308
tabula generalis.	261	digitorum.	308
Niuea tunica.	125	frontale.	305
Nuckius.	59. 95. 101. 120. 171. 177.	gutturis.	306
	272. 291	hyoides.	306
Nymphæ.	135	ilium.	307
		innominata.	307
		ischia.	307
		iugalia.	306
		lachrymalia.	306
		linguale.	306
		malæ.	306
		mandibularum.	306
		manuum.	308
		metacarpi.	308
		metatarsi.	308
		nasi.	306
		nauculare.	308
		occipitis.	305
		orbiculare.	281. 282
		palati.	305. 306
		parietalia.	305
		pedum.	308
		petrosa.	305
		pubis.	307
		sacrum.	307
		sesamoidea.	50
		sphenoides.	305
		spongiosa.	295
		squamosa.	105
		sterni.	307
		tarsi.	308
		trunci.	307
		ungularia.	306
		ypsiloides.	306
		zygomatica.	306
			Offa
			T t 3

Index Rerum & Auctorum.

Ossa totius corporis sunt fundamenta.	298	Partes corporis humani contentæ & continentes.	4. 17
Officula auris.	281	duræ & molles.	4
Ossis caput quid?	311	similares & dissimilares.	4. seqq.
ceruix.	ibid.	solidæ & fluuidæ.	4
spina.	ibid.	Parastata.	126
Ossium connexio.	309	<i>Pascoli.</i>	68
Ossium descriptio generica.	297. seqq.	Pectus dicitur cavitas s. regio media.	153. 263
Ossium descriptio & numerus.	305. seqq.	Pedunculi cerebelli.	245
differentia.	300	<i>Peierus.</i>	77
usus.	301	Peluis.	3
status præternaturalis ex colore dignoscitur.	299	Peluis cerebri.	242
substantia.	299	renum.	118
Osteologia.	297. seqq.	Penis.	3
Ostia vestibuli.	284	eius musculi.	130
Ouaria.	140	<i>Pequetus.</i>	93
Oui ductus.	140	Pericardii humor.	191
Ouula.	141	Pericardium.	154. 179. 188
Ouuli fœcundatio.	143	Pericranium.	228
		Periostium.	229. 299
P.		Peritonæi duplicatura.	58
<i>Pachionus.</i>	236	processus.	ibid.
Palpebræ.	266	Peritonaecum.	57. seqq.
Panniculus carnosus non datur in homine.	8	Pes extremus.	3
Pancreas.	110	Porus biliaris.	105
Pancreas <i>Asellii.</i>	91	Phalanges digitorum.	308
Pancreas secundarium.	86	Pharyngis musculi.	74
Pancreatis usus & officium.	112	Pharynx initium œsophagi.	73
Papillæ cutis.	11	Phrenitis cur dicatur inflammatio meningum.	169
fungosæ linguæ.	290	Pili eorumq; ortus.	13
mammarum.	156	narium.	296
pyramidales.	293	congeniti & postgeniti.	14
vocantur villi.	81	Pilorum radicatio & usus.	14. seqq.
Parerga medico-chirurgico-legalia.	314	<i>Pineus.</i>	134
		Pinguedinis origo.	66
		usus	

Index Rerum & Auctorum.

Pinquedinis vsus & propagatio.	20.68	Pueri cur barba sint destituti.	15
Pinguedo.	19	Pulmones.	154.171. seqq.
Pinnæ nasi.	294	Pulsus.	185. seq.
<i>Pitcarnius.</i>	12. 100.	Puncta lachrymalia.	267
Placenta vteri.	146. 148	Pupilla.	271
Planta pedis.	4	Pylorus.	76
<i>Plato.</i>	276	<i>Pythagoras.</i>	276
<i>Plempius.</i>	303		
Pleura.	154. 163. 165	R.	
Plexus choroidalis.	232. 242	Radius.	308
diaphragmaticus.	169	Rami hepatici.	212
Plicæ aurium.	278	<i>Raus.</i>	125
ventriculi.	77	Receptaculum chyli.	93
Plica Polonica morbus.	14	Receptaculum humidi excrementitii.	
<i>Plinius.</i>	90. 288	vid. vesica urinaria.	
<i>Plutarchus.</i>	122. 154	Rectum intestinum.	82. 85
Pollex.	3	Regio animalis.	225
Pons cerebri.	245	epigastrica.	2. 3
Pori cutis.	13	hypogastrica.	3
Porta cur dicatur.	215	iliaca.	3
Præputium clitoridis.	135	vitalis.	153
Præfagia ex lineis manuum num vale-		umbilicalis.	2
ant?	18	Regiones trunci tres.	2
Processus alares.	305	Regionis mediæ partes.	2
ciliares.	271	supremæ partes.	2
manubrii mallei.	281	Renales glandulæ.	121
medullæ oblongatæ.	242	Renes.	115. seqq.
papillares.	246	Renes succenturiati.	121
pterygoidei.	205	Renum membranæ.	116
vermiformes.	244	Renum structura.	117
vertebrarum.	307	Renunculi.	121
Prostata glandula.	127	Respirationi inservientes partes	171. seqq.
Prostatarum corpus mulierum.	136	Respirationis organa.	161
Protuberantia annularis.	245	Rete siue reticulum, vid. omentum.	
Pterygoidei processus.	305	Reticulum Malpighii.	81
Pubis.	3	Retina.	271
Pudendæ partes mulierum.	133	<i>Rhe.</i>	

Index Rerum & Auctorum.

<i>Rhedius.</i>	106. 180. 186	Secretio bilis.	102
<i>Rhodius.</i>	128	Secretionis modus.	99. 100
Rima pudendorum.	134	Sella equina.	305
Rimula.	174	Turcica.	305
<i>Riolanus.</i>	47. 122	Seminales vesiculæ.	127
<i>Rosen Ader.</i>	214	Seminalis liquor mulierum.	137
<i>Rotfinckius.</i>	92	Seminis generatio.	131
Rotula.	308	<i>Seneca.</i>	70
Rugæ vaginæ.	137	Septum cordis.	180
ventriculi.	77	Septum diuisorium.	125
<i>Ruyfchius.</i>	9. 10. 12. 14. 23. 72. 79. 80.	lucidum.	242
91. 101. 106. 117. 129. 138. 146. 148.		nasi.	306
170. 198. 235. 236. 238. 241. 270.		transuersum, vid. diaphragma.	
272. 295		Serum ichorosum est lac in virginibus	
		secretum.	160
S.		<i>Seuerinus.</i>	66
Saeculi omenti.	65	Sexus sequior cur barba destituatur?	15
Sacculus iugularis.	210		2. 226
Sagittalis sinus.	233	Sinciput.	31
<i>Sanctorius.</i>	12	Sinus quid?	
Sanguinis circulus.	179. 185	duræ matris quatuor maiores.	233
Sanguinis crusta in pleuriticis vnde?	97	Sonus est obiectum auditus.	285
Sanguis.	4	Sonus vnde?	286
Saliua.	291	Spadones sunt deformes.	133
Saliuæ vfus.	292	Sphincter gulæ.	74
Saliuales ductus.	291	vesicæ.	120
<i>Sanctorius.</i>	74. 82. 256. 260	<i>Spigelinus.</i>	24. 62. 76. 122
Scala tympani.	284	Spina dorsi.	307
vestibuli.	284	nasi.	294
Scapha.	278	offis.	311
Scapulæ.	308	Spiritus.	4
Sceleton.	305. seqq.	Spirituum animalium origo.	251
<i>Schelhammerus.</i>	17	<i>Stahlius.</i>	113. 216
Scrobiculus cordis.	2	Stamina prima.	23
Scrotum.	125	Stapes.	281. seqq.
		<i>Stenonius.</i>	12. 29. 45
		Steri-	

Index Rerum & Auctorum.

Sterilitatis causa omentum.	62	Thalami neruorum optitorum.	242
Sternum.	154. 162. 307	Thoracem constituentes partes.	153
Stomachus.	76	Thorax est regio f. cauitas media.	2. 7.
Sturmius.	31. 275		153
Sudor unde proueniat?	12	Thymus.	167
Supercilia.	266	Thyroidea cartilago.	174
Suræ.	4	Tibia.	4. 308
Suspiria unde?	189	Tonsillæ.	291
Suturæ.	310	Torcular.	233
communes & propriæ.	305	Trachea.	174
coronalis.	305	Tragus.	273
ethmoidalis.	306	Trochlea cartilago.	268
lambdoidea.	305	Trunci corporis humani diuisio.	1. 2
sagittalis.	305	Trunci ossa.	307
sphénoidalis.	305	Tubæ Eustachiana.	281. 283. 287
squamosæ.	305	Fallopiana.	140
transuersalis.	306	Tubuli lactiferi.	155
zygomatice.	306	Tullius.	265
Sylvius.	122. 133. 282	Tunica amphilestroides.	271
Synchondrosis.	310	arachnoidea.	230. 236
Synneurosis.	310	vaginalis.	59. 125
Synthesis.	310	Tunicæ definitio.	5
Syffarcosis.	310	Tunicæ intestinorum.	79
Systole.	185	oculorum.	270
		ventriculi.	77
		Tympani membrana.	280
		Tympanitidis causa.	63
		V.	
		Vagina Glissonii.	104
		Vaginalis tunica.	125
		Vagina vteri.	137
		Valsalua.	13. 73. 74. 84. 184. 271.
			277
		Valuula coli.	84
		ductus chylieri.	93
		magna cerebri.	243
		Uu	Val-

Index Rerum & Auctorum.

Valuula semilunaris.	84	Venæ axillares.	211. 218
ventriculi.	76	azygos.	183. 209. 218
Valuulae coniuventes.	80. 83	basilica.	211. 219
mitrales.	184	brachiales.	220
semilunares.	85. 184. 194	bronchialis.	209. 219.
sigmoideæ.	184	caua.	208
tricuspidales.	184. 194. 209	cephalica.	211. 214. 219. 222
vasorum excretoriorum glandularum miliarium.	12	manus.	211. 220
veniarum.	183	ceruicales.	211. 218
Varolius.	85. 91. 245	coronariæ.	87. 209. 218
Varro.	177	ventriculi.	223
Vasa adiposa.	66	crurales.	213. 222
breuia.	217. 223	cysticæ.	217. 223
cordis propria.	181	diaphragmaticæ.	209. 212
lactea.	90. seqq.	219. 220	
lymphatica.	4. 9. 95.	duodena.	217. 223
in hydropicorum hepate		emulgentes.	212. 210
gypsea materia turgida.	97	epigastricæ.	213. 221
mammarum excretoria.	156	epiploicæ.	217. 223
præparantia.	130	frontalis.	210
sanguifera.	172	gastricæ.	217. 223
spermatica.	130	gastroepiploicæ.	ibid.
mulierum.	141	gemellæ.	107
umbilicalia.	149	hæmorrhoidalis externa.	213.
uterina ad lactis generationem concurrunt.	159	221	
Vas breue.	87	interna.	217.
deferens muliebre.	141	223	
excretorium glandularum.	98	hepaticæ.	212. 220
Vasorum lacteorum & lymphaticorum definitio.	6	hypogastrica.	213. 221
Venæ.	207	iliacæ.	213. 221
adiposæ.	212. 220	inguinales.	213. 221
arteriosæ.	215. 218	intercostales.	209. 211. 219
atrabillares.	212. 220	intestinales.	217
		ischia.	214. 222
		iugulares.	210. 219
		lienaris.	217
		lumbares inferiores.	213. 221
		Venæ	

Index Rerum & Auctorum.

Venæ lumbares superiores.	211. 220	Venæ portæ distributio.	215. seq.
mammariæ.	211. 219	radices, truncus & rami.	216. seqq.
mediana.	211. 220	tabula.	222
mediastina.	209. 219	Venarum principium.	207
mesentericæ.	217. 223	structura.	183
musculæ.	210. 211. 213. 219.	tabula generalis.	218. seqq.
	221	Vena umbilicalis in ligamentum mu-	
œsophagea <i>Heisteri</i> .	209. 219	tata.	103
omentales.	217	Veneologia.	207
pancreatica.	17. 223	Venter musculi.	23
phrenicæ.	212	Ventres corporis humani tres.	7
pneumonica.	209	Ventriculi cerebri.	241
poplitea.	214. 222	cordis.	180
portæ.	104	Ventriculi doloris causa est cartilago	
pudendæ.	213. 121	mucronata in os degenerans.	302
pulmonalis.	104. 208	Ventriculi fundus.	76
pyloricæ.	223	orificia.	ibid.
raninæ.	210	Ventriculorum cerebri vsus.	251
renales vid. emulgentes.		Ventriculus.	75. seqq.
sacræ.	213. 211.	<i>Vercellonius</i> .	72
saluatella.	212. 220	<i>Verduchius</i> .	107
saphæna.	213. 212	<i>Verheyenius</i> .	13. 28. 42. 43. 46. 49.
scapulares.	211. 219		59. 71. 71. 72. 80. 91. 107. 118.
spermaticæ.	212. 221		146. 148. 155. 175. 176. 191. 200.
splenicæ.	211. 217. 223		210. 219. 237. 253. 258. 263. 295.
subclaviæ.	209. 218		299. 301. 303.
sublinguales.	210	Vertebræ.	154. 307
suralis.	214. 222	Vertex.	2. 26.
temporalis.	210	<i>Vesalius</i> .	61. 92. 117
thoracicæ.	211	Vesica multiplex obseruata.	119
vertebrales.	218	Vesica vrinaria.	115. seqq.
umbilicalis.	149. 217. 223	Vesicula bilis.	104. 106
Venæ definitio.	5	Vesiculæ seminales.	127
Venæ cauæ diuisio.	208. 212	<i>Veslingius</i> .	47. 192
Venæ cauæ ascendantis distributio.	212	Vestibulum.	282. seq.
descendentis tabula.	218	<i>Vestus</i> .	296

Index Rerum & Auctorum.

IN.

INDEX TABULARVM.

Bibliopegis pro notitia.

Viginti sex tabulæ ad librum primum pertinent, hæque omnes quoad paginas sunt dinumeratæ, vti inferius patebit. Ad secundum librum sex; ad tertium vero reliquæ, quæ exstant, tabulæ inferendæ sunt.

Pro maiori vero notitia sequitur hic paginarum numerus.

Libri primi

Tabula I. & Tabula II. ad pag. 4. & 5.

Tabula III. ad p. 20.

Tabula IV. ad p. 28.

Tabula V. VI. VII. VIII. IX. X. XI.

XII. ad p. 56.

Tabula XIII. ad p. 60.

Tabula XIV. ad p. 70.

Tabula XV. ad p. 88. Tabula XVI.

XVII. XVIII. ad eandem p. 88.

Tabula XIX. ad p. 92.

Tabula XX. ad pag. 108. vti & Tabu-

la XXI. ad p. 108.

Tabula XXII. ad p. 112.

Tabula XXIII. ad p. 122.

Tabula XXIV. ad p. 132.

Tabula XXV. ad p. 142.

Tabula XXVI. ad p. 151.

Libri secundi

Tabula I. ad pag. 156.

Tabula II. ad p. 170.

Tabula III. ad p. 173.

Tabula IV. ad p. 178.

Tabula V. ad p. 188.

Tabula VI. ad p. 224.

Libri tertii

Tabula I. ad pag. 238.

Tabula II. ad p. 244.

Tabula III. ad p. 250.

Tabula IV. p. 264.

Tabula V. ad p. 268.

Tabula VI. ad p. 274.

Tabula VII. ad p. 279.

Tabula VIII. ad 284.

Tabula IX. ad p. 288.

Tabula X. ad p. 288.

Tabula XI. ad p. 288.

Tabula XII. ad p. 288.

Tabula XIII. ad p. 293.

Errata principaliora, quæ præter mentem & ob absentiam Auctoris
irreperunt, sequentia Lector beneuolus corriget.

Pag. 9. lin. 13. loco Paschalum, lege Pascolum.

12. lin. 23. loco spario, lege spatio.

16. lin. 1. loco leues, lege laues.

19. lin. 6. loco potentia, lege patentia.

20. lin. 28. loco eleuentur, eleuantur.

22. lin. 24. loco masculi, lege masculi.

23. lin. 5. loco tenuissimum, lege tenuissimum.

25. lin. 26. loco lateres, lege latere.

26. lin. 21. loco illis veluti thecam constituyente, lege illi veluti thecam constituentes.

28. lin. 10. loco dissentionem, lege dissensionem.

28. & 29. erratum fuit in numero paginarum.

29. lin. 4. loco Bernoullii, lege Bernoluii.

34. lin. 22. loco Brovne, lege Borvne.

~~ead. lin. 25. loco est lege &~~

~~40. lin. 10. loco dendine acuta lege & deinde dendine acuta.~~

~~42. lin. 17. loco adnumeranti, lege adnumerandi.~~

~~46. lin. 7. loco habet, lege habet.~~

~~48. lin. 11. loco post, lege &~~

77. lin. 12. loco fuerint, lege fuerunt.

78. lin. 20. loco brevissimi, lege breuissime.

79. lin. 1. loco incongrui, lege incongrue.

81. lin. 26. loco prohibantque, lege prohibentque.

91. lin. 1. loco donec, lege quia.

ead. lin. 5. loco peritonæum, lege peritonæi.

ead. lin. 25. loco pluros, lege plures.

93. lin. 14. loco dequestianus, lege Pequetianus.

95. lin. 10. loco redantur, turgidiora, lege turgidiora reddantur.

100. lin. 28. loco maiore, lege maiori.

104. lin. 4. loco exoperans, lege exuberans.

ead. lin. 13. loco conglomeratorum, lege conglomeratarum.

105. loco cholidocha, lege choledocha.

108. lin. 14. loco namque, lege nam qua.

ead. lin. 19. loco quo, lege qua.

109. lin. 20. post *inventas*, lege &

114. lin. 1. loco autapsia, lege autopsia.

116. lin. 10. loco vasculo, lege phaseolo.

122. lin. 27. loco & abdominis, lege in abdominis.

124. lin. 23. loco castas, cautas, lege castos, cautos.

126. lin. 21. loco epipidymus, lege epididymus.

132. lin. 1. loco anthropologia, lege anthropologia.

133. lin. 5. loco Fachius, lege Tachius.

142. lin. 4. loco explicantur, lege explicantur.

Pag. 144. lin. 18. loco fallopianos, lege Fallopiana.
 154. lin. 1. loco pinguendo, lege pinguedo.
 166. lin. 2. loco thoraccius, lege thoracicus.
 174. lin. 21. loco larynz, lege larynx.
 178. lin. 2. loco Fantonem, lege Fantonum.
 eed. lin. 5. loco rectius, ne, lege rectiusne.
 184. lin. 8. loco Winsloovius, lege Winslous.
 185. lin. 10. loco reliquierunt, lege reliquit.
 186. lin. 13. loco coaptari, lege coaptari.
 ead. lin. 29. loco Fachii, lege Fachii.
 187. lin. 11. loco animale, lege animali.
 196. lin. 22. & 28. loco dirimuntur, lege diramantur.
 198. lin. 1. lin. 19. & 27. loco dirimatio, lege diramatio.
 204. lin. 17. loco seu Coeliaca, phrenica, lege seu phrenica, & Coeliaca.
 207. lin. 24. loco musculoa, lege musculosa.
 211. lin. ult. loco dirimitur, lege diramatur.
 213. lin. 29. loco dirimuntur, lege diramantur.
 228. lin. 26. loco Bordneus, lege Worbneus.
 ead. lin. ead. post. *in sua Myologia notat.* omissum est, quod ab initio ponatur: Diximus, quod
 mediantibus musculis frontalibus supercilia attollantur, hinc natura semper provida alios
 ad ea deprimenda substituit musculos, & quidem in vna parte vnum, qui depressor, aut su-
 perciliorum corrugator nuncupatur, sed de his alio loco.
 230. lin. 14. post *his* omissum est *iuxta aliquos*.
 236. lin. 13. loco vbi enim, lege vbi etiam.
 238. lin. 21. loco potentiores, lege patetiores.
 239. lin. 11. loco vna, lege tota.
 241. lin. 1. post *uti* & loco alii, lege Bergerus ac Vieussenius.
 ead. lin. 3. loco alius in sua Physiologia, lege secundus in sua physiologia.
 ead. lin. ead. loco alius vero, lege Vieussenius vero.
 243. lin. 2. loco perforamina, lege per cuneiformina.
 244. lin. 8. loco indulgentiis, lege indigentis.
 ead. lin. 18. loco ambo, lege ambæ.
 248. lin. 3. loco & medulla, lege e medulla.
 ead. lin. 5. loco Prilero, lege Ridleo.
 ead. lin. 12. loco vt pluribus, & omittatur.
 ead. lin. 24. loco egressum, lege ex ossium.
 268. lin. 7. & seqq. vbi sermo de tunicis oculorum loco carnea, lege cornea.
 eod. lin. 8. loco D. Dellega, lege Del' Aia.
 eod. lin. 25. loco quæ, lege quam.
 eod. lin. 29. loco humorum, lege humorem.
 275. lin. 20. loco radioram, lege radiorum.
 276. lin. 8. loco oculos, lege oculus.
 276. lin. 29. loco Aescio, lege Nescio.
 277. lin. 5. loco voluit, lege noluerit.
 278. lin. 10. loco recte, lege rectæ.

Pag. ead. lin. 12. loco anthelix, lege antihelix.

291. lin. 31. loco stenonis, lege stenonii.

295. lin. 10. loco superficies, lege superficiei.

299. lin. 23. loco subrurum, lege subrubrum.

302. lin. 15. loco grautivo, lege grauativo.

306. post. ad transitum nervorum olfactoriorum omisum est: 2. maxillaria.

ead. loco unde viginti, lege nouendecim.

ead. post 2. internis lege coropa; & post 2. externis, lege cardiloides.

